

უაზახო სხობა

ნუკაძის
კვლევები

ციციხელ ჩხაიძე

ნაკრძლი

ნათქვამები

თბილისი
2024

კუძღენი ზემს წინაბრებს,
კლბიტე და ანტონ ზარულაკებსა

და

ნინა და მანასე მხაიკებს,
მარტლის გზის მანათობლებს.

რედაქტორი: რევაზ მიშველაძე

© ციცილო ჩხაიძე, 2024

ISBN 978-9941-8-7214-3



ძარცოსულობის ნიბლი

საქართველოს მწერალთა კავშირის წევრის ციცინო ჩხაიძის ამ წიგნს, ძიების კვალი ეტყობა.

ძიება აქ ორი სახის გახლავთ: ფორმის, ანუ ჟანრის ძიება და ორიგინალური სათქმელის ძიება, ანუ იმ რაკურსით მისვლა მკითხველთან, დღემდე სხვა რომ არ მისულა.

ორივე ცდა წარმატებით დასრულდა.

ავტორმა შეძლო, ჩვენს თანამედროვეობაში იმ გზების პოვნა, გაუკვალავს რომ ვეძახით ხოლმე და მთელი პასუხისმგებლობით ვაცხადებ, რომ ციცინო ჩხაიძე კაზმული სიტყვის მრავალნაცადი ოსტატია და ათასი „იზმით“ გადაღლილი მკითხველი ამ წიგნს ახლო თაროზე დაიდებს, რადგანაც ენდობა მის ავტორს.

ნდობა კი, ლიტერატურული გამარჯვების საწინდარია.

ძვირფასო მკითხველო,

წიგნი, რომელიც წინ გიდევს, ქალბატონი ციცინოს ორი-სამი წლის შემოქმედებითი მოსავალია.

იგი ორი ნაწილისგან შედგება: პირველ განყოფილებაში („ნაბუხრალი“) ლექსებს იხილავთ, მეორე განყოფილებაში („წერტილი დასასრულია“) – პროზას.

ციცინო ჩხაიძე – პოეტი, ცხოვრების პერიპეტიებში ჩაღრმავებული ანალიტიკოსია, მისი ლირიული ხედვა თანამედროვეობის ურთულეს ხვეულებში პოეტური ლამპრით წვდომაა, თანაც ტრადიციული ლექსით, ნატიფი, ტრადიციული პოეტური ფორმით გადმოსცემს სათქმელს.



ლაკონურობაა მისი ლექსის უმთავრესი ნიშანი.

ნახეთ, რა მოკლედ, პოეტური სისხარტით ხატავს იგი წუთი-სოფლის სვლის მითაჟამურ სურათს:

„გარდაცვალა ბავშვობა,
და... „ნამეხარი“ სახლიც,
ჟამთაღმრიცხველი კერიაც,
სტუმრისთვის ღია კარიც.

ბილიკები და გზა-შარა,
სხვადასხვა ზომის ტერფებით
ნაფეხური და ნაფლავი,
წლებმა წარეცხა, წაშალა;
გორაკს შემორჩა საფლავი“.

(„გარდაცვალებათა სერია“).

შემოქმედებით სიახლედ მიმაჩნია პოეზიის განყოფილების-თვის, თანდართული ე.წ. „მაქსიმები“, რომელთაც ავტორი „სა-გულისხმო პარალელებს“ არქმევს. ისინი გულისყურიანი მკითხველისთვის განკუთვნილი, აფორიზმული მომხიბვლელობით გულისა და გონების საბრდოა.

მაგალითად,
„სიკვდილი ძალზე იოლია,
სიცოცხლე – ძნელზე ძნელი.

•

მეგობრის დაკარგვა იოლია,
მეგობრის შექენა – ძნელი.



- სახლის დანგრევა იოლია,
აშენებაა ძნელი.
- თაფლის მირთმევა იოლია,
ფუტკრის შრომაა ძნელი.
- ბნელეთში ნათობდე იოლია,
ნათელში ნათობდე – ძნელი“ .

★

წიგნის მეორე განყოფილებას, „პროზა“ პირობითად დავარქვი.

ეს არ არის პროზა ტრადიციული გაგებით, უფრო მხატვრული ჩანახატებია, თუ გნებავთ, ფილოსოფიური ეტიუდები, ყოველდღიურობაზე დაკვირვების შედეგად მიღებული შთაბეჭდილებებია, ავტორი ასე უშურველად და შეულამაზებლად რომ აწვდის მკითხველს.

ამ ჩანაწერებს, შედარებით ზუსტად, თვით ავტორი ახასიათებს: „... სკოლიდან მოყოლებული, მათემატიკასთან – ზუსტ და ლაკონურ მეცნიერებასთან ერთად მოვდივარ გადაჭლობილ მდგომარეობაში; ამიტომ ძალიან უბრალოდ, ლაკონურად ვაბროვნებ და ასევე ვწერ. ჩემი ნაწერები გაჯერებულია ყოველდღიური სასაუბრო თუ სამეტყველო სიტყვათა კონით და დიალექტით. ვცდილობ, დიდი სათქმელი ერთ წინადადებაში ჩავატიო.



გლობალურ სამყაროში არ ვგრძნობ თავს. ამიტომაც, ვწერ ჩემი ფიზიკური ყოფითობის არეალის შესაბამისად, თვალით დახსულიდან და გულით შეგრძნობილიდან გამომდინარე“. („აბროვნების სპექტრი“).

ციცინო ჩხაიძის ეტიუდებში ნათლად იგრძნობა თანამედროვეობის მაჯისცემა.

სულიერი მღელვარების გარეშე ვერ წავიკითხე მერცხლებზე დაწერილი ჩანახატი („მისაბაძი პატრიოტები“), რომელშიც მწერალი სამშობლოდან გაქცეულ თანამემამულეებს მაგალითად უსახავს ამ პატარა „პატრიოტი“ ფრინველის ჩვევას, შორეთიდან კვლავ თავის ბუდეს დაუბრუნდეს.

ზოგი ჩანახატი, აშკარად, „შეკუმშული“ ნოველებია გულში საფიქრალს რომ გიტოვებს და სამუდამოდ გამახსოვრდება.

მაგალითად:

„... გამახსენდა ჩემი ბავშვობის სოფელში მეზობლად მცხოვრები მოხუცი ცოლ-ქმარი, ლიზა და ისაკი, რომლებიც დაბალ ბოძებზე შემდგარ, მოგრძოაივნიან, ცისფრად შეღებილ, ხის პატარა სახლში ცხოვრობდნენ. ისინი ყველგან ერთად იყვნენ: ან აივანზე ისხდნენ, ან ეზოში ფუსფუსებდნენ, ან ჭიშკართან დგებოდნენ მომლოდინე თვალებით. როდესაც გარეთ არ ჩანდნენ, სავარაუდოდ, სახლში იყვნენ, საჭმლის მომზადების ფუსფუსში, ან კიდევ ისვენებდნენ.

მათი ხმამაღალი გადალაპარაკება ან უდიერად მიმართვა, არ გამოივია.

უკვე ღრმად მოხუცებიც, ერთად წვებოდნენ თურმე თავშექცევით, ბაფხულში სიცხეს რომ არ შეეწუხებინათ და ზამთარში ფეხებს უთბობდნენ ერთმანეთს.



მართლაც, მაკრატელივით პირშეკრულნი და ერთსულნი იყვნენ ისინი.

ერთ ზამთარსაც, ლიზა ბებოს ფეხებში მწოლარე ისაკი ბაბუ, ღამის ძილში გაიპარა.

მალე ლიზა ბებოც მიჰყვა და... ჭიშკარზე დადებული ბოქლომი დიდხანს ინახავდა უმწიკვლო, შეუბღალავი, დიდი სიყვარულით მოარულ ერთსულთა ნამოსახლარსა და ნაფეხურაღს, მათი ერთგული სიყვარულის ხსოვნას“. („როგორც მაკრატელი“).

რით არ არის ეს, სწორედ რომ „შეკუმშული“ ნოველა, ოსტატი მხატვრის მიერ თითო, მაგრამ მკვიდრი ფერით დადებული მომცრო ტილოზე.

მინიატურული ჩანაწერებიდან განსაკუთრებით ერთი დამამახსოვრდა:

„მაგნიტი, მხოლოდ რკინას იზიდავს, გაპრიალებულსაც, დაჟანგულსაც, ჯართსაც, მაგრამ არასოდეს ძვირფას ლითონებს.

სწორედ, მაგნიტია თავხედობაში გადასული, ზედმეტად თამამი ადამიანიც, რომელიც ბრბოს იზიდავს, იკრებს და ისინიც ეტმასნებიან.

ჭკვიანი ინტელიგენტი „მაგნიტს“ ვერ შეეკვრება, განზე დგას.

„მაგნიტი“ ბრბოს იზიდავს“. („ბრბოს მმართველი“).

რა საინტერესო, სიმბოლური მინიშნებაა თანამედროვე საზოგადოების ერთ, ეპიდემიასავით მოდებულ სენზე, ყალბქარიზმატული პოლიტიკური პიროვნების გაფეთქებითა და გაუცნობიერებელი ფეხისაყოლით რომ გამოხატავენ ხოლმე.



ძვირფასო მკითხველო,
ბოლომდე ჩაყევი ამ წიგნს,

ჩაყევი და როცა ჩაამთავრებ, დარწმუნდები, რომ ჩვენს
ზოგჯერ საიმედო და ზოგჯერ უიმედო ყოფაზე, რა ღრმად, ორიგ-
ინალურად, ფილოსოფიურად ჩაფიქრებულ მწერალთან შეგახ-
ვედრა განგებამ ციცინო ჩხაიძის სახით.

ბოგაზ მიშველაძე
საქართველოს სახალხო მწერალი
რუსთაველის პრემიის ლაურეატი
საქართველოს მწერალთა კავშირის თანათავმჯდომარე



მაღლიერი ავტორისგან

ჩემი პირველი პროზაული კრებული, „ანბანური ინტეგრალე-ბი“, შიშნარევი კრძალვით რომ გავაცანი საქართველოს ღვაწლ-მოსილ, ღირსეულ მწერალთა გუნდის მცირე ნაწილს, ბევრი სა-ქეხარი სიტყვით გამამხნევეს, მაგრამ, მწვავე ქარცეცხლში გატა-რება-გაძლებებზე მზადმყოფს რაღაც რომ დამაკლდა, ჩემი წიგნი შესაფასებლად, ძალზე მორიდებულად მივაწოდე, მწვავე და მართალი სიტყვის პირდაპირობის დიდოსტატს, ბატონ რევამ მიშველაძეს სიტყვებით: თქვენი აზრი ჩემთვის მნიშვნელოვანია, ილუზიაში რომ არ ვიცხოვრო-მეთქი.

მეორე დღეს, მისგან საქებარ შეფასებებს შორის ჩამამახ-სოვრდა შემდეგი ფრაზა: „მაღლობა ამ წიგნის ჩუქებისთვის, იგი ჩემი წიგნების თაროს დაამშვენებს“, რაც ჩემთვის საპატიო ჯილდოც და პასუხისმგებლობაც იყო.

მას შემდეგ, რაც წინამდებარე მეოთხე წიგნის, „ნაკემსი ნაფ-ლეთების“ რედაქტორობაზე თანხმობა განმიცხადა და მასალაც დავუტოვე, ჩემი თავი „თავხედობაში დავადანაშაულე“ და მშვი-დი ძილი წამერთვა.

ქედს ვიხრი, ბატონ რევამ მიშველაძის საქმისადმი უზარმა-ზარი პასუხისმგებლობისა და ადამიანური ღირსების წინაშე, რად-გან ვიგრძენი, მართლაცდა ჩემი „ნაკემსი ნაფლეთები“, მარ-ცვალ-მარცვალ ჩაიკითხა და კარგის სათქმელის გასამყარებ-ლად, ხელმოსაჭიდი „ნაფლეთებიც“ აღმოაჩინა და ხაზგასმით გააჟღერა, რომ მე, თანამედროვე მწერლობაში ახალი მიმარ-



თულების მაძიებელი, არ ვგავარ სხვას, რაც, კიდევ უფრო დიდ პასუხისმგებლობას მაკისრებს და უფალს შევეთხოვ, ამ შეფასების ღირსეულად ტარება შემადღებინოს.



**მიწიერმა, უმოწყალოდ რომ გადამიარა,
უფალმა, გულუხვად, მის მადლს მაზიარა.**

16.03.2023 წელი.

თბილისი.

**ხელცარიელსა სტუმარსა,
უხვადაც რომ მიმასპინძლეს,
- რას ვუტოვებ წუთისოფელს?
- კარგ შთამომავალს!..
- ჩემს წიგნებს!..**

18.07.2018 წელი.

თბილისი.

ლ ე ე ს ე ბ ი

ნაბუნალი



გულწრთელი მუჯის ნაჩოტჩოლატი



მზის სხივად მოვევლინები

შთამომავლობას
ანდერძისეულის მაგვარი

როს გაღმარეთში სამარადისოდ ვიცხოვრებ მეც,
ბავშვობის ღელეს, თქეში რომ წაარეცხინებს ქვეებს,
როცა ხმაურით ჩაურბენს ჩემს ნაფეხურალ გზებს,
წყურვილს რომ მოუკლავს სხვეებს და დააბანიებს ხელს,
გაბაფხული რომ შეფოთლავს, ააშრიალებს ტყეს,
რომ დაამშვენებს და მოჩითავს კორდებსა და მთებს,
როცა მშრომელ კაცს გულს გაუხსნის, დააიმედებს მზეც,
ნაზამთრალ მოხუცებულებს, როცა გაუთბობს ძვლებს;
ჩაურბენს, ჩაუკისკისებს, ჩაეხუტება სხვეებს;
მომძებნის, რომ ვერ მიპოვნის მის მოთაყვანეს, ვერ,
მოიწყენს, ღრუბელს მოუხმობს, დაესესება ცრემლს;

•

მზიანი წვიმა ჩაკვალავს ჩემს სასახლისკენ გზებს;
თანდათან მიწად მოაქცევს გადაგვარებულ ნეშტს;
ნელინელ და წვეთწვეთობით, ზეცად ამიყვანს მეც;
შევერწყმი სამარადისოდ, სათაყვანებელ მზეს...

•

და... სხივად მოვევლინები, შთამომავლობას ჩემს.

10.12. 2022 წელი
თბილისი.



ჩემთვის, ესაა სამშობლო

შუხუთი – ჩემი გურია,

ჩემთვის – სამყაროს გულია.

18.04.2023 წელი.

თბილისი.

ჩემი სამშობლო,..

შუხუთია,

ლელა, მსაჯის და სასტვენის გარეშე,

საკირე,

ჩანჩქერი,

ურემი ხარებით,

ზვირთები მორების – საშეშე.

ჩემი სამშობლო,..

გურიის მთებია,

ქედები,

ნაწრეტი წყლები თხრილებში;

მალლობზე, წინაპართ საფლავები;

პაწია დის კი...

ეზოს ბოლოში – თხილებში.

ჩემი სამშობლო,..

საკირის ღელეა,

დარში – ღიღინა, კრიალა;

თქეშში – მღვრიე და ღრიალა;

ვიწრო ბოგირი ღელეზე,

ხავსი – ქვით ნაშენ კიბეზე;

ზამთარში – სევდის მომგვრელი,

მერცხლების ბუდე კედელზე.



ჩემი სამშობლო,..

ეზო-კარია:
კერია,
ღადარი,
გიდელი,
გოდორი,
სიმინდის კალო და
ნალია;
ჩალის ზვინები,
საძროხე,
საღორე,
ჭა და...
კარია.

ჩემი სამშობლო,..

უფორმო,
უსწორმასწორო ეზოა,
ღობედ: ყორე და მესერი,
ჭიმკართან, ცუგა ძაღლი წევს,
მეთვალყურე და დამცველი.
სახლის კუთხეში – ჯირკი ნაჯახით,
შემის საჩეხი,
იქვე დგას სადგარი, X-ის მაგვარი,
მორების სახერხი.



ჩემი სამშობლო...

„კუხნაა“,
შუა ცეცხლი და...
ცეცხლზე – პატარა კეცები,
ღადრის სქელ ჭადზე
ჩაფენილ-დაფარებული,
ნიგვზის ან წაბლის ფოთლები;
ხეზე – ადესის მტევნები,
ბოსტანში – ქვევრები,
კოპე და „ბოცები“,
პარმალში – „ბოჭკები“;
ბოსტნის ღობესთან – ვარდები;
ეზოში: თხილი,
ტყემლები,
ალუბლები
და ლელვები,
თუთა,
ვაშლები
და მსხლები,
კორკიმელი
და ატმები;
კორდებზე მიმოფენილი:
იები,.. და ენძელები,
ნექტრის მძებნელი ფუტკრები,
და მოფარფატე პეპლები.



ჩემი სამშობლო,..

მეზობლებია:
ეზოს ჭიშკრებთან ძელსკამზე,
მოხუცნი მობაასენი;
პარკის სარჩევად მოსული,
წინსაფრიანი ქალები;
ყანიდან, შებინდებისას
დაბრუნებული კაცები;
მუშაობისგან დამსკდარი
და დაკოჟრილი ხელები;
ზედმეტი აცეტებისგან
ატირებული ბავშვები;
ბამთარში გადმოთოვლილი,
მიტოვებული სახლები.

ჩემი სამშობლო,..

სკოლაა – ცოდნის სამჭედლო,
დანგრეულ ტაძრის ქვით ნაშენი;
ცისფერი კედლებით,
შავი მერხებით,
ანცი ბავშვებით:
ოქტომბრელებით,
პიონერებით,
კომკავშირლებით;
მკაცრი, თან გულისხმიერი
დირექტორ–მასწავლებლებით;
სისუფთავებზე მზრუნველი დამლაგებლებით;



და... დიდი შესვენებისას,
ქიშმიშიანი „ბულკებით“.

ჩემი სამშობლო,..

სოფელზე ფიქრია.
მძირავს ფიქრები...
ბაფხულის დილაა,
ძილბურანმოსილს,
საამოდ ჩამესმის:
ჭიკჭიკი ჩიტების,
ყივილი მამლების,
კუნტრუში ხბოების,
კივინი თიკნების,
ჭყვიტინი გოჭების,
სისინი ბატების,
კრიახი ქათმების,
ვიტვიტი „კვატების“.

ჩემი სამშობლო,..

ბუხარია,
ბამთარში,
ლუმლუმა ჯირკით და
ბუხართან შეშებით;
ბუხრის წინ,
დაბალი, გრძელი სუფრა და
სამფეხა „ჯორკო“ სკამები;
სუფრაზე:



მწნილი,
ლობიო,
ცხელ-ცხელი ხაჭაპურები,
მოხარშული ღორის ხორცი,
კეცში დამცხვარი პურები,
ყველი,
ჩურჩხელა,
კუბატი,
გაფიცხებული ჭადები,
შემწვარი ჭყინტი სიმინდი
და მოხარშული კვახები;
მადის აღმძვრელი სუფრაა,
ქეიფს შეუდგნენ ვაცები.

პატარა ყანწით არაყი,
ადესის ღვინო ჭიქებით,
შემოძახილი გარხოშში,
გურული კრიმანჭულების;
ბოლოს...

მასპინძლის დალოცვა:

–„ამენებ-დამშვენებაო“!..

ჩემთვის, ესაა სამშობლო!

ტკბილ-მწარედ მოგონებაო.

08.06.2021 წელი.

თბილისი.



ვინც ვიყავი, დღესაც ის ვარ

ვინც ვიყავი, დღესაც ის ვარ,
არ შევცვლილვარ, გარდა ხნისა,
სხვისი არც მშურს, არცა ვჯიბრობ,
არხეინად დავაბიჯებ,
ვალი არ წამყვება სხვისა.

შეშურდება ჩემი იმას,
ჩემი თმენა თუ სჯობს მისას,
შეურაცხმყოფს თუკი ვინმე,
გვერდს ავუვლი, სხვა გზას ვირჩევ...
იმ გზას, უფალი რომ მირჩევს.

24.04.2023 წელი.

თბილისი.





მუზა წყალობაა

წარმოშობილი „ნაწარმოების“
შენ მოისურვებ კვლავაც წაკითხვას,
თუკი ის შეძლებს მუზის წყალობით
გულის კუნჭულის კარიც გაგისხნას.

ხან, შეგშალოს და შეგაზნაზნაროს,
სულზე მალამო ხშირად წაგისვას,
ხან, ცხარე ცრემლი დაგადენინოს,
ხან, სიყვარული ჩოქვით აგისხნას.

თუკი, უხილავ ძალასაც შეგძენს,
სულის ნაყოფით შეგივსებს გულსაც,
სამოთხის კარსაც თუკი გაგისხნის,
დაუბრუნდები კვლავ წაკითხულსაც.

17.10.2017 წელი.
თბილისი.





უფალს გულს ვუშლი

წარსულს, ფიქრებით ვეხები,
ნახლდება ტკივილი ვნებების,
ღაწვებზე, კვალით მართალი ცრემლების,
წინაპრებს ნათელი შევხვდები.

ღამის გასათევს როდესაც ვეძებდი,
კარდაკარ მავალს, არ მყავდა მშველელი,
წაქცეულს, „მთელავდნენ ფეხებით“,
სამი „ზურგჩანთით“, არ სურდათ „მძევლები“.

ცხოვრებას ცინვიანს, „ვეღარ ველევი“,
თუმც ვცდილობ, ფიქრებში კვლავ მას ვეხვევი,
ტკივილის სარკეა თვალების ელფერი,
კარგა ხანია, ამ ყოფას ვეჩვევი.

გართობით ცხოვრებას, ვერ შევერწმები,
ორბიტის გარეთ, ახალ გზებს შევყევი,
გაცისკროვნებას, ნაშრომით ვეძლევი,
თუმც გზები უცხოა, მაინც ვერკვევი.

ფეხშიშველს, ბილიკმა, მატკინა ტერფები,
წვიმაში, უღმობლად ვსველდები,
წინსვლა ჭირს, ლაფში ვეფლვები,
საფარველს მთავაზობს, ნაცნობი ვერხვები.



თავს ვაღწევ წუმბეებს, ქოსს ვაგებ – შევთბე ვით,
მარტობაში, შევებას ვგრძნობ, მხნე ვხდები:
უფალს გულს ვუშლი, მახრჩობს ცრემლები,
დაღლილი, სასთუმალს მჭიდროდ ვეხვევი;
მოგვიანებით,.. მშვიდ ძილს ვეძლევი.

•

უფლის ხატს, თვალებით ვეხები,
კრძალვით ვდგავარ და არა ვედრებით,
ჩუმი ვზღუქუნებ, ვეღარ ვჩერდები,
საოხად შემრჩა მხოლოდ ცრემლები,
ცრემლები, ვალის გადამხდელები.

30.10.2022 წელი.

თბილისი.

დედის ამაგი

დედა გვშობს და... მუდამ ცდილობს
დედამიწას შეგვაჩვიოს,
დღეს, ღამესთან შეაერთებს,
რათა თავი კარგად ვიგრძნოთ.

დედა გემოძღვრავს და გვასწავლის:
სად ვიშრომით, სად ვიომით,
და ლოცულობს: პური შრომით,
უფლის გზით რომ მოვიპოვოთ.

16.01.2021 წელი.

თბილისი.



მზის მადლი შემოდგომაზე

მგემ, ღრუბელს წასვლა აცალა,
დარობა გამოაცხადა,
ყველგან სხივები დაგზავნა
მთა-ბარსაც მიეთაკარა,
და წყაროც ნახა წანწკარა.

•

მზის სხივები დამტკბარა,
ქარვისფერი გამხდარა,
ხის ფოთლებზე დამსხდარა,
ტოტებს შუაც გამძვრალა,
დედამიწას ჩასწვდა რა...
ორნამეტი დახატა.

მერე?

მერე...

დარის დარობით
მწიფე ყანა გამშრალა,
მოხუცები გამთბარან,
ჩირი და ჩურჩხელები
დამტკბარა და გამხმარა;
გლეხმა შეშაც მოზიდა
და პარმალში დაცალა,
დაკრეფილი ყურძენი
საწნახელში ჩაცალა.

16.09.2022 წელი.

თბილისი.



სამშობლოს ჩემეული ინტერპრეტაცია

სამშობლო, მშობლისთვის ის ადგილია,
სად იშვა-იზარდა მისმა მშობელმა;
შემდეგ კი,.. მე მშვა, მიმშობლა,
რითაც თვითონ ისამშობლა.
მე რომ ვმშობლობ, პატივია ღვთის წყალობით,
შვილებისთვის რომ ვსამშობლობ.
ახლა, როცა შვილი მშობლობს,
თავის შვილებს უსამშობლებს.
შვილიშვილებიც იმშობლებს,
და... ისინიც ისამშობლებს.

•

ლოჰ! რა კარგია?! თუ გაქვს სამშობლო,
და შანსი, ისამშობლო;
ვაი, ვინც კარგავს სამშობლოს,
თან შანსს, ისამშობლოს;
და...

ნასამშობლარს, გაცნობს სამშობლოდ.

08.03. 2022 წელი.

თბილისი.





მე რომ აღარ ვიქნები

მე რომ აღარ ვიქნები,
მართლაც მშვიდად ვიქნები,
რადგან შვილშიც ვიქნები,
შვილიშვილშიც ვიქნები,
მეგობრებშიც ვიქნები,
ნაცნობებშიც ვიქნები;
სინანულის ცრემლებით
დანამული ვიქნები;
მრავალ სანთლის კაშკაშში
შესაწირშიც ვიქნები.

- ლოცვით ნუ დაიღლებით,
უფლის გვერდით ვიდგე ვით,..
აქ, უფალი მპატრონობდა,
აბა, იქ რაღა მიჭირს?!

20.05. 2024 წელი.
თბილისი.





შემასმენელი

მაცადეთ უთქმელს სათქმელი,
იქნებ, საჭიროს ვამბობ?!
ყველამ აკეთოს თვისი საქმე:
დურგალმა რანდოს,
მხატვარმა ხატოს,
თამადამ სუფრა მართოს,
ბრიყვთან კამათში, მართალმა დათმოს.

იციით?!
პოეტი, სამკობელს რითმაში ამკობს,
მწერალი, სიტყვებით მხატვრობს.

•

უთქმელის სათქმელს რომ მოუსმინეს,
გაკვირვებული დარჩა მსმენელი,
მართლის მთქმელს, ერთხმად შემოუძახეს:
აწ, შენ ხარ ჩვენი შემასმენელი!

25.07. 2024 წელი.

თბილისი.





წუთისოფელი ქველია

წუთისოფელი...

რარიგად ვრცელია?!

რარიგად მწველია?!

რარიგად მომქანცველია?!

რარიგად გადამღლელია?!

თან, რარიგ სასურველია?!

და... რარიგ საყვარელია?!

თანაც... რარიგად ქველია?!

თუმც, უმოწყალოდ წველიან.

მგლეჯელი უფრო ბევრია,

გლეჯენ და არა შველიან.

ვინც ფასი იცის, ეკრძაღვის,

მცირედსაც დასჯერებია.

ვინცა მგლობს, იმას არ ფიქრობს,

როს წავა, რის წამღებია?!

ანდა, ფიქრობს კი იმაზე...

ვინ დარჩა წაუსვლეელია?!

11. 06. 2022 წელი.

თბილისი.





ზამთრის არია

ამ წელს...

ზამთარი, ზამთრის დარია,
დარიც კი... ზამთრის დარია,
ალმაცერობა მზის სხივთა,
ზამთრის ბრალია;
ზამთრის დამხმარე ქარია,
ქარი, ზამთრისთვის ქნარია,
მოისმის ზამთრის არია.

ამ წელს...

ზამთარი, ზამთრის ხამია,
ქარმა ზამთარი მთლად გადარია,
ფიფქები არივ-დარია,
დიდ ხეებს ხელი დარია,
წაქცეულ-ჩამოღეწილნი,
შესაბრალისის დარია.

ამ წელს...

ზამთარი ზამთრის დარია,
ზამთრისთვის, ქარი ქნარია,
ის რომ...
ცერად წვიმს,
ცერად თოვს,
ცერად ცრის,
ქუხს და ბუქს,



გვიკვირს ცის...
ზამთრის და ქარის ბრაღია.
მზეც როა, ცივი დარია,
დარიც კი ზამთრის დარია,
ესაა ზამთრის არია.

23. 12. 2022 წელი.
თბილისი.

თავის უფალი

წინაპართ, კარგად შემასწავლეს ყოფის წესდება,
სიფრთხილით დამაქვს ტრადიციის ფარი და ხმალი,
აზრის უფლება ვერ წამართვეს, ვერც წამართმევენ!
რადგან ვიყავი და ახლაც ვარ თავის უფალი.

27.11. 2021 წელი.
თბილისი.





საუკეთესო მოსაგონარი

ბავშვობისა და სტუდენტობის,
საუკეთესო მოსაგონარი
დედუღეთია – შვების სავანე;
ბებო და დეიდა შვილებით –
სიკეთის სათავე.

ბევრს მავალებდა, დღესაც მავალებს,
გონიერი და მკაცრი ბებია:
ცხოვრების წესით და ქალური ღირსებით...
იგი წავიდა წუთისოფლიდან,
103 წლისა,... ჯანსაღი კბილებით.
21.03.2024 წელი.
თბილისი.

გაუხუნარი

სილამაზეს წლები განლევს,
თუნდაც იყოს უწუნარი,
მყარ სიყვარულს ვერას აკლებს,
დარჩება გაუხუნარი.
07.03.2024 წელი.
თბილისი.



მადლიერება ლოცვად გულში

მადლიერი ვარ, უფალთან ერთად
ჩემი ცხოვრების მკაფიო ნაფეხურებისა,
რაც გულშია ჩატკეპნილი და მუდამ მემახსოვრება.

მახსოვს:

ბავშვობისას მშობელთა რჩევები შესაგონებელი;
როგორ მზრუნველობდნენ კლინიკაში თანაკურსელები;
როგორ მაფასებდნენ სამინისტროს ავტორიტეტები;

დედობაში, გამისიგრძეგანდა ძალა-უძლეველის:
დაბრკოლებათა შემაფერხებელ-გამასწორებელის,
დედა-კაცობა შვილთა აღზრდისას, აღმა-მშენებლობის.

უფალი, ხელმართოს დამყვებოდა, დამამოდვრებელი;
წაქცევისას, ფეხის წატეხვისას, გამამხნევებელი.

•

ვიგრძენ:

სიყვარული შვილიშვილებისა, ამამზევებელი.

•

ახლა:

წიგნებმა ჩემმა, მომმადლა მადლი, მასაზრდოვებელი,
შთამომავალთათვის, სამკვიდროს შემცნობიერებელი.

•

ბედნიერი ვარ:

რადგან ვიყავი, ვარ და ვიქნები მართლმადიდებელი,
კანონებისა უფლისმიერის, აღმასრულებელი...
მღევს, მადლიერება ლოცვად გულში, ჩასაჩოქებელი.

28.10.2023 წელი.

თბილისი.



ნაბუხრალი

მასხენდება,..
ბუხრის პირას ნაუბარი,
როს გვეფარავდა
მყუდრო სახლის,
საიმედო სახურავი.

საუბრისას
გვამხნევებდა, შიგადაშიგ,
ნელი წრუპვით,
შავი ყურძნის ნაწურალი.

თავს მასხენებს,
ნაუბართა ნაგუბარი,
ფიქრში, მწვავედ ნაწუხარი.

აუტანელ სევდას მგვრის და...
გულს მიწურავს,
სხვადასხვაგვარ შემა-ჯირკთა
ტკარცალისას,
სითბოს მფრქვევი,
ნდომის მღძვრელი,
მრავალ საიდუმლოს მტევი,
შავი კვამლით ნამურალი,
გარდაცვლილი ნაბუხრალი.



•
მოგონებებს მიაღვილებს საჩუქარი,
მეგობრისგან ნაჩუქარი.

24.08. 2023 წელი.
თბილისი.

გარდაცვალებათა სერია

გარდაიცვალა ბავშვობა,
და... „ნამეხარი“ სახლიც,
ჟამთაღმრიცხველი კერიაც,
სტუმრისთვის ღია კარიც.

ბილიკები და გზა-შარა,
სხვადასხვა ზომის ტერფებით
ნაფეხური და ნაფლავი,
წლებმა წარეცხა, წაშალა;
გორაკს შემორჩა საფლავი.

10.04.2023 წელი.
თბილისი.





მონანული სული

ახლა მე რომ ვკვდებოდე,
სული მეთხოვებოდეს,
მალლა-მალლა მიქროდეს,
მზისკენ ეჩქარებოდეს,
ბოლოს შეერწყმებოდეს...

•

მზიდან ჩემს გვამს ათბობდეს,
თუმცა ველარ ვთბებოდე;

არ მტოვებდეს, მნათობდეს,
სხეულს ეფერებოდეს;

ჩაბრუნებას ლამობდეს,
მაგრამ არ ხერხდებოდეს;

განშორებას ნაღვლობდეს,
განტევებას ნანობდეს;

ჩემში ყოფნას ნატრობდეს,
სინანული აღრჩობდეს.

09.10. 2023 წელი.

თბილისი.





შუხუთი ჩემი ძიძაა

(აკროსტიხი)

შ არმანდელივით მახსოვს ბავშვობა,
უ რჩობით, ნდობით და მორჩილებით,
ხ ელგაშლილობით სტუმრის დახვედრის,
უ ბრუნველყოფის გამოჩინებით;
თ ამაშ-თამაშში სიბრძნის სწავლებით,
ი ყო პატივი, უფლის მოძღვრების.

ჩ ემებურობა, არასდროს მაკლდა,
ე ს, ადამთათვის მისახვედრია,
მ ისიას, მუდამ ჯახირით ვაღწევ,
ი ცხოვრო ღრძობით, ჩემი ხვედრია.

ძ ნელად მიღწეულს სხვა ფასი ადევს,
ი მტკიცებ რწმენას, და... შენც მტკიცდები,
ძ ნელი გზა, სულაც არ ნიშნავს სასჯელს,
ა ღმართის ძლევა, უფრო მაკაჟებს,
ა რს მრწამსი უფლის, ძალას რაც მაძლევს.

03.04.2021 წელი.
თბილისი.





ღარები ბორცვზე

ღვარიდან ჩამოღვარული ღარები ბორცვზე,..
მზეგადაკრული მოხუცის ნაოჭებია;
ირგვლივ ქეძვი და ყალყბე ბალახი,
დაუვარცხნელი თმებია.

ფერდობი... კაბის კალთები,
„რეცხვისგან“ რომ გაცრეცილა,
ნაკემსი ნაფლეთებია;
მინდვრის ყვავილებს, მისი მოჩითვა,
რატომღაც დავიწყებია,
გულმკერდზე რომ სჩანს
მეჩხრად მძივები,
სხვადასხვაგვარი ქვებია.

თვალეზდახრილი მოხუცი,
ტყესაც რომ გარიგებია,
სიოც კი გარიდებია,
სიხარულს დაუბრებია,
და... მის მოკუმულ პირ-ბაგეს,
ღიმილიც დავიწყებია.

ლოცვებში გულდამშვიდებულს,
დაისში ჩასძინებია;
მისი ლოცვები,.. უფლისკენ,
მზის სხივებს დამგზავრებია.



აისში,..
უფლის პასუხად,
ეულს, გარიყულს,
სხივები თავს ევლებიან;
ახალი დღის მომლოდინეს,
გულს დარდი შენელებია.

24.04.2023 წელი.
თბილისი.

ფიქრებმა გამამათრახა

ფიქრებმა გამამათრახა,
ფეხქვეშ გამიგდო უღმობლად,
თითქოს სისხლიდან ვიცლები,
ძალ-ღონეს მაცლის უნდობლად.

ბორკილდადებულს, კვლავ ფიქრი მათოვს,
თავის დაღწევა, ხანდახან მიჭირს,
გადამეკარგა სურვილი შრომის,
დრო კი არ იცდის, ხალისით მიქრის.

ხან... ყველაფერი, ჩირად არ მიღირს,
უთავბოლობაც აღარ მადარდებს,
თუ... დღეის საქმეს, თავს ვერ გავართმევ,
ხვალეს კი არა, ხვალ-ზეგს გადავდებ!..

13. 05. 2021 წელი.
თბილისი.



სიცოცხლე მომხიბლველია

ეცოტავებათ სიცოცხლე,
თუნდაც გრძელია,
იოლად ვერ ნებდებიან,
დათმობა, ძალზე ძნელია;
სიცოცხლე, თუნდაც მდულარი,
საოცრად მომხიბლველია.

•

სამყაროს ხიბლის შეგრძნება,
მშობლებმა შეგვაძლეს,
თუმც, გვიჭირს აღიარება
(უძღების ჩვევა გვჩვევია):

-სიცოცხლე, თუნდაც უიღბლო,
მაინც იღბლიანთ ხვედრია;
თან რარიგ სასურველია?!
და... რარიგ საყვარელია?!

11. 06. 2022 წელი.

თბილისი.





თვითონ გავალ ფონს

ფიქრებმა წამლეკა,
არ მინდობს,
არ მწყალობს,
გონებაწართმეულს
ჩამძახის:
– რას წვალობ?!

კუთხეში მიმაგდო,
არც მაჭმევს,
არც მასმევს,
ძველმანში მახვევს და...
ახლებს არ მაცმევს.
მიზნებდამსხვერუელი,
ფიქრებგაცვეთილი,
ფეხზედაც ვერ ვდგები;
იმედგაცრეცილი
უფალს ვევედრები:

– იმედმაც მიმტყუნა,
იმედი გამიცრუა.
ახლა ვის დავეყრდნო,
რა შორს გამიტყუა?!
თავს მევლებოდა და...
თურმე ვენდე თარსს,



სახტად დარჩენილი
ვეჭიდები ხავსს.

თუმცა...
გვიანლაა,
მოვეგები გონს,
ხავსს ველარ ვენდობი,
ძალებს მოვიკრებ და...
თვითონ გავალ ფონს.

04.07.2021 წელი.
თბილისი.

მზეს ვნატრულობ

მზის სხივებს ვნატრულობ,
ხანდახან მნახულობს,
როცა ვნატრულობ – ვმარხულობ,
ხსნილია – როცა მნახულობს.

24.09. 2021 წელი.
თბილისი.





დროა, გამოიღვიძონ!

რადგან ვებლაუჭები ქართულ ტრადიციებს
თავმოქარჩალებული,
მაგრძნობინებენ „თანამედროვენი“, რომ ვარ...
გამოთავყვანებული.

ვაი იმათ! თუკი ასე ფიქრობენ?!
იქნებ უკობთ წინაპრებზე იფიქრონ;
უგნურება კისერს მოატეხინებთ,
იქნებ დროა!

დროა!

გამოიღვიძონ!

21.03.2024 წელი.

თბილისი.





ზამთრის პირი

ზამთრის პირია,
ღრუბელი გიჟია,
მზე ირიბია,
ჰაერი ცივია,
წვიმა ხშირია,
ხან-და-ხან
ცრის...
მზე უღიმღამოდ კრთის,
ქარი ფანჯარას ღრღნის,
მუქარას კბილებში ცრის,
ხეებს ჩეხაგს და თხრის,
ნგრევის და რბევის,
შიშის ჯაჭვს ქმნის,..
უნდობლის სახელს მკის.

ბოლოს...
ქარწყლდება ქარწყება;
ქარწყვეტა...
აქარწყლებს შიშს,
იმედის კარს ხსნის.

27. 11. 2021 წელი.
თბილისი.





ის დრო მენატრება

მენატრება ცივი კერა, ცეცხლს რომ მოვაპუქუნებდი;
გულიანად ქსოვა-კერვა, რომ არ მივაფურთუხებდი;
გაკვეთილის კარგად სწავლა, როცა ჩავარაკრავებდი;
ამოცანის სხვაზე ახსნა, როცა სხვასაც ვავარგებდი;

როცა, შარვალს ოსტატობით, კაბად გადავაკეთებდი;
როცა, ძველი აგურებით, აბაზანას ვაშენებდი;
აივანზე, არა ყვავილს, ბოსტნეულს რომ ვაშენებდი;
სადედოფლო ტორტის მორთვით, მჯობნთა მჯობნს რომ ვაკვირვებდი;
გაუკვალავ გზაზე წასვლა, გზას, ჩემით რომ გავაგნებდი;
თავშესაფრის უქონელი, საფარსაც რომ ავაგებდი;
დანაზოგი რომ მქონოდა, მანეთს გვერდზე გადავდებდი;
შეუძლებელს რომ დავძლევდი, როცა საქმეს ვაგვარებდი;

სამი შვილის პატრონობას, ხელმართოდ რომ ვახერხებდი;
შესაშური ენერგიით, საქმეში რომ ვათენებდი;
მოკლედ,.. ის დრო მენატრება, დღე-ღამეს რომ ვასწორებდი;
მიღწეულით კმაყოფილი, ტაძრად სანთელს რომ ვანთებდი.

09.04.2024 წელი.

03 სთ. და 03 წთ.

თბილისი.





უცნობ გოგონას

ჩვენს ჩახერგილ,
ულიმდამო აივნისთვის
შენი მოსვლა:
მოხდენილი ტან-ფეხით და
კულულები კენწლაობით,..
პირმცინარი აისია.
წასვლა...
წასვლა?
გამცილებლის დამსხვრეული განწყობით სჩანს,
საავდაროდ შეწყვილი,
სევდიანი დაისია.

22.08. 2021 წელი.
თბილისი.

თვით - ირონია

ვგავარ...
ურმის ქვეშ გასრესილ
ჩალის დერს;
ტალახში ჩავნესილ
ჭყინტ ტაროს;
დაწყლეთილ ბროწეულს
დაწრეთილს „სისხლიდან“,
არა ვარ საჭირო,..
რის გამოც.

26. 11. 2021 წელი.
თბილისი.



არც ჩანავლდება კერია

მშობელი შობილს ძღვნად ტოვებს,
ფუძის განგრძობის იმედად;
ჩემმა მშობელმა, ძღვნად რომ დამტოვა,
მშვიდად წავიდა იმ ქვეყნად.

მშვიდად დავტოვებ მეც წუთისოფელს,
წყალობით ღვთისგან სავსე ისედაც,
თანაც, მეც მყვანან დასატოვარნი,
ფუძის განგრძობის იმედად.

ახალ-ახალი მუგუბლით,
მჯერა იღვივებს კერია;
ვფიქრობ:
-ადვილი არ არის!
თუმცა?..
-არც ისე ძნელია?!
ღვთის ნებაც თუ ჩაერია,..
კიდევ იმრავლებს ერია!
არც ჩანავლდება კერია!

11. 06. 2022 წელი.
თბილისი.





სიცოცხლე ერთადერთია

სიცოცხლე ერთადერთია,
ისე, ვით...
მზე და ღმერთია,
გაგრძელდება ჩვენს შემდეგაც,
სხვებისთვის, ვინც დარჩებიან,
და მათთვის... ვინც გაჩნდებიან.

ღირდა სიცოცხლე, შეგვეგრძნო,
მზის სითბო, მადლი ღმერთისა,
სიცოცხლეს ნუ შეიმოკლებ,
დგომით უღირსის გვერდითა.

13.09.2022 წელი.
თბილისი.

დავდები ზავი

ჭახრაკულად
და...
ხან ჭადრაკულად
ცხოვრებანვლილს,
გამსვლელი პაიკის იმედით,
გათვლით,
ოღროჩოღროთა დაძლევისას,
არ მქონდა უფლება ლაფთში
ჩაფლვის,
აღარც წაქცევის, და... აღარც



დაღლის.
ახლა...
ნაწრთობმა,
გამობრძმედილმა,
როცა აღარ მექვს
მე შიში წარღვნის,
და აღარც შიში,
ბიჯის გადადგმის,..
განგაშის ნიშნად,
შემოვკარ ზარი:
-არ ძალმიძს ბრძოლა!
-დავდევი ზავი!

უკვე უძღურს და
ძალზე გადაღლილს,
წუთისოფელი საათად მექცა,
ახლა მჭირდება:
ნელთბილად ყოფნა,
ჩეროში ჯდომა,
მოგონებების წერა...
ან თხრობა,..
ანდა წაკითხვა;
გონივრულ თამაშობებში,
შვილიშვილებთან ბჭობა,
გართობა,
ან
პაექრობა.

23.05.2021 წელი.
თბილისი.



ქვა ვარ

რიცის ქვა ვარ, უტეხელი;
კიდევ... კიდევ? წისქვილის ქვაც,
მუდამ რაღაცის მფქვეველი,
და ფქვილის გამომფრქვეველი.

ქვაც სალესი: წალდ-ნაჯახთა,
ცელ-ნამგალ-ჯაყვა-დანათა;
ზღვის ქვაც, მოსაკირწყვლად გზათა.

ვარ დიდი ქვაც, უფერული,
მწყურვალთა ჩამოსაჯდომად,
წყაროსთან დავანებული.

ქვა-ლოდიც მონაწონარი,
საფლაგზე ჯვრით და წარწერით,
წარსულის მოსაგონარი.

09.02.2023 წელი.

თბილისი.





ოცნება

ჩემი ოცნებაა, მარტოს მქონდეს,
პატარა სახლი და ეზოც პატარა,
მყავდეს სიცოცხლის ბოლომდე,
ვით ბავშვობისას, მზრუნველი ხანდახან.

•

განმარტოებულ მაღლობზე,
მქონდეს საფლავი წარწერით,
მნამავდეს ბაფხულში წვიმა...
ბამთარში თოვლის ნამქერი.

ირგვლივ ხარობდეს ხეები,
ვერ ერეოდეს ქარები;
ზედ, მოჭიკჭიკე ჩიტებით,
და... მოჟღურტულე ბარტყებით.

09.09.2023 წელი.

თბილისი.

ნაფქვავი

გარდაიცვლება „წისქვილი“,
და... მასთან ერთად „ნაფქვავიც“,
შთამომავლობის ვალია,
გადანახოს „ნაფქვავი“.

03.12.2021 წელი.

თბილისი.



ჩემი წარსული ხელკავით დამყავს

ვილაც წავიდა, ვილაცა დარჩა,
ყველანი, მინც, ჩემს გულში ჩარჩა,
ცხოვრება, კვლავაც ჯახირში გამყავს,
მათ ავიწყდებათ, უმწეოს ნახვა,
აკვირდებიან შორიდან ამბავს,
სამსახური აქვთ ასეთი ალბათ.

მე, ვერასოდეს მოვხვდები მათთან,
მოგონება და ფესვები დამრჩა,
ჩემი წარსული ხელკავით დამყავს,
„ორბიტის“ გარეთ, აღარც მსურს გასვლა.

•

„ჭიმკართან“ ვდგავარ, მომსვლელი არ ჩანს,
უფლის წყალობის იმედს არ ვკარგავ.

24. 09. 2021 წელი.

თბილისი.





სევდიანი თვე

სევდიანი ჰაერი,
სევდიანი მზე,
სევდიანი სიჩუმე,
სევდიანი თვე,
აბა როგორ, სხვაგვარად,
დეკემბერზე რა ითქმის?!
ყველა თვე გასულია,
ყველა ვალმოხდილია;
ჩიტები წასულია,
ეს ხომ დასასრულია,
თან, წლის აღსასრულია.

ოი! როგორ გვეჩქარება,
დეკემბრის მიცვალება,
ახალი წლის იმედი გვაქვს,
ველით ფერისცვალებას.
სიხალისით მოვუხმობთ
იმედებს, ახალ აზრებს,
ძველ წელს ისე ვაცილებთ,
თითქოს ნიშნავს არაფერს.

21.12.2022 წელი.
თბილისი.



გვიხსნის ტრადიციულობა

მზემ ღრუბელი რომ გამოჭრა,
იმედების გახსნა კარი,
ღვთივკურთხეულ ქართულ მიწას,
დაეხატა ნათლით ჯვარი.

და... რადგანაც, საქართველო,
ღვთისმშობლისგან რჩეულია,
დედა-მანათობლისგანაც,
რადგან ჯვარდასახულია,
ვერ ვიჯერებ, წაიშლება
საქართველოს ქართულობა,
მძიმე სენი თუ შეგვეყარეს,
გვიხსნის ტრადიციულობა.

18.10. 2022 წელი.
მანგლისი.

ვის უნდა ცოდნა?!

ვის უნდა ცოდნა, ან გამოცდილება?!
რა საჭიროა ნიჭი?!
მხოლოდ იმისთვის?! რომ არ დაგვჭირდეს,
რჩევები სხვისი...

08.11.2022 წელი.
თბილისი.



ცოტა მაცალე ღმერთო

მზად არ ვარ სიკვდილისათვის,
ცოტა მაცალე ღმერთო!
მაქვს „განძი“ საშვილთაშვილო,
დასატოვარი ერთობ.

ჩემს შემდგომ, დანატოვარი,
ნაგრამს სანთლად რომ ენთოს,
გულიდან გადმოტუმბულმა
ფიქრებმა, მათთვის ღვენთოს.

12. 04. 2023 წელი.
თბილისი.

რეალობა

მე, ცხოვრების მღვრიე მორევს არ დავყვები,
არც ვიკადრებ მის ტალღებში შეცურებას,
მე, ქართული ტრადიციის დამცველი ვარ,
ღირსეულად დავდიოდი, დავალ დღესაც.

23. 11. 2017 წელი.
თბილისი.



კონფისკაცია

ვინაც იწვნია კონფისკაცია:
მანქანის, ბინის,
მოსავლის, მიწის;
ბანკის თანხების,
ბალ-ვენახების,
და განძეულის,
სხვა ფარჩეულის...
ამ ყოველივეს,
დროში აღადგენს,..
თითქოს დაკარგეს.

მაგრამ...
რალა ქნას,
ვინც იწვნია კონფისკაცია:
თავისუფლების?!
ღირსებისა და პატიოსნების?!
ტრადიციის და სარწმუნოების?!
ქალწულობის და კდემით დედობის?!
ჩალიმილ-ჩაკისკისების?
ანცი ბავშვობის და სტუდენტობის?!
ცოდნის და ნდობის?
თმენის და გლოვის?!

და... დამრჩა ბოლოს,
სხეული მხოლოდ:



გამოფიტული,
როგორც ფიტული;
უძვლო, უკუნთო,
გულგამოცლილი,
უხერხემლო და უსახური,
სულგამოცლილი,
უვარგისი და უმაქნისი,
ჩამოფხორილი;
ფრთებშეკვეცილი,
უფალთან აღკვეცილი,
წაქცეული და სისხლდაქცეული,
ცრემლადქცეული,
დაბეგვილი და ძვლებდამსხვრეული...
ხერხემალშიაც გადამსხვრეული,
ჭირისუფლისთვის ჭირადქცეული.

•

უფლის წყალობით,
შემომრჩა მხოლოდ,
მხოლოდ და მხოლოდ...
თვალის ჩინი,
და...
სალი ტვინი.

22.06.2023 წელი.
თბილისი.



„მასხარას“ სცენარი

წუთისოფლიდან მშვიდი სიკვდილით მინდოდა წასვლა,
არამც და არამც, არ მინდოდა მენახა წარღვნა,
გონის დაბინდვას იწვევდა სკოლაში ომების სწავლა,
უმეცართ ნებით ვიხილე, სასცენაროდ ადამთა კაფვა.

ტაკიმასხარამ, ქვეყანა აქცია ძმათაკვლის აქტად,
სიამეს ანიჭებს, სისხლიანი სასცენო ფარდა,
მკვდრებს არ ჰყავთ დამტირებელი, ცალკე საფლავიც არ აქვთ.
ნაბახუსევე დასცინის ჩვილებს, ვინც მართოდ დარჩა.

უფლის წესს გადაუხვია, სატანა მოჰყვა ხარხარს,
წესის აგება სცენარისტს გადაავიწყდა ალბათ;
აღარც ცრემლი და საფლავი, აღარც ჯვრით ხელში წასვლა;
ცოცხლებს, მოუხდათ სხვა ქვეყანაში მათხოვრად გასვლა.

სხვისი იმედით, ბრიყვმა ქვეყნად მოაწყო კაცთკვლა;
ხალხის სჯული და ადათი, მასხარამ აიგლო მასხრად,
თვითონ კი... ქვეყნის დარბევით დიდძალი ფული ნახა,
უმარმაზარი ქვეყანა, გაყიდა ჩირის ფასად.

•

სანამ ჭკვიანი, ქვეყნისთვის უმჯობესობას ფიქრობს,
ამასობაში მასხარა, ქვეყანას თავზე იმბობს.

17.03.2022 წელი.

თბილისი.



ჩემი მეგზური უფალია

დიდთოვლობას,
როდესაც ძაღლს,
გარეთაც არ გააგდებენ,
უფლის ნებით, ძალისხმევით,
მე, „გარეთ გამომაძევეს“.

მომაწოდეს საგზური და
მომახურეს მანდილი,
წუთისოფლის „ვაგონში“
მიმიჩინეს ადგილი.

შემეშინდა სიმარტოვის
და ტირილი მომინდა,
ჩემი შიშის გასაფანტად,
უფალი გამომიჩნდა.

დამიყვავა, მესაუბრა:
– „მე ვარ შენი მეგზური,
წარმატება გაგამხნევეს,
გამოგაწრთობს საცდური,
სანატრელიც გაგიხდება
ზოგჯერ, ბოლო სადგური.“

სისუსტე მოგეძალეობა?
ლაფში ამოისვრები?
გამოსავალს გამოძებნი,
თანდათან გაიზრდები“.



ხან სწორ გზაზე დამატარებს,
ჩვენი მატარებელი,
ჩახერგილ გზებს ფეხს ვერ ვუწყობ,
ვარ აუჩქარებელი.

-„აუჩქარე, ტემპს ნუ ჰკარგავ!
შემახსენებს გამყოლი;
-თუ ჩამორჩი, არ მოგიცდის,
ჩაიქროლებს ვაგონი“!

კვლავ, უფალი გამამხნევეს,
-„გული გქონდეს საგულეს,
დროზე ადრე ნუ ჩაკეტავ საგდულებს;
შენ გაპყვები, სულ სხვა ვაგონს,
სადაც დაისადგურებ“!

21.06.2023 წელი.

თბილისი.





ვაი სირცხვილო?

ერთსქესიანთა ერთობას,
თუკი ნალარით შევხვდებით,
და... თუ, მათ კვალშიც ჩავდგებით,
თანდათან გადავშენდებით.

მაშინ გვალირსებს ევროპა,
კარების ფართოდ გაღებას?!
დაჩოქილთათვის აპირებს,
გულმოწყალების გაღებას?!

ვაი, სირცხვილო?...თანხმობას,
უწინამც სიკვდილს ვარჩევდი,
ჩვენს ადათს, სინდისის ნიშას,
თუკი ვერ გადავარჩენდით.
ამ მსხვერპლის ფასად თუ ველით,
ევროპის დამეგობრებას,
უმეგობრობას ვარჩევდი,
და.. თუნდაც უმეგობლობას.

გარყვნილთა გუნდრუკის კმევას,
სჯობს ისევ ჭრაქზე ცხოვრება,
გუთანის ხელში აღება
და შუა ცეცხლის დანთება.

29.06. 2022 წელი.

თბილისი.



ბოდიში ბატონო!

თავგანწირვა საჭირო არც კი ყოფილა,
იოლად უნდა ჩამეხედა საქმეში.
თავი თუ გადავდე და არ დავაფასე,
მერე რაა?...
მიყურებენ, როგორც დევს, – მრუდე სარკეში.

დროს ვერ დავაბრუნებ, ჩაბარდა ისტორიას!
რომც მოხდეს სასწაული, მე ვერ შევიცვლები,
რაც თავი მახსოვს: თავსაც ვთხოვ, სხვასაც ვთხოვ,
სხვაგვარად არ ძალმიძს! ჭკუიდან შევიშლები!

ნაშრომის განგება ღვთისთვის მიმინდვია,
გადააფასოს, აწონ–დაწონოს.
რამე შემეშალა?
იქნებ ვერ შევძელი?
დამნაშავე ვარ?
–ბოდიში ბატონო!

01.09.2014 წელი.
თბილისი.

ჩარაბული

ჩარაბული ვარ ჩემს თავში,
აქედან ვერ გავაღწიე,
მზის კონებს ჩავეკონები,
თავს თავი თუ დავაღწიე.

27.11. 2023 წელი.
თბილისი.



მარტოკას ყოფა

სამყაროს ცენტრში ვდგავარ მარტოკა,
დღისით მზე მათბობს, ღამე გამთოშავს,
თუმც, გამიჭირდა ლხენა მარტოკას,
მაინც ვახერხებ სიმის აწყობას.

მარტოკა ყოფნა, ჩემი ყოფაა,
ხან მაწუხებს და ხანაც ნორმაა,
თუ სამოთხეა, სულში წყობაა,
თუ ჯოჯოხეთი – მაშინ წრთობაა.

30.08. 2021 წელი.

თბილისი.

არ გადავჩეხავ

ავის მქმნელი, რომც დაბრმავდეს,
ხელს არ ვკრავ, არ გადავჩეხავ;
გონებაში არ გამივლის...
სხვისი რბევა, არც დაქცევა.

ვინც არ უნდა გამიჭირვოს,
არ ვისურვებ: მის წაქცევას,
და აღარც მის დაბრმავებას,
უფალს ვანდობ განჩინებას.

24.04.2023 წელი.

თბილისი.



სანატრელი ალცაიმერი

თავი მძულს, სულთ ხორცამდე:
ჩემი წარსულის გამო,
ჩემი დათმენის გამო,
მისგან, შვილების გამო.

•

მოხეტიალე ფიქრებო!
რატომ მახსენებთ წარსულს?!
ხომ გთხოვეთ გადამავიწყოთ,
რომ შეხსენება არ მსურს!

რა ბედნიერი ვიქნები,
ალცაიმერით მნახოთ?!
ღიმილით შევეციცინებდე,
აწმყოს, და... მხოლოდ აწმყოს.

01.08.2023 წელი.
თბილისი.





ღმერთო ჩემო

ღმერთო ჩემო,
გადამრჩენო,
ერთობ ქველო;
და გამჩენო;
შენს შეწევნას,..
მუხლმოყრილი ვმადლიერობ.

გვევედრები:
ნუ დამასევ სევდის ქარებს,
შემეწიე, დამიფარე.

29.09.2023 წელი.
თბილისი.

უფალმა მომხედა

ცხოვრების „ურემი“ რომ გადამიბრუნდა,
მთელი ნაშრომი, თავზე რომ გადამემსხვრა,
უფალმა მომხედა, გულში ჩამიხუტა,
ძალები, ურმიდან დაძვრომის, შთამბეჭრა.

28.02.2017 წელი.
თბილისი.



ცრემლის არსი

ცრემლი...
არ არის ტრაგედია,
არც წარღვნა,
არცა გენია.
ცრემლი...
არც სუსტთა ხვედრია;
ის მკურნალია,
ბრძენია;
ის, გულის ამომრეცხია,
ის, სულის განმწმენდელია,
თანაც...
რა მრავლისმთქმელია?!
25.11. 2021 წელი.
თბილისი.

ვაი იმას

ვაი იმას!
ვინც უფლის მრჩამს განუდგა,
მართალს ბურგი შეაქცია,
ეშმაკის გზას გაუდგა.
05.01.2024 წელი.
თბილისი.



ჯანგაცვეთილი

ზომიერად დაღლილს რა სჯობს,
ანდა, კიდევ გადაღლილს?!
აბა, შეხეთ ქანცგაცლილებს,
წელში გადაწყვეტილებს?!
ჰგვანან, დაცლილ ღვინის ტიკებს,
ღვინოგამოწრეტილებს.

სწორედ ქანცგადაწყვეტილი,
კვლავაც, შრომით ვიკვლევ გზას,
ვარ, თუმცა ჯანგაცვეთილი,
მომავლის ხეს, მაინც ვრგავ.

21.07.2023 წელი.
თბილისი.

დრო

უფერულ დღეებს, ვათრევ როგორღაც,
დრო, შეუმჩნევლად მიდის და მცვითავს,
არ შემიბრალეებს მტირალს და მხოხავს,
არც შეჩერდება, არც მომიკითხავს;
ქვეცნობიერში ჩამჯდარი, მქოქავს:
–ჩამოიშორე, ვინც გზას გიღობავს!

13.05.2020 წელი.
თბილისი.



გულის ჩურჩული

გული მეჩურჩულება,
დახმარება სჭირდება,
რა ჰქნას, თუკი შველას ითხოვს?!
სანაცვლოდ კი,.. ლამაზ დღეებს,
მშვიდ სიცოცხლეს მპირდება.

23.09.2022 წელი.

თბილისი.

სამყარო

სამყარო დაქცეულია,
დამარბეველის ჰკლავს ჟინი,
სამყარო წაქცეულია,
იარებს სისხლიანს, სტირის:
– საუკუნეებს გავუძელ,
მშვიდობით გამოვიარე;
ბნელეთის მოციქულებმა,
დამღეწეს, გადამიარეს;
უღირსობისთვის უფალი,
მათ ჩაუბნელებს მზიანეთს!

09.10.2023 წელი.

თბილისი.



ჩემი გული

აუუ!.. რამდენი წელია
უთქმელობით რომ ვაწამებ?!
რიტმიც არ დაურღვევია,
წამის რითმით, ითვლის წამებს.

როგორც მე, ალბათ გულსაც აქვს,
თმენის ფიალა, ღირსება...
და თუ არ გავუფრთხილდები,
უთუოდ გადმოიღვრება.

მე კი, თითქოს ღირსეულმა,
გულის ღვაწლი, ურცხვად ვიშვნე,
იქნებ ისიც დაიღალა,
თუ დავფიქრდი, ან თუ ვკითხე?!

ჩირად ვთვლიდი უგუნური,
გულის ერთგულ მსახურებას,
ჰოდა,.. უსულგულობისთვის,
მომიწევს „გაპანღურება“.

ვადიარებ, ვიმსახურებ,
მიბაგუნოს, თან მიჩხვლიტოს,
და უყურადღებობისთვის,
მსახურებაც შემიწყვიტოს.

23.09.2022 წელი.

თბილისი.



ბუქის გარეშე

შუა ზამთარში, ბუქში მოვლენილს,
მიყვარს ზამთარი ბუქის გარეშე,
მზის სიყვარულში ჩაღეულს კი, მსურს:
საფლავში სხივთა წნულით ჩავეშვე.

03.01.2023 წელი.

თბილისი.

მარტოდმარტო

რომ არასოდეს ვყოფილვარ
ისე ვარ მარტო,
ადრეც კი მითქვამს ამგვარად
უფალო, გახსოვს?!
ჰოდა, ახლაც ვარ მრავალთა შორის
სულ მარტოდმარტო.

მავანთ და მავანთ, სხვასთან ყოფნა სურთ
და იცით რატომ?
რადგანაც, ჩემთან
ვერასდროს ლაყბობს.

25.07. 2024 წელი.

თბილისი.



პ ა რ ა ლ ე ლ ე ბ ი



საგულისხმო პარაფელები ანუ უფლის გზა

თავისუფლად ცხოვრება, იოლია,
იცხოვრო თავის უფლებით, ძნელი.

•

ცოდნის გამოყენება, იოლია,
ცოდნის შეძენა ძნელი.

•

უღირსად იცხოვრო, იოლია,
ღირსების ქულებით – ძნელი.

•

სიკვდილი, ძალზე იოლია,
სიცოცხლე – ძნელზე ძნელი.

•

ბოროტების კეთება, იოლია,
სიკეთით ცხოვრება – ძნელი.



•
გარჯას სხვას თხოვდე, იოლია,
შენ ირჯებოდე – ძნელი.

•
ხმამალლა გოდება, იოლია,
გულში ჩახვევა – ძნელი.

•
პირქუშობა, ძალზე იოლია,
პირღმიღმიანობა ძნელი.

•
სიზარმაცე, ძალზე იოლია,
ბეჯითობაა ძნელი.

•
მეგობრის დაკარგვა იოლია,
მეგობრის შეძენა – ძნელი.

•
სახლის დანგრევა იოლია,
აშენებაა, ძნელი.

•
გაყიდვა ძალზე იოლია,
შეძენა, ძნელზე ძნელი.

•
ხის მოჭრა ძალზე იოლია,
დარგვა–გაშენებაა ძნელი.

•
ადამიანის „მოკვლა“ იოლია,
სულის შთაბერვა – ძნელი.



- გადამტერება იოლია,
შემორიგება – ძნელი.
- სტუმრისთვის კარის ჩარაზვა იოლია,
გახსნა–შეპატიუებაა ძნელი.
- ურცხვად ცხოვრება იოლია,
პატიოსნება – ძნელი.
- ფუქსავატობა, იოლია,
გარჯა–შრომაა ძნელი.
- ტყუილის თქმა, ძალზე იოლია,
გულწრფელობაა ძნელი.
- რეპლიკის სროლა, იოლია,
დიალოგია ძნელი.
- ფერდობზე ასვლა, იოლია,
მწვერვალის დაპყრობა – ძნელი.
- შვილზე უარის თქმა, იოლია,
დედობა იტვირთო – ძნელი.
- სირცხვილით ცხოვრება, იოლია,
სიწმინდით ცხოვრება– ძნელი.



- თავხედობა, ძალზე იოლია,
კდემით ცხოვრება- ძნელი.
- მრუდე გზით ცხოვრება, იოლია,
ცხოვრება უფლის გზით, ძნელი.
- სუფრათან ჯდომა, იოლია,
სუფრის გაშლაა ძნელი.
- უბნეობა, ძალზე იოლია,
ზნეკეთილობა – ძნელი.
- წაქცეულზე ფეხის დადგმა, იოლია,
წამოყენებაა ძნელი.
- არ ვიცის გზა, ძალზე იოლია,
ვიცის - პასუხისმგებლობაა ძნელი.
- თანამშრომლობა, იოლია,
უფროსობაა ძნელი.
- ღვინის სმა, ძალზე იოლია,
ღვინის ხელობა - ძნელი.
- თაფლის მირთმევა, იოლია,
ფუტკრის შრომაა ძნელი.



- ცხოვრება სიხარბით, იოლია,
ხელგაშლილობით – ძნელი.
- უძლურის დაკნინება, იოლია,
პატივით მოპყრობა – ძნელი.
- კაპასობა, ძალზე იოლია,
თავშეკავება – ძნელი.
- დოვლათის ფლანგვა, იოლია,
შექმნა დოვლათი – ძნელი.
- ულვთოდ მოქცევა, იოლია,
მადლიანი იყო – ძნელი.
- ლუკმის გადაყლაპვა, იოლია,
სათქმელის გადაყლაპვა – ძნელი.
- სულის წარწყმედა, იოლია,
სასუფევლის მოპოვება – ძნელი.
- ვნებებზე აყოლა, იოლია,
უფალზე გაყოლა – ძნელი.
- ვიშვიში, ძალზე იოლია,
სიმშვიდე, ძალზე ძნელი.



- ნაშრომის წუნდება, იოლია,
ნაშრომის შექმნა – ძნელი.
- გაკრიტიკება, იოლია,
რჩევის მიცემა – ძნელი.
- ზურგს უკან გაკილვა, იოლია
პირში თქმა, ძალზე ძნელი.
- წაქცევა, ძალზე იოლია,
წამოდგომაა ძნელი.
- მორალის წაკითხვა, იოლია,
მორალით იცხოვრო – ძნელი.
- დამრიგებლობა, იოლია,
მაგალითის ჩვენება – ძნელი.
- ტკივილის მიყენება, იოლია,
ნუგეშისცემა – ძნელი.
- შვილის გაჩენა, იოლია,
აღზრდაა ძალზე ძნელი.
- სოფლით ამაცობდე, იოლია,
სოფელი შენით ამაცობდეს – ძნელი.



- სხვისი დამცირება, იოლია,
პატივით მოპყრობა – ძნელი.
- უყურადღებობა, იოლია,
გულისყურობა – ძნელი.
- დროს ფლანგავდე და გრჩებოდეს, იოლია,
დრო არ გყოფნიდეს – ძნელი.
- წუთისოფლიდან გაქცევა, იოლია,
შეჭიდება-გაძლება, ძალზე ძნელი.
- შურიანობა იოლია,
უმურველობა – ძნელი.
- წუწუნით ცხოვრობდე, იოლია,
თმენით ცხოვრობდე – ძნელი.
- გარეგნული მოწესრიგება, იოლია,
სულში წესრიგიანობა – ძნელი.
- მფარველის ქვეშ ცხოვრება, იოლია,
სხვას მფარველობდე – ძნელი.
- დაცოდვილება, იოლია,
უცოდველობა – ძნელი.



- წამორღმვა, ძალზე იოლია,
სულდათქმულობა – ძნელი.
- გვარის შერცხვენა, იოლია,
გვარი ასახელო – ძნელი.
- საქმე ჩაუშალო, ძალზე იოლია,
საქმის მოუგვარო – ძნელი.
- ბნელეთში ნათობდე, იოლია,
ნათელში ნათობდე – ძნელი.
- გაქცევა სიცოცხლისგან, იოლია,
სიცოცხლით ტკებოდე – ძნელი.
- სიცოცხლის გაფლანგვა, იოლია,
გამოყენება – ძნელი.
- ფიქრთა გროვაში ჩაფლვა, იოლია
თავდაღწევაა ძნელი.
- სამყაროს დარბევა-განადგურება, იოლია,
შეცნობა-შეყვარება-აღმშენებლობაა ძნელი.
- მყარ საფუძველზე შენება, იოლია,
საფუძვლის შექმნა – ძნელი.



- ილხინო სხვის ხარჯზე, იოლია,
ალხინო შენს ხარჯზე – ძნელი.
- სოფელს სამკლად ხედავდე, იოლია,
მოსამკლის შექმნა – ძნელი.
- ჭინჭველთა განადგურება, იოლია,
მასთან შეჯიბრება – ძნელი.
- მაგრობდე მფარველით, იოლია,
შენით მაგრობდე – ძნელი.
- ბილწსიტყვაობა, იოლია,
კეთილმოუბრობა – ძნელი.
- საქმეს გაექცე, იოლია,
საქმისკენ გაიქცე – ძნელი.
- ნაშრომის გაუფასურება, იოლია,
სწორი ფასდება – ძნელი.
- თავისთავზე ზრუნავდე, იოლია,
სხვებზეც ზრუნავდე – ძნელი.
- უძლურს ხელი ჰკრა, იოლია,
შეეშველო – ძალზე ძნელი.



- სხვისით „ჩინარობდე“, იოლია,
შენით „გამოჩინარდე“ – ძნელი.
- უწესო იყო, ძალზე იოლია,
წესებით ცხოვრობდე – ძნელი.
- ლურსმნობა, ძალზე იოლია,
ჩაქუჩობაა ძნელი.
- ბედნიერებით ლალობდე, იოლია,
სიძნელეთა ძლევით – ძნელი.
- სხვას იყენებდე, იოლია,
სხვას გამოადგე – ძნელი.
- მკვებარას კვერი დაუკრა, იოლია,
ზურგი შეაქციო – ძნელი.
- კარგ მთქმელს წაუყრუო, იოლია,
კარგი გამგონი იყო – ძნელი.
- ავის მკეთებელი იყო, იოლია,
მადლის მკეთებელი – ძნელი.
- ამპარტავნება იოლია,
თავმდაბლობაა ძნელი.



- სხვისგან ითოხნიდე, იოლია,
სხვებს უწილადო – ძნელი.
- გამზირზე იარო, იოლია,
ვიწრო ბილიკზე – ძნელი.
- ყვავილებს კრეფდე, იოლია,
კრეფდე „ვარსკვლავებს“ – ძნელი.
- სამშობლოს გაყიდვა, იოლია,
პატრიოტი იყო – ძნელი.
- ურცხვად იცხოვრო, იოლია,
სინდისის ნიხრით – ძნელი.
- ავადსახსენებელი იყო, იოლია,
იყო კარგადსახსენებელი – ძნელი.
- კარგადმყოფი ავადმყოფობდე, იოლია,
ავადმყოფი კარგადმყოფობდე – ძნელი.
- ცრუდ ტრაბახობდე, იოლია,
სატრაბახოდ ცხოვრობდე – ძნელი.
- სხვისი შეგშურდეს იოლია,
შენი რომ შურდეთ – ძნელი.



- გაკვალულ გზაზე იარო, იოლია,
გზას, შენ კვალავდე – ძნელი.
- არაკაცობით „კაცობდე“, იოლია,
კაიკაცობით კაცობდე – ძნელი.
- კლდეზე გადაჩეხო, იოლია,
გადაჩეხვას გადაარჩინო – ძნელი.
- უფალი, აუგად მოიხსენო, იოლია,
უფალს ჰმადლობდე – ძნელი.
- სკოლამ გასახელოს, იოლია,
სკოლა ასახელო – ძნელი.
- ადამიანის გაცნობა, იოლია,
შეცნობა – ძალზე ძნელი.
- მუდამ სხვას ბაძავდე, იოლია,
შენ იყო მისაბაძი – ძნელი.
- გარეგნული სისუფთავე, იოლია,
სულის სისპეტაკე – ძნელი.
- ბევრთან ბევრი იყო, იოლია,
მარტოობაში ბევრობდე – ძნელი.



- უძლურს აბუჩად იგდებდე, იოლია,
ღირსებით ეპყრობოდე – ძნელი.
- ცუდს სხვაში ეძებდე, იოლია,
ეძებდე, შენს თავში – ძნელი.
- უგზურთა შორის ბრწყინავდე, იოლია,
გონიერთა შორის – ძნელი.
- სხვისი ნაშრომით პურდებოდე, იოლია,
სხვას აპურებდე – ძნელი.
- ადამიანი სიტყვით მოკლა, იოლია,
სიტყვით განკურნო – ძნელი.
- სასჯელს იხდიდე უზნეობისთვის, იოლია,
სიმართლის დაცვისთვის – ძნელი.
- წარსულით ხარობდე, იოლია,
ხარობდე აწმყოთი – ძნელი.
- სხვისი დამდაბლებით მალლობდე, იოლია,
მალლობდე შენი ამაღლებით – ძნელი.
- სხვისი ჭკუით დადიოდე, იოლია,
ჭკუასაკითხავი იყო – ძნელი.



- უპასუხისმგებლობა იოლია,
პასუხისმგებლობა – ძნელი.
- სხვისგან ისარგებლო იოლია,
სხვისთვის ისარგებლო – ძნელი.
- სიკეთის დავიწყება იოლია,
მუდამ გახსოვდეს – ძნელი.

(სულ: 116 ფრაზა)

2023 წელი.

თბილისი.

სამწუხარო პარაღელები

- **აღმამსვლელს**, შეჰხარის აქა-იქ ცოტა,
დაღმამსვლელს, „ლაშქარი“ ასხამს ხოტბას.
- **აღმამსვლელს**, უღვთოდ აფრქვევენ თვალში ნაცარს,
დაღმამსვლელს, გულუხვად აყრიან „შაბაშს“.
- **აღმამსვლელს**, ხშირად უბრობენ,
დაღმამსვლელს, ყოფას უმკობენ.



- **აღმამსვლელს**, ხვდებიან ტალახის გუნდებით,
დაღმამსვლელს – კაჭკაჭთა გუნდებით.
- **აღმამსვლელს**, ბილიკსაც ჩაუქაცვავენ,
დაღმამსვლელს, დარბაზებს მოუქარგავენ.
- **აღმამსვლელს**, ხვდებიან ნარ–ეკლის კონებით,
დაღმამსვლელს, ხვევნა–კოცნა–ჩაკონებით.
- **აღმამსვლელს**, ქვა–ლორღს დააწევენ,
დაღმამსვლელს, გმირობას შეაწევენ.
- **აღმამსვლელს**, ისრებით გულს გაუგლეჯენ,
დაღმამსვლელს, სიმღერით ფიანდაზს გაუგებენ.
- **აღმამსვლელს**, დაჰხარის, მხოლოდ არწივი,
დაღმამსვლელს – ყვავების ხროვა, ჩხავილით.
- **აღმამსვლელს**, ამხნევეს უფლის ლოცვა,
დაღმამსვლელს, უგნურთა ხოტბა–როცვა.

02. 09. 2022 წელი.

თბილისი.





მსურს და... მძულს

პირობა დათქმული,
ფიცი არ თქმული,
სიტყვა კაზმული,
წერტილი დასმული
მსურს.

•

ვერთვოდე:
ქაფქაფა მძინარეს
და... არა მძინარეს,
სიმღერით ამბავს ყვებოდეს,
თან კენჭებს ეფერებოდეს,
ლოდებზე შემფრენ ტალღებზე,
სხივები ათინათობდეს...

მსურს.

•

ვხვდებოდე:
გათლილებს,
და არა წაშლილებს,
კარგად აღზრდილებს...

ვხედავდე:
საქმეში ჩართულებს,
ქსელში არ გართულებს,
არწაქცეულებს,



არდაჩოქილებს,
ხელარგაწვდილებს
მსურს.

•

მრუდე სარკესთან,..
როგორც თავხედთან,
როგორც ცრუს მთქმელთან,
ავის მზრახველთან,
თან უღმობელთან,
ცინიკოსთან და
სულის მჩაგვრელთან,
ჩავლაც...

მძულს.

•

სარკე, სუფთა და მართალი,
და არა გამწყრალი,
ვით მეგობარი,
თავს სწორად მაცნობდეს,
სიმართლეს ამბობდეს,
სიწრფელით – მამკობდეს,
სინაკლით მაკრთობდეს...

მსურს.

•

ვხვრებდე რუს:
კამკამას,



რაკრაკას,
ანკარას;
მიგრილებდეს შუბლს,
მაგიწყებდეს ცუდს,
ძალას მმატებდეს,
რწმენით მავსებდეს,..

მსურს.

•

ღრუბელი:
შავი და გრუხუნა,
რომელიც გვიხეთქავს გულს,
ჭექა-ქუხილით რომ გვემურება,
და...

ქვეყნის დაქცევა სურს;
მზეს, გზას რომ უღობავს,
უფლებებს უზღუდავს...

მძულს.

•

ლურჯ ცაზე,
მზე მწველი,
დღე – გრძელი,
წუთისოფელში მავალი,
მრავალი დღეგრძელი

მსურს.



•

ზღვა...
ვითომ წყნარი,
მზაკვრულად ავი,
თვალთვალთ,
კატას რომ გაგონებს
მზეზე მწოლარეს,
თითქოს მთვლემარეს...
რომელიც არ ინდობს
თამამ მსხვერპლთ:
ტალღებზე „მოგზაურთ“,
ჯანმაცარ მეზღვაურთ;
ჩამხვევი ტალღებით
მოიმწყვდევს უბეში,
წამსვე რომ მოგუდავს
ბუნებით უხეში,
ადგილს რომ მიუჩენს
„უძღებ მუცელში“ ...
მძულს.

•

ველოდე მეგობარს:
სულგრძელს,
გამჭრიახს,
ერთგულს,
რომელიც არ გესვრის
ტალახის გუნდებს
და...



ზურგს უკან
არ ჩაცემს ბებუთს,
მსურს.

•

ვერ ვიტან
მკვებარას,
ანუ, მშიშარას,
გვერდით რომ უდგება
გაბღენძილ „კუნთმაგარს“,
წაქცეულს ფეხს წაგკრავს,
გადაგაბიჯებს,
და...
სხვასთან, სხვა ტონზე
დაიწყებს ტრაბახს,
დამცინავ ჩუქჩუქს,
ანდა,..
ხმადაბლა ჩურჩულს,
მძულს.

•

ვხედავდე ჰორიზონტს,
ნათელს და მკაფიოს,
მის ხილვად კონტურებს,
მოხატულ ქონგურებს;
ამხელდეს: მომხვდურებს,
დაცემულ მორწმუნეთ,



ზნედაცემულებს,
სამშობლოს მძარცველებს,
განძზე გამცვლელებს...
მსურს.

•

ვგივარ ნაპირთან,
გავყურებ ზღვას:
ლამაზს,
ტორტმანას,
ლივლივას,
წყნარს,
ძალზედ რომ წააგავს,
შენიღბულ ქალს – ფარულად ავს;
ის ფიქრებს მიწვალებს,
განწყობას მიმწვავებს,
ულმობელ წარსულით
მიმწარებს სულს;
რის გამოც...
არ მიყვარს კი არა,
ვნატრულობ კი არა,
სულ უფრო,
სულ უფრო,
სულ უფრო
მძულს!



•

ტაძარში მხედებოდნენ...

არა, ვაჭრები –

მლოცველთა სულის გამძარცველები,

არამედ:

ქრისტეს მოციქულები,

ღვთის მსახურები,

გზის გამკვლევეები,

დაბნულ „ცხვართა“ გადამრჩენები,

შემომქცევები...

მსურს.

•

ვესწრაფვი:

ოჯახის სავსობას,

აღათის განგრძობას,

ბავშვთა ანცობას,

მათ სიცილ-კისკისით

მინდორში გართობას;

სულის დათობას,

ღიღინში განღმრთობას,

შრომაში განვრცობას,

ერთობით დატკობას.

ასე რომ...

სუნთქვა კი არა,

სიცოცხლე კი არა,



ცხოვრება

მსურს.

•

უფალი მაწრთობდეს,
სიკეთე მადმრთობდეს,
იმედი მათობდეს,
წინაპართ ვამკობდე,
მომავალთ ვახსოვდე...

მსურს

08.03.2021 წელი.

თბილისი.





სხვადასხვა დროის განწყობები

- * სული ისე დამიმძიმდა,
მისი ზიდვა გამიჭირდა.
- * გულისცემა შემისუსტდა,
უძლურებამ შემისრუტა.
- * ველარაფერს ველარ ვფიქრობ,
ვერცა ვგეგმავ, ვერცა ვცდილობ.
- * დაბეგვილ მასად ვიქეცი,
არ მახსოვს, თუ წავიქეცი?!
- * აღარავის აღარ უნდა უილაჯო.
თუნდაც სულში სიკაშკაშე დაინახონ.
- * სამართალი დამდევს წესად,
სიმართოვე დამიწესდა.
- * ტელეფონი არავისგან არ ბარუნებს,
აღარც კარზე აღარავინ აკაკუნებს.
- * აღარ უნდათ, უფინანსო გონიერი,
ურჩევნიათ ფულიანი, თუნდაც შტერი.
- * დაღლილი ვარ უსაშველოდ,
და,.. წაშლილი უსაშლელოდ.



- * ჯობია არ თქვა სიმართლე,
კოცონზე დაწვას ინატრებ.
- * ცხოვრებამ დამღალა, გული დაღარა,
ნირი წაშალა, არც მინდა აღარა.
- * სიკეთის ქმნას, არ უნდა გამხელა,
უფლის გზა, უფრო გაგინათდება.
- * ახლა, შემოდგომაზე, შემოდგომა ისე მჭირდება,
როგორც შემომდგომს, შემცვლელი სჭირდება.
- * დრომ არა, არ იცის მოცდა და შენდობა,
უფლება არა გვაქვს, დაუშვით შეცდომა.
- * ფიქრში, ფიქრით წავიქეცი,
ველარსად ვერ გავექეცი.
- მზე დღეს, ნავთხალეული ჭრაქივით ბჟუტავს,
უფერულობით, გულს და განწყობას ხუთავს.
- * რა ძვირფასი ხარ, სამყაროვ – დედავ?!
დასანანია,.. მოწყენილს გხედავ!
- * თუკი, მეტს იბრუნებ სხვებზე,
განწყობას იუმჯობესებ.



* მიწიერმა, უმოწყალოდ რომ გადამიარა,
უფალმა, გულუხვად, მის მადლს მაზიარა.

* ვიყავ მხოლოდ უფლის მონა,
ვერაკაცმა დამიმონა.

* ხელცარიელსა სტუმარსა, უხვადაც რომ მიმასპინძლეს,
რას ვუტოვებ წუთისოფელს?

-კარგ შთამომავალს,.. ჩემს წიგნებს!..

2018 - 2024 წწ.

თბილისი.





საბავშვო



პირველი თოვლი

პეპლებივით ფარფატებენ ფიფქები,
იმდენია?! ეს არავინ იცის,
როგორ მიყვარს მე ეს თეთრი ფიფქები?!
ვზივარ მარტო და ფანჯრიდან ვითვლი.

ერთი, ორი... ამერია ყველა,
ლამის დავთვრე, ისე სწრაფად რბის,
ისე სწრაფად ეშვებიან ველად,
თოვს, ფიფქები... ვით თრითინა თრთის.

ობრავს ზეცა, ემატება ფიფქი ფიფქს,
ვემზადები საგუნდაოდ მეც,
თოვლის პაპას გავუკეთებ ბავშვებს,
იმათ, ნატვრა აუსრულდათ დღეს.

03.01.1982 წელი.

13 სთ.

ქუთაისი.



ზარმაცია ნია

ზარმაცია ჩვენი ნია,
უფროსების არ ესმის,
დაარიგებ? არ შეისმენს,
და თვალეებით ქვას გესვრის.

აღუმართავს ცერი ზევით,
ხან გარბის, ხან გამორბის,
საქმეშიც დაგეხმარება,..
სწავლა კი?.. არ გამოსდის.

21. 02. 2022 წელი.
თბილისი.

სამი წლის კორექტორი

-სათვალეებს ხედავ ტახტზე?
მომიტანე ბარბარე!
-ბებო! ეს ხომ ერთი არის?
უნდა გეთქვა სათვალე!

19.01.2021 წელი.
თბილისი.

ყოჩივარდა

ყოჩივარდა გაიბუტა,
აღიარა გულის დარდი:
-ყოჩივარდას რად მეძახით?!
არც ყოჩი ვარ და არც ვარდი!

31.07. 2021 წელი.
თბილისი.



ნაუბრები



ღია ბარათი, ნ. ბარათაშვილს:

კვლავაც „მოლელაეს მტკვარი“ „.. ოლონდ მღვრიე, არა ანკარა,
„და მის ზვირთებში“ „.. აღარც მთვარე კრთის, აღარც მზე თაკარა.

18. 04.2022 წელი
თბილისი.

•

მიწიერმა უმოწყალოდ რომ გადამიარა,
უფალმა გულუხვად მის მადლს მაზიარა.

16.03.2023 წელი.
თბილისი.

•

ახლა, შემოდგომაზე, შემოდგომა ისე მჭირდება,
როგორც შემოდგომს შემცვლელი სჭირდება.

31.12.2022 წელი.
თბილისი.



- დრომ არა, არ იცის მოცდა და შენდობა, უფლება არა გვაქვს, დავუშვათ შეცდომა.

17.02.2020 წელი.
თბილისი.

- რალაცის გაკეთებას ვახერხებ და რალაც-რალაცებს გვერდს ვუვლი; ვილაცას, მთელს სიცოცხლეს ვჩუქნი... ვილაცას, ლუკმასაც ვერ ვუწვდი.

23.11.2019 წელი.
თბილისი.

- დაღლილი ვარ უსაშველოდ და წაშლილი უსაშლელოდ.

27.09.2023 წელი.
თბილისი.

- მზე დღეს, ნავთჩალეული ჭრაქივით ბჟუტავს, უფერულობით, გულს და განწყობას ხუთავს.

28.10.2023 წელი.
თბილისი.



- სიკეთის ქმნას, არ უნდა გამხელა,
უფლის გზა, უფრო გაგინათლება.

03.05.2023 წელი.
თბილისი.

- უფალი გულით შეიყვარე და შეგიყვარებს.

03.09.2023 წელი.
თბილისი.

- სიხარული ჩანაცრდება,
წუხილით თუ ჩანაცვლდება.

01.01.2021 წელი.
თბილისი.

- ვინც, სარჩო-სარგებლის აპარატს გამოთიშა,
პასუხად, უფალმა ცხოვრებას გათიშა.

07.04.2022 წელი.
თბილისი.

- შუხუთი – ჩემი გურია,
ჩემთვის – სამყაროს გურია.

18.04.2023 წელი.
თბილისი.



- რაც მეტს იზრუნებ სხვებზე,
განწყობას იუმჯობესებ.

05.02.2024 წელი.
თბილისი.

- წვიმს და წვიმს,
სარეცხი არ შრება,
ღრუბელს მზე ჩაუკეტია,
არ სურს მისი გამოჩენა.

23.06.2023 წელი.
თბილისი.

- გარდაცვალებულს ცრემლი რად უნდა?!
იქ აღარ არის შესაცოდები,
მას სიცოცხლეში ჰკითხე, რა უნდა?
და მიაწოდე მისაწოდები.

30.10.2022 წელი.
თბილისი.

- ალბათ ჯერ კიდევ საჭირო ვარ,
რადგან, უფალმა სიცოცხლე გამიგრძელა,
საქმე? იცოცხლე, მაქვს თავსაყრელად,
ძალებს მოვიკრებ, გულმა თუ დამიჯერა.

12.04.2022 წელი.
თბილისი.



•

ღვთისგან ბოძებულ სიცოცხლის ხელყოფას
ღვთისგან მოველი;
ვინ მოგვცა უფლება, ერთმანეთს ვუმოკლოთ,
წუთისოფელი?!

05.05.2017 წელი.
თბილისი.

•

ჭეშმარიტება იშვება,
ორი კაციც რომ დაობდეს,
ქართულ ადათს გავუფრთხილდეთ,
არ გაფუჭდეს, არ დაობდეს.

03.12.2021 წელი.
თბილისი.

•

როგორ მომბეზრდა ერთფეროვნება,
ნამბეურებით გადახუნება?!
გამოფხიზლებას, ახლის დანახვას,
სჭირდება ძველის განადგურება.

03.09.2020 წელი.
თბილისი.

•

დღესაც წვიმს,
ცივა.



ცრის.
ჰაერი ბაცია.
ოთახში ვზივარ,
თბილად მაცვია.

26. 11. 2021 წელი.
თბილისი.

•

სამყარო მოწყენილია,
მზესაც კი უჭირს ნათება,
ცხოვრება ისე გაჭირდა,
მოგვიწევს ჭრაქის ანთება.

30. 11. 2021 წელი.
თბილისი.

•

რადგან ჩემი გულისთქმები
ჯანსაღია, თან ქაცვური,
ამიტომაც ვარ ეული
და ტოტებშემოდარცვული.

22. 08. 2021 წელი.
თბილისი.

•

სულით თუ არ დაეცემი,
მარჯვედ თუ მოიქნევ წერაქვს,



ჩახერგილ გზებს გაიკაფავ,
და დაიპყრობ კიდევ მწვერვალს.

11. 10. 2021 წელი.
თბილისი.

•
არ უყვართ სტუმრობა,
როცა არ ელიან,
მით უფრო სიკვდილის,
წუხილით ხვდებიან.

11.06. 2022 წელი.
თბილისი.

•
წასვლა სტუმრისა დროულად,
სიბრძნეა ვისაც სჩვევია;
უმტკივნეულოდ ადგილის თმობა,
კულტურაა და ოქროს წესია.

11.06. 2022 წელი.
თბილისი.

•
მეგობრობა რომ გაწყდება,
ძველებურად არ აღდგება,
გადაბმა კი მოხერხდება,
თუმცა, კვანძი ხინჯად რჩება.

29.06. 2022 წელი.
თბილისი.



- სიცოცხლე საჩუქარია,
გარდაუვალია სიკვდილი,
ცხოვრება საამურია,
თუ არ აწუხებ ჩივილით.

01.01.2021 წელი.
თბილისი.

- ცხოვრებამ დამღალა,
გული დაღარა,
ნირი წაშალა,
არც მინდა აღარა.

07.04.2022 წელი.
თბილისი.

- მთვარე გამინაწყენდა,
თითქოს მახე დავუგე,
–არსად გავხსენებვიარ,
მზეს, კომკები აუგე!

25.08. 2022 წელი.
თბილისი.

- მორცხვმა და გაუბედავმა,
ვძლიე დიდი ბარიერი,



მშობლები ბედნიერია,
მე კი, უფლის მადლიერი.

17.05.2020 წელი.
თბილისი.

•

საქმე იქამდე მივიდა,
აჯანყდა დიდი, პატარა,
მთავრობა გამოიცვალა,
„დიდი რეფორმა“ გატარდა.

23.12.2017 წელი.
თბილისი.

•

ბადრიმ ყორე, შემოავლო
სოფლის ეზოს, ქვით და კირით,
ჩიტი ჩიორა, ამ დროს გაბმულად,
გაიძახოდა: ქვით-კირ, ქვით-კირი.

25.11.2017 წელი.
თბილისი.

•

მე რომ შემეძლოს, შემოვიღებდი
ოსკარს „შვილობის“ უპირველესად,
და ამ ტიტულის პირველ მფლობელად



ვადიარებდი, ძვირფას ქეთევანს.

(ქეთევანი, ჩემი მეგობრის, მალვინა კუკულაძის შვილია.)

04.12.2023 წელი.

თბილისი.

•

ზეცაში აჯარებაა,

ღრუბლები სადღაც მიდიან,

–ხომ მშვიდობაა ნეტავი?!

მათ, მისი საქმე იციან.

13.08.2018 წელი.

მანგლისი.

•

ნინო საგინაშვილს – 8 შვილის დედას.

ნინო! წმინდა ნინოს დარო!

ქალის ეტალონი ხარო;

შექებას, არც კი შეიშნობ,

–მე, რა? ღვთის ნებითა ვარო.

04.07.2017 წელი.

თბილისი



- გული ხშირად ბაგა-ბუგობს,
გაუჭირდა, მკურნალს ითხოვს;
ხან კი, მამცნობს გადაღლას,
პულსი თუკი დავარდა.

23.09.2022 წელი.
თბილისი.

- უსულგულობამ, დაუკარგა სიკეთეს ყავლი,
მუქთად მშოვნელმა, გადაავსო ბელღებიც, სახლიც,
უშრომლად ნაშოვნმა, ოფლით მოწეულს დაუგდო ფასი.

16.10.2022 წელი.
თბილისი

- დროში დაკარგულს როცა შეხვდები,
გიდის მისიით ამცნე გაყოლა,
გულს გადაუშლი? არ გაგიკვირდეს?!
მოეწონო და იგრძნო თანხმობა.

29.11.2020 წელი.
თბილისი.

- კვლავ „ვბოდილობ“ წუთისოფელში,
უფალი მწყალობს ლაბირინთებში,



ამ ჯახირობებს, თავს რომ დავაღწევ
გავემგზავრები ზე, ზესოფელში.

23.10. 2023 წელი.
თბილისი.

•

აბა რა სჯობს გაზაფხულზე,
მაძღარ კვირტებს შესცქეროდე,
გიღვიძებდეს ხვალის იმედს,
გულში რწმენას შეგმღეროდეს.

20.03. 2019 წელი.
თბილისი.

•

წარსულისა და დღევანდლობისთვისაც,
უფალს უნდა, უჩინარი მაჩინოს,
ჩრდილში მდგარი, ჩადრჩამოფარებული
სხვებისთვისაც რომ გამხადოს საჩინო.

08.03.2024 წელი.
თბილისი.

•

წუწუნს არა ვარ ჩვეული,
არც ვაი-ვიშს და მიმოთქმას,



გულს ჩაკეტილს და ჩარაზულს
გახსნის, ნაფიქრთა ამოთქმა.

18.07.2018 წელი.
თბილისი.

•

ყურს არ ვუგდებთ, წავეყრებთ,
გულის კაკუნს კარებზე?!
როცა კარებს შემოანგრევს,
ვრჩებით, ჯანის გარეშე.

23.09.2022 წელი.
თბილისი.

•

შემოდარცვია ხურმას ფოთლები,
დახუნძლულია ქარვის მძივებით,
გაძლებაზეა მხრებჩამოყრილი,
ვერ ელევანი დედას შვილები.

17.11.2022 წელი.
თბილისი.



პ რ ი ზ ა

წერტილი დასასრულია



გზადაგზა ნაფიქრალები



ბავშვობაში გასაკეთებელი

ბავშვობა ურთულესი პერიოდია იმის გათვალისწინებით, რომ სწორედ ამ დროს ეყრება საფუძველი შენს მომავალს.

თუ ჩამორჩი, რაიმე თუ გამოგრჩა, ვერასოდეს დაეწევი.

ბავშვობაში გასაკეთებელი, ბავშვობაში უნდა გააკეთო. შემდგომში, დაწევის მცდელობისას, მიხვდები, რომ გამოტოვებული სიცარიელის შევსება დაგვიანებულია.

რაც შეეხება ბავშვური ცხოვრების სილაღეს, იმაში გამოიხატება, რომ არ დარდობ და არ ზრუნავ:

საცხოვრებელზე,

სასმელ-საჭმელზე,

გათბობაზე,

ჩაცმა-დახურვაზე,

ბინის მოწყობაზე,

ჰაერის გამოცვლაზე,

კომუნალურ გადასახადებზე,

წასვლა-მოსვლის ორგანიზებაზე,



სტუმრის დახვედრის პასუხისმგებლობაზე.
მოფერების და სიყვარულის ობიექტი ხარ ოჯახში,
შენს გახარებაზე არიან ორიენტირებულნი.
გონივრულად გამოიყენე ეს შეღავათები და ცხოვრება გაგი-
ოლღდება დიდობაში!

06.05.2022 წელი.
თბილისი.

ადამიანთა დამაკუშირებელი

ადამიანები ერთმანეთისთვის იმიტომ არიან საინტერესონი,
რომ განსხვავებული ხედვა, განსხვავებული ინტერესები და გან-
სხვავებული მეცნიერებები აინტერესებთ.

ურთიერთობებიც აქედან ყალიბდება. საუბრებითა და კით-
ხვების დასმით გებულობენ ერთმანეთის ხედვებს, აზრებს, გე-
მოვნებებს, მისწრაფებებს.

ხიბლიც სწორედ იმაშია, რომ ზოგს ვარდი მოსწონს, ზოგსაც
ია; ზოგს ცეკვა უყვარს და ზოგს კი სიმღერა; ზოგს ექიმობა მოს-
წონს და ზოგს – გეოლოგობა; ზოგი ხეხილის გაშენებას მისდევს
და ზოგი ფუტკრების ოჯახებზე მზრუნველობას...

აბა წარმოიდგინეთ, ყველა ერთნაირი მიმართულებით რომ
ინტერესდებოდეს, მაშინ საკვებიც ერთნაირი იქნებოდა და ად-
ამიანებიც ერთი პროფესიისანი.

თუკი ყველა იდენტური იქნება, მაშინ ერთმანეთთან რაზე
უნდა ისაუბრონ?! იქნებიან ინკუბატორის წიწილებივით, მხო-
ლოდ ჭამასა და დასვენებაზე ორიენტირებულნი.

რა მოსაწყენი იქნებოდა სამყაროს ერთფეროვნება?



აზრების გაზიარება საუკეთესო რამაა, იგი ადამიანთა დამაკავშირებელია. მონატრებასაც აზრთა გაზიარების სურვილი იწვევს. ერთმანეთთან მიმოსვლისა და სატელეფონო საუბრების სურვილი ამიტომაც გავავანია.

თუკი აზრის გამზიარებელი გყავს და თავადაც კარგი მსმენელი ხარ, ე.ი. მარტო არა ხარ და მაშინ,.. ცხოვრებაც და სიცოცხლესაც საინტერესოა.

09.04.2023 წელი.
თბილისი.

აზროვნების სპექტრი

ყველა ადამიანის ცხოვრების წესი, მოქმედების არეალი სხვადასხვანაირ განზომილებაშია, აზროვნების სხვადასხვა სპექტრში მოგზაურობენ, სხვადასხვანაირი ხედვა აქვთ ამა თუ იმ დროსა და სივრცეში. ამიტომაც, ადამიანებს ასახვის სხვადასხვანაირი მიდგომა აქვთ სიტყვებში გამოხატული.

მაგ.: ფილოლოგი სხვადასხვა ეპოქის ლიტერატურულ მოღვაწეებთან ერთად დააბიჯებს ხელიხელჩაკიდებული.

ისტორიკოსი, კაცობრიობის არსებობაში ცვლილებებთან, ახალ-ახალ საზღვრებთან და რუკებთანაა შერწყმული, და ამ გამუდმებული სიახლეების ეპიცენტრიდან შეჰყურებს სამყაროს გლობალურად.

ყველა დარგის სპეციალისტი პროფესიის შესაბამისად აზროვნებს და სამეტყველო ლექსიკონშიც იკვეთება დარგობრივი ლექსიკა.



ჩემს შემთხვევაში კი, როგორც არაჰუმანიტარული დარგის მიმდევარი და მოყვარული, სკოლიდან მოყოლებული, მათემატიკასთან – ზუსტ და ლაკონურ მეცნიერებასთან ერთად მოვდივარ გადაჭდობილ მდგომარეობაში. ამიტომ ძალიან უბრალოდ, ლაკონურად ვაზროვნებ და ასევე ვწერ. ჩემი ჩანაწერები გაჯერებულია ყოველდღიური სასაუბრო თუ სამეტყველო სიტყვათა კონითა და დიალექტითაც. ვცდილობ, დიდი სათქმელი ერთ წინადადებაში ჩავატიო.

გლობალურ სამყაროში არ ვგრძნობ თავს. ამიტომ წერიტაც ვწერ ჩემი ფიზიკური ყოფითობის არეალის შესაბამისად, თავალით დანახულიდან და გულით შეგრძნობილიდან გამომდინარე.

07.04.2022 წელი.
თბილისი.

გარდაცვალება და სიკვდილი

წუთისოფლიდან გაუსვლელი არავინ რჩება, მაგრამ ზოგი სიკვდილით მიდის, ზოგიც – გარდაცვალებით.

ადამიანის წუთისოფლიდან გასვლა ჭირისუფლისთვის ისეთი სასჯელია, რომლის წინაშეც უძლურია ყველა გარშემომყოფი: თუნდაც ზღვა მეგობარი, ზღვა სანაცნობო, თუნდაც დამწუხრებული მსოფლიო.

ვერც სიტყვა, ვერც ზღვა თაიგული, ვერც ზღვა ცრემლი, ვერც მის სახელზე ანთებული ჩაუქრობელი კანდელი და სანთელი და ვერც უსაზღვრო მატერიალური დახმარება ვერაფერს შეცვლის; ეს ყველაფერი კარგად დადგმული სპექტაკლია, რო-



მელიც სულიერად დამწუხრებულს, მწუხრს დროებით აისად მოგაჩვენებს, ჩამოქუფრული ცა ცოტათი გაიხსნება და მზის სხივი იმედად გამოანათებს ღრუბლებს შორის; გულს მოგიოხებს, შვებას იგრძნობ ცოტათი.

სიკვდილი უმეღავათო სასჯელია ჭირისუფლისთვის.

გარდაცვალება კი...

გარდაცვალება ფიზიკური ტვირთის შემსუბუქებაა, რომლის შემდეგაც კარგა ხანს გტკივა ზურგი, თუმცა უზარმაზარ შვებას გრძნობ, არ ისრისები მხოლოდ აუცილებელი ტვირთის ზიდვით, რადგან უკიდევანო შეღავათია, თუკი გარდაცვლილმა ღირსეულად დატოვა წუთისოფელი ღვაწლმოსილების გამო. თუ ჰქონდა ისეთი გამოგონება, ისეთი ნაშრომი, ისეთი შემოქმედება ან ისეთი შთამომავლობა ჰყავდა, რომელიც უკვდავყოფს მის სახელს, თუნდაც ერთი საუკუნის განმავლობაში.

სწორედ, გარდაცვლილის ღირსეული დანატოვარი იქნება ჭირისუფლის შეღავათი, გარდაცვალებით გამოწვეული ტვირთის შემსუბუქება და საოხი.

ეს იქნება ჭეშმარიტი გარდაცვალება ანუ ადამიანის სახეცვლილება.

თუმცა,.. ეს ხომ ერთეულთა შორის ერთეულთა ხვედრია?!

12.06.2021 წელი.
თბილისი.





გაუფრთხილდი და ასანკლე

როცა საქართველოში – სამშობლოში, იქცევი ცუდად, ან ვინმეს შეურაცხყოფ, ამით შენს გვარსა და ოჯახს შეურაცხყოფ.

შენ! საქართველოში, ანუ სამშობლოში, შენი გვარისა და ოჯახის სახე ხარ!

როცა, საზღვარგარეთ იქცევი ცუდად, ან ვინმეს შეურაცხყოფ, ამით საქართველოს, ანუ სამშობლოს შეურაცხყოფ.

შენ! საზღვარგარეთ, საქართველოს, ანუ სამშობლოს სახე ხარ!

გაუფრთხილი შენს გვარს, ოჯახსა და საქართველოს, ანუ სამშობლოს!

ასახელე შენი გვარი, ოჯახი და საქართველო, ანუ სამშობლო!

28.07.2023 წელი.
თბილისი

გზის დასასრულს

ყველა ხეს როდი მოსთხრის ქარბუქი ან როდი წალეკავს ნი-
აღვარი?!

ან კიდევ, კარგად შერჩეულ ალაგბე, კარგად ნაშენ სახლს
საფუძველს იოლად როდი გამოუშლის დროებითი ღვარცოფი?!



ძლიერმა ქარმა, ძლიერ ხეს, შეიძლება სუსტი ტოტები შეამტვრიოს, მაგრამ დროთა სვლაში მოიშუშებს იარებს და თუნდაც ხეიბარ მდგომარეობაში გააგრძელებს დგომასა და სარგებლის მოტანას წუთისოფლისთვის.

შემდეგ კი, კარგი ნაყოფიერებისთვის, მისი ხსენება დიდხანს გაგრძელდება გარდაცვალების შემდეგაც.

ასეა ადამიანიც.

კარგად აღზრდილი და სწავლაში დამოუკიდებლად ნაწრთობი ადამიანიც მყარად დგას. თუნდაც მწვერვალები ვერ დაიბყროს, სადაც დგას, იქაც ფასდება მისი შრომა და გონიერება, წონასწორობას არ დაკარგავს, სასოწარკვეთილებაში არ ჩავარდება; მიწაზე დანარცხებისასაც გულდინჯად წამოდგება, ნელ-ნელა წელში გასწორდება და კვლავ გააგრძელებს ცხოვრებას, ჩვეულ რიტმში.

ყურადღებას არ მიაქცევს მოსეირეთა დამცინავ მზერას.

მშრომელ და ძლიერ ადამიანს არ სცალია სასეიროდ, სხვის გასაკილად ან დასაცინად. თუკი წაქცეულს შენიშნავს, მივა და ღირსეულად წაეშველება, გვერდში დგომით ტკივილს შეუმსუბუქებს და დააიმედებს.

ადამიანთა სულის განადგურებაზე დიდ გავლენას ახდენს საზოგადოება, თუმცა, აქაც სუსტები ხდებიან მსხვერპლნი.

თუკი წინააღმდეგობას ვერ უწევ დაბრკოლებას, გვერდი აუქციე და სხვა გზით იარე.

სამყარო იმდენად დიდი კია, გვერდის აქცევა რომ შეძლო უმტკივნეულოდ და გააგრძელო გზა სხვა მიმართულებით, მტკიცედ და გონივრულად.



კიდევ შეგხვდება მსგავსი დაბრკოლება სახეცვლილებით?!
იქაც არ უნდა მიიმტვრიო ცხვირ-პირი.

გზა ყოველთვის არსებობს, გამოსავლის.

გზის დასასრულს, სიცოცხლის ბოლოს, როცა განვლილ ცხოვრებას უკან მოუხედავ, დაინახავ შენს ნაკვალევს, ლაბირინთის სახით.

თუ ეს ტრაექტორია მხოლოდ სწორხაზოვანია, ე.ი. უფერულად გაგივლია ცხოვრება, ან ვიღაცის ზედამხედველობისა და მფარველობის ქვეშ.

თუ ტეხილი და მრუდე ხაზები ბევრია, ე.ი. გიბრძოლია და გამოწრთობილხარ. სათქმელიც გექნება შთამომავლობასთან მოსაყოლი ან თუნდაც უცნობთა დასაინტერესებლად.

რომელ კვანძთანაც უფრო დიდხანს იყავი და იჯახირე, ე.ი. ძნელი ამოცანის წინაშე იდექი.

ადამიანის სავლელი გზა სუფთა ფურცელია, რომელზეც შენს მიერ ნაშრომ-ნამოღვაწარი კვლებად გვირისტდება.

გზის დასასრულს...

თუ ფურცელზე ლამაზი გვირისტითაა ხვეული ლაბირინთები, ანუ შენი ნაკვალევი ამოტვიფრული, მაშინ სასიამოვნო და საგულისხმო მოსაგონარი დარჩება ოჯახს, შთამომავლობასა და ნაცნობ-მეგობრებს შენს შესახებ.

და... მაღლმოსილი, ბედნიერი მიიცვლები.

08.04.2023 წელი.
თბილისი





ღამიბრკოლქკლი დო გამამხნეკქკლი

ადამიანი რალაც გადაწყვეტილებას ფიქრებში იღებს, რაში-
დაც სასვენი ნიშნები ეხმარება.

კითხვითი ნიშანი ნაბიჯის გადადგმას მიკრძალავს, გადაწყვეტილების მიღებაში მარკოლებს, ეჭვევემ აყენებს ჩემს მოსაბრებას. მამაჩემის ბუნებრივად მკაცრ, სქელწარბებშეკრულ მდგომარეობას მახსენებს, რომელიც უსიტყვოდ მაგრძნობინებდა:

- სად მიხვალ?
- რას აკეთებ?
- როდის დაბრუნდები?

კითხვითი ნიშანი გაორჭოფებს, გბაზე დამდგარს უკან მოგაბრუნებს; გადაწყვეტილების მიღებაში ხელს გიშლის; ზოგჯერ უტყუარ საქმესაც სასწორზე შეგაგდებინებს, თუკი საპირისპირო, დამაჯერებელი არგუმენტებით შემოიჭრება და შეიძლება საქმე ჩაშალოს; ან პირიქით, სასწრაფო საქმისკენ გაქცეულს, რალაც მივიწყებულს შეგახსენებს, რომ ის უფრო მთავარია, არ დაგავიწყდესო და მისამართს შეგაცვლევინებს.

ხან, ისე შეიბურები კითხვითი ნიშნებით, ერთ ადგილზე გაგაშეშებს. საიდან დაიწყო და პასუხი რომელს გასცე, არ იცი.

მოკლედ, დაბნული ხარ.

ძახილის ნიშანი კი, გადაწყვეტილების მიღების ფიქრებში გართულს, წინსვლისკენ გიბიძგებს, გამამხნევებლად შემოგდახებს და შეგაგულიანებს:

- წადი, ნაბიჯი გადადგი, არ წასვლას სვლა სჯობს! ჭეშმარიტება და სიმართლე წინსვლაში გაირკვევა! ხან ჩაგდახებს, რომ



შეცდომას უშვებ და გადადგმულ ნაბიჯს უკან გადმოგადგმევენებს.

ანუ, ძახილის ნიშანი გმოდღვრავს, რჩევას გაძლევს, სხვადასხვაგვარად შეგავონებს:

- იარე, ერთ ადგილზე ტკეპნა მცონარად გაქცევს და დამდგარ წყალს დაემსგავსები, დროთა სვლა რომ აბინძურებს!

- უსარგებლო, გამოუსადეგარი და უარყოფითი ამრები გულს გამოგხრავს!

- არ შეჩერდე!

- თუნდაც წარუმატებელი დარჩე, სვლა არ შეაჩერო!

•

წარმატება ნელი ნაბიჯით მოდის, თავშეკავებულად.

იგი არ მოჩუხჩუხებს.

იოლად რომ გეგებებოდეს, მაშინ დიდი სიხარულის მომგვრელიც არ იქნება და ფასდებულის!

წარუმატებლობები გწვრთნის!

გაკაჟებს!

ბრძოლის ჟინს გიზრდის!

ჩაფიქრებას და დაფიქრებას გასწავლის!

განსჯის უნარს შეგმატებს!

სიბრძნეს გაზიარებს!

სხვისას კი არა, შენი წატეხილი ფეხის ტკივილზე გამოწრთობილ სიბრძნეს.

კითხვითი და ძახილის ნიშნების ურთიერთმონაცვლეობა, გადაწყვეტილებებს აფორმირებს. ხან გეხმარება, ხან გაბრკოლებს.



ხან წინ მიდიხარ და ხან უკან იხევ.

ხან წყაროს წყალივით გარაკრავებს, ხან კი... ბორკილს და-
გადებს და ერთ ადგილს მიგაჯაჭვავს.

და მაინც...

კითხვითი ნიშანი შემეყოვნებელია და დამაბრკოლებელი.

ძახილის ნიშანი კი... გამამხნეველი, შემომძახებელი და
შემაგულიანებელი.

18.01.2021 წელი.
თბილისი.

დაუცველობის სინდრომი

დაუცველობის სინდრომი ბავშვობაში შიშს იწვევს, როცა
რალაც პრობლემა შენი გადასალახია და სხვა ვერ, ან არ გეხმა-
რება.

შეშინებული და დაფეთებული თვალებით ებრძვი პრობლე-
მას, რომელიც გადაულახავი გეჩვენება, თუმცა გადალახვის შემ-
დეგ გამოცდილებას გძენს.

თავდაცვის იმუნუტეტი გებრდება.

შემდეგ ეჩვევი.

ბრმად აღარ დგამ ნაბიჯს.

გამოცდილს ცხოვრება აღარ გეჩვენება ისე რთული, როგო-
რიც გეგონა თავდაპირველად.

უკვე სხვას ეხმარები შიშის დაძლევაში და კიდევ და კიდევ
უფრო ძლიერდები. ზოგჯერ ჭკუასაკითხავიც კი ხდები.



მშობლის როლის დაკისრება კიდევ უფრო გიმძაფრებს თავ-
დაცვის ინსტინქტს და შვილებთან კრუხივით ხარ. თავიდანვე და-
მოუკიდებლობას აჩვენე მათ, რათა მათაც არ გაიარონ დაუცვე-
ლობის შიშის მწარე განცდა.

გადის წლები.

ასაკი გემატება.

პრობლემები აღარ გინდა.

ბავშვობას უახლოვდები და უსუსურობაც გიჟდება ძვალ-
რბილში.

გამოცდილება არ გშველის.

შინაგანად უძლური ეძებ დამხმარეს, მცველს, რომელიც არ,
ან იშვიათად გიდგას გვერდით.

ან, არ კადრულობ დამხმარეს „გამოძახებას“.

დაუცველობის სინდრომით ბავშვობას უბრუნდები და ზოგ-
ჯერ ვეღარ გამოდიხარ ამ ჩიხიდან.

23.04.2021 წელი.

თბილისი.

მთაწმინდის პარკი.





დედა დედასამშობლოცაა

(ანბანური ინტეგრალების მოტივებზე)

დედა დედასამშობლოცაა და დედასამშობლო დედაცაა.

დაუძლურებული დედისა და დედასამშობლოს დატოვება დროებითი დროსტარებისთვის დანაშაულია.

დედაც და დედასამშობლოც დაუდევრობით დაგვეკარგება და დაგვეღუპება.

დრო დაგაბრძენებს.

დაკარგულის დაბრუნებას დაიჩემებ?

დედის დაბრუნება დაგვიანებულია და დაუშვებელი – დედამიწასთანაა დაკონებული.

დედასამშობლოს დასაბრუნებლად დაეჭიდები დამპყრობთ? დაილეწები, დაიბეგვები, დაიჩეჩქვები და დედასა და დედასამშობლოსავით დაგტკეპნიან დედამიწაზე.

დედის და დედასამშობლოს დამკარგავს, დაგვიანებით, დაღვინებისას დაგაჟღნობს დარდი.

დანაკარგით დაღდასმული, დაბეჩავებული, დარეტიანებული, დედისა და დედასამშობლოს დასატირებლად დაიჩოქებ დედაღვთისმშობელთან.

დარდით დაღარული დაემხობი დედამიწას.

დაგვიანებულს დატირება დაგამშვიდებს?!

დაუწყებ დედამიწას დატორვას, დაიტირებ...



დაუძლურებული დასრულებები და დატოვებ დედა-დედასამშობლოს, დასისხლიანებულსა და დედაბუდიანად დარღმებურულს.

დაუძლურება დააკნინებს, დააჩიავებს დედასამშობლოს და დაუცველობით დაობლებულს, დავრდომილს დაემსგავსება.

დუმილით, დროულ დახმარებას დაელოდება დღითი დღე დავლახებული და დაჩაჩანაკებული დედასამშობლო.

დაუცველობა დაღუპავს დედასამშობლოსაც და დასასრულს დაუძლურებული დადუღაბდება დედამიწაზე.

დასანანია, დამპყრობნი დაეპატრონებიან დედაღვთისმშობლისგან დალოცვილ, დოვლათიან დანატოვარს, დედა-დედასამშობლოს.

დარდით დამდურული დედაღვთისმშობელი დაიტირებს და დავალდებულებს დედასამშობლოს დედაბოძობას, დასაბამისაებრ დასასრულამდე.

დროულად დაუდექით დედასა თუ დედასამშობლოს დამცველადაც და დარაჯადაც!

და...

დედაღვთისმშობლის დალოცვა, დარდებს დავიამებს დასასრულამდე.

03.05.2024 წელი.
თბილისი.





თვალთვალი

სხვაზე თვალთვალი ჭკვიან, თავდაჯერებულ, შინაგანად ინტელექტუალურ, ან მრავალმხრივ შემოქმედ ადამიანს არ ახასიათებს და ამისთვის არც სცალია, რადგან იგი თავისი საქმიანობა დაკავებული, შრომაშია გართული, ან წასასვლელია სადღაც, ან ვიღაცას სჭირდება, ან ვიღაცას ელოდება და ა.შ.

ზარმაცი, უსაქმური, პრიმიტიულად მოამბროვნე, უსარგებლო ადამიანია დაკავებული ხშირად თვალთვალით. ზუსტად იცის, მეზობელი როდის გავიდა სახლიდან, როდის დაბრუნდა; კამათობს და ჩხუბობს, თუ ბედნიერი წაიმღერებს ხოლმე სახლში.

თუ ამ ყველაფრის მიზეზები ვერ გაიგო, იწყენს, სხვასთან გააბამს ჭორობას და... ამოისუნთქავს, თუკი ვინმესგან დააზუსტებს რაიმე ინფორმაციას თვალთვალის ობიექტზე.

თვალთვალის ობიექტი მაშინ ხდება ოჯახი, ან პიროვნება, თუკი მოთვალთვალესთან მხოლოდ მისალმებითი ურთიერთობით შემოიფარგლება.

თვალთვალი უსარგებლო, დამამცირებელი თვისება და „ხელობა“.

თვალთვალი, არასრულფასოვანი ადამიანის სინდრომია.

საცოდავია და სულიერად გაუწონასწორებელი მოთვალთვალე ადამიანი.

თვალთვალი სასარგებლოა და გამართლებული პარტიზანული რაზმებისთვის, მომხვდური მტრის დაბანაკებისა და მისი საიერიშო გეგმების შეტყობის მიზნით, რათა მოხერხებულად უკუაგდონ მტერი.



მეზობელზე თვალთვალი კი უგვანო, ბილწი საქციელია, ყოვლად უსარგებლო და უვარგისი ადამიანის თვისებაა.

03.03.2021 წელი.
თბილისი.

ძარდათული სიყვარულის სიმბოლო

იგი ყველასთან მიდის.

არა აქვს მნიშვნელობა, რა ასაკის ხარ.

მას ყველა უყვარს.

იგი, ყველას სამარადჟამო სიყვარულს ჰპირდება სხვადას-
ხვანაირი ფორმით.

მისგან განშორება და ღალატი გამორიცხულია.

მთელი ცხოვრება მასთან შეხვედრის ფიქრი დაგსდევს,
ნერვიულობ, მოლოდინის რეჟიმში ხარ...

ზოგჯერ, საყვედურიც კი წამოგცდება, დაგვიანებაში ადანაშ-
აულებ...

იგი ჩვენი მეორე ნახევარია დაბადებისთანავე, მაგრამ მის
არსებობასა და მასთან ჩვენს აუცილებელ კავშირს მოზრდილი
ასაკიდან ვაცნობიერებთ. დარწმუნებულნი ვართ, რომ ერთ
დროს მასთან აუცილებლად დავაკავშირებთ ცხოვრებას, მაგრამ
მორცხვი და ძნელად მოსაპოვებელი პატარძალივით თავს ვიკა-
ვებთ, იოლად არ ვთანხმდებით პირველივე ხელის შეთავაზება-
ზე, თავს არ დაუვკრავთ თანხმობის ნიშნად.

გავურბივართ, ვემალებით, ის კი... ჯიუტი სასიძოსავით მუ-
დამ თან დაგვსდევს აჩრდილივით, ყველგან დაგვყვება შორიან-



ლოს, გვითვალთვალეებს და ჩვენს მოსახელთებლად ხელსაყრელი მომენტის დაჭერას ცდილობს, ჩასაფრებულია და როგორც კი ჩვენში სისუსტეს იგრძნობს, მაშინვე წამოგვეპარება და ხელს მაგრად ჩაგვაკლებს.

ჩვენ კი თავდაჭერილ და თავშეკავებულ პოზიციაზე ვდგავართ კვლავ.

უძალიანდებით, ვებრძვით, ყოველ ღონეს ვხმარობთ თავის დასაღწევად და მისი ძლიერი ხელიდან გასხლტომას ვლამობთ; ხან იოლად გამოგვდის და გამარჯვებულის იერით ვაგრძელებთ სვლას. ვიცით, გვჯერა, რომ მის ხელში არ დავიტანჯებით, ხელის გულზედაც გვატარებს, ცივ ნიავსაც არ მოგვაკარებს, სამუდამო მოსასვენებელ ყოფას გვპირდება, მაგრამ... მაინც ფეხს ვითრევთ, მაინც ვახანგრძლივებთ ნარ-ეკლიანი გზით სიარულის პერიოდს.

როგორ და რა ხერხით არ ვცდილობთ მასთან შეკავშირებისგან თავის დაღწევას, თავდაცვას, თუნდაც ერთი წლით, ერთი თვით, ერთი კვირით, ერთი საათით?!

ვის არ მივმართავთ დახმარებისთვის, თითქოს ძლიერთ ამა ქვეყნისანთ, საზღვარგარეთაც გავრბივართ, ვეძებთ ხსნის გზებს.

თუმცა, ეს ყველაფერი დიდ ხარჯებთანაა დაკავშირებული, მაგრამ არ გვაშინებს. ვყიდით, რისი გაყიდვაც შეიძლება, უძრავ-მოძრავ ქონებას, ვიღებთ მოწყალებებს ახლობლებისგან, კრედიტს ბანკისგან.

ყველაფრის ფასად გავურბივართ მას, ვემალებით, უკეთეს გეგმებზე ვოცნებობთ და დაქორწინების ვადის გადაწყვეტაზე გან-



ცხადებას განცხადებაზე ვწერთ; ოღონდ ჯერ არა, ცოტა კიდევ მაცალეს გავიძახით ან ჩუმად ვჩურჩულებთ, ვლოცულობთ.

ბშირად მასთან კუკუდამალობანას ვთამაშობთ.

ასე ძლიერ და ნებისყოფიან პატარძალს ემართება, თორემ მოტაცებაც ხდება: ქორწილში ან სხვის დატირებაზე მიმავლის, თეატრის სცენაზე ტრიუმფის ან სპორტსმენის ზენიტში ყოფნის დროს, მძინარის, ზღვის ტალღებზე მოსრიალის; ამ დროს ხვეწნა-მუდარას აზრი არა აქვს, უკვე მისი ხარ.

პირიქითაც ხდება, ლოდინით გულგადაღებული „პატარძალი“ განაწყენებულიც კია, როგორ მიმატოვა, არც კი ვახსოვარ, ეტყობა ჩემი მისამართი დაავიწყდაო.

არის მომენტი, მჭიდროდ ჩაგვაველებს ხელს. ვფიქრობთ, დამთავრდა, თავბრუ გვეხვევა, ძლიერ გვიკრავს გულში და ვნებდებით თითქოს, მაგრამ თუკი ჩვენს სახეზე ნაღველი და სევდის მოჭარბება იგრძნო, ისიც გაგებით ეკიდება ჩვენს უღიმღამო მდგომარეობას და უკან იხევს, მოლოდინის რეჟიმში გადაინაცვლებს, რადგან არ უნდა ძალდატანებითი ფორმით „დაქორწინდეს“.

მე კარგა ხანია თანახმა ვარ, მაგრამ ახლა თვითონ დგას შორიახლოს, თან გულგრილად, თითქოს არ ვუყვარვარ.

არადა, იყო დრო, დაჩოქილი მევედრებოდა, კომკებს მიგებდა, მაგრამ შვილები იყვნენ წინააღმდეგნი, ვერ მელეოდნენ, ძალიან ვჭირდებოდი მათ, ამიტომ დანიშნული „ქორწილის“ დღე გააუქმა. მას შემდეგ გულგრილი გახდა ჩემდამი.

მისი სიშორე ზოგჯერ მანაღვლიანებს, სინანულის ცრემლამდეც კი. მისგან მოხერხებულად თავდაღწეულს, ბედნიერად რომ მიმაჩნდა თავი, თურმე რა ძლიერ ვცდებოდი?!



რამდენჯერ ხელიდან გავუშვი სხვადასხვა მიზეზთა გამო შანსი ბედნიერებისა.

•

ჩვენ ვიცით, დარწმუნებულნი ვართ, რომ ბოლოს და ბოლოს აუცილებლად მოვა, გულში ჩაგვიკრავს, მაგრად ჩაგვიხუტებს, თან მარადიული ერთგულების ფიცს ყურში ჩაგვიჩურჩულებს, დაგვაჯერებს, რომ ის ერთადერთია, რომელიც არ მიგვატოვებს, არ გვიღალატებს და ისე დაგვარწმუნებს ამ ყველაფერში, სიყვარულის მორევში ჩაფლულნი წინააღმდეგობას აღარ გავუწევთ, მის ერთგულებაში თავდაჯერებულნი ყველაფერს მივატოვებთ, უკან არც კი მოვუხედავთ მთელი სიცოცხლის ნაშრომ-ნაღვაწს, ახლობლებს, მეგობრებს და სიხარულით, მორჩილად გავყვებით მარადიული სიყვარულით ფრთებგამოსხმულნი, სამუდამო სიამტკბილობაში სანეტაროდ და... მოსასვენებლად.

ისიც, ჩვენი თანხმობით აღფრთოვანებული, იმთავითვე მსახურებს დაგვიყენებს მოსართავ-შესამკობელად.

გამოსამშვიდობებელ რიტუალსაც მოაწყობენ, საკმაოდ მოზრდილ, შესაბამისად მორთულ დარბაზში.

და... მიწაზე ფეხდაუდგმელად, ხელში აყვანილს, დაბანგუ-ლივით ღრმა ძილს მიცემულს, გადაგვაბრძანებს მის სამფლობელოში და ჩაგვაბრძანებს ჩვენთვის წინასწარ გამზადებულ „ტახტრევანში“.

06.11.2019 წელი.
თბილისი.



მზე შეკლაა

მადლობა, უფალო: სიცოცხლისა და უნარისთვის, შემეცნო სამყარო, აღმეძევა სილამაზე ამქვეყნიურობისა, ყოველდღიურობისა;

დღე-ღამის მონაცვლეობის საჭიროებისა;

იმის დანახვისთვის, რომ მზე, მთელი სამყაროს დედაა.

მზის ჩასვლას რასაც ვეძახით, დაისი, სევდის მომგვრელია, მაგრამ ამის აუცილებლობას ვაცნობიერებ და შეგნებულად ვხვდები, რადგან იგი ხომ მთელი სამყარს ცოცხალ და არაცოცხალ ბუნებაზე მზრუნველია.

მზის სიკეთისა და მრავალფუნქციურობის შეცნობის უნარისა;

მზის წრებრუნვაში სამყაროს ირგვლივ მისი კეთილშობილების უანგაროდ ფრქვევის დანახვისა;

მზის ყოველდღიურობაზე ფეხის აწყობა რომ შევძელი.

მზე იმედია და სიყვარულით ვხვდები ყოველ დღით ამ იმედს.

მზე ვერავის და ვერაფერს დატოვებს უყურადღებოდ, ყველას მიესიყვარულება.

მზე ყველას მიეთაკარება, გულს გაუთბობს და იმედით აავსებს.

მზე სამყაროს დედაა.

მზე შეკლაა.

მადლობა, უფალო, სიცოცხლისა და მზის მადლის შეგრძნებისთვის.

18.07.2023 წელი.
თბილისი.



მისაბაძი პაქროიჭები

გადამფრენი ფრინველები ჩვენი ქვეყნიდან გვიან შემოდგომაზე თბილ ქვეყნებში მიფრინავენ. ისინი გაურბიან ჩვენს მკაცრსა და ხანგრძლივ ზამთარს, რათა აქ დაფრთიანებული შთამომავლობა გამოკვებონ და ფიზიკურად გააძლიერონ შემდგომი ცხოვრებისთვის. ისინი დაუზარლად მიფრინავენ ზამთარში თავის გადასარჩენად და ასევე დაუზარლად მოფრინავენ უკან, სამშობლოში ყოველი წლის გაზაფხულზე. ბუდეს შეაკეთებენ, ოჯახურ ატმოსფეროს გააღვივებენ, შვილებს დააფრთიანებენ, გაწვრთნიან და გააძლიერებენ ხანგრძლივი საფრენოსნო ამტანობისთვის და ზამთარში გამოსაკვებად კვლავ გაეშურებიან თბილ ქვეყნებში გვიან შემოდგომაზე.

ასე გრძელდება გეგმაშეუცვლელად ყოველ წელს: გაზაფხულიდან შემოდგომის ბოლომდე ჩვენთან რჩებიან, ანუ წელიწადის სამ სეზონს და მხოლოდ ერთ სეზონს, ზამთარს, ატარებენ სტუმრად – თბილ ქვეყნებში.

სამწუხაროდ, ადამიანებმაც მიბაძეს გადამფრენ ფრინველთ, მაგრამ უცხო ქვეყანაში დაყოვნების ხანგრძლივობას არ საზღვრავენ და ხშირად სიცოცხლის უმეტეს ნაწილს სამშობლოსგან მოწყვეტილად ატარებენ. ისინი ბედნიერად გრძნობენ თავს უმადური შვილებივით, რომლებიც მშობელს სიღარიბის გამო ტოვებენ და სტომაქს სხვაგან ივსებენ, ტანისამოსსაც მდიდრულს ეძებენ.

დაწუნებული სამშობლო, ანუ მშობელთა საცხოვრისი მოწყენილი და მომლოდინე თვალებით გაჰყურებს გზას შვილების მოლოდინში. დაწუნებული მშობელი ძველებურად მწირ ტანისა-



მოსსა და საკვებს სჯერდება, რადგან კერიის გაცივებას ვერ შეეგუება, სანამ ცოცხალია. არადა, შვილებთან ერთად ხომ უფრო წელმაგარი იქნება და კერაალღუნებულიც?! გულისგამაწვრილებელი სიჩუმე აღარ იქნება დასადგურებული მათ ეზო-კარში და „სარეველა ბალახიც“ ვერ მოძლიერდება, რომელიც უკვე უფრო მეტია, ვიდრე სასარგებლო და კულტურული, მშობლიური, ნაყოფისმომცემი „შინაური მცენარე“.

დროა, დაფიქრდეთ და დაუბრუნდეთ სა-მშობლოს, ანუ მშობლის საცხოვრისს, თუნდაც გამოკეტილს, მით უფრო, თუ ჯერ კიდევ არ არის კარებაჭედილი, უდროოდ ნუ დააუძღურებთ ლოდინში დასაცოდავებულს. სამშობლოში მშობელთან ცხოვრება რატომ არ გირჩევნიათ, თუნდაც შეჭირვებულად?! მშობელთან ერთად დაიძინ-გაიღვიძებთ, ერთმანეთის სიხარულ-სიყვარულში გაათენ-დააღამებთ, მშობლიურ ჰაერს ჩაისუნთქავთ, მშობლიურ ენაზე ისაუბრებთ და იაზროვნებთ. ერთმანეთს გაუზიარებთ დღიურ საფიქრალსა და სატკივარს. ნუთუ, ფულიანი ჯიბე მშობელსა და მის საცხოვრის ადგილზე - სამშობლოზე უფრო ძვირფასია და საყვარელი?!

სა-მშობლო, ანუ მშობელთა საცხოვრისი, უცხო, ველურმა „სარეველა ბალახებმა“ დაიკავეს, გადაფარეს ეზო-კარი და ქუჩები. ჩვენი სამშობლოს კულტურულ მცენარეთა ხარობის ადგილები, სწორედ „უცხო სარეველების“ საცხოვრისად იქცა. ქუჩებიც გადაიფარა და ტრანსპორტიც.

ჩვენებურები და ჩვენებურობა მოენატრა კანტიკუნტად დარჩენილ პატრიოტთა თვალსაწიერთ.



ცრემლის ღვრა და გოდება არ შველის ამ საქმეს. კვლავ ჩვენს კულტურულ მცენარეთა უკანვე ჩარგვა და გახარება, გამრავლება და მორწყვა – განაშენიანება უშველის მხოლოდ.

თუკი ყველა სარეველა მცენარის ადგილს კულტურული – შინაური მცენარეები დაიკავებენ, მაშინ სარეველები თანდათან ამოიძირკვებიან და გადაშენდებიან.

სირცხვილია, მერცხალი რომ გვჯობნის სამშობლოსა და მშობლიური კერის სიყვარულსა თუ ერთგულებაში.

ამ დიდი სიყვარულის გამო გვიყვარს ჩვენ – ადამიანებს მშობლიურ ბუდესთან დაბრუნებული მერცხლები, სიხარულგაჯერებული ჟღურტულით რომ აიკლებენ გარემოს. ვხედავთ და ვგრძნობთ, როგორ ესიყვარულებიან თავიანთ საბუდარს, თუნდაც მონგრეულს, დაზიანებულსა და შესაკეთებელს. როგორ დაფრთხილებენ თავთაიანთი სახლების აივნებზე და ჭიკჭიკით იკლებენ იქაურობას! რითაც დიდისა თუ პატარას ყურადღებას იპყრობენ, მათ ხალისს მატებენ და შრომითი საქმიანობისთვის განაწყობენ. თვითონაც გულმოდგინედ შეუდგებიან დაზიანებული ბუდის გადახალისება-შეკეთება-აშენების სამუშაოს. იციან დროის ფასი, კარგი მეურნე გლეხივით და საქმიანობენ შეუსვენებლად და თადარიგთანად.

ღმერთო, როგორ აღიზარდნენ თავისი საქმის გენიოსებად?!

ჩვენ, ადამიანები, კი დროსტარებისა და მცონარობის გამო ხშირად დროის ჩამორჩენით ვსაქმიანობთ.

ყური უგდეთ მოფრენილ (დაბრუნებულ) „აკადემიკოსებს“, რომლებიც არა მარტო ლაპარაკ-ჭიკჭიკით გვამახსოვრებენ თავს, არამედ პრაქტიკულ „ლექციებს“ გვიტარებენ დროის განაწილებაზე, შრომით საქმიანობასა და პატრიოტიზმის თემებზე



უხელფასოდ, უსასყიდლოდ, მხოლოდ იმის საფასურად, რომ გვთხოვენ და გვმოძღვრავენ, გვაფრთხილებენ და გვეხვეწებიან, რათა ვიყოთ მუყაითნი მათსავით და გვიყვარდეს სამშობლო.

მათ იციან, რომ არ უნდა დაივიწყონ მშობლიური კუთხე, კერა, რადგან ყველაზე მშვიდად, ხალისიანად და ბედნიერად თავიანთ ბუდეში გრძნობენ თავს. ისინი, უპატრონოდ მიტოვებულ სახლზე ბუდეს არ აკეთებენ. მათ უყვართ ადამიანებთან ახლოს ცხოვრება, ალბათ დაცულად გრძნობენ თავს.

გაზაფხულის მაცნე ჩიტუნიები, ჩვენი სამყაროს დამამშვენებლები, არა მარტო ჭიკჭიკით, საფრენოსნო თუ სახლის შენების ოსტატობით, არამედ თავდაუზოგავი პატრიოტიზმითაც გვაკვირვებენ, რაზედაც ადამიანებს მიგვანიშნებენ და მიმბაძველობისკენ მიგვითითებენ.

ჩვენ, მართლაც, თვალყური უნდა ვადევნოთ მათ. შევევჯიბროთ სამშობლოს სიყვარულში, შევისისხლხორცოთ მათი უტყვი და უანგარო თავდადება მშობლიური კერისადმი. ამას საქმით ადასტურებენ, წელიწადში ორჯერ ათასობით კილომეტრის გადაფრენითა და მალევე უკანვე დაბრუნებით. ამისთვის არც ჯილდოს ითხოვენ, არც აპარტამენტებს; მხოლოდ მათი სამყოფი საცხოვრისი – ციციქნა ბუდე აკმაყოფილებთ და ამისთვის უსაზღვრო ენერჯიას ხარჯავენ, რომ დაუბრუნდნენ გაზაფხულობით თავიანთ ადგილ-სამყოფელს.

ღმერთო! რა შესაშურია მათი საქციელი, გამოხატული სამშობლოსადმი თავდადებასა და სიყვარულში; თან ამ ყველაფერს უშურველად, დაუმაღლებლად აკეთებენ და ჩვენც უზარმაზარ სიმოწინებს გვანიჭებენ ჭიკჭიკით გამოხატული ურთიერთობებით.



ისინი ნამდვილი „წმინდანები“ არიან თავიანთი ქცევა-საქმიანობით და მადლობა უფალს, ის მაინც ძევს ჩვენს სააზროვნო კოდში, რომ მათი სიცოცხლე ხელშეუხებელი იყოს ადამიანებისგან.

•

ფრინველთა ის კატეგორია კი, რომლებიც არასდროს ტოვებენ სამშობლოს, სიცოცხლესა და მწირ საკვებსაც რომ სჯერდებიან მკაცრი ზამთრის პირობებში, ჰგვანან მუდამ სამშობლოში მცხოვრებ, ყველანაირი პირობების შემგუებელ და ამტან მკვიდრთ, რომელთაც სიცოცხლის ფასადაც არ უღირთ მოგზაურთა და გახიზნულთა „გაფუფუნებული“ ბედი, რა მოტივაციითაც ამართლებენ მიგრირებულნი თავიანთ გადაწყვეტილებას გაჭირვებული სამშობლოს მიტოვებისას.

ე.ი. ღარიბი და გაჭირვებული მშობელი უნდა დატოვო უმწეო მდგომარეობაში და როცა გაძლიერდება, მაშინ ურცხვად უნდა დაუბრუნდე შენარჩუნებულ და გადარჩენილ კერას?

ცივილიზაცია და თავისუფალი არჩევანის უფლება, თურმე, თანდათან როგორ აკნინებს ბაჯალლო ტრადიციას, და... მშობლიური კერის სიყვარულის, გაფრთხილების, შენარჩუნებისა და გაძლიერების გრძნობასა თუ სურვილს?!

სამწუხარო რეალობის წინაშე ვდგავართ და ფრინველთაგან გვმართებს სწავლება.

იქნებ, ფრინველებმა, ჩვენი ძირძველი წინაპრებიდან ისწავლეს და შეისიხლხორცეს, სიყვარული თუ ერთგულება სამშობლოსა და მშობლიური კერის მიმართ?!

შემაწუხებლად მაწუხებს დღევანდელობა.

იმედისმომცემ ჰორიზონტს ვერ ვხედავ.



როგორ მინდა, მხოლოდ მე ვერ ვხედავდე.

სინამდვილეში კი ყველაფერი სასიკეთოდ და საჭიროების-
ამებრ ჩანდეს.

03.04. 2024 წელი.
თბილისი.

კეთილმოგონებათა სკივრში

ოკეანეები და დიდი ზღვები, თავისი ბინძური, ვერაგულობის დიდი შესაძლებლობებით ძალიან ჰგვანან სოფლისა და ქალაქის უბნის „ყოჩებს“, რომლებიც ბინძური ხერხებით ჩაითრევენ ბრიყვულად სუსტებს, ბინძურ, უღმობელ საქმეებში და ასე ბინძურადვე ჩამოიშორებენ, „გაასაღებენ“ ბოლოს იოლად, ვითომც არაფერი.

ზღვებიცა და ოკეანეებიც, ზოგჯერ, როგორ ლამაზად და წყნარად ლივლივებენ, როგორც გამოწვეპილი „უბნის ყოჩები“ უბანში, მორიგი მსხვერპლის მოლოდინში?! აბა გაუთამამდეს თამამი მოცურავე, ან თუნდაც უზარმაზარი გემის მფლობელი, უძლეველი რომ ჰგონია თავი!

ჯერ აზვირთდება შემდეგ აბობოქრდება, მზიან დარს წარღვნად უქცევს და უბეში მომწყვდეულს, მის ფსკერზე ისე მიუჩინს სამუდამო საცხოვრისს, ვითომც არაფერი და ჩაწყნარდება ახალი მსხვერპლის მოლოდინში. ერთეულ, კარგად მოცურავეთაც არ პატიობს შეთამამებასა და ყოვლისშემძლეობის განწყობას, რითაც შიშის ბარს სცემს ადამთ და ზოგჯერ თითს კი არ უქნევს გამაფრთხილებლად, მკაცრი მასწავლებელივით ან მშობელი-



ვით, არამედ პირველივე თავხედობაზე კისერს უგრესს და „გაას-
ალებს“, როგორც უბნის ყოჩებს სჩვევიათ.

აბა, პატარა წყაროს შეხედეთ, ლერწმის ღარზე გადმომა-
ვალს!

იგი უბრალო, მშრომელმა ადამიანმა აღმოაჩინა და მისი
სარგებლიანობის გამოსაჩინებლად გაუკეთა ლერწმის ღარი,
თითქოს მხოლოდ მისთვის, მაგრამ შემდგომ სხვებისთვისაც სა-
სარგებლო და სამადლო ხდება, რადგან სუფთა, მორაკრაკე წყა-
რო არა მარტო წყურვილს უკლავს მწყურვალს, ჯანსარ ფიქრებ-
საც აღუძრავს. მასთან ჩამოჯდომის სურვილიც აღეძვრება და იქ-
ვე შორიახლოს, თუნდაც ცოტა მოშორებითაც ჩამოჯდება, ჩა-
ფიქრდება, დაფიქრდება, კეთილშობილური აზრები წარიტაცებს.
ასე გაკეთილშობილებული უბრუნდება საცხოვრისს და კვლავ-
დაბრუნების სურვილიც მიჰყვება, თუკი იგი შემთხვევითი მგზავ-
რია. სხვა დროისთვის ჭურჭლის წამოღებასაც დაგვემავს, გზად-
მიმავალს წყლის მარავი რომ ჰქონდეს.

ასეთ წყნარ, სასარგებლო წყაროს, ვიღაცის მოხერხებული
ხელი და გონიერება რომ სჭირდება აღმოსაჩინად, დიდი დღე
არა აქვს, ზღვებისა და ოკეანეების დარად, რადგან მასთან, ზოგ-
ჯერ, უსულგულონი, საქეიფოდ ჩამომსხდარნი, შიგადაშიგ
შუბლს რომ გაიგრილებენ ვიშ! ვიშ!-ის ძახილით, იქეიფებენ, გა-
დათვრებიან, ერთმანეთს დაერევიან და ამ კეთილშობილი წყა-
როს ღარსაც ხელს წამოავლებენ იარაღად; იქაურობას მიანგრ-
მონგრევენ, ნასუფრალსაც ოხრად აქცევენ და გაიკრიფებიან,
ვითომც არაფერი.

ასე დაიკარგება ღარიდან ჩამოღვარული წანწყარა, ცივი,
სასარგებლო წყარო, რომელიც ძალ-ღონით კი არ ამახსოვრებს



თავს ადამთ და კი არ აშინებს ვინმეს, არამედ მისი კეთილშობილებით ჩაგამახსოვრდება და დიდხანს გაგყვება მისგან წყურვილის მოკვლისა და გამოცოცხლების გრძნობა. მუდამ კეთილ მოგონებებს აღვიძრავს და განგაწყობს მისი ნახვის ნდომით.

მაგრამ... ბოლო როგორი აქვს, ზოგჯერ, ამ უწყინარ, უჩინარ, სასარგებლო და კეთილშობილ წყაროს უდიერთა წყალობით?!

მიაკითხავს ისევ მისი აღმომჩენი, ისევ მოძებნის, ისევ გაუკეთებს ახალ ღარს, ისევ სასარგებლოს გახდის, შეუკურთხავს დამანგრეველსა და ჩამქოლავ უდიერთ.

ასე წარიტაცებს და ჩაკლავს კეთილშობილთ ბოროტ ადამიანთა ზნედაცემულობანი და ბუნების აღვირახსნილობანი.

სამაგიეროდ, წყარო, მხოლოდ კეთილმოგონებათა სკივრში დაიდებს ბინას ოკეანეებისა და ზღვებისგან განსხვავებით.

27.02.2024 წელი.
თბილისი.

ქმიშარას შეკლოქები

ზვინივით კაცს პატარა ძალი თოვზე გამობმული მიჰყავდა და თავი მაგარი ეგონა. ეს მის სახეზე და ნაბიჯებზე აისახებოდა, არადა სულ თოვის ქაჩვაში იყო, რადგან ძალი მთელი ძალით ხან წინ და ხან გვერდზე გარბოდა, თოვიდან თავის დაღწევას ლამობდა.

ჩავფიქრდი.

ჩამელიმა კიდევ გულში.



მაგარი მაშინ ხარ, როცა თოკის გარეშე წამოგყვება ძაღლი. გეშინია არ გაგექცეს, არ დაკარგო და თოკით იმიტომ დაგყავს?

გიყვარს და იმიტომ გეშინია მისი დაკარგვის?

თუ გიყვარს, მას ისე უნდა მოექცე, გაქცევის სურვილი არ გაუჩნდეს.

თოკით იმორჩილებ და გგონია მაგარი ხარ?

პირიქით, ძაღზე სუსტი და მშიშარა ხარ.

•

ასეა ცოლ-ქმარს შორის ურთიერთობაც.

სუსტი მამაკაცი მუდამ ხმამაღლობს ოჯახში, ჩხუბობს, აშინებს ცოლს, ემუქრება სხვადასხვა ხერხით, რადგან მან არ იცის როგორ შეაყვაროს თავი და მას თვითონ ეშინია არ გაექცეს ცოლი. შიშით ჰყავს „დაბმული“ და თვითგამაყოფილია, რადგან ჰგონია, მისი მორჩილია.

სინამდვილეში, ძაღლიცა და ცოლიც მუდამ გაქცევას ცდილობენ მისგან.

ძაღლი თოკიდან თავის დახსნაზე „ოცნებობს“, ცოლი კი შიშის სინდრომის გადალახვას ელოდება, რათა თავი დააღწიოს მონურ მორჩილებას.

მიაღწევს კიდევ, ოღონდ დროებით მოთმინება სჭირდება.

ცოლი შენს მოსამსახურედ კი არ უნდა იგულო, თუ გიყვარს, ყურადღებით უნდა მოექცე, შენც უნდა ემსახურო და ეს მომსახურება შენაც სიამოვნებას უნდა განიჭებდეს. აბა, მაშინ თუ შეგიპყრობს მისი გაქცევის ან მიტოვების შიში?!

შენ რომ ითხოვ სახლში დაბრუნებისას კარებში შეგებებას, ისეთივე გაუკეთე მასაც.



სახლში დაბრუნება ორივეს უნდა გიხაროდეთ, ერთმანეთის მონატრების სურვილით.

აი, მაშინ ხარ მართლაც ძლიერი და შიში არც შეგჭამს და შეცდომებსაც აღარ დაგაშვებინებს.

•

ძალდი, გაგექცევა და თავისუფლებას მიეკედლება.

კოლიც.

30.03.2021 წელი.
თბილისი.

ოძის ანაკლი

სოფლის დარბეული და განადგურებული სახლები.

დაბნეული და გონებადანგრეული ადამიანები აქა-იქ ჩანან, გაოცებულნი, შეშინებული თვალებით, გაწეწილი თმებით.

ტანსაცმლის ჩაცმის ესთეტიკა დარღვეულია.

გარეგნულ მხარეს ვერც აღიქვამენ.

სიტყვები არაა საჭირო.

ყველაფერი ნათელია.

სიხარული და პირღიმილიანობა ჩამკვდარია და გადავიწყებული, წაშლილია.

სიცარიელის სიმყუდროვეს არღვევს თითო-ოროლას უთავბოლო მოძრაობა.

ცრემლი და გოდება აზრდაკარგულია.

უარესობა არ არსებობს.

სიკვდილი გამოსავალია სიმშვიდის მოსაპოვებლად.



მაგრამ, მკვლელიც სადღაც გამქრალა და სანატრელი გამ-
ხდარა.

თვალებს სილამაზის დანახვის უნარი წართმევია და აღარც
ექებს.

არსებობის აბსურდულობაა დასადგურებული.

გაუბრალოდ და სიკვდილიანობა, აღარ გიკვირს, აღარ გაკრ-
თობს, აღარ გაოცებს კაცთკვლა.

ღიახ, კაცთკვლა სუფევს და არა გარდაცვალება.

გარდაცვალება სანატრელი გახდა.

სადღაა გარდაცვალება და ახლობელთაგან თანაგრძნობა,
სამძიმარი და პანაშვიდი?!

ჯვრით ხელში დაკრძალვა ფუფუნებაა.

ყველა სათანაგრძნობოა.

კალოებია მოკლულთა.

შედუღაბდა დახოცილთა კატეგორია, დაიკარგა ასაკობრი-
ვად წასვლის, რიგითობის წესრიგი.

დუმილი და გულისგამაწვრილებელი სიჩუმეა ერთ დროს
ხმაურიან სოფელში.

ნანგრევებზე ჩამოჯდა შემთხვევით გადარჩენილი სოფლის
მკვიდრი და პირველად იგრძნო სიცოცხლის უადგილობა.

17.03.2023 წელი.
თბილისი





პიროვნება კრონებაში

როგორი ავტორიტეტული ეროვნების წარმომადგენელიც არ უნდა იყოს ადამიანი, საზოგადოებაში ავტორიტეტი რომ მიიხვეჭოს, უპირველესად თვითონ უნდა იყოს პიროვნება.

ეროვნებას ადამიანთა ჯგუფი განსაზღვრავს, რომელთაც გააჩნიათ საცხოვრებლად ტერიტორია, სასაუბროდ და განათლების მისაღებად – ენა, ქცევისა და ცხოვრების წესისთვის – კულტურა, ტრადიცია და სარწმუნოება, რაც ეროვნების სულიერ სიმდიდრეს აფორმირებს.

ადამიანს ამ ღირსებების მატარებელი ერი ავტორიტეტს სძენს, მაგრამ თითოეულმაც ხომ უნდა იფიქროს ერის და ეროვნების, ეროვნულობის, ანუ სამშობლოს ავტორიტეტზე?! რისთვისაც საჭიროა იგი, უპირველესად, იყოს პიროვნება.

თვითონ სიტყვიდან გამომდინარეც, ეროვნებას ერი განსაზღვრავს, პიროვნებას – პირი, ანუ თითოეულ ადამიანში არსებული, ინდივიდუალური პიროვნული ღირსებები. იგი, უპირველესად, უნდა იყოს პირიანი, ანუ სიტყვის პატრონი; ქცევის და უმცროს – უფროსობის „აკადემიკოსი“; ინტელექტუალური, სასკოლო დონეზე მაინც; ტრადიციის პატივისმცემელი და დამცველი, მისი ცხოვრების წესით; სიტყვის და ქცევის მაკონტროლებელი, რაც მას ავტორიტეტს ანიჭებს.

პიროვნებას, თვით ამ სიტყვიდან გამომდინარე, მისი პირი წარმოაჩენს: როგორ საუბრობს და რაზე საუბრობს; სამეტყველო ლექსიკონში რა უფრო სჭარბობს, ბილწისიტყვაობა თუ კულტურული სამეტყველო ლექსიკა, თუნდაც კუთხური დიალექტით გაჯერებული, რაც სულაც არ აკნინებს ადამიანს.



პიროვნება უნდა იყოს კეთილშობილი და არა ბოროტი; ხელგაშლილი ზომიერების ფარგლებში და არა წუწვი; უნდა გააჩნდეს სტუმარ-მასპინძლობის კულტურა; ჭამისა და სუფრასთან მოქცევის კულტურა; მოსმენის კულტურა; მშობელთან, შვილთან, პედაგოგთან, საზოგადოებაში ქცევის კულტურა; უნდა იცოდეს ადამიანებთან მოქცევის კულტურა ქუჩაში, ტრანსპორტში, დასვენებისა და თავშეყრის ადგილებში, მეზობლებში, ნათესავეებში,...

თუ ადამიანი პიროვნებაა, იგი ყველგან და ყველასთან იქნება მისაღები და ერისთვისაც ავტორიტეტული, სხვა ქვეყანაში მიგრირებისას.

თუ პიროვნება არ ხარ, მაშინ ეროვნებისთვის სამარცხვინო ლაქა იქნები.

თუკი ეროვნებით ამაცობ, ერმაც უნდა იამაცოს შენით ან მისი ღირსეული ინდივიდი მაინც უნდა იყო.

შენი პიროვნული თვისებები და ღირსებები, უნდა ჯდებოდეს ეროვნულ ჩარჩოებში.

02.01.2024 წელი.
თბილისი.

ზოგორც მაკრატკლი

ცხოვრების თანამგზავრები ასაკში ისევ ხელიხელჩაკიდებულნი რომ აგრძელებენ ცხოვრებას, მათი დანახვა სასიამოვნო განწყობის შემქმნელია.

ერთხელ, ასეთი ერთსულნის შემხედვარე, შევჩერდი და თვალი გავაყოლე ტკბილად მოუბართ, ხელიხელჩაკიდებულნი



რომ მიდიოდნენ ახალშეყვარებულთა მსგავსად და საუბრისას ერთმანეთს თვალეში შესციცინებდნენ.

ისინი, გადაჯაჭვულნი იყვნენ მაკრატლის პირებივით, თავის უფალნი, ერთარსად რომ არიან პირებით შეერთებულნი, როცა გასაჭრელი არაფერი აქვთ, ანუ როცა არ საქმიანობენ.

სასიამოვნო განწყობა დამეუფლა.

•

ასეთი წყვილის მაგალითად გამახსენდა, ჩემი ბავშვობისას სოფელში მეზობლად მცხოვრები მოხუცი ცოლ-ქმარი, ლიზა და ისაკი, რომლებიც დაბალ ბოძებზე შემდგარ, მოგრძო აივნთან, ცისფრად შეღებილ, ხის პატარა სახლში ცხოვრობდნენ. ისინი ყველგან ერთად იყვნენ: ან აივანზე ისხდნენ, ან ეზოში ფუსფუსებდნენ, ან ჭიშკართან დგებოდნენ მოლოდინის იმიჯით; როცა გარეთ არ ჩანდნენ, ე.ი. სახლში იყვნენ, საჭმლის მომზადების ფუსფუსში, ან კიდევ ისვენებდნენ.

მათი ხმამაღალი გადალაპარაკება, ან ერთმანეთზე უდიერად მიმართვა არ გამივიცია.

უკვე ღრმად მოხუცებიც ერთად წვებოდნენ თურმე თავშექცევით, ზაფხულში სიცხეს რომ არ შეეწუხებინათ და ზამთარში, ფეხებს უთბობდნენ ერთმანეთს.

მართლაც, მაკრატელივით პირშეკრულნი და ერთსულნი იყვნენ ისინი.

ერთ ზამთარსაც, ლიზა ბებოს ფეხებში მწოლარე ისაკი ბაბუ, ღამის ძილში გაიპარა.

მალე, ლიზა ბებოც მიჰყვა და... ჭიშკარზე დადებული ბოქლომი დიდხანს ინახავდა უმწიკვლო, შეუბღალავი, დიდი სიყვა-



რულით მოარულ, ერთსულთა ნამოსახლარსა და ნაფეხურალს, მათი ერთგული სიყვარულის ხსოვნას.

•

მაკრატლის პირებიც, ხომ უერთმანეთოდ საქმეს ვერ აკეთებენ, მხოლოდ ერთად ახერხებენ ქსოვილის გადაჭრას...

საქმის დასასრულს კვლავ შეერთდებიან.

უერთმანეთოდ არარაობანი იქნებიან.

წყვილ ადამიანთა შემთხვევაში მათი გამაერთიანებელი ერთნაირი ამბოვნებაა, გულის ფიქრები და ინტერესებია.

ესაა საქმის გადაჭრის და ერთობის გარანტი.

მაკრატლები გაერთიანებული არიან სახრახნისით. ეს ერთადერთი დამაკავშირებელი ღერძია, რომლითაც შეერთებულნი არიან. საქმის დროს ერთმანეთს წამიერად დაშორდებიან, სწორად მოერგებიან გასაჭრელ ქსოვილს და გაჭრიან, ანუ ასე ერთობით საქმეს აგვარებენ.

როცა საქმე არა აქვთ, ერთმანეთთან სიამის ტყუპებით არიან პირშეკრულნი – ერთარსნი ერთმანეთისთვის.

ასეთ ადამიანთა წყვილს, მართალი სარკის ფუნქციით ერთნაირად უხარიათ და ერთნაირად სწყინთ. ერთად ყოფნა მათთვის განტვირთვაა, დასვენებაცაა და მოსვენებაც, ერთმანეთში ხინჯიც უყვართ. ერთმანეთი არასდროს ბებრდებათ და არ ებედმეტებათ.

მაკრატლის პირებს ადამიანი მართავს, წყვილთა გულების ერთობას კი,.. უფალი განაგებს.

დროთა სვლაში მაკრატლის შემაერთებელი ხრახნისი იცვითება. „მკურნალობის“ შემდეგ მათი შესაძლებლობები აღდგება



და კვლავ აგრძელებენ საქმიანობას მანამ, სანამ საბოლოოდ არ გაიცვითებიან, სანამ არ განილევინ. ასეთ მოშლილ მაკრატლებს ან დაცალეულ პირებს „ჯართს“ მიაბარებენ.

წყვილთა დამაკავშირებელი გულებიც საჭიროებს მკურნალობას შიგადაშიგ.

შესაძლებლობების მიხედვით სხვადასხვაგვარი მაკრატლები არსებობენ: დიდი საქმისთვის, მხოლოდ ფრჩხილებისთვის, საკანცელარიო, ბუჩქის საკრეჭი, ვენახის სასხლავი, ზიგზაგების მკეთებელი და ა.შ.

ანალოგიურია, სხვადასხვაგვარი წყვილების ცხოვრების ინტერესები, არსებობის მიზანი და დანიშნულება.

შესაბამისად, ყველა ოჯახიც სხვადასხვაგვარია.

მაკრატლების მსგავსად ოჯახური წყვილებიც სხვადასხვა ღირსების, ფუნქციებისა და შესაძლებლობების მატარებლები არიან.

თუკი „მაკრატლის პირების“ შესაძლებლობებს არამიზნობრივად გამოიყენებენ, ადრევე დაიშლებიან და პირებს ცალცალკე სადღაც მიაყრიან.

წყვილთა შემთხვევაში კი, ფუნქციონალური რღვევა ერთმანეთის დაცალცაკევებას იწვევს და ცალუღლობის მსხვერპლნი ხდებიან.

ლიბა ბებოს და ისაკი ბაბუს მსგავს ერთსულ წყვილთ კი, მხოლოდ სიკვდილი განაშორებთ დროებით.

03.09.2021 წელი.
თბილისი.



სკვადამებურული ქალის პორტრეტი

გრაფიკოს მხატვარს, ალექსანდროვის ფორმატზე დახატული ქალის პორტრეტი უკმაყოფილო გამომეტყველებით, ისეთი არ გამოუვიდა, როგორი ჩანაფიქრიც ჰქონდა და წაშლა გადაწყვიტა. მკრთალი ხაზები, რომლებიც ალამაზებდა ქალს პორტრეტზე და ქალურ ხიბლს მატებდა, წაიშალა როგორღაც.

ძირითადი კონტურული შტრიხები ღარებად დარჩა ფურცელზე, ალაგ-ალაგ ჩამუქებული ტონებით. ეს სქელი ფორმატი ისე იყო დადარული და წანაშლელი შავი ტონებით შეთითხნილი, ახალი ნახატისთვის გამოუსადეგრად მიიჩნია და კარადებს შორის ვიწრო ბოლოში შეაცურა.

გაკვეული პერიოდის შემდეგ, მხატვარი ფურცლების ნაკლებობას განიცდიდა და გაახსენდა ის გაფუჭებული ფორმატი. იფიქრა, ჩავაბრუნებ და მუზის ესკიზს მეორე მხრიდან დავხატავო.

გამოიღო ფურცელი, ფანქრის ნაკვალევს კიდევ ერთხელ გადახედა და თვალები გაუბრწყინდა... ეს ის იყო, რისი დახატვაც მას უნდოდა თავდაპირველად: ცხოვრებაწაშლილი, ძლიერი და მკაცრი ქალის პორტრეტი – სულიერად განადგურებული ქალის.

შედეგით კმაყოფილმა ჩარჩოში ჩასვა და საპატიო ადგილიც მიუჩინა სახელოსნოში.

ქალის განწყობაწაშლილობა, მისი სარკაზმული შტრიხების წაშლით გამოისახა.

ცხოვრებაშიც სწორედ ასეა.



თუკი ქალს ხიბლის მომგვრელ ქალურ ღირსებებს შეასხევს მოძალადე, დარჩება ხალისწაშლილი, ღირსებააყრილი, ნირ-წამხდარი, სევდაშებურული ქალი.

02.09.2021 წელი.
თბილისი.

სიცოცხლის სეზონები და პერიოდები

ადამიანის ცხოვრებაში სიცოცხლის გაზაფხული დაბადების თარიღიდან იწყება. ჩემი ინტერპრეტაციით, ადამიანის ხანგრძლივი, 96 წლიანი სიცოცხლე (თუმცა, უფრო ხანგრძლივ სიცოცხლეს გისურვებთ, უფლის წყალობით!), დავყავი ჩვეულებრივ, ოთხ სეზონად:

გაზაფხული;
ზაფხული;
შემოდგომა;
ზამთარი,

რომლებიც 24-24 წლიან პერიოდებს შეიცავს.

ამ პერიოდებიდან გამომდინარე სეზონის თითო თვე რვა წლიანი პერიოდია.

ჩემთვის, სიცოცხლის ოთხი სეზონის 24 წლიანი პერიოდები ასე ნაწილდება:

გაზაფხულის სეზონის 24 წლიანი პერიოდი დაიწყო 1955 წლის 16 იანვარს.



ჩემთვის გაზაფხულის პირველი თვე – თებერვალი გაგრძელდა რვა წელს და დამთავრდა 1963 წლის 16 იანვარს.

თვეებზე განაწილებით (თებერვალი, მარტი, აპრილი) გაზაფხულის 24 წლიანი პერიოდი ასე მიმდინარეობდა:

თებერვალი – 8 წელი. (1955 – 1963წწ.). — 8 წლის.

მარტი – 8 წელი. (1963 – 1971წწ.). — 16 წლის.

აპრილი – 8 წელი. (1971 – 1979წწ.). — 24 წლის.

ე.ი. გაზაფხულის 24 წლიანი პერიოდი დასრულდა 1979 წლის 16 იანვარს და ვიყავი **24 წლის**.

ზაფხულის სეზონის 24 წლიანი პერიოდი დაიწყო 1979 წლის 16 იანვრიდან.

თვეებზე განაწილებით (მაისი, ივნისი, ივლისი) ასე მიმდინარეობდა:

მაისი – 8 წელი. (1979 – 1987 წწ.). — 32 წლის.

ივნისი – 8 წელი. (1987 – 1995 წწ.). — 40 წლის.

ივლისი – 8 წელი. (1995 – 2003 წწ.). — 48 წლის.

ე.ი. ზაფხულის 24 წლიანი პერიოდი დასრულდა 2003 წლის 16 იანვარს და ვიყავი **48 წლის**.



შემოდგომის სეზონის 24 წლიანი პერიოდი დაიწყო 2003 წლის 16 იანვარს.

თვეებზე განაწილებით კი (აგვისტო, სექტემბერი, ოქტომბერი) ასე გამოიყურება:

აგვისტო – 8 წელი. (2003 – 2011 წწ.). — 56 წლის.

სექტემბერი – 8 წელი. (2011 – 2019 წწ.). — 64 წლის.

ოქტომბერი – 8 წელი. (2019 – 2027 წწ.). — 72 წლის გავხდები თუ უფალმა ისურვა.

ე.ი. შემოდგომის 24 წლიანი სეზონი დასრულდება 2027 წლის 16 იანვარს.

ანუ, ახლა, ჩემს ცხოვრებაში, შემოდგომის მესამე თვეა, კონკრეტულად – ოქტომბრის მეხუთე წელია. 2024 წლის 16 იანვარს შემისრულდა 69 წელი.

ჩემი შემოდგომის სეზონის მესამე თვე, ოქტომბერი 8 წელიწადში დასრულდება – 2027 წლის 16 იანვარს და გავხდები **72 წლის** თუ უფალმა ინება!..

ზამთრის სეზონის 24 წლიანი პერიოდი დაიწყება 2027 წლის 16 იანვრიდან და 2051 წლის 16 იანვრამდე გაგრძელდება, თუკი ვიცოცხლებ.

თვეებზე განაწილებით კი (ნოემბერი, დეკემბერი, იანვარი), ასე გაგრძელდება:



ნოემბერი – 8 წელი. (2027 – 2035 წწ.). — 80 წლის.

დეკემბერი – 8 წელი. (2035 – 2043 წწ.). — 88 წლის.

იანვარი – 8 წელი. (2043 – 2051 წწ.). — 96 წლის.

ეს მეოთხე 24 წლიანი ზამთრის სეზონი დასრულდება 2051 წლის 16 იანვარს და თუ უფალმა ინება, გავხდები **96 წლის**.

თუკი, ადამიანი სიცოცხლეს გააგრძელებს 96 წლის შემდეგაც, ის იცხოვრებს „ზამთარს პლუს“ გე-სეზონში. ანუ, ასე ვთქვათ: **გამყინვარების პერიოდი** დაიწყება მის ცხოვრებაში.

სქემა											
სიცოცხლის სეზონები და პერიოდები 96 წელზე გათვლით, დაბადების თვისა და რიცხვიდან მოყოლებული											
გაზაფხული			ზაფხული			შემოდგომა			ზამთარი		
24 წლიანი პერიოდი			24 წლიანი პერიოდი			24 წლიანი პერიოდი			24 წლიანი პერიოდი		
1	2	3	1	2	3	1	2	3	1	2	3
თვე	თვე	თვე	თვე	თვე	თვე	თვე	თვე	თვე	თვე	თვე	თვე
8	8	8	8	8	8	8	8	8	8	8	8
წელი	წელი	წელი	წელი	წელი	წელი	წელი	წელი	წელი	წელი	წელი	წელი

28.05. 2021 წელი.
თბილისი.



სიცოცხლის უკმაშისობა

სიცოცხლე ადამიანთათვის არასდროს არ არის საკმარისი.

ადამიანი, მსუყე სადილის სუფრაზე კარგად, გადავსებამდე რომ დანაყრდება, რაც არ უნდა შესთავაზო, მისთვის საყვარელი და სასურველი კერძიც კი, პირს არ დააკარებს და სიამოვნებით იტყვის უარს.

აბა, სიცოცხლით დანაყრებული და „ვადამძღარი“ ადამიანი გინახავთ? ან გაგიგიათ, ჭარმაგ ადამიანს ეთქვას: მეტი სიცოცხლე აღარ მინდა, ყველაფერი ვნახე, ყველაფერი მაქვს, ყველა ახლობელი კარგად მყავს და მზად ვარ წუთისოფლის დასატოვებლად?

არამც და არამც!

წუთისოფელი იმდენად მრავალფეროვანია და მზარდი თავისი შინაარსით, იმდენ სიახლეებს გვთავაზობს, აბა, როგორ იტყვი შენი ნებით სიცოცხლეზე უარს?!

ხანდაზმული, მშრომელი ადამიანი ეზოში ხეხილის ხეს რომ დარგავს ან დაამცნობს, თავის ნააზრევ სურვილს ხმამაღლა იტყვის: ამის ნაყოფს უნდა მოვესწრო.

ან კიდევ, ადამიანს შვილი რომ შეეძინება, შვილიშვილის მოსწრებაზე ფიქრობს; შვილიშვილს რომ მოესწრება, შვილთაშვილის მოსწრებაზე დაიწყებს ფიქრს...

და კიდევ,.. შემოქმედმა ადამიანმა, როგორი მცირე „შედევრიც“ არ უნდა შექმნას: ნახატის, ლექსის, პროზის, ქანდაკების, და ა.შ. სახით, კიდევ უფრო უკეთესის შექმნაზე დაიწყებს ოცნებასა და ფიქრს. თანდათან ფანტაზია მოეძალდება და ასაკში მოკრძალებულად გაამჟღავნებს: მრავალი კარგი ჩანაფიქრი



მაქვს თუ დამცალდაო, ე.ი. უკვე სიცოცხლის უკმარისობის ფიქრი შეეპარება. სამერმისო გეგმები ბავშვს არა აქვს და წლების არყოფნობა ვერც წარმოუდგენია. ეს სენი და პრობლემა ასაკში სჭირს ადამიანს და სიცოცხლის ხანმოკლეობის შიში ტანჯავს, რაც კიდევ უფრო უმოკლებს სიცოცხლეს.

სწორედ, ამ სენითაა შეპყრობილი ადამიანი, როცა წუთისოფელს ტოვებს.

ის, რაც ოჯახის წევრებისთვისაა ცნობილი, რის მოსწრებაზეც ოცნებობდა, თითზე ჩამოსათვლელია. ისე კი,.. ვინ იცის, რამდენი კარგი და გაუმხელელი გეგმის განხორციელების სურვილს თან წაიყოლებს!

ადამიანი ამოუცნობი და ამოუწურავი ფენომენია ფიქრებით და რაც უფრო ვიცნობთ მას და რაც უფრო ასაკოვანია, მით მეტად გვენანება გარდაცვალებისთვის, მისი ღვაწლმოსილებისა და განუხორციელებელი გეგმების გამო.

თუ სიცოცხლე ღირსების ქულების დაგროვებაში გალია და საკმარისადაც დააგროვა, მაშინ ის მის თვალსაწიერ ადამიანთა მესხიერებაში დარჩება, როგორც ღირსეული ადამიანის ავტორიტეტით მოსილი.

დარჩენილთა ვალია, გაუფრთხილდნენ გარდაცვლილის მრავალმხრივი ღვაწლმოსილების შარავანდედს და ამყად და მშვიდად იარონ წუთისოფელში; მისი ავტორიტეტის საკადრისად იღვაწონ.

•

წუთისოფლის გზა იოლი საგალი არაა; ყველაფერი კარგი ძნელად მისაღწევია.



სწორედ, ძნელი გზით, უფლის გზით უნდა იაროს ადამიანმა კარგი კვალის დასატოვებლად.

17.08.2023 წელი.
თბილისი.

უსიყვარულობა სასჯელია

საქმე, რომელსაც აკეთებ, თუ სიყვარულს არ ეფუძნება, არ გამოგივა.

სიყვარულით გარემოცული საქმიანობა კი კელაპტარივით ანთია და კვლავ და კვლავ გიბიძგებს ახალ-ახალი საქმიანობისკენ.

უსიყვარულოდ საქმიანობა ფიტულის მსგავსია. თითქოს, გარეგნულად ყველაფერი შესანიშნავადაა, მაგრამ გულგამოცლილია, ღერძი არა აქვს და სიცოცხლე აკლია, სიყვარული აკლია, სული აკლია.

უსულგულოდ „ნაშენის“ ბედი კი იმთავითვე განწირულია.

ბედნიერებაა, როცა შვილი გყავს და მის აღზრდაში ჩაიღევი, მაგრამ ორმაგი ბედნიერებაა, როცა შვილი სიყვარულის ნაყოფია და მასში საყვარელი ადამიანის შტრიხებსა და სიყვარულის სხივებს ხედავ, მასში შენს სიყვარულს ხედავ, ანუ მისგან შენი სიყვარულის სხივები ჭვივის.

თუკი სიყვარულის გარეშე ცხოვრობ და შრომობ, და... სიყვარულის გამოუცდელად გალევ წუთისოფელს, სასჯელია.

01.07.2021 წელი.
თბილისი.



წერტილი დასასრულია

მრავალწერტილი ნათქვამის მიღმას გულისხმობს.

წერტილი მრავალფუნქციური და მრავლისმთქმელია: იგი საქმიანობას ამთავრებს, აზრს ასრულებს; არასასურველ ადამიანთან ან გარემოსთან ურთიერთობის გაწყვეტაში გეხმარება.

წერტილი ამოსასუნთქი საშუალებაა წინადადებებს შორის.

ანტრაქტია ახალ საქმიანობებს შორის.

ზოგადად, წერტილი დასასრულია ყოველგვარი საქმის, ანუ გარდაცვალების სიმბოლოა.

ყველა ადამიანის ქვეცნობიერი, საქმიანობის დასასრულის – წერტილის მოლოდინშია.

წუთისოფელი მუდმივი გარდაცვალებების პროცესია. ყოველი გარდაცვალებით წერტილი ესმება რაღაცას და იწყება სხვა – ახალი. ასე ხდება განუწყვეტლივ, რადგან დროს უკან ვერ დააბრუნებ. ამგვარად, წუთისოფელში ცხოვრება გარდაცვალებების ერთობლიობაა ანუ წერტილთა სიმრავლე.

ე.ი. წუთისოფელი მრავალწერტილია.

ჩვენ, ადამიანებს, ცხოვრებისეულ შრომაში გართულებს და სხვა სასვენი ნიშნების (კითხვითის, ძახილის, ტირის, წერტილმძიმის,...) ორომტრიალში გადაღლილებს, გვეჩქარება და მივისწრაფვით საქმიანობის დასასრულისკენ, წერტილისკენ, ანუ გარდაცვალებისკენ.

ამგვარად, ყოფით ცხოვრებაში წერტილი გარდაცვალებაა წინა მდგომარეობის. რამდენნაირი გარდაცვალებების მრავალფეროვნებას განიცდის ადამიანი დაბადებიდან სიცოცხლის ბოლომდე?!



დაბადება – გარდაცვალებაა მუცლადყოფნის მდგომარეობიდან;

გამოჯანმრთელება – გარდაცვალებაა ავადმყოფობის;

კარგი შვილი – აღზრდაში ჩადებული შრომისა და ღვაწლის;

ძილი – სიფხიბლის;

გაღვიძება – ძილის;

ახალგაზრდობა – ბავშვობის;

გაუმხელებელი სიყვარული გარდაიცვლება გამხელისას;

ყოველი წელი გარდაიცვლება ახალი წლით;

ყოველი დღე – ახალი დღით;

ყოველი წამი – ახალი წამით;

ყოველი ჩასუნთქვა – ამოსუნთქვით;

წუთისოფელში, ბოლო ამოსუნთქვა, ბოლო გარდაცვალებაა წერტილის გამოხატულებით, რაც ნიშნავს სიცოცხლის დასასრულს.

ანუ, წერტილი დაესმება წუთისოფელში ცხოვრებას და... სიცოცხლე შეიცვლება სიკვდილით.

სიკვდილი წუთისოფლისთვის შუალედური პროცესი არაა, ის საბოლოოა და შეუქცევადი.

ამგვარად: წუთისოფელში ცხოვრება მრავალწერტილია.

სიკვდილი კი... სიკვდილი წერტილია, ანუ წუთისოფელში არსებობის, მოღვაწეობის, სიცოცხლის დასასრულია.

07.05.2015 წელი.

თბილისი.





წარმატების საწინდარი

(რჩევა შვილიშვილებს, მომავალ თაობას...)

- ცხოვრებას ჯანსაღი თვალთ უყურე, ისიამოვნე.
- არ შეგეშინდეს.
- თამამი იყავი, წესიერად თამამი.
- შეუპოვრად, ყოჩაღად იარე შენი მიზნისკენ.
- ვიღაცის ხათრით ან შიშით გზიდან ნუ გადაუხვევ.
- უერთგულე შენს თავს მძიმე სიტუაციებშიც კი.
- გჯეროდეს მიზნის მიღწევის.
- მშვიდად იარე, შრომა არ დაიზარო სხვისი დახმარების იმედით.
- საქმის გაიოლების მიზნით სხვა არ ჩაუშვა და არ გაწირო.
- ძნელად მიღწეული მიზანი უფრო სასიამოვნოა, უფრო საამაყო, უფრო აგამაღლებს.
- წაქცევისას წინსვლის იმედს ნუ დაკარგავ.
- ტკივილი აიტანე, როგორც აუცილებელი გასავლელი პირობა.
- წამოდექი და გზა გააგრძელე მხნედ.
- ცოდნა მზის სხივივითაა, გაკაშკაშებს.
- რაღაცის არცოდნა განაჩენი არაა და არც სირცხვილი. სირცხვილია, თუ ისეთი რამ არ იცი, რაც აუცილებელია და რისი სწავლაც შესაძლებელია, ან იოლად ხელმისაწვდომი.
- სწავლა მოთხოვნილებად უნდა აქციო, როგორც წყლის დაღევა.



• რაც გიყვარს, რაც გაინტერესებს, რაც შენი გონებისთვის მიუწვდომელია, ყველა ძალა გამოიყენე მის შესასწავლად: წიგნით, მშობლით, პედაგოგით, ინტერნეტით.

• სწავლისთვის დახარჯული შრომა – დრო და გარჯა, ზედმეტი არასოდეს არ არის.

• თავი არ შეიცოდო სწავლის გამო.

• წარუმატებლობისას მომდგარ ცრემლს „აღვარდვლების“ უფლება არ მისცე, იგი საქმეში ამოშრება.

• დამემორჩილე ოჯახურ კანონებს.

• პატივი ეცი მშობლებს; მათზე უკეთ ვერავინ დაგეხმარება.

მათ ყველაფერი შენთვის უნდათ.

• მშობლისგან გაღებულ ზრუნვას ნუ გაანიავებ ცუდლუტობასა და სიზარმაცეში, რადგან ზრუნვაში დიდი შრომაა ჩადებული, შრომაში – ძალისხმევა.

• შენს გასაკეთებელ საქმეს მუდამ სერიოზულად მოეკიდე და აუცილებლად წარმატებით დასრულდება.

• დრო ძვირფასია, არ გაფლანგო.

• საქმე დაასრულე და მერე გაერთე.

ეს დისციპლინაა, რომელიც ღირსეულ ადამიანად გაქცევს!

დისციპლინა წარმატების საწინდარია!

წარმატება – ცხოვრების საგზალია და საყრდენი!

09.11.2019 წელი.
თბილისი.



წრეწირის ცენტრი და რადიუსები

ყველა ოჯახი სამყაროს ცენტრში ანუ სიმბოლური წრის ცენტრში, ცხოვრობს და ოჯახის წევრთა სახლიდან გადაადგილებები, ამ წრის რადიუსებზე ხდება.

ბალის ასაკისანი, შედარებით მოკლე რადიუსის მანძილზე დადიან.

სკოლის ასაკისანი – გაცილებით გრძელი რადიუსებით გადაადგილდებიან და შესაძლოა, განსხვავებული მიმართულებითაც, თუკი რაღაც მიზეზთა გამო, სხვადასხვა სკოლაში სწავლობენ.

მშობლები სამსახურებში სხვადასხვა მიმართულებითა და სხვადასხვა სიგრძის რადიუსების რაღაც წერტილში მოღვაწეობენ.

ბებიასა და ბაბუას სამოქმედო არეალი, შესაძლოა, რაიმე მსუბუქ სამსახურთან იყოს დაკავშირებული: ან პარკში სეირნობასთან, ან თანამოსაუბრესთან დროის მოკვლასთან, ან სახლში სხვადასხვანაირად ფუსფუსთან, რაც ოჯახის წევრთათვის მზრუნველობითი და სასიხარულო სიტუაციებითაა გამოხატული.

წრის ცენტრი, ანუ სახლი, ბუდეა ოჯახის წევრთათვის.

დღისით თუ მიდი – მოდიან თავთავიანთ სამოქმედო არეალში, საღამოს შეივსება ოჯახი განსატვირთად, მოსასვენებლად, დასანაყრებლად, სასაუბროდ, გულის გასახსნელად, ერთმანეთის პრობლემებში ჩასახედად და გასამხნევებლად, ან შესაქებლად.

შესაბამისად, ყოველი დღე თითქოსდა ერთნაირი, მაინც სხვადასხვანაირობით მრავალფეროვანი და საინტერესოა: ბაღელები ძილამდე თამაშობს, მოსწავლეები გაკვეთილებს ამზადებენ; უფროსები ან ისვენებენ, ან სახვალიო თადარიგს იჭერენ,



ან კითხულობენ, ან ტელევიზორით ინფორმირდებიან; ხან ერთობიან; ხდება მოსწავლეთა მიმოსვლებიც უფროსებთან, საგნებში გაურკვეველი საკითხების გასარკვევად.

მიგადაშიგ წაკინკლავებებიც აქტიურ ფაზაშია.

ბოლოს და ბოლოს ყველანი თავთავიანთ საწოლებს მიაშურებენ მოსასვენებლად, ძალების აღსადგენად, ემოციების გადასატვირთად, დღის ორომტრიალით გამოწვეული დაღლილობის მოსახსნელად.

დილით ისევ თავთავიანთ რადიუსებზე გადაადგილდებიან, თავთავიანთი ფუნქციების შესასრულებლად და ა.შ.

დასვენების დღეებში ოჯახის წევრები შეიძლება სახლში აკეთებენ განტვირთვას, შეიძლება სეზონისა და ამინდის შესაბამისად ქალაქიდან გადიან ერთად, დროის გატარების მიზნით განსხვავებულ რადიუსზე, ან ყველა სხვადასხვა მიმართულებით, სხვადასხვა რადიუსებზე მიდის სხვადასხვაგვარ მიზეზთა გამო: ვინ დაბადების დღეზე, ვინ ექსკურსიაზე, ვინ ავადმყოფის, ან დიდი ხნის უნახავი მეგობრის მოსანახულებლად, ვინ სახლში რჩება სიმყუდროვეში განსატვირთად.

სალამოს ისევ ყველა წევრის თავშეყრა ხდება სახლში – წრეწირის ცენტრში და იწყება სახვალღოზე ფიქრი.

ოჯახი კარგი რამ არის, მით უფრო მრავალრიცხოვანი და მრავალფუნქციური.

ეს არის შრომის, დასვენების, განტვირთვის, მოსვენების, დანაყრების, საუბრის, დაგვემვის, გონების გადახალისების, აზრთა გაცვლა-გამოცვლის, ჩაფიქრებისა და შემოქმედობითობის გამოვლენის ადგილი.



დროთა განმავლობაში იცვლება წრის ცენტრში ფუნქციები, მდგომარეობები, მათი გადაადგილების რადიუსები.

ერთმანეთს ენაცვლება: სიხარულები და მწუხარებები, წარუმატებლობები და წარმატებები, წაფორხილებები და აღმაფრენები.

ამასობაში, ბალის ასაკი დიდი ხნის ჩამოტოვებულია, ზოგიერთის სტუდენტობაც დასასრულს უახლოვდება;

შემატებებია დაწყვილების ხარჯზე და ახალი სიცოცხლის მოლოდინი. ეს კი ახალი ტალღის, ენერჯისა და შემართების შემომტანია ოჯახში.

ვილაცა, სტუდენტურ წლებს ამთავრებს და შრომით საქმიანობას იწყებს.

ვილაცა, ავადმყოფობს ოჯახში და მზრუნველობითი ყურადღების ცენტრშია.

ვილაცა, ტოვებს წუთისოფელს და ნაღველი ჩაწვება ოჯახში.

სასინანულო განწყობებისა და მოგონებების სერია ტრიალებს სადილ-ვანშამზე თავშეყრისას.

დიდხანს გრძელდება დანაკლისთან – წარმოშობილ სიცარიელესთან ტკივილიანი შეგუებების პროცესები.

დაწყვილება ოჯახის წევრთა შემცირებასაც იწვევს, თუკი გოგონა ქმნის ოჯახს, იცვლის საცხოვრისს და სხვა „წრის“ ცენტრში აგრძელებს ცხოვრებას.

იგი სხვა რადიუსებზე იწყებს მიმოსვლებს და აღმზრდელი „წრის“ ცენტრს, სტუმრის სტატუსით უბრუნდება ზოგჯერ ცნობილი რადიუსით.

ბედნიერებაა ოჯახური წრებერუნვა.



დამღლეიყაა, მაგრამ ბედნიერებით გადაღლას სხვა ხიბლი, ინტერესი და შინაარსი აქვს, რომელსაც ვერანაირი მდიდრული, ძვირადღირებული სამკაული ან ქონგურებიანი სასახლე ვერ შეედრება, ვერც – მხოლოდ სიმდიდრეზე ოცნება და ამ ოცნების ახდენა.

18.03.2024 წელი.
თბილისი.

შიში და საშიში

არსებობს ადამიანთა ჯგუფი შენს გარშემო, რომელიც გიყვარს, აფასებ, რიდი გაქვს, მაგრამ, გარკვეულწილად შიშიც.

მაგალითად, ბავშვობაში შიში გაქვს დედისა და მამის იმ შემთხვევაში, თუ რაიმე შეგეშალა, ან ისე არ გააკეთე, როგორც ისინი მოითხოვდნენ. შიშობ, გაგიწყრებიან, ან დაგსჯიან რაიმე მეთოდით უპასუხისმგებლობის, დაგვიანების, უზრდელობის გამოვლინების, თავხედობის, უფროსისადმი უპატივცემულობის, უსწავლელობის გამო.

კარგ მოსწავლეს გეშინია მასწავლებლის იმ შემთხვევაში, თუ რაღაც ისე არ იცი, როგორც საჭიროა და შიშობ, საყვედურს გეტყვის, დაბალ ნიშანს დაგიწერს... ამავე მოტივაციით. სტუდენტობისას გეშინია ლექტორის, რადგან იგი შენს დასპეციალებაზე აკეთებს აქცენტს და მკაცრია გამოცდაზე.

ეს შიში იმ ადამიანებისგან მოდის, რომელთაც შენტვის სიკეთე უნდათ და პასუხისმგებლობით ეკიდებიან თავის საქმესა და შენს მომავალს. ეს ადამიანები, ზოგადად, საშიშნი არ არიან. მა-



თი სიმკაცრის გამო კი გეშინიათ, მაგრამ ისინი შენს ღირსეულ ადამიანად ჩამოყალიბებაზე ზრუნავენ და სწორი გზიდან გადახვევის საშიშროებისგან დაცვას ცდილობენ.

შიში, რომელსაც ქვეცნობიერით ბავშვობიდან ატარებ მზრუნველ-აღმზრდელთა გარემოცვის მიმართ, კეთილშობილი შიშია და დიდ როლს ასრულებს, შენში ადამიანური ღირებულებების ფორმირებაში.

გიყვარდეთ, პატივით მოეპყარით და დააფასეთ ეს ადამიანები!

თქვენი ბიოგრაფია კი, ამით ღირსების ქულებით გამდიდრდება და ღირსეულ ადამიანადაც ჩამოყალიბდებით.

შიში აღმზრდელთა გარემოცვის მიმართ კეთილშობილური შიშია.

•

საშიში ის ადამიანია, ვინც თავისი ბინძური ამბიციების დასაკმაყოფილებლად პატიოსანი ადამიანების მიმართ უსასტიკეს ხერხებს მიმართავს: ცემა, დასახიჩრება, დამუქრება მკვლელობით, ქურდობა სახლში შევარდნითაც, დაყაჩაღება, გაუპატიურება, იარაღის გამოყენება,..

საშიში ადამიანი, საშიში საშიშროებებით, აშინებს კეთილსინდისიერთ და გარკვეულწილად, იმორჩილებს კიდევ მათ.

შვილი სწორად უნდა აღზარდო, მართალი ადამიანი უნდა გამოიყვანო მისგან. თაღლითად თუ გაზრდი და აჩვენებ თაღლითობის უპირატესობას, რომ გაიზრდება, საზოგადოებისთვის საშიშ ადამიანად ჩამოყალიბდება.



შენ სწორად აღზარდე და საზოგადოება თავისთავად უკარ-
ნახებს, როგორ მოიქცეს: მეორე ყბა უნდა მიუშვიროს, თუ ხურ-
და მაინც დაუბრუნოს, ან სრულფასოვნად გადაუხადოს.

იყავით ძლიერნი, რადგან საშიში ადამიანები თავად არიან
ძალზე სუსტნი და იმიტომ მიმართავენ ბინძურ, ძალადობრივ
ხერხებს.

მიუხედავად ამისა, მოერიდეთ საშიშ ადამიანებს!

მათთან საერთო ენის გამოძებნას ნუ ეცდებით!

ნუ შეეჩეხებით!

იარეთ მისგან პარალელურ ან აცდენილ წრფეებზე!

გეშინოდეთ საშიშ ადამიანთან საქმის დაჭერის!

საშიში ადამიანი, მართლაც, საშიშია.

27.04.2020 წელი.
თბილისი.

ღრუბლის დაკვირვება ცრეკლებით

გაზაფხულის ბოლო თვეა.

ხანგრძლივი წვიმების შემდეგ დარობა გახანგრძლივდა.

ქარი მძლავრობს. ხის ტოტებს უმოწყალოდ ლეწავს.

ქუჩებში ყვავილთა მტვრის კორიანტელია.

თვალსაწიერი ყვავილედებითაა გაცხერებული.

აუცილებელ საქმეზე მივდივარ, თორემ, არ ღირს ქუჩაში
გასვლა ამ მტვრის ჩასუნთქვის ფასად.



სასუნთქმა გზებმა მტვერზე რეაქცია გამოხატეს და ამიტყდა ცემინება. თვალებმა გამალიზიანებელ ფაქტორს ცრემლით უპასუხეს.

ჰაერის გამჭვირვალობა გაბუნდოვანდა.

მტვერი ღრუბლებამდეც ააღწევს.

ღრუბელსაც აუტყდება ცემინება, რაც ჭექა-ქუხილის სახით ჩამოაღწევს ჩვენამდე.

ცრემლებიც დასდინდება უნებლიედ. თანდათან იმატებს ცრემლდენა, ბოლოს თავშეუკავებლად „აღვარდვალდება“ და ჩვენ კოკისპირულ წვიმად მოგვევლინება.

ადამიანის ცრემლები ხომ სასარგებლოა, ადრენალინის შემამცირებელია და გულის ამომრეცხი?!

ღრუბლის ცრემლებიც სასარგებლოა, ჰაერის ჩამომრეცხია; ესეც ადამიანის ჯანმრთელობისთვის და ზოგადად, ცოცხალი სამყაროს სასარგებლოდაა მოწყობილი დედაბუნების მიერ.

ესაა ჰაერის გამწმენდი საშუალება.

ასე რომ, ღრუბელი ატმოსფეროსთვის მტვერსასრუტის ფუნქციასაც ასრულებს, მისი ცრემლები დედაბუნებას დანალექი მტვრისგან გაასუფთავებს და ბოლოს, ნარეცხ წყალს მდინარეებს დაუბრუნებს აორთქლებულის სანაცვლოდ.

15.05.2023 წელი.
თბილისი.





გულში ჩანაგუბარი



აბსურდულობა – გპირობის საწინდარია?

„შეუძლებელს მხოლოდ ისინი აღწევენ,
ვისი მცდელობებიც აბსურდულია.“

კაფკა.

კაფკას დასკვნამ ჩამაფიქრა.

ჩემი ცხოვრების წარმატებების და მიღწევების მიზეზი, ანუ სათავე, თუ აბსურდულობა იყო, ვერც წარმოვიდგენდი.

განვლილი ცხოვრება, ეპიზოდურად, უზარმაზარ პრობლემებთან შებმას ითვალისწინებდა და მავალდებულებდა კიდევ, რაც შეიძლება მართლაც რეალობასთან შეუსაბამო, აბსურდული და უაზრო იყო სხვათა გადასახედიდან; მაგრამ... უზარმაზარი შინაგანი ძალა და შესაძლებლობა მკარნახობდა ამ შებმას და წამითაც არ მიფიქრია ფარ-ხმლის დაყრაზე.

უკან დახევას არ შევეგუებოდი სიცოცხლის ფასადაც კი.

აღბათ, ამიტომაც, ვაღწევდი წარმატებასაც შიშველი ხელე-ბით, სხვისი მხარდაჭერის, ეკონომიური საყრდენისა და მრჩეველის გარეშე.

შენს საქმეში საუკეთესო მრჩეველი ხშირად მხოლოდ საკუთარი თავია, რადგან საკუთარ ძალებსა და შესაძლებლობებს მხოლოდ შენ ხედავ, შენ გრძნობ, დასკვნასაც შენ გააკეთებ და გადაწყვეტილებასაც თავად მიიღებ.



თუ შიში შეგეპარა და გვერდზე დაიწყე ყურება, დრო გაგე-
პარება, ადგილის ტკეპნას დაიწყებ და ვერაფერსაც ვერ მიაღწევ.

სხვისი იმედით გაკეთებული საქმე, მოწოდებული ჭადის
ფუნჩხები; რაც არ გაკმაყოფილებს, მაგრამ სხვა გზა არა გაქვს,
უნდა დასჯერდე და ქედიც უნდა მოუხარო მომფუნჩხველს.

კმაყოფილებას და წარმატებას მხოლოდ შენი შრომა მოგი-
ტანს.

შენი ოფლით უნდა მოიყვანო მოსავალი, რათა კარგად და-
ნაყრდე, ბედნიერიც იყო და საკუთარი თავის მადლიერიც.

გამრჯე, დაუბარელ ადამიანს, განწყობაც აგიმაღლდება და
თავდაჯერებულობაც.

და... არ ჩათვლი აბსურდულობად:

1. სამი უსუსური შვილის ხელმართოდ აღზრდას;
2. სამსახურთან ერთად და უძილობის ხარჯზე, სადედოფლო
ტორტების კეთებას, რითაც უბინაობის პრობლემა მოვუხსენი
შვილებს, კუპონობის პერიოდში;

3. სკოლაში, სამივე შვილის საუკეთესოობა მხოლოდ და
მხოლოდ ჩემი კონსულტაციისა და მუდმივი კონტროლის ძალის-
ხმევით, უმაღლესებშიც უფასოზე მოწყობა და ამასთანავე უფ-
ლის გზით ცხოვრებისთვის, პატიოსანი ქალობისა და დედობის-
თვის, სიყვარულისა და პატივისცემის დამსახურება სკოლის პე-
დაგოგიური კოლექტივისაგან, ფინანსთა სამინისტროს თანამ-
შრომელთაგან და მეზობლებისაგან.

მე ეს ყველაფერი შევქელი პირადულისა და ყოველგვარი
სიამტკბილობის დათმობის, უარყოფის ხარჯზე.



შედეგზე ორიენტირებულმა მიზანდასახულობამ, თავდახრილმა შრომამ და დაუზარლობამ, საუკეთესო შედეგებამდე მიმიყვანა.

ჩემს შრომას, ყველა წარმატებასა თუ მიღწევას, სტუდენტობის ჩათვლით, და შვილების ხელმართოდ აღზრდას გმირობად თვლიდნენ და დღესაც თვლიან, რადგან, მე, ამ ყველაფერს ვაღწევდი, ჩემი გონებრივი გათვლითა და შესაძლებლობებით, ჩემი გულმოდგინე, თავდაუზოგავი შრომით, პროტექუსა და ანგარეზის გარეშე.

სხვათა შორის, შვილების წარმატებებიც ასე ითვლება, რადგან ჩემი გაზრდილები და აღზრდილები არიან წიგნისა და შრომისმოყვარეებად.

დაე, სხვამ ჩათვალოს აბსურდულობად, ჩემი გმირობის ტოლფასი, უზარმაზარი წარმატებები.

27.06.2022 წელი.
თბილისი.

ამოუცნობი დულაბი

უფლის წყალობაა ყოველივე, რაც ჩემშია და რაც მწამს.
ღვთისგან ბოძებული ნიჭის და შესაძლებლობების საფერად,
კალეიდოსკოპისდაგვარად უამრავწახნაგოვანი დულაბი ვარ:

- მტერიცა და მოყვარეც;
- მორწმუნეცა და ურწმუნოც;
- ულარიბესიცა და უმდიდრესიც;
- ურჩიცა და მორჩილიც;
- ტლანქიცა და მოქნილიც;
- მოხერხებულიცა და მოუხერხებელიც;



თავდაჯერებულისა და მერყევის;
დამოუკიდებელისა და უსუსურის;
უკმაყოფილოსა და კმაყოფილის;
ქედმოხრილისა და ქედმოუხრელის;
უდარდელისა და დარდიანის;
უხალისოსა და ხალისიანის;
ურეაქციოსა და რეაქციულის;
უფხოცა და ფხიანის;
იმედიათისა და უიმედოს;
უქონელისა და მქონებელის;
უცხოცა და ნაცნობის;
უჩვეულოსა და ჩვეულებრივის;
უთვალ-უყუროსა და ასთვალ-ასყურაც;
უფუნქციოსა და მრავალფუნქციურის;
დაუმორჩილებელისა და დამყოლის;
უდრტვინველისა და ბუზღუნაც;
უბედურისა და უბედნიერესის;
უშფოთველისა და შფოთიანის;
უმაღლესისა და უმდაბლესის;
გულუხვისა და გაუმეტებელის;
ულმობელისა და ლმობიერის;
უმცირესისა და უზარმაზარის;
მოსიყვარულეცა და მოძულეც;
უპრობლემოსა და პრობლემურის;
უდრეკისა და დრეკადის;
მედიდურისა და მდაბიოს;
უმდაბლესისა და უმაღლესის;
უანგაროსა და ანგარებიანის;



წყნარისა და კაპასიც;
უსაქმურიცა და საქმიანიც;
მლიღისოდენაცა და უკიდევანოც;
უჩინარისა და გამოჩინარებულისც;
უებარისა და უვარგისიც;
რბილისა და კერკეტისც;
სასარგებლოცა და უსარგებლოც;
უშიშარისა და მშიშარაც;
უახლოესიცა და უშორესიც;
გამოუსადევარისა და გამოსადეგისც;
უტკბილესიცა და უმწარესიც;
უჩლუნგესიცა და უნიჭიერესიც;
უგულთბილესიც და უგულცივესიც;
უცნაურისა და ჩვეულებრივისც;
გულგახსნილისა და გულჩათხრობილისც;
გულკეთილისა და გულქვაც;
გულხელგაშლილისა და გულხელდაკრეფილისც;
უტყუარისა და მატყუარაც;
ულალატოცა და მოლალატეც.
გულწრფელისა და გულდახურულისც;
გულზვიადისა და გულჩვილისც.

აი, ასეთი ინგრედიენტებისგან შემდგარი დულაბი ვარ.
ჩემი გაცნობა, ძალზე ადვილია.
შეცნობა? ძნელზე ძნელი.
შეუძლებელიც.

21.06.2020 წელი.
თბილისი.



აღ თქმა

შემოდგომაა.

სკოლამდელ ასაკში ვარ, ალბათ 5-6 წლის.

გრიპიანობა დადიოდა სოფელში.

მაშინ გაუგებარი იყო ჩემთვის გრიპის მსვლელობა კარდა-
კარ რა ფორმით ხდებოდა.

ჩვენს ოჯახსაც ეწვია.

ბავშვებმა მოიტანეს სკოლიდანო, ასე თქვეს, ანუ ჩემმა და-
ძმამ.

ჯერ ისინი ჩაწვენენ.

ცოტა უკეთესობა რომ დაეტყვოთ, ლოგინში ცელქობდნენ,
ბტუნავდნენ, დედის შენიშვნისა და აკრძალვის მიუხედავად.

დედა თავს ევლებოდა მათ. საწოლში მიაართმევდა ხოლმე
საუზმეს, სადილს, ვახშამს, შიგადაშიგ კომპოტს, მურაბას, ხილს
და სხვადასხვა სასუსნავებს.

გარკვეულწილად, თითქოს ხიბლიანიც კი იყო მათი პატი-
ვისცემის ქვეშ ყოფნა, ჩემი გადასახედიდან.

ბოლოს გრიპი მეც მეწვია. ისე მაგრად ჩამიხუტა, დიდხანს
არ გამიშვა ხელი მაღალმა სიცხემ და ხველებამ, ალბათ „მოვე-
წონე“ დედის დამჯერე ავადმყოფი. სუნთქვა მიჭირდა, სიცხისგან
თავი მისკდებოდა.

წამალს მასმევდა დედაჩემი, მეც ვებრძოდი, ლოგინში ჩა-
ფუთნული, მაგრამ თავს ვერ ვინთავისუფლებდი, ისე მაგრად მი-
ჭერდა მისი ძლიერი „ხელებით“.

ძალიან ცუდად კი დამამახსოვრა თავი.

დედაჩემი ძმრით შემიბეღლდა სხეულს, საფეთქლებს, ილლი-



ებს, ფეხის გულებს, შუბლზე ძმრიან ტილოს დამადებდა და მეტყობდა:

- ლოგინში არ გაინძრე, არ აიშიაქო, ოფლი უნდა მოიხადო!

ე.ი. სანამ კარგად არ დამასველებდა ოფლი, სანამ გასაწური არ გახდებოდა ჩემი პერანგიცა და თეთრეულიც, მანამდე არ მძღვედა უფლებას ხელი გამომეყო საბნის გარეთ, ანუ არ უნდა ამეშიაქებინა გასაგრილებლად. მეც ვუჯერებდი, მალე კარგად გახდომის იმედით.

არც ჩემმა დამჯერებლობამ გაჭრა „აშიაქებასთან“ დაკავშირებით, არც დედაჩემის თანგადაყოლილმა მზრუნველობამ.

სიცხე დაბლა არ იწევდა.

ღუმელივით ვხურდი.

არანაირი საჭმელი არც მინდოდა და არც მეგემრიელებოდა პირში.

ყველაფერი გაუგებურდა.

მასსოვს, ერთადერთი რაც მეგემრიელა პრასის მჟავე იყო და „ბლომდაც“ ვჭამე, მაგრამ რად გინდა, მალევე უკან გადმონახე და მას შემდეგ პრასის მჟავის სუნიც კი, ზიზღისმომგვრელად, უარყოფითად აღიზიანებს ჩემი ყნოსვის რეცეპტორებს დღესაც კი.

მოკლედ, ჩემი სიცხიანობა დიდხანს გაგრძელდა. ისე დიდხანს, რომ ვიგრძენი, დედაჩემი უძლური იყო ჩემთან წვეული „პატივცემული“ გრიპის თანმხლები სიცხიანობის წინაშე. ძალზე წუხდა, რადგან არც წამალი მშველოდა და არც აუშიაქებლობა.

ერთ საღამოს, ისევ ჩაფუთნული ვწევარ, ოფლის „მოხდის“ პოზიციაში.



დედაჩემიც იქვეა.

იმედგადაწურულობა ეტყობოდა.

უცებ ჩემს საწოლთან დაიჩოქა და სასოწარკვეთილმა წარმოთქვა:

– ღმერთო, ჩემი ციციხო გამომიჯანმრთელე და ჩემს სიცოცხლეში ფრინველის თავს არ შეეჭამ! – სამჯერ გაიმეორა და ჩემს საწოლზე თავი ჩამოდო. ალბათ გულში აგრძელებდა ლოცვას.

დედაჩემს, მართლაც განსაკუთრებით უყვარდა ფრინველის თავი. როცა ფრინველისგან კერძს მოამზადებდა, მაგიდაში ჩადგამდე თავის თეფშზე წინასწარ გადმოიღებდა თავს, რათა შემთხვევით სხვას არ შეხვედროდა.

უფალს გულწრფელად შეჰფიცა პირის გემოს სიამოვნებისა და სიყვარულის დათმობა სიკვდილამდე, რაც აასრულა კიდევ.

მეორე დილიდან უკეთესობა დამეტყო და ნელ–ნელა დამიბრუნდა ბავშვური ცხოვრების რიტმი.

მას შემდეგ ფრინველის თავს მე დამიდებდა–ხოლმე თეფშზე და მეც შევიყვარე, ოღონდ მხოლოდ ტვინს ვჭამდი.

რწმენით, გულწრფელ ლოცვას მაგიური ძალა აქვს.

08.11.2023 წელი.

თბილისი.

გამონატკის მოულოდნელობანი

მესამე შვილიც უნივერსიტეტში ასპროცენტიანი გრანტით რომ მოეწყო, ბედნიერი დავაბიჯებდი, მსუბუქად და მხნედ. შვილების ფონს კარგად და წარმატებულად გაყვანა დიდ იმედს მაძლევდა.



დიდი საეკლესიო დღესასწაული იყო.

ბათუმის საკათედრო ტაძრის ეზოში შევედი და მოულოდნელად ბავშვთა პოლიკლინიკის ექიმი შემხვდა.

გულთბილად გადავეხვიეთ და მოვიკითხეთ ერთმანეთი.

მე, ჩემი შვილების წარმატებების ამბავი ვამცნე, ბედნიერმა.

რა თქმა უნდა ძალიან გაუხარდა და ბოლოს გულისხმიერად ჩამეკითხა:

- თქვენ როგორ ხართ?

გამაკვირვა ამ შეკითხვამ ბედნიერი დედა და კითხვა შევეზურუნე:

- კარგად ვარ. რატომ მეკითხებით, რამე მეტყობა?

მან კი შვილებზე თავგადაგებულ დედას მშვიდად მითხრა:

- ხანგრძლივად სუნთქვაშეკრულად და თავდავიწყებულმა ცხოვრებამ ბოლოს იცის გამოწევა.

ერთმანეთს დავშორდით.

გამოცა და გამაკვირვა მისმა დიაგნოზმა. დიდხანს ვყვებოდი ახლობლებთან და ვასკვნიდი, რომ ჯერ არა, მაგრამ ეს „გამოწევის“ დროც დადგება ალბათ-მეთქი.

აჰა დადგა კიდევ.

იმ შეხვედრიდან თხუთმეტი წლის შემდეგ „გამომიწია“. ალბათ ძალიან ჯანმრთელი ვყოფილვარ და იმიტომ.

არასრულყოფილი, არასრულფასოვანი, არაჯანსაღი გავხდი. ყველაფერი მოიშალა ჩემში ერთდროულად, მაგრამ არ ვიმჩნევ.

არ ვწუწუნებ.

არ მტკივა და არ მეცრემლება ტკივილი, არც ბედუკუდმართობა.



ცრემლი მხოლოდ სიხარულზე, საქმეში წარმატებაზე, გამარჯვებაზე თუ მომადგება.

ხშირად არ ვარ კონკრეტული, თანმიმდევრული, აქტიური, აღმამსვლელი.

ჩემდა გასაკვირად ხანდახან დინებას მივყვები, თუმცა თავს არ ვკარგავ, რადგან ვერევი არაორდინალურობას.

ხან რაიმე საქმის გაკეთებაზე ხელს ჩავიქნევ, თუმცა შემოძლია მისი გაკეთება. მეგობრებიც არ მახვევია თავს, რომ მომადგინებოდნენ.

ეკონომიურადაც არ ვლაღობ.

ასე რომ, ვცოცხლობ.

ვცხოვრობ კიდევ, თუმცა მოლოდინის შესაბამისად არა.

რაც ვარ, ის ვარ.

მე უკვე შესაძლებლობისდაგვარად ვდგავარ, უფლისმიერად.

•

მესამე შვილის სრული გრანტით მოწყობასთან დაკავშირებით კიდევ ერთი საგულისხმო მომენტიც მახსენდება.

მან გამოცდები ბათუმში ჩააბარა.

ქულები ვიცოდით, მაგრამ გრანტში მოხვედრა მოგვიანებით, ინტერნეტით უნდა გავვეგო.

მე, სამსახურიდან ხელმოცარული, გოგონებთან ერთად თბილისში ვიყავი და ვისაც როგორ შეგვეძლო, ისე ვავარებდით ეკონომიურ მხარეს.

იტალიურ ებოში, მეზობლად, საკმაოდ ასაკოვანი სომეხი ქალბატონი, სუსანა, ცხოვრობდა. ის ჩემს გოგონებს უკვე იცნობდა, როგორც სრული გრანტით მოწყობილებსა და კარგ, დაუმ-



არელ, მშრომელ, სუფთა ახალგაზრდებს.

ყველანი სულმოუთქმელად ველოდით უმცროსი ვაჟის შედეგების დადებას ინტერნეტში.

ინტერნეტიც სუსანას ოჯახს ჰქონდა.

ეს დღეც დადგა.

ავვისტოს ცხელი დღის 11-12 საათი იქნებოდა, გოგონები გახარებულები გამოვარდნენ სუსანას ოთახიდან, ეზოში მდგარს შემომხევივნენ და ძმის სრული გრანტიტით მოწყობა მომილოცეს.

თავშეკავებულად ვხარობდი სამივე შვილის სასკოლო ეტაპის წარმატებულად დასასრულს და ფონს გასვლას.

ვხედავ, მოდის ქალბატონი სუსანა.

მისგან ჩვეულებრივ მოლოცვას ველოდებოდი.

მომიახლოვდა.

ხელი გამოწვდილი არა აქვს ჩამოსართმევად.

მოულოდნელად ჩაიჩოქა უხეშქვებიან მიწაზე, ხელები შემომხვია მუხლებზე და კოცნა დამიწყო.

ჩემი თხოვნის მიუხედავად აგრძელებდა თაყვანისცემას. ბოლოს ადგა, გულში ჩამიხუტა და მითხრა:

– როგორ მინდა შენი ნაფეხურები ვკოცნო! შენნაირი დედა ჯერ არ შემხვედრია!

გაოგნებული შევყურებდი ამ სომეხ ქალბატონს.

მადლობა მოკრძალებულად გადავუხადე.

ასეთი გულწრფელი ჟესტით გაცემულიც დავრჩი, რადგან ასე გულიანად და მსგავსი თაყვანისცემით არავის არასდროს მოულოცნია ჩემთვის წარმატებები.

მას შემდეგ დიდი ხანი გავიდა.

აღბათ, ქალბატონი სუსანა ცოცხალიც აღარ არის.



თუმცა, ჩემი მადლიერება მისი გულწრფელი და კეთილშობილური საქციელისთვის მას ცხონებაში ნამდვილად წაადგება.

21.06.2020 წელი.
თბილისი.

გუთგული სიკეთე

მეორე კურსის სტუდენტი ვარ ქუთაისის პოლიტექნიკურ ინსტიტუტში.

პირველი სემესტრის ბოლოა.

ჩათვლები დავამთავრეთ.

გამოცდების ციებ-ცხელების მოლოდინია.

მაგრამ...

გამოცდებამდე ახალი წლის საცდურზე გვერდის ავლაც ძნელია სტუდენტისთვის, რადგან განტვირთვა ნამდვილად საჭიროა მოსალოდნელი დიდი შრომისა და განსაცდელის წინ.

ერთმანეთს დავემშვიდობეთ და გავიფანტენით სამხიარულო სიტუაციების შექმნის თვალსაზრისით ახლობლებისკენ, ოჯახებისკენ.

•

ნაახალწლევს ინსტიტუტის ეზოში შეკრებილი თანაკურსელები არჩევდნენ საახალწლო დროსტარების სამხიარულო, შთამბეჭდავ დეტალებს და ერთმანეთს კითხვებს აყრიდნენ. იყო სიცილ-კისკისი, ლაღი იუმორით გაჯერებული განხილვები. იგრძნობოდა გადახალისებული, ენერგიული განწყობებით დაბრუნება.

მე, როგორც მჩვევია, ამ ორომტრიალის ეპიცენტრში არ ვიდექი და თამაშგარე მდგომარეობიდან ვუსმენდი მათ. გული რომ იჯერეს ერთმანეთის მიკითხ-მოკითხვით და დაცხრნენ, მა-



შინ „აღმომომაჩინეს“ და ერთ-ერთმა, ჩემით დაინტერესებულმა, მკითხა:

- შენ ალბათ, ბათუმში იყავი ხომ?

იცოდნენ, იქ მამაჩემი სოფლის ხორაგით დატვირთული ჩადიოდა ჩემი დის ოჯახში და მსუყე სუფრაც იმლებოდა საახალწლოდ; ზოგჯერ მეც იქ ვხვდებოდი ხოლმე.

- არა, მე დეიდაჩემთან ერთად შევხვდი ახალ წელს, აქვე, პატრიკეთში (ქუთაისთან ახლოს).

სერიოზული დუმილი ჩამოწვა. იცოდნენ, დეიდა მართლ რომ ცხოვრობდა.

მეტი არაფერი მითქვამს.

შემდეგ ვიწრო წრეში გავშალე თემა.

•

შვილმკვდარი დეიდა მართლმართლ ცხოვრობდა პატარა, რკინის ბოძებზე შემდგარ ხის სახლში. მისი ვაჟი, მთავარი ინჟინერი ნავთობების სამმართველოში, იშვიათად ჩადიოდა მასთან. ხოლო ქალიშვილი, ახალგათხოვილი, 30 წლის ასაკში ჰყავდა გარდაცვლილი და იმას ვერ ინელებდა, მიწას მიბარებული შვილი როგორ მივატოვე და სასაფლაოდან სახლში გამოვბრუნდიო.

მე მას, შეძლებისდაგვარად, ხშირად ვსტუმრობდი.

დეიდაჩემი ამ დროისათვის სამოცდაათს გადაცილებული ადამიანი იყო.

საახალწლოდ კი, რომ გავიფიქრე, დეიდაჩემი ახალ წელს უსიხარულობაში გაატარებდა, არც მიყოყმანია, მასთან წავედი მისი განწყობის გამოსაკეთილშობილებლად.

ნაშუადღევ იყო, რომ მივედი.



როგორც ველოდი, სიცივეში უიმედო მართოსული უკვე ჩაწოლილიყო ლოგინში, თავისი შვილის უზარმაზარსურათებიან ოთახში. ფეხის ხმაზე თავი წამოწია ბალიშიდან და რომ დამინახა, სიხარულით შემომძახა იმერული დიალექტით:

– დია, რამ გაგაჩინა ახლა შენ?.. (ეტყობა, ისიც ფიქრობდა, რომ მე ჩემებთან წავიდოდი საახალწლოდ, მაგრამ დეიდაჩემიც ხომ ჩემი იყო, გულგამომწვარი და გულდათუთქული?!).

წამოდგა, ჩამეხუტა, სიხარულის ცრემლები შეიმშრალა, ჩაცმა დაიწყო გახარებულმა და ძალაშემატებულმა.

არაფერი გამიკეთებია, მაგრამ ყველაფერს მოვახერხებთო.

მართლაც, ერთი მეზობლიდან ქათამი იყიდა, მეორედან ყველი და შევუდექით საქმეს. ბუხარში ცეცხლი დავანთეთ, ქათმისთვის წყალი შემოვკიდეთ, დეიდაჩემმა სახაჭაპურე ცომი მოზილა, მე ნიგოზი დავარჩიე და ნიორთან ერთად დავნაყე; სახაჭაპურედ ყველი გავამზადე,.. მთავარი დეიდაჩემი იყო, მე მუყაითი, დამჯერე დამხმარე.

მოკლედ, ქათამი ჩავასაცივეთ, ხაჭაპურები და ჭადები გავაცხვეთ, ღომიც გავაკეთეთ და ქათქათა, თეთრ სუფრაგადაფარებულ მაგიდაზე სუფრაც გავაწყვეთ, სადაც, დასალევად შავი ღვინო და ტკბილი ლიქიორი, დესერტად ჩირი და ჩურჩხელა, კანფეტები და ვაშლი ეწყო მაგიდაზე. თითქოს, ასე მოკრძალებულად, მაგრამ გულსავსედ და იმედიანად შევხვდით ახალ წელს.

ეს ახალი წელი, ჩემი დალოცვის გამოვიდა, რადგან დეიდაჩემმა ბევრჯერ ახსენა ხაზგასმით:

– დია! შენ რომ არ მოსულიყავი, ხვალ დილით ჩაის დავლევდიო.



ორ იანვარს წამოვედი.

გამოცდებმა ხომ არ იცის საახალწლო შეღავათები?!

წამოსვლის წინ ბალიშის ქვეშ დაგროვებული ხურდა ფული გამოიღო და წინააღმდეგობის მიუხედავად მუჭში ჩამიღო სიტყვებით:

- არ დამიწუნო, ამ ხურდებს შენ გიგროვებ!..

სხვა დროსაც აკეთებდა ასე. ქალაღის ფულიც კი მოუცია, მაგრამ ნაგროვები ხურდიდან, დაგროვებული სითბო იგრძნობოდა.

გამომაცილა ცენტრალურ გზამდე, კერძო მანქანა გააჩერა, მძღოლს სამგზავრო ფული გადაუხადა და მანქანაში მსხლმ მგზავრებს ჩემი თავი ჩააბარა.

დედაჩემის სახეზე იმედის სხივი სჭვივოდა, რომ სხვა დროსაც გავახარებდი.

ჩემი თანაკურსელი აღფრთოვანებულიცა და გაკვირვებულაც დარჩა ჩემი მონაცოლითა თუ გადაწყვეტილებით.

მეც ძალზე ბედნიერი ვიყავი მაშინ ჩემი არჩევანით და ახლაც გულს მითბობს ეს ისტორია.

საგზლად მომყვება იმ ახალი წლის მადლი, ცდუნებას რომ არ ავყევი და ერთ უიმედო ადამიანს გულის ტვირთი ცოტათი მაინც შევუმსუბუქე.

თანაც, ჩემს კეთილ საქმეთა ნუსხას ერთი ფურცელიც შევმატე.

ამ ამბავს ახლა ჩავუკვირდი და ეს იარლიყიც ახლა მივაკარი, თორემ, როცა რაიმეს აკეთებ, იმაზე თუ იფიქრე, ეს სიკეთეში ჩამეთვლებაო, სიკეთე აღარ გამოვა.

10.08.2023 წელი.
თბილისი.



გაუხუნარი მქსსიერება

საჩუქრით, ან რაიმე ძვირფასეულის შეძენით გამოწვეული სიხარული და ბედნიერება წარმავალია, რადგან ეს ყველაფერი ცვეთადია და დროთა განმავლობაში მქსსიერებაშიც უფერულდება.

ბოლოს... შეიძლება მქსსიერებიდანაც წაიშალოს.

ადამიანური ურთიერთობები კი, ცოცხალ ხატებად, წარუშლელი და გაუხუნარი რჩება მქსსიერებაში.

იგი არ ხანდამბულობს.

რა შთამბეჭდავი იყო, ცხელი ზაფხულის გვიანი სადამო დედულეთში?!

ვზომი, სახლსა და ჭიშკარს შორის, მოედნისებური, მოლიანი სივრცის შუაში, კიდევ უფრო პატარა სივრცის – წრის ირგვლივ, პატარა ჯორკოებზე ვისხედით: ოთხმოცდაათ წელს გადაცილებული ბებიჩემი, დეიდაჩემი, სტუდენტი დეიდაშვილი გოგონა და მე, რომელიც ძალზე პატარა ვიყავი მათთან შედარებით ასაკითაც (დაწყებითი კლასის მოსწავლე) და ძალიან შორსაც მათი საუბრის თემებისა და პრობლემებისგანაც.

მე, მათთან ერთად, თითქმის არ ვიჯექი.

ჩემი ჯორკო, ფაქტიურად ცარიელი იყო, რადგან ვცვლქობდი და ერთ ადგილას ვერ ვჩერდებოდი.

მათი თქმით, მე ბედნიერი ბავშვობა მქონდა და პროგნოზითაც, მუდამ ბედნიერი ვიქნებოდი.

გონიერ გოგონას ყველა საქმე კარგად ამეწყობოდა მომავალშიც.

სავსე მთვარესა და მოკაშკაშე ვარსკვლავებით გადაჭედული ცის თაღს უკუნი სიბნელე ნათლით შეეცვალა და ერთმანეთის უხმაურო ემოციების გარჩევაც ძნელი არ იყო.



ემოციები მოგონებებისა და სასაუბრო თემის მიხედვით იცვლებოდა.

ხან სინანული სჭვიოდა, თუკი ბებიაჩემი 37-ნი წლების მსხვერპლის, თბილისში ერთ-ერთი საუკეთესო ვექილი ვაჭიშვილის მოლოდინზე ჩამოაგდებდა საუბარს, ან იმ სინანულზე, ცხრა შვილიდან მხოლოდ სამი რომ შემორჩა და საკმაოდ გამეჩხრდა მისი დიდი ოჯახის შემადგენლობა.

დეიდაჩემი კი მისი წარმატებული ქალ-ვაჟის მომავალზე ჩამოაგდებდა საუბარს, რასაც ჩემი დეიდაშვილი ხუმრობაში გაუტარებდა და აკისკისდებოდა. საუბრის თემას სტუდენტურ ცხოვრებაზე გადაიტანდა, რომელიც დაუსწრებლად მიმდინარეობდა სოხუმში და სტაჟისთვის ქუთაისში მუშაობდა. ძმა კი უკვე ნავთიების სამმართველოში მთავარი ინჟინერი იყო და დაოჯახებისთვის „ვერ იცლიდა“.

ზეციურ ნათებას ციციანთელების ციმციმიც ემატებოდა, ბებიაჩემის სიცილს კი, მისი ფუმფულა მუცლის თახთახი.

ოჯახური საუბრის დასასრულსა და დაძინებაზე არავინ ფიქრობდა. მხოლოდ მაშინ, როცა მთვარე წასვლას გადაწყვეტდა მოსასვენებლად და ჩაითავდაღმართებდა, ბებიაჩემი იტყოდა:

– ავდგეთ ახლა დია, საწოლებს მივაშუროთ! თორემ, სალაპარაკოს ჩვენ რა გამოგვიღევს და თავზე არ წამოგვათენდეს!

საუკეთესო მოსაგონარი

ბავშვობისა და სტუდენტობის,
საუკეთესო მოსაგონარი
დედულეთია – შვების სავანე;
ბებო და დეიდა შვილებით –
სიკეთის სათავე.



ბევრს მავალებდა, დღესაც მავალებს
გონიერი და მკაცრი ბებია:
ცხოვრების წესით და ქალური ღირსებით...
იგი წავიდა წუთისოფლიდან,
103 წლისა,.. ჯანსაღი კბილებით.

21.03.2024 წელი.
თბილისი.

•

გურიაში იმერული დიალექტითა და კილო-კავით დახუნ-
ძლული ვბრუნდებოდი და მეორე არდადეგებამდე მოგონებები
მასაზრდოებდა დედუღეთზე, წერილებით მოვიკითხავდი და
ვაწვდიდი ინფორმაციას ჩვენს შესახებ.

წამოსვლისას, არდადეგების დასასრულს, ჩემს გამოსაცი-
ლებლად, მთელი ოჯახი ჭიშკართან იყრიდა თავს.

ბებიჩემი ახლა მაღალ „ტაბურეტზე“ იჯდა.

ჯოხზე დაყრდნობილ ბებიას, ავტობუსის მოლოდინში, რამ-
დენჯერ შეაშრებოდა მოსალოდნელი განშორებით გამოწვეული
დაწვბე ჩამოგორებული ცრემლი, ვინ იცის?!

მე კი, ჩვეული სიცელქით, ვეხუტებოდი, ვუმსუბუქებდი ნაღ-
ველს და სასწავლო წლის ხანმოკლეობას თითებზე თვეების ჩა-
მოთვლით გამოვხატავდი.

მასაც სახე ებადრებოდა, ასე მარტივად რომ ვაგვარებდი და
ვუიოლებდი მომავალ ზაფხულამდე მოლოდინის რეჟიმს.

და... ბოლოს, მთელი წლის საგზლად მიმყვებოდა: გულაჩუ-
ყებული ბებიჩემის ცრემლიან-ოფლიანი სახისა და მოხუცი სხე-
ულის სირბილე, განსხვავებული სურნელით; ავრეთვე, ბუხარში
გახურებულ პატარა კეცებზე, მის მიერ ჩაკრული, წაბლის ნემოში



გამომცხვარი ჭადების სურნელი, ერთი სული რომ მქონდა, ჩამეკებინა ხმელ ყველთან ერთად. თან, გაცივების პროცესი ხომ უსაშველოდ ხანგრძლივდებოდა ბაფხულში.

ავტობუსში რომ ჩავჯდებოდი, ჩემს წასაყვანად ჩამოსულ მამაჩემთან ან დედაჩემთან ერთად, ხელის ქნევით, დიდხანს ვემშვიდობებოდი დედუღეთსაცა და ბაფხულის არდადეგებსაც.

გზაში, ფიქრები თანდათან გადაერთვებოდა გურიამზე, სახლზე, ხეხილით გადავსებულ ეზო-კარზე, სასკოლო ჩანთაზე, წიგნებზე, ჩემს საწოლზე, ბალიშზე და გული ჩქარა ნახვის სიხარულით მიჩქროლდებოდა.

გურიაში, იმერეთისგან განსხვავებით, ოჯახური თავშეყრის საღამოები, შემოდგომაზე, სიმინდის რჩევის პროცესში იყო, შუა ცეცხლთან, ბაბუასეული ხის სახლისგან გადაკეთებულ „კუხნაში“.

დრო სწრაფად გადიოდა, დარჩეული სიმინდით გოდრის ავსებისა და ამასობაში ჭყინტი სიმინდის შეხვედრის ინტერესით, რომელსაც, იქვე, ცხელ ლადარში ვწვავდით და ვინაწილებდით, რითაც შრომა უფრო ხალისდებოდა.

ეს პროცესი, მოგვიანებით, ასე ჩამოვაყალიბე:

**ნაკვერ-ჩხალ-ზე იბ-რა-წე-ბა შე-მოდ-გო-მის ჭყინ-
ტი ტა-რო,
დრომ ყვე-ლა-ფე-რი წა-შა-ლა, ხსოვ-ნა-ში უნ-და
ვა-ტა-რო.**

17.09.2020 წელი.
თბილისი.



გზა გოლგოთისკენ

მივდივარ, მივისწრაფვი ჰორიზონტთან შესახვედრად.

შესვენების გარეშე მინდა მივალწიო.

შესვენებას იქ ვგვეგმავ.

ვჩქარობ.

მინდა დავტკბე ჰორიზონტის სწორხაზოვნებით, ცისა და დედამიწის შერწყმის ადგილის ხილვით და შემდგომი სავალი გზა დავგვეგმო.

მაგრამ... უშედეგოდ.

გულუბრყვილო ბავშვივით გამომდის ყველაფერი.

გზას ვაგრძელებ.

მანძილი უცვლელია, გზის გაუმჯობესებაც არ ჩანს, ყველგან ოღრო-ჩოღროა და ეკალ-ბარდი.

არადა, შორიდან თითქოს ყველაფერი ახლოს, სწორხაზოვანი და ადვილად მისასვლელი მეგონა.

აი ახლა, აი ახლა მივალწევ-მეთქი, ვფიქრობ კვლავ ჯიუტად.

ასე გულაჩქარებული, გულამოვარდნილი მივისწრაფვი ჰორიზონტისკენ.

გზაში ყველა წვრილმანს, ყველა წაქცევას, ყველა აღმასვლას, ყველა შოკური თუ კომური მდგომარეობის დაფიქსირებასა და კოპირებას ვცდილობ.

ხან პეწიანი ვარ, ხან – ლაფში ამოსვრილი, ხან – კოჭლი, ხან – დაჩოქილი, ხან – გულაჩუყებული, ხან – გულატირებული, ხან – გულხელდაკრეფილი, ხან – გულხელგაშლილი, ხან – ბედნიერი, ხან – ქარბორბალასავით ჩქარი, ხან – ზოზინა და მცონარა, ხან აკადემიურად გამოვიყურები, ხან – უბრალოდ, ყოველდღიურ-



თბაში; ხანაც წამშველებელს ვეძებ ამაოდ და არასრულფასოვნების სინდრომი აფერხებს სვლას ჰორიზონტისკენ, მაგრამ მაინც არ ვჩერდები და არც ვნებდები.

როცა ჩემთვის თითქოს დაუძლეველ ბარიერს, დიდ აღმართს გადავლახავ, ბავშვივით მიხარია, ძალა მემატება და თავდადმართში მივექანები. ახლა ყველაფერი მალე დასრულდებას ფიქრში... ახალი აღმართი იწყება და... ისევ ყველაფერიც თავიდან იწყება.

ახალი აღმართი უკვე სხვა სიმაღლეებია და სხვა სირთულეები, რომლის დაძლევაცაა თვითმიზანი.

ეს სწრაფვა და ბოხოქრობა ჩემში ხდება ფარულად, შიგნით, გულის სიღრმეში. ამას სხვა ვერც ამჩნევს. ეს ჩემი სულის ტრექტორიაა, ასეთი სინუსოიდალური, რომელიც განუწყვეტლივ შემოდის ჩემში.

მე, როგორც წესი, როგორც სუნთქვა, როგორც გულისცემა, ისე ვღებულობ ამ დაბრკოლებებს და ისე ვარ ჩართული მის გადალახვაში, გვერდით მყოფთ ვერც კი ვამჩნევ. სხვაზე ყურადღების გადატანა ხელს შემოშლის მიზნისკენ სვლაში.

მე ხომ სხვისი იმედით არ მივისწრაფვი საქმის მოსაგვარებლად?!

ჰორიზონტისკენ მიმავალი გზა არავისთვისაა ხიბლის ობიექტი. მისი გადალახვის სურვილი არავის შეეხარბება, არავის შეშურდება, იმდენად ჩახერგილისა და გაუვალის შთაბეჭდილებას სტოვებს?!

მე არც მეშინოდა და არც ახლა მაშინებს, რადგან ჩემთვის ისინი ჩვეულებრივობად იქცა.

ისედაც, შიში ვერ შემაშინებს, ვერც შემაჩერებს, მაინც ვაგრძელებ გზას, „მუჯღუგუნების“ მიუხედავად.



ეს ჩემი ცხოვრების ნორმად იქცა.

მივეჩვიე სიცივეს, უყურადღებობას, ზურგის შექცევას, დამცინავ მზერას, გაქილიკებას.

ბრძოლას აზრი ყოველთვის აქვს.

ჩემი საბრძოლო იარაღი გაცლა და განშორებაა. თითქოს მათ ვერ ვხედავ, გვერდს ავუვლი და გზას ვაგრძელებ.

გბაში სულ მარტო ვარ, ზოგჯერ ხმის გამცემი მენატრება.

შიგადაშიგ გამოჩნდებიან ხოლმე, მაგრამ ყველა სულ სხვა ენაზე ლაპარაკობენ, მე კი ისევ იმ ენაზე ვსაუბრობ და იმ ენაზე ვაზროვნებ, რომელზეც აღმზარდეს.

ერთგული დავრჩი ჩემი ფესვების.

მიწიერი ვერ ვიფრენ, ვერ ვიფარფატებ.

მოგვიანებით მივხვდი, ჰორიზონტისკენ სწრაფვა ჩემი გოლგოთისკენ სწრაფვა ყოფილა.

თურმე, იქ ასასვლელ გზებს ვკაფავ და ოფლად ვიღვრები.

კვირა და ორშაბათი ერთმანეთში არეული მაქვს.

დღეთა სვლას მზის ამოსვლა-ჩასვლა მამცნობს.

კიდევ კარგი, ჩემი სათაყვანებელი მზე რომ ზრუნავს ჩემს ქვეცნობიერზე.

მუდამ მზის ნატრული, თვალცრემლიანი, სუნთქვაშეკრული ვემშვიდობები დაისს და მის დაბრუნებამდე სული კბილით მიჭირავს.

ბედნიერი ვეგებები ყოველ აისს.

მეჩვენება, ჩემთვის აფრქვევს სხივებს, მხოლოდ ჩემში იღვრება და ისადგურებს.

აისიდან დაისამდე მთელი სიცოცხლეა.

რამდენი ასეთი სიცოცხლე მაჩუქა უფალმა უანგაროდ, დროის გაუფლანგველობისა და თავდაუზოგავი შრომისთვის?!



საჩუქარი სტიმულს მაძლევს და კიდევ უფრო მეტად ვიხარ-
ჯები მზის თვალწინ, თითქოს ბოლო საჩუქარია.

ყველაფერს მაინც ვერ ვასწრებ და გადადებული საქმისთვის
კვლავ მორიდებულად შევთხოვ უფალს ერთ აისს.

ისიც, ჯერჯერობით, უშურველად მასაჩუქრებს.

მზე ერთგვარი ზედამხედველიც არის უფლისგან, დამხმა-
რეც, გზის მანათობელიც, მახარობელიც, გამათბობელიც, მამ-
ხნევებელიც, მკურნალიც და... სტუმარიც.

სტუმარს დახვედრა უნდა, გამასპინძლებაცა და გალიმებაც.

სტუმარს წამოწოლილი მასპინძელი არ უყვარს, მით უმეტეს
მზეს, რადგან იგი ერთადერთი უტყუარი და ერთგული მაცნეა,
ინფორმატორია, იმედიცაა და სტიმულის მომცემიც.

ასეთი საპატიო სტუმარი არ უნდა გააწბილო, მისი რჩევები
უნდა გამოიყენო, უნდა მიჰყვე, უნდა მოუსმინო, უკმაყოფილო
არ უნდა გაუშვა, თორემ... იქნებ და, აღარ მოგაკითხოს უკმაყო-
ფილოდ გასტუმრებულმა და უკუქცეულმა?!

რას დავთეს დღეს?!

რას ვტოვებ ღირებულს?!

გამუდმებით ამაზე უნდა ვიფიქრო!

დრო არ უნდა გავფლანგო და პირნათელმა უნდა ავაღწიო
გოლგოთას!

•

დრომ არა, არ იცის მოცდა და შენდობა,

უფლება არა მაქვს, დავუშვა შეცდომა.

23.11.2019 წელი.

თბილისი.



დაბადება

ჯერ დაბადებული არ ვარ.

მაგრამ... ვაპირებ.

გეგმა უკვე შედგენილია.

•

დედაჩემის საუბრიდან გავარკვიე, რომ იანვარში უნდა მოვევლინო სამყაროს.

ახალი, 1955 წელი ახლოვდება.

– ახალმა წელმა მაინც ჩაიაროს, ხელი არ შეგვიშალოს სამზადისში; თან, რა ცუდი ამინდები დაიჭირა?! გადაუღებლად წვიმს. – მოწყენილი ლაპარაკობდა წუხელ დედაჩემი.

კარგი, ჩაიაროს ახალმა წელმა, ვიფიქრე მეც. თან ეს წვიმები რა უბედურებაა?! დარში სჯობს დაბადება.

შევეჩერდი და მომენტს ველოდები.

წვიმებმა გადაიღო.

ყინვები დაიჭირა.

შობამაც ჩაიარა.

საკალანდო ღორიც დაკლეს.

კუპატების გააკეთა დედაჩემმა, სახლში საუცხოო სურნელი დგას.

აბა, ახლა შეიძლება ხელის შემლა?!
ყველაფერს თავისი ადგილი მიუჩინეს.

რომ ვიფიქრე, ახლა ნამდვილად დადგა ჩემი მოვლინების

დრო-მეთქი, დილით დედაჩემის ხმა მესმის:

– უი, წუხელის მოუთოვია, ნეტა გზები არ ჩაიკეტოს!

ეს გზების ჩაკეტვა რაღაა?! ვერ მივხვდი, რას ნიშნავს!



ცოტას კიდევ დავიცდი-მეთქი, ვიფიქრე.
საუბრიდან ვხვდები, თოვამ არ გადაიღო.
ამატებს და ამატებს...

ყოველდღე ახალ-ახალი პრობლემები ჩნდება: შეშა დასახერხი და მოსამარაგებელია თურმე, ბავშვები რომ არ გაცივდნენ და თანაც, ახალშობილს სხვა პრობემები სჭირდება.

მიხვდით, ახალშობილში მე მგულისხმობდნენ.

მეც დავფიქრდი: ცოტას კიდევ დავიცდი, შეშა ბლომად დახერხონ, შექარი იყიდონ, წისქვილში სიმინდი დაფქვან; პურის ფქვილიც მოიმარაგონ; გზები რომ ჩაიკეტოს, პურს სახლში გამოაცხოებენ.

მოკლედ, ოჯახი ანგარიშგასაწევია.

პრობლემები არ ელევათ.

ბავშვების ჟრიამულმა იმატა. როგორც გავარკვეე, საგუნდაოდ გარეთ გადიან, ციგები არა აქვთ, მაგრამ გადაბრუნებული სუფრით სრიალებენ თავდაღმართში. სახლში ლოყებაბრაწულნი და სველი ტანისამოსით ბრუნდებიან. დედაჩემი მათ ტანსაცმელს უცვლის, გაყინულ ხელებს უთბობს. გუნდაობის სურვილი მეც აღმეძრა, მაგრამ ისინი დიდები არიან და წამიყვანენ კი?!

მეორე დილით შეშფოთებულნი ალაპარაკდნენ, რომ უკვე ჭიშკრები და ღობეები გადაფარა თოვლმა, გარემო „დემოკრატიულობამ“ მოიცვა, რომ კიდევ თოვს, მაგრამ შიგადაშიგ იმასაც აღნიშნავენ, თუ რა ლამაზია გარემო.

- ამ სილამაზეს რა შეედრება?! - თქვა მამაჩემმა.

მგონი ჩემი არსებობა გადაავიწყდათ.

ახლა უკვე მოთმინების ფიალა ამევსო!

- ყველა და ყველაფერი ჩემგან ანგარიშგასაწევია?!



- თავში ქვა უხლიათ!

მკაცრად უნდა დავსვა ჩემი დაბადების საკითხი, თორემ, პრობლემები არ ილევა.

მეც უნდა ვნახო ეს სილამაზე-მეთქი და დედაჩემს ჩემი არსებობა შევასხენე ფეხების მოძრაობით.

ფეხის გაშლა მინდოდა, მაგრამ ისეთ სივიწროვეში ვიყავი, ვერ მოვახერხე. გავჯიუტდი და მთელი ძალით ვაწვებოდი თურმე, დედაჩემის მუცლის კედლებს.

დედაჩემმა ატეხა ძახილი, მამაჩემს უხმო საშველად. მამაჩემმა გარეთ გაიხედა და სინანულით თქვა:

- თოვლი ლამაზი კია, მაგრამ ასეთ უგზობაში სად წავიდე?!

ვიფიქრე, ახლა კიდევ დამახათრებენ და მომაცდევინებენ-მეთქი და უფრო და უფრო დავიწყე ფეხების ბაკუნი.

დედაჩემი ძალზე რომ შეწუხდა, მამაჩემმაც დაიწყო წასასვლელად სამზადისი. მაღალი, სამონადირეო „ვალინკები“ ჩაიცვა, ნიჩაბი ღორის ქონით გაპოხა, ზედატანზე (თბილ ბამბიანზე), საწვიმარი გადაიცვა და ახლა უკვე მე მომმართა:

- მამა, ცოტა მოითმინე, წავალ ექიმს მოვძებნი და მოვიყვან, თორემ არც ტრანსპორტია, ვერც ურემი გაივლის ამხელა თოვლში, კიდევ ამატებს და ცოტა ანგარიში გავვიწიე! - და... კარები ჩქარა გაიხურა.

შევატყვე, ნამეტარი აჩქარდა.

როგორც იქნა, ჩემთვის დაფაცურდნენ-მეთქი, გავიფიქრე და მეც გავიტრუნე. ოღონდ, კარგად ვერ გავიგე, ჩემს დაბადებას ექიმი რად სჭირდებოდა?!

მამაჩემს ოჯახის ავტორიტეტად ვცნობ, მის ნათქვამს ყველა ემორჩილება: დიდიც და პატარაც. თუმცა, ხანდახან ხმამაღლობა



სჭირდება. ცოტა ამან დამაფიქრა, ვაითუ ჩემზეც გაბრაზდეს-მეთქი და როგორც შემეძლო ვითმენდი, თუმცა შიგადაშიგ ხან ერთი ფეხის გაშლას ვლამობდი, ხან – მეორის. ამ დროს დედაჩემი აწუწუნდებოდა, ნეტა შოთა მალე დაბრუნდესო.

აჰა! მამაჩემს შოთა რომ ჰქვია, ესეც დავაბუსტე.

მივხვდი, მამაჩემის მოსვლა აუცილებელი ყოფილა.

თურმე არც ისე იოლადაა საქმე, მე რომ მეგონა.

სხვა ადამიანი, ექიმი ან ექთანი ყოფილა საჭირო, ყველაფერი მშვიდობით რომ დამთავრდეს.

– რა თქმა უნდა მშვიდობით მინდა გამოსვლა და ცხოვრება, ახლა რამოდენიმე საათის ლოდინის გამო საქმეს ხომ არ გავაფუჭებ?!

•

მოსალამოვდა.

პარმალიდან ფეხების ბაკუნი ისმის.

აჰა, ალბათ მამაჩემი დაბრუნდა, მაგრამ ჩემი მშველელიც თან ახლავს ნეტა? ფეხების ქნევა შევაჩერე და გავიტრუნე.

კარები გაიღო, შემოვიდა მამაჩემი ვიღაც ქალთან ერთად.

ალბათ ესაა ჩემი მხსნელი.

დედაჩემი წამოწოლილია, მოძრაობაში უფრო არ მეტკინოს მუცელიო, ამ მიზეზით.

ყველა იმედინად შეხვდა სტუმარს. ამ სტუმარს მეანი ერქვა.

მამაჩემმა გაბადრული სახით მომმართა:

– ყოჩაღ, მამა, რომ დამელოდე!

მოკლედ, პირველი შექება მამისგან დაბადებამდე დავიმსახურე და გამიხარდა. იგი ხომ იშვიათად აქებდა ვინმეს.



მეანმა, ჩემს საღსალამათად მოსაველენად შორი გზა რომ გამოიარა ამ ბუქში, ყველაფერი გაამზადა, რაც საჭირო იყო დე-დაჩემის დასახმარებლად და თან რჩევებს აძლევდა, თუ როგორ უნდა მოქცეულიყო...

•

მეც და-ვი-ბა-დე!!!

1955 წლის 16 იანვარის საღამოა.

ამ დროს მამაჩემი გარეთ იცდიდა. ასეთი ძლიერი მამა ჩემი დაბადების პროცესისას უძლური იყო.

იგი ჩემი ტირილის ხმას ელოდებოდა თურმე.

მეც არ დავაყოვნე.

როგორც კი გადაჭრილი ჭიპლარი განასკვა მეანმა, ფეხებით დამკიდა, საჯდომზე ხელი შემომართყა და მეც გაბრაზებულმა ყვირილი მოვრთე.

ვიფიქრე, მამაჩემმა ერთი პასუხი მოსთხოვოს ამ მეანს ჩემი გაღახვისთვის-თქო.

მამაჩემი სიხარულით ცას ეწია. კედელზე მიკიდულ, დატენილ თოფს ხელი წამოავლო და სამჯერ გაისროლა.

ჩემი დაბადება ამცნო ჩაჩუმათებულ სამყაროს, მებობლებს, ებო-კარს.

- ოჰო!!! აღლუმით შეხვდნენ ჩემს დაბადებას!

თუმცა, ნანატრი თოვლი არც იმ დამეს დამინახავს, არც მეორე დღეს და...

•

რამოდენიმე დღეში მზემ გამოანათა და მეც თბილად ჩაცმული და კარგად შეხვეული გარეთ გამიყვანა მამაჩემმა.

მზემ თვალები მომიჭრა და დავხუჭე.



მამაჩემი ბედნიერი და გახარებული ჩანდა. დედაჩემმაც ზრუნავდა, გარეთ გასვლას უკრძალავდა და ყველა პირობით უზრუნველყოფდა.

ღუმელს ღამითაც ანთებდა, პატარას არ შესცივდესო. პატარაში მე მგულისხმობდა, ალბათ, არადა რა დიდი მეგონა ჩემი თავი?!

ჯერ ერთი, ხუთი კილოგრამი დავიბადე, თან ძუძუსაც რა კარგად ვწოვდი?!

ჩემი და-ძმა თავს რომ დამტრიალებდა და მათვალიერებდა, მაშინ ვიგრძენი ჩემი სიპატარავე; ამბობდნენ, რა პატარააო და ცივ თითებს ხან ცხვირზე მაჭერდნენ, ხანაც – ლოყაზე.

02.08.2021 წელი.
თბილისი.

თეთვადარჩენის გზა

ადამიანის ინტელექტი იმით ფასობს, თუ როგორ არჩევანს აკეთებს ის, როცა ცხოვრების მეგზურს ირჩევს. მაგრამ იმ შემთხვევაში, როცა არჩევანის გარეშე ცხოვრობს და ტრადიციის მორჩილი, სხვის არჩევანს ემორჩილება?! ამაზე დიდი ცოდვა, შეცდომა და დანაშაული არ არსებობს. ე.ი. შენს გრძნობებს, ინტერესებს, ინტელექტს, გემოვნებას ტალახში სვრი, ცოცხლად მარხავ, აფურთხებ და მონასავით ცხოვრობ ყოველდღიურობაში.

სულში პროტესტის გრძნობა განუწყვეტლივ ღვივის, მაგრამ ვერ ყვირი. არადა, იცი, ეს მშვიდად არ გადაწყდება; არ კი არა, ვერ გადაწყდება.



მრავალწახნაგის მრავალფეროვნებაში თუ ერთი წახნაგი არ მოგწონს, მას თვალს აარიდებ, სხვა წახნაგებით მიიღებ ტკობას, მაგრამ... თუკი არც ერთი წახნაგი შენი არაა, შენს გემოვნებაში არა თუ არ ჯდება, საზიანოც კია შენთვის, როცა ყველა მათგანისგან სხვადასხვა ხარისხით, სხვადასხვა ფორმით მოგეწოდება შემავიწროებელი, შეურაცხმყოფელი, სრულიად საპირისპიროებანი, რომელთაც ვერ ერევი, ვერ გამოდიხარ შლამიან ჭაობიდან; ცდილობ, იქნებ, ამოხვიდე ცოტათი მიანც, მაგრამ სულ უფრო და უფრო კი არ ეფლობი შიგნით, არამედ გძირავს ძალადობრივი, ფსიქოლოგიური, შეურაცხმყოფელი და დამამცირებელი ფაქტორები. არაფერი გახარებს, არაფერი გამშვიდებს, არაფერია სიცოცხლის მასტიმულირებელი; ბოლოც რომ აღარ ჩანს?! ანუ, წერტილი არ ესმება არც ყოფითობასა და არც სიცოცხლეს?!

იწყებ ფსიქოლოგიურ გაძლიერებაზე ფიქრს, თვითგადარჩენისთვის.

ყოფითობაში ისე იქცევი, თითქოს ყველაფერს შეეგუე, თითქოს ყველაფერი მისაღებია შენთვის, რომ დაემორჩილე ბედს.

სწორედ ეს, მოჩვენებითი სიმშვიდეა გადამრჩენი, თურმე.

შინაგანი ძალები ძლიერდება, ფსიქოლოგიურად მდგრადი ხდება, უფრო მეტი შესაძლებლობების ხარ, ვიდრე ეს წარმოსადგენია ჩვეულებრივთათვის.

ღონებე არაა საქმე, თურმე. უძლურსაც შეუძლია ძლიერი იყოს თუ იგი მზადაა ფსიქოლოგიურად. გამუდმებით: დღისით, ღამით, შვილის შეძენამდე, სამშობიაროში, შვილის აღზრდისას, მერე მეორის, მერე მესამის.



მე ამასობაში შიგნით გავიზარდე, გავძლიერდი. იმ კრიტიკულ მომენტამდე მივედი, რომ ან სიკვდილი, ან ჩემი „მე“-ს სსნის გზა.

სწორედ, ამ შესაძლებლობის მაქსიმუმისთვის მზად რომ ვიყავი, ყოველგვარი დიდი ხმაურის, დებოშის, შეთქმულების, რევოლუციის და დიდი მსხვერპლის გარეშე გადავდგი მტკიცე ნაბიჯი უზარმაზარი „ჩექმებით“, რომელიც ყველანაირ წინააღმდეგობაში გამოგადგება, ფონს გაგიყვანს მაშინაც კი, თუნდაც სასაცილოდ გამოიყურებოდე სხვის თვალში. ეს „ჩექმები“ ისე შენეულია, ისე მორგებული, თავს მასში კომფორტულად, არხეინად და ბედნიერად გრძნობ. ეს ის არის, რაც გადაგარჩენს, ეს შენი ფსიქოლოგიური სიმტკიცეა, რომელიც გზის გაკვლევაში, დაბრკოლებების გადალახვაში, ნარ-ეკლიანი გზის გავლაში გეხმარება და ტკივილს გიმცირებს, აღარ ჩერდები, რადგან ყოველდღიურ ნაკაწრებს ვერ გრძნობ, არ ზიანდები იოლად.

ღრმად ჩასუნთქული, თავაწეული, წელგამართული მიაბიჯებ წინ, საკუთარი თავის იმედით და უკან მიხედვის აუცილებლობას ვერც ხედავ, რადგან ამ სიძულვილისთვის დროის ფლანგვა არ ღირს. პირიქით, ბედნიერი ხარ, შლამიანი ჭაობიდან რომ ამოხვედი, დამყაყებულ წუმბეს თავი რომ დააღწიე და მისი გახსენებაც არ გინდა.

თუ მაინცადამაინც რაიმე ფაქტორი ან ვინმე, ბოროტი სული, შეგახსენებს იმ ბინძურ წარსულს, ხმამაღლა აცხადებ, რომ ბედნიერი ხარ, რომ გულწრფელად გსურს ამნებია დაგემართოს, წაიშალოს მესხიერების ფსკერზე წარსულის ყველა ფურცელი, დაიწვას, განადგურდეს, ამოიძირკვოს და რომ გსურს მხოლოდ ახ-



ალი ფურცლიდან იწყებოდეს ცხოვრება, სწორედ იქიდან, როცა ყველგანმავალი „ჩექმები“ ჩავიცვი და თქვი:

- წინ!!!

რომ გაკვირვებულმა და ბედნიერმა უპასუხო ბოროტ სულს:

- რაზე ლაპარაკობ?

- ვერ გავიგე?

- ალბათ ვიღაცაში გეშლები.

იმდენი ძალა, იმდენი შესაძლებლობა, იმდენი გამჭრიახო-
ბა, იმდენი ცოდნა, იმდენი ფანტაზია, იმდენი შემოქმედებითი უნ-
არი მომიძღვნა, მომმადლა, წილად მარგუნა უფალმა დაბრკო-
ლებებისგან გადასარჩენი და თავდასაღწევად საჭირო დამხმარე
ძალები მომმადლა, გაკვირვებული ხშირად ჩავუფიქრდები ჩემს
თავს და კითხვას ვსვამ:

- რით დავიმსახურე ყველაფერი ეს?

მთელი დარჩენილი სიცოცხლე მუხლზე ჩოქვით რომ ვია-
რო, იარებს გავუძლო და მაინც გავაგრძელო სვლა, ვერ გადა-
ვიხდი უფლის ამაგს.

მაგრამ,.. მე ხომ უფალს დაჩოქილი არ მოვწონებივარ?!

არა, უფალს უშიშარი, მებრძოლი, გასათებამდე მუხლჩა-
უხრელად მშრომელი მოვეწონე, წამომეშველა, წამომეხმარა,
გამამხნევა, დაწყველილი ჭაობიდან გამომიყვანა, შემომიდგა
საყრდენის ფუნქციით.

მეც შევებას ვგრძნობდი და შესვენების გარეშე ვაგრძელებდი
გზას.

მეც შეუძლებლობების მძლეველად ვიქეცი და ახლაც ვაგრ-
ძელებ გზას ფონისკენ მშვიდად და ნელ-ნელა, ჩვეული აუჩქა-
რებლობით.



•
მიწიერმა, უმოწყალოდ რომ გადამიარა,
უფალმა მის მადლს გულუხვად მაზიარა.

21.11.2019 წელი.
თბილისი.

ძაკრობა

ძლიერი მოსწავლე მათემატიკაში.

ძლიერი სტუდენტი ტექნიკურ საგნებში.

ძლიერი და დამოუკიდებელი გადაწყვეტილებებში, რაც ჩემ-
გან სიმტკიცეს და სიძლიერეს მოითხოვდა და საჭიროებდა.

ძლიერი დედა.

ძლიერი ქალი.

მასუსტებდა უკუღმართი ცხრა წელი, მფიტავდა და მანადგუ-
რებდა, მაგრამ დედობა მაძლიერებდა და მოთმინებით ძალებს
ვაგროვებდი ჩემში განთავისუფლებისა და დედობის ტვირთის
მარტო ზიდვისთვის. რაშიც, თმენა და დუმილი დამეხმარა.

ყველაფერი კარგად დამთავრდა.

განვთავისუფლდი.

თუმცა ყოფითობა უმოწყალოდ მსრესდა და უკვე ძველებუ-
რად ძლიერი აღარ ვიყავი, სიძლიერეს მუდამ ითხოვდა ჩემგან
ცხოვრება. ძალებს სიმწრით ვიკრებდი და მანაც ვმაგრობდი. სი-
მაგრის, ნებისყოფის, მუხლჩაუხრელობისა და უძილობის ხარჯზე
პატარა ბინაც შევიძინე.

რადგან გონება მიჭრიდა და დამხმარეც არ მყავდა, ძალად
მაგრობით საქმეს ვაგვარებდი და ესეც მახარებდა.



სამი შვილის ხელმართო დედას ძილის, დასვენების, დროებით მოსვენების, მეზობლური და მეგობრული ურთიერთობების უფლება არ მქონდა.

უძღურებასა და ადამიანურობის დეფიციტზე არ ვწუწუნებდი. თავი ისე მეჭირა, თითქოს ყველაფერი კარგად მქონდა. ამ ყველაფერს ძალად მაგრობის ხარჯზე ვახერხებდი, რამაც უსაშველოდ გადამძალა და გამომფიტა; ძალები გამომაცალა და დამაუძღურა.

უკვე ბებიასგან, ცხოვრება ჩემგან კვლავ სიძლიერეს ითხოვს ყოფითი პრობლემების მოსაგვარებლად, მაგრობას კი დიდი ძალისხმევა სჭირდება.

ჩემი სიძლიერის ტიტულის გამო არც და ვერც მენხმარებიან.

ისე გამბებრდა და ზოგჯერ ისე მძულს ჩემი სიძლიერე, მინდა მოვახრჩო და ჩამოვიცილო ერთხელ და სამუდამოდ.

აღბათ, ქალი მაინც ქალია ბოლოს და ბოლოს და მხოლოდ ქალის ფუნქციას საჭიროებს.

განა, საკმარისი არაა ქალისთვის ათეული წლების მანძილზე დედობაცა და კაცობაც?! უკიდევანო სიძლიერით ცხოვრება?!

გადავიღალე ფიზიკურად.

გადავიღალე ფსიქოლოგიურად.

გადავიღალე მორალურად.

ამ ყველაფრისგან გადაღლილს, დაუძღურებულს, მოსაგვარებელი საქმეების გარემოცვაში ჩაფლულს, მბებრდება ცხოვრება და არსებობა.

სიძლიერისგან წაშლილს მფიტავს და უსაშველოდ მაწუხებს მოუწესრიგებელი გარემო ჩემს ირგვლივ.

უკვე მაგრობაც აღარ შემიძლია!



უძლურად ვერავინ აღმიქვამს.

არადა...

მაგრობიდან კარგახანია გარდავიცვალე.

26.11.2023 წელი.
თბილისი.

მადლიერობა სტუმარძმასბინძლობაში

ბშირად საკუთარ სამყაროში ვარ ჩაფლული.

მართოს, უფლის იმედად მიწევს ამ სამყაროში ცხოვრება, პრობლემებთან გამკლავება, სიხარულისა და მწუხარების განცდასთან შეხლა-შეჭიდება-ჩახუტება.

საკუთარმა სამყარომ იმდენად გამაძლიერა, რომ ყველანაირი შედეგის უკიდურესობა ან ზენიტი აღარც აღმაშფოთებს და აღარც აღმაფრთოვანებს და იოლად ვუმკლავდები წუთისოფლის უკიდევანობანს.

ჩაძირვის ან ხელის ჩაქნევის უფლებას ჩემს თავს ვერ ვაძლევ, რადგან არ მაქვს იმედი, ვინმე დახრჩობისგან გადამარჩენს ან გამამხნევებს; ეს მე თვითონ უნდა გავაკეთო, რადგან წუთისოფელში, როგორც სასტუმროს სტუმარი, უფლის ნებით ერთგვრადი ცხოვრებისთვის შემოხიზნული, თავხედობას ან უმადურობას ვერ ვიკადრებ.

სტუმარი ხომ მორიდებულად და კრძალვით უნდა ეპყრობოდეს მასპინძელს და მის ეზო-კარს. მადლიერი უნდა იყოს არსებული გარემოთიც და გამასპინძლებითაც.

მეც არ უნდა ვიდგე, ან ვიჯდე გულხელდაკრეფილი, მომსახურებისა და მორთმევის იმედად. ხელებდაკაპიწებულმა უნდა



წავებმარო მასპინძელს საჭიროებისამებრ. შეძლებისდაგვარად შევმატო კიდევ რაიმე სასიკეთო. მაშინ ისიც კიდევ უფრო უხვად გამიმასპინძლდება და ჯილდოდ დამასაჩუქრებს კიდევ.

შიგადაშიგ გულისთქმას ვარ აყოლილი.

ჩემს გულისთქმებს – ყურში ნაჩურჩულარს გონება იჭერს, ალაგებს და ხელი კალმით ფურცელზე გამოსახავს (გამოხატავს) აზრებად, ფრაზებად, პროზად, ხან ლექსად. ესენი არც კლასიკური ნაწარმოებებია, არც შედევრები. უბრალოზე უბრალოა, ყველასათვის გასაგები და მისახვედრი, რადგან იგი შინაგანად უბრალო, მაგრამ მრავალმხრივი ადამიანის ნააზრევია, ჩემი შეხედულებებია, ჩემი განცდებია მომხდართა გამო.

მიყვარს ბუნება და ბუნების საოცრებებში წვდომა არა მართო გარეგნულად, არამედ მისი გამოძახილის, ტკივილისა თუ გამორჩეულობების დაჭერა და აღქმა.

როცა რაიმეს ვწერ, მაგ.; ბავშვობაზე ან სხვა მოვლენებზე, თითქოს იმ პერიოდის სურათების ან პეიზაჟების ალბომი მიჭირავს ხელში, მხრებზე შალშემოხვეული, ბუხრის პირას, სავარძელში მჯდომი, ვათვალიერებ ამ ალბომს და სურათების აღწერას ვაკეთებ წერილობით. ე.ი. რაიმეს კი არ ვიგონებ, მხოლოდ პირველკლასელივით სურათს აღვწერ.

სულ ეს არის.

ვცდილობ, წუთისოფელს – ჩემს მასპინძელს კარგად მოვეპყრო, კარგად დავამახსოვრო თავი, რათა კმაყოფილმა გამისტუმროს ჩემი სამუდამო ნავსაყუდელისკენ, საცხოვრისისკენ. თუკი ჩემი გასტუმრებისას მასში გულისწყვეტას, ან სინანულს მინც გამოვიწვევ, ე.ი. ცუდად არ მიცხოვრია.

ვმადლიერობ და ქედს ვიხრი წუთისოფლის წინაშე.



ვცდილობდი და ვცდილობ არ დავაზიანო, არ წავბილწო, არ გავანადგურო, არ შეურაცხვეყო იგი და შეძლებისდაგვარად შევმატო რაიმე.

•

ხელცარიელსა სტუმარსა,
უხვადაც რომ მიმასპინძლეს,
რას ვუტოვებ წუთისოფელს?
– კარგ შთამომავალს!.. – ჩემს წიგნებს!..

10.05.2021 წელი.
თბილისი.

მარტოსულობა მარტოობაში

რაც თავი მახსოვს მარტოსულობის გრძნობა თან მსდევს.
ეს ჩემი ხასიათია.

აღრე, მარტოსულობას მარტოობასთან ვაიგივებდი.
გვიან მივხვდი, რომ ეს სხვადასხვა რამაა.

შეიძლება ხალხმრავლობაში ვიყო, მაგრამ მე მათ კონკრეტულობაში ვერ აღვიქვამ. ჩემს სულში ვბორიალობ, იქ ვეძებ სი-ახლეს, თანამოაზრეს, საყრდენს; რაღაც-რაღაცებს ვშლი, რაღაცას ჩავეჭიდები და თუ საინტერესოდ მივიჩნევ, ვინიშნავ უბის წიგნაკში. ამ დროს ჩემს თავში სიბევრეს ვგრძნობ და სავსე ვარ ჩემთვის უფალთან ერთად, ირგვლივ მყოფთ კი ვერც ვამჩნევ ან შორეულად აღვიქვამ.

გაკვეთილზე ჩემი სული მასწავლებელს ეკუთვნოდა, ლექციებზე – ლექტორს, შუალედურ დასვენებებზე კი – მე. ამ დროს კლასში ან აუდიტორიაში უთავბოლო, ქაოსური აურზაური ჩემთვის დაკვირვების ობიექტი იყო მხოლოდ. არავითარი სურვილი



არ გამაჩნდა, იქ როლი მქონოდა, ვერც მათ საქციელში ვხედავდი გადაჭარბებულობას.

უბრალოდ, მე ჩემს სულთან მარტოსულად, კომფორტულად ვიყავი.

თუმცა, იმ ქაოსში წარმოშობილი ინციდენტები არ გამომეპარებოდა.

მარტოსულს სულთან მარტო მერჩივნა ყოფნა, უხმაუროდ, დამოუკიდებლად, თავის თავში ჩაღრმავება, გაანალიზება სიტუაციების, შედეგების, წარმატება-წარუმატებლობების. ამ დროს უფალთან ახლოს ვიყავი. ახმაურებული ყოფა და ჩემი ცხოვრების ეპიზოდების რეპროდუქცირება არ მსურდა. დაგვიანებულად გამოვლენილი ჩემი წარმატება უფრო მანიჭებდა სიამოვნებას და სრულფასოვნებას.

მარტოსულობა, ჩემი მეგობარია და შემოქმედებითობის მეგობრი, გზამკვლევი; ჩემი თავის რეალიზებაში მეხმარება. ასე რომ, ჩემთვის:

მარტოსულობა – სულის მკვებავია;

ერთგული მეგობარია;

სრულყოფილებაა და ამაღლებული განწყობის საწინდარი.

ჩვენ უკვე ერთნი ვართ.

ახლაც ასეა, ამ მხრივ არ შევცვლილვარ.

თუმცა, მარტოობა დამემატა.

ოჰ, ეს მარტოობა!

აი, ეს კი ნამდვილად არ მიყვარს.

ადამიანების გვერდით ყოფნა მინდა და მჭირდება პერიოდულად; თანაც განყენებულ ასპექტში და არა მათთან „შეთქვევა“.

ბავშვობაში მარტოობის მეშინოდა თუკი სახლში მარტოდ მტოვებდნენ აუცილებლობიდან გამომდინარე.



ახლა მარტობა ჩემი წამშლელია.

თუმცა, მღლიან ადამიანები, რომლებიც ჩემი ნდობით სარგებლობენ და უპასუხისმგებლოები არიან, რითაც შეურაცხყოფილად ვგრძნობ თავს.

ამ თვალსაზრისით მარტობა ხელსაყრელია.

შრომა-საქმიანობის პროცესს დიდი პასუხისმგებლობით ვეკიდებოდი მუდამ და ვეკიდები დღესაც, რადგან, უფლის წინაშე საქმიანობა სხვაგვარად როგორ შეიძლება?!

თუ სხვებისგან გაწბილებული ვარ უპასუხისმგებლობით, მათთან ურთიერთობის გაწყვეტას და განმარტოვებას ვამჯობინებ.

მარტობა ჩემი მტერიცაა, უღმობლად დამანგრეველი.

მძარცველია, სულიერად მალატაკებს, ხელბორკილს მადებს, უმოძრაო და უმაქნისი ვხდები.

იგი არასდროს მომწონდა, მაგრამ მუდმივად დამდევს აჩრდილივით.

ვიღაც ჰაერივით მჭირდება, ხანდახან, გვერდში მდგომის ფუნქციით:

ახლობელი;

მეგობარი;

თანამოაზრე;

შემხმნიანებელი;

ვისთანაც კომფორტულად ვგრძნობ თავს საუბრისას.

•

თუმცა...

მარტობასა და მარტოსულობაში რაღაც საერთოობაც არის მონათესავე სულებივით.



მართოსული მართობასთან შეთანწყობილია.

მართოსულობა მართობის გადამრჩენია, ამ დროს უსაშველოდ ბედნიერი ვარ და სავსე, რადგან შემოქმედებითობისთვის სრულფასოვნებაა, ოაზისია.

მაგრამ, ხანდახან ვიღაც ისე მჭირდება, როგორც უდაბნოში წყალი.

მჭირდება კარგი მსმენელი, მოაზროვნე, ერთგული და საიმედო დასაყრდენი და არა გაშტერებული მეთვალყურე, დამკვირვებელი და ქილიკოსი, ან ცინიკოსი.

მართოსულობა მართობაში, ნეტარებაა.

15.04. 2020 წელი.
თბილისი.

მაშკელი ძალა

გამამხნეველ სიტყვას ვეძებ ზოგჯერ.

ყველას გასაგონად მინდა ვიყვირო, მომეხმარონ გამამხნეველები სიტყვის მოძებნაში.

ან იქნებ, ქუჩაში დავდგე კალმით ხელში და გამოკითხვა ჩავატარო, ვინ რა სიტყვა იცის გამამხნეველები, ძალიან რომ მჭირდება სულის გადასარჩენად.

ან იქნებ, ბოძებზე გავაკრა განცხადება: „ვეძებ გამამხნეველ სიტყვას“ და ტელეფონის ნომერი მივუთითო?

თვითირონია წამეხმარა.

როცა მსგავს სიტუაციებში წარმოვიდგინე თავი, შიგნიდან, ჩემში ჩაბუდებული მაშველი ძალა წამომეშველა. ჯერ ყელში ბურთივით გამეჩხირა, ჯებირს ცრემლების გუბე ბურთად მოაწვა



- გადმოღვრას ლამობდა. ეს რომ ვიგრძენი, უკვე შველა საჭირო აღარ იყო და მაშველთა სარეზერვო რაზმი უკანვე დავაბრუნე.

თავი დაცულად ვიგრძენი. წლების მანძილზე გამოუყენებელი ცრემლების სამაშველო რაზმის წაშველების მზადყოფნის გაფიქრებამაც კი ძალა შემმატა და მხოლოდ თვალების აწყლიანებაც საკმარისი აღმოჩნდა განსამუხტად.

გვერდში დგომა ყველას სჭირდება სიცოცხლის სრულყოფილებისთვის.

ცრემლები კი, თვითგადარჩენის საშუალება, მძაფრი განცდების დროს წარმოშობილი ადრენალინის გასანეიტრალებლად იმთავითვე ჩაგვიდო უფალმა, ჩვენი თავის უფლების, სრულყოფისათვის.

ასე რომ, ვერავინ მიხვდება შენს სატკივარს. უკიდურეს შემთხვევაშიც კი გადაგარჩენს და „ბედნიერი“ აგრძელებ გზას, მავანთა გასაკვირად, რომელიც გაშტერებული გიყურებს და უკვირს, რადგან ვერ აუხსნია, შენი მარტოობაში ყოფნის მიუხედავად, რა არის მაგრობის გასაღები.

სწორედაც, მაგრობის და არა სიძლიერის გასაღები.

როცა ძლიერი ვიყავი, ცრემლის არსებობაც კი დავიწყებული მქონდა.

ცრემლის ფუნქცია ახლა ვიგრძენი, როცა სიძლიერის მწვერვალიდან ფერღობზე ჩამოვინაცვლე და ბუნების ბუნებრივ ცვალებადობას ბარომეტრივით აღვიქვამ.

მავანთათვის ამოუცნობი ამოცანა ხარ და მუდამ ამოუცნობ ამოცანად დარჩები.

დიდი სურვილი მაქვს, მაგრობის სტატუსით ვიცხოვრო ბოლომდე.



შეიძლება, ფიზიკურად კიდევ უფრო დაუძღვრდე ასაკობრივად, მაგრამ ეს ყოფითი გარდაცვალებაა და საცოდაობასთან არანაირ კავშირში არ იქნება.

16.08. 2023 წელი.
თბილისი.

სასაჯლო „მათხოვარი“

სამყარო, წუთისოფელი, სიცოცხლე იმ დროს მიყვარდა და ბედნიერად ვგრძნობდი თავს, როცა ყველაფერს ჩემი გონებრივი შესაძლებლობითა და ჩემივე შრომით ვაღწევდი.

ვკაშკაშებდი ჩემი განწყობით და სხვებშიც დადებითი ენერგია და აურა შემქმნდა.

მაგრამ, ადამიანის ფიზიკური შესაძლებლობები ამოუწურავი არ არის. ხდება მისი განლევა თანდათანობით.

გონებრივობა კი რჩება, მაგრამ ეს საკმარისი არ არის საქმის სრულყოფილად რეალიზებისთვის.

გონება გასაკეთებელ საქმეს გეგმავს, გამოაქანდაკებს კეთების გზებს და საბოლოო ფორმასაც, მაგრამ ფიზიკურად რომ ვეღარ ახერხებს მის გაკეთებას, სხვას მიმართავს თხოვნით დასახმარებლად.

ის სხვა ჩემსავით შრომისმოყვარე არაა, ფანტაზიაც დაქვეითებული აქვს, რის გამოც, შენს ამრებში ვერ ერკვევა, გიმტკიცებს საქმის შეუძლებლობას და გაწბილებული რჩები.

მერე სხვას სთხოვ დახმარებას, იქაც გაწბილებული რჩები; იმედს არ კარგავ და სხვასთან ინაცვლებ თხოვნით, მერე სხვასთან და ამასობაში სასაჯლო „მათხოვარი“ ხდები მავანთათვის. თავს იმართლებენ საწინააღმდეგოს მტკიცებით.



ისინი ბევრნი არიან, შენ კი – ერთი, თან „მათხოვარი“.

უმრავლესობა ტუმის ხასიათზეა, შენ კი, კუთხეში მიგდებულნი, მათხოვრადქცეული გონიერი და სხვები შენს გონიერებაზე მოხითხითენი.

შენი ფიზიკური უსუსურობა სასაცილოდ იგდებს გონებრივ სიჯანსაღეს.

ზიხარ თავსაყრელად ქცეულ გაუკეთებელ საქმეებს შორის, ე.წ. ბორკილებში. თვალის გახელაც არ გინდა, რადგან თვალსაწიერი დაპატარავებულია და ნაჭუჭში გამომწყვდეულს გაეხარ, სამყაროში შენი სამოქმედო არეალის სიმცირის გამო.

ვეღარ კაშკაშებ ჩამალულ, ღრუბლადქცეულ, მოუგვარებელ საქმეებში.

წუთისოფელმა აზრი დაკარგა.

ხარ შენთვის, შენთვის კაშკაშებ გულსა და გონებაში.

შენი სიკაშკაშე მხოლოდ შენში კაშკაშებს და იწვი.

სხვა ვერავინ ხედავს ამ წვის პროცესს და უკვირთ შენი ცუდად ყოფნა დამწვრობის გამო.

ეს პროცესი ნელ–ნელა აჩიავენს ადამიანს, სხვისთვის არაფერი და მისთვის ყველაფერი სულს უხუთავს „მათხოვრად“ ქცეულს, ოღონდ გონიერ ადამიანს და მოკაშკაშე გონება ბოლოს და ბოლოს გარდაიცვლება, რაც სხვისთვის, ალბათ უმიზეზო გარდაცვალებად მიიჩნევა. .

მსუბუქად მოაზროვნე მოხითხითენი ხითხითში განლევენ წუთისოფლის კუთვნილ გზას და გაუკაშკაშებლად მოკვდებიან.

სხვაობაც სწორედ ეს არის.

მოკაშკაშე „მათხოვარი“ გარდაიცვლება, მოხითხითენი კი კვდებიან.



ამ განსხვავებასაც ცოტანი თუ ხვდებიან, თუმცა,.. ცოტაც საკმარისია.

20.11.2023 წელი.
თბილისი.

საკეთე ნამსჯეშააც იგრძნობა

თუ გინდათ სიკეთის არსი შეიგრძნოთ, პატარა ბავშვებს უნდა დააკვირდეთ. მათში, გაუთვლელ, გულწრფელ სიკეთეს ამოიკითხავთ, სამაგიეროს მოლოდინის გარეშე და შევებას იგრძნობთ, გულში სითბო ჩაგედვენთებათ.

საბჭოთა კავშირი, „ნანგრევებად“ რომ იქცა 90-იანი წლებში, საქართველოში ძნელბედობის ჟამი დადგა.

ჩვენს ოჯახშიც.

სამი შვილიდან მხოლოდ უფროსი გოგონა, თამთა იყო სკოლის მოსწავლე – მეორე კლასელი. დანარჩენი ორი: თეონა, ექვსი წლის და შოთა, ოთხი წლის ბაღში დადიოდნენ.

ცივი ზამთარი იდგა.

ჩემი შვილების მამასთან ახალგანქორწინებული ვიყავი.

ცხოვრებააუწყობელიც.

ღამით ნამცხვრებს და ხაჭაპურებს ვაცხობდი, მაღაზიებში რომ ჩამებარებინა, ქალაქის ცენტრში. მაშინ გარეუბანში ვცხოვრობდით, მეგობარმა მათხოვა დროებით ბინა.

უტრანსპორტობაც იყო.

სამუშაო დღეებში, დილით, ოთხივე ერთად გავდიოდით სახლიდან. ჯერ პატარებს მივიყვანდი ბაღში, შემდეგ უფროს გოგონას ვტოვებდი სკოლაში, სადაც გახანგრძლივებული ჯგუფიც



ფუნქციონირებდა. მე კი ვაგრძელებდი გზას ქალაქის ცენტრისკენ. ჩავაბარებდი ახალგამომცხვარ პროდუქტს. ანგარიშს ყოველდღიურად მისწორებდა გამყიდველი. ბაზარში გამოვივლიდი პროდუქტების საყიდლად და ისევ ტვირთით ხელში დავადგებოდი გზას სახლისკენ.

უკანმობრუნებული ვერ სკოლაში შევივლიდი, მასწავლებელთან შვილის სწავლის ამბავსაც მოვიკითხავდი და უფროს გოგონასთან ერთად პატარებს ბაღში მივაკითხავდი წამოსაყვანად. სახლში მისვლამდე, გზაში, ბავშვები ინტერესდებოდნენ, იყო თუ არა გაყიდული წინა დღის პროდუქტიდან ყველა. ძალაუნებურად ბავშვები ჩართულნი და დაინტერესებულნი იყვნენ ოჯახის შემოსავლით.

ჩვენი საღამოები, თითქმის ყოველდღე, ერთფეროვანი იყო. ვახშამი.

ნასუფრალის ერთობლივად ალაგება.

შემდეგ ფუნქციები იყოფოდა.

უფროსი სამეცადინოდ ჯდებოდა, პატარები თამაშობდნენ, ხატავდნენ, თან ბალიდან დავალებულ ლექსებს ვასწავლიდი, საქმესთან ერთად. მე კი მეორე დღისთვის ცომეულის სამზადისში ვიყავი. შიგადაშიგ ბავშვებსაც წავიხმარდი, საჭიროებისამებრ. თან დღის ამბებს ჰყვებოდნენ თავთავიანთ ამხანაგებზე, მასწავლებლებზე და ვინ მოთვლის, რამდენ წვრილმანზე. ცინოდნენ, კამათობდნენ, ჩხუბობდნენ, ზოგჯერ ხელჩართულადაც; ხშირად ჩემს ჩაურევლად საქმე არ გვარდებოდა.

დღეების ერთფეროვნებას შვილები არ მაგრძნობინებდნენ. თითოეული თავთავიანთი ცხოვრების მრავალფეროვნებით მახალისებდა.



•

იმ წელს ხანგრძლივი, თოვლიანი ზამთარი იყო ბათუმში.

უფრო სწორად, თოვლ-ჭყაპი იყო.

ერთხელაც უფროს გოგონასთან ერთად, საბავშვო ბაღს მივადექით. ჯერ შუათანა გამოვიყვანეთ, დავენმარე თბილად ჩაცმაში და მერე უმცროსთან გადავინაცვლეთ. ახლა იმას ვაცმევ, თან მის მასწავლებელს ვესაუბრები.

ვატყობ, ბავშვს რაღაცის თქმა უნდა, თავს მახრევიანებს მისკენ, მაგრამ ვანიშნე, გბაში მითხარი-მეთქი. ქუდიც დავახურე და ჯერი ხელთათმანზე მიდგა. ჯერ მარჯვენა მომაწოდა, მარცხენა ხელის მუშტი, შეკრული აქვს და არ შლის. ხელს რატომ არ შლი-მეთქი რომ ვკითხე, ისევ თავი დამახრევინა და ყურში ჩამჩურჩულა:

- რაღაც მაქვს თქვენთვისო.

ხელი გავაშლევინე და ვხედავ ლობიოს მარცვლის ოდენა, ტკბილი ორცხობილის სამ ნატეხს, თან ბედნიერი ამბობს:

- ეს, თქვენ შეგინახეთ, შეჭამეთ, ძალიან გემრიელია!

ნამცხვარი ჩემს შვილებს არც აკლდათ და არც ენატრებოდათ, მაგრამ მაღაზიისას, მართლაც არ ვყიდულობდით.

მისმა სიკეთემ გული ამიჩუყა, თვალები ამიწყლიანდა და გულში ჩავიკარი. მერე ვკითხე:

- თეონა ხომ შენს ბაღშია, ის რატომ გაითვალისწინე?

- ხომ შეიძლებოდა, მის ჯგუფში არ დაერიგებინათ?!

- კი მაგრამ, რამდენი ცალი ორცხობილა დაგირიგეს? - ჩავეკითხე ინტერესით.

- ერთი ცალი, პატარა და მრგვალი ფორმის.

ვერ მოვითმინე და მასწავლებელს ვაჩვენე შოთიკოს ხელში გადანახული „ნობათები“, ოჯახის წევრებისთვის გათვლილი.



ბავშვს ხომ თითქმის ორი საათის განმავლობაში მუჭი არ გაუხსნია, რათა ხელიდან არ გავარდნოდა ეს ნამცეცები და ალბათ ერთი სული ჰქონდა, როდის გვნახავდა და გავგახარებდა.

მასწავლებელმაც, დიდი სიყვარულით ჩაიხუტა შოთიკო, კარგა ხანს ეფერა, მერე ჯგუფს წარუდგინა, მოუყვა მისი დამოკიდებულების შესახებ დებისა და დედის მიმართ და ბავშვებს მიმართა:

– შოთიკოს საქციელი სამაგალითოა! მისგან უნდა ისწავლოთ, რომ სიკეთის კეთება ყოველთვის შეიძლება, ამისთვის აუცილებელი არაა ბევრი ფული და სიმდიდრე!

სიკეთე ნამცეცშიაც იგრძნობა.

მას შემდეგ მასწავლებელი კუთვნილზე გაცილებით მეტ საუსუნავეს აძლევდა შოთიკოს, გაკეთებული სიკეთის ჯილდოდ.

•

ერთ დღესაც შვილებს თითო ცალი საწუწნი კანფეტი ჰქონდათ. გაარჩიეს და პირის ჩაგემრიელება დაიწყეს. უცებ ოთხი წლის შოთიკომ თქვა:

– რა გემრიელია?! მაიკოს შევუნახავ!

პირიდან გამოიღო კანფეტი და შეახვია იმავე ქალაქში, რომელიც ჯერ კიდევ ხელში ეჭირა.

მაიკო მეგობლის სტუდენტი გოგონა იყო, რომელიც საბავშვო ბაღში მუშაობდა მის დასთან, მანანასთან ერთად. გოგონები მეგობრობდნენ შვილებთან და ხშირადაც მოდიოდნენ ჩვენთან.

იმ საღამოსაც, როცა გოგონები გვესტუმრნენ, შოთიკომ გამოუბრუნა მისი გადანახული, ნაწუწნი კანფეტი და ამ კანფეტის „ისტორიაც“ მოვყევით.



მე შევეცადე, შოთიკოს პირში ნადები კანფეტი გადამერეცხა, მაგრამ ამჯერად სიკეთის დანახვისა და დაფასების უნარი მაიკომ გვიჩვენა:

– შოთიკომ, პირის გემო ჩემს გამო დათმო და გადარეცხვა უკადრისობა იქნება!

კანფეტი პირდაპირ ჩაიღო პირში და სიამოვნებით გააგრძელა შოთიკოს ნაწუნნი კანფეტის წუნა.

•

ახლა, როცა შვილიშვილები რაიმეს ვერ იყოფენ, არაკვივით ვუყვები, შოთიკოს სიკეთის ამბავს.

05.10.2024 წელი.
თბილისი.

სიმდიდრე

**უფრო დიდი სიმდიდრე, ვიდრე შვილია,
არ მესიმდიდრება.**

დედისთვის დედობა სამყაროს ორ ნაწილად ხლეჩს: შვილი და ყველა სხვა დანარჩენი. ის კი არა, შვილის სიყვარული ისე დიდია და გრანდიოზული, სამყარო დედის წინაშე უმნიშვნელოა, უგულვებელყოფილია, შეუმჩნეველია, რადგან უზარმაზარი ტვირთისა და პასუხისმგებლობის ზიდვა უწევს დედას და ყურადღების სხვებზე გადანაწილებაზე არ კი არა, ვერ ფიქრობს.

დედა დაუღლეელია, შეუცვლელია, ყველაფერს აიტანს შვილის კეთილდღეობისთვის.

შვილის წარმატების თუ წარუმატებლობის წინაშე დედა ლაკმუსის ფურცელივით, ბარომეტრით მგრძნობიარეა.



დედობა დიდი ძალაა: შეუძლებელს შეგაძლებინებს, მიუღწეველს მიგაღწევიანებს.

დედობა ბევრ სიახლეს აღმოგაჩენინებს, ჯერ საკუთარ თავში და შემდგომ – სამყაროში.

დედა შვილის კეთილდღეობისთვის, ჩოქვით შემოუვლის დედამიწას, უძილობის რეკორდს მოხსნის, ავადმყოფობას ფეხზე გადაიტანს.

•

დედობამდე და დედობის შემდეგ.

ასე გაიყო ჩემი საკუთარი წელთაღრიცხვაც თავისთავად, ძალდაუტანებლად, უცერემონიოდ, როდესაც, უფლის ნებით, დედობაში გარდავიცვალე.

და... ამ გარდაცვალების პირველივე დღიდანვე დაუღლეულ, ყოვლისშემძლე დედაკაცად ვიქცეი.

ვერავითარი ჯილდო და ვერავითარი თანამდებობრივი სტატუსი ვერ შეედრება დედობას.

დედაც და მკაცრი, უღმობელი, საიმედო „რეპეტიტორიც“ ვიყავი შვილთათვის.

ახლა კი,.. უკვე ბებია, ყოველ დღით, თვალის გახელისას, გულიდან თავისთავად იღვრება უტყვი, უღალადებელი მადლიერება უფლისადმი: სიცოცხლის ჩუქებისთვის, დედობისთვის, გონებრივი შესაძლებლობისთვის, რომლის წყალობითაც ცხოვრების გზას დღესაც ვინათებ და ვიკეთილშობილებ.

მადლიანი აურით დავდივარ.

•

ვის დიდი სახლი ან სახლები ესიმდიდრება, ვის – შემოსავლიანი თანამდებობა და სამსახური; ვის – სხვისის მითვისების



უნარი; ვის ძვირადღირებულ ტანსაცმელთა ტარება, მანქანები და მდიდრულ რესტორნებში სისტემატიურად სადილობა ან სალამოების გატარება... ვის – შვილები და მათთვის თავშესაფრის შექმნისა და განათლების მიცემის შესაძლებლობა, კარგი ოჯახური სადილები და აუცილებელი, მოხდენილი სამოსი.

ყველა სიმდიდრე თავისებურად სიმდიდრეა. თუმცა, რამდენად ხარ ბედნიერი ამ სიმდიდრით და რამდენად გამოგადგება იგი, ეს სულ სხვაა.

სახლი, შეიძლება დაგეწვეს, დაგენგრეს მიწისძვრის ან ომის „წყალობით“; თანამდებობა შეიძლება შეეწიროს რეფორმას, სახელმწიფო გადატრიალებას, ასაკს,.. ყველა დანაკლისი დარდთანაა დაკავშირებული, მაგრამ იოლად შესაგუებელი პროცესია იმასთან შედარებით, ვიდრე შვილის დანაკლისია.

რაც უფრო დიდი შრომაა ჩადებული სიმდიდრეში, მით უფრო დიდი დანაკლისია მისი დაკარგვა.

ყველაზე დიდი შრომა კი – ფიზიკური, ფსიქოლოგიური თუ მატერიალური, შვილის აღზრდაში იხარჯება.

უძილო ღამეები?! ეს კიდევ სხვა განზომილების შრომაა.

ეს თუ არ გამოცადე, ვერ შეიგრძნობ, ვერ გაითავისებ ამ შრომის სიდიადის დულაბს: სიმძიმეს, სიამოვნებას, სიხარულს, დარდს, ნატვრას, ლოცვისა და ცრემლის ძალას დიდი სიხარულისა თუ მწუხარებისას.

ამგვარად, ყველაზე დიდი და ძვირადღირებული სიმდიდრეც შვილებია. ოჯახის შექმნისას წყვილმა, სწორედ, ამ სიმდიდრის შექმნა-დაგროვებაზე უნდა იზრუნოს.

•



ყველანაირი სიმდიდრე თავისებურად გამოსადეგია ან გამოუსადეგარი.

ყველაზე დიდი განძი და სულის საზრდოა გამომდგარი შვილი.

ყველა ლურსმანი არ ჩაიჭედება და საქმეს ვერ გააკეთებს. ზოგი - გადაიღუნება, ზოგი - აისხლიტება და გაექცევა საქმეს, ზოგი - გადაიკარგება, გვერდზე გადგება. რომელიც გაუძლებს სიმყარეში „გაძრომის“ სირთულეს და „თავში ჩართყმას“, ის ბოლომდე ჩაიჭედება და თავის საქმეს ბოლომდე, ღირსეულად შეასრულებს.

გამოსადეგარი და გზასაცდენილი შვილი ყველანაირი სიმდიდრის დაკარგვით გამოწვეულ ტკივილს აღემატება.

დანაკარგთა შორის დედისთვის ყველაზე ტკივილიანია უმადური შვილი.

ნეტა იმ მშობელს, ვისი შვილიც უკან იხედება და დაუძლურებულ მშობელს შეეშველება, მშობლის ადათს გაითვალისწინებს, ანგარიშს გაუწევს, პატივს სცემს.

ამ შემთხვევაში მშობლის შრომა ფასდადებულია, შემსუბუქებულია და ნაყოფიერი; ჯიშინი ვაზის ტოლფასია, რომლის სარგებლიანობა და ნაყოფიერება საუკუნეებს გადასწვდება.

თუმცა, შვილი დიდი სიხარულია, მაგრამ ტკივილიცაა და ჯანმრთელობის დაუძინებელი მტერიც.

და... მაინც,

უფრო დიდი სიმდიდრე, ვიდრე შვილია, არ მესიმდიდრება.

13.04.2021 წელი.
თბილისი.



სიმკაცრის აკადემიები

სიმკაცრე ბევრნაირია – სხვადასხვაგვარად გამოხატული.

ზოგი – ყვირილით გამოხატავს, ზოგი – წკეპლით, ზოგი – თვალით, ზოგი – დუმილით,...

მკვეთრად ჩამამახსოვრდა დედულეთის ბებიის სიმკაცრის დეტალები და მამაჩემის დისციპლინა სუფრასთან, ერთად სადილობისას.

მაგ.; დედულეთის 90 წლის ბებიას, იმერეთის სოფელ პატრიკეთში, სადაც ზაფხულობით, არდადეგებზე ჩავდიოდით, არ უყვარდა ბავშვების ქუჩაში თამაში ან მემობლებთან გადასვლა დაუკითხავად და აივანზე მდგარ საწოლზე წამოწოლილს ბალიშის ქვეშ მუდამ ჰქონდა დასაქადნებელი წკეპლა ამოდებული.

ბავშვები, გაქცევით იგერიებდნენ „დამსახურებულ“ გაწკეპვლას. თუმცა, ვერავინ გაბედავდა იმ წკეპლის ჩუმად აღებასა და გადაგდებას.

ძალიან თბილიცა და ბრძენი ქალიც იყო ბებიაჩემი. ყველაზე პატარა შვილიშვილი ვცდილობდი, მისგან გაწყრომის ადრესატიც კი არ ვყოფილიყავი.

ბებიაჩემი მკაცრი იყო, მაგრამ დესპოტი არა, მას ბავშვის გათავხედება არ უყვარდა. პირიქით, ავტორიტეტული ქალბატონი იყო ცხრა შვილის კარგად აღმზრდელი დედა. თუმცა ჩემს მახსოვრობაში მხოლოდ სამილა ჰყავდა შემორჩენილი, სხვადასხვა მიზეზთა გამო. მეც ძალდაუტანებლად ვემსახურებოდი და პატივისცემით ვეპყრობოდი, რისთვისაც, არდადეგების დასასრულს, წამოსვლისას და დამშვიდობებისას, მისგან გულწრფელი სიყვარულისა და სინანულის ცრემლებს ვიმსახურებდი;



რის გამოც, პატივისცემის ძაფით, კიდევ უფრო მეტად ვეჯაჭვებოდი.

ბებიაჩემი, 85 წლისაც კი, ჩვენთან ჩამოდიოდა გურიაში (იგი ასე ზოგადად მოიხსენიებდა ჩვენს საცხოვრისს ყოველთვის და არასდროს შუხუთით). მხნე და ენერგიული იყო, ჯარასავით ტრიალებდა სახლში, თან ყველას გვიქსოვდა წინდებს, ხელთათმანებს, ქუდებს, „სვიტერებს“...

ერთხელაც, ჩვენთან სტუმრობისას, მაშინ პირველ კლასეული ვიყავი, მათემატიკის საკონტროლო წერაში ციფრის გადასწორების გამო ოთხიანი მივიღე. მახსოვს, სახლისკენ ფეხათრევით მივდიოდი, ამ „მარცხის“ გამხელას სიკვდილი მერჩივნა. როგორც იქნა მივადწიე სახლამდე. მსახიობობა არასდროს მეხერხებოდა და სიმართლის თქმასაც ვერ ვებედავდი. უთქმელად შემატყვევს, დანაშაულის მატარებელი რომ ვიყავი და დაიწყეს ჩემი უხასიათობის მიზეზის კვლევა, სუფრასთან მიჯდომამდე.

განსაკუთრებით ბებიაჩემი დაინტერესდა ამ საკითხით, რაღაც გჭირს და გაწუხებსო. ბოლოს და ბოლოს ამოვღერდე:

– მათემატიკის წერაში ოთხიანი მივიღე.

ბებიაჩემმა დოინჯი შემოირტყა და მკაცრად მომმართა:

– როგორ, ოთხიანი მიიღე და კიდევ ამბობ?!
ჩემთვის, ეს იყო სასჯელის უმაღლესი ზომა.

მას შემდეგ, წარუმატებლობისას, გაბრაგებული ბებიაჩემის, დოინჯშემორტყმული, მკაცრი იერი წარმომესახებოდა თვალწინ და სირცხვილით ვიწვოდი.

დღესაც კი მაკონტროლებს უსაშველოდ პატიოსანი, გონიერი ბებიის მკაცრი ჟესტი.



•

ჩემთან სახლში, გურიაში, განსაკუთრებით ჩამამახსოვრდა მამაჩემის სიმკაცრე სადილობისას. ამ დროს, ბავშვებს ზედმეტი ლაპარაკის, წაკინკლავეების, ხითხითის,.. უფლება არ გვექონდა.

ჯერ თვალით შემოგვხედავდა, თუ საკმარისი არ აღმოჩნდებოდა, წარბებს შეჭმუნებდა და თუ ესეც არ დააოკებდა ჩვენს ბავშვურ ალტკინებას და თუ მაინც ირღვეოდა სუფრის ეტიკეტი, მაშინ სიტყვიერად, მკაცრად მოგვმართავდა:

- ლუკმამ გაგაჩეროთ!!!

ეს უკვე საბოლოო განაჩენი იყო და ამის შემდეგ მორჩილად ვაგრძელებდით სადილობას, თითქოს დასჯილნი.

სუფრიდან გაძევება, ალბათ ტრიბუნალზე გადაცემის ტოლფასი იქნებოდა, მაგრამ საქმე აქამდე არ მიგვიყვანია.

სადილობის ბოლო ფაზაში, როცა დესერტზე გადადიოდა სუფრის „რიტუალი“, მშობლები ხშირად წაკითხული წიგნის დეტალების გარჩევაზე გადადიოდნენ. საინტერესო მომენტებს იხსენებდნენ. წიგნის გმირებს ხან აკრიტიკებდნენ, ხან იწონებდნენ. დეტალურად აღწერდნენ სიტუაციებს.

სუფრიდან ყველა ერთად ვდგებოდით.

იყო შემთხვევა, მამაჩემი წიგნის წაკითხვას აგრძელებდა სასადილო მაგიდასთან. ამ დროს ბავშვებს ადგომის „უფლება“ გვექონდა.

დედაჩემი მაგიდას ალაგებდა.

ეს იყო სუფრის აკადემიის, თითქმის ყოველდღიური, ერთ-ერთი ჩვევაღქცეული ნიმუში, რომელსაც მეც ვიყენებდი შვილების აღზრდისას შეძლებისდაგვარად. ჩემს შემთხვევაში კი ბავ-



შეებს შენიშვნას, მამაჩემის მსგავსად, მხოლოდ სიტყვიერად ვაძლევდი:

- ლუკმამ გაგაჩერო!

23.05.2021 წელი.
თბილისი.

ცოდნის ძრავალსახეობა

ცოდნა მზის სხივივითაა, გაკაშკაშებს.

თუმცა, სიძულვილის ცოდნა ბნელი წერტილია გონებისთვის, განგრევს, გაჩანაგებს.

სიძულვილი, მეცხრე კლასში, ქართული ენისა და ლიტერატურის მასწავლებელი შეგვეცვალა და მან შემასწავლა ისე ვარგად, რომ სკოლის დამთავრებისთანავე ქართული ლიტერატურის ყველა წიგნი და ყველა რვეული დავწვი შუაცეცხლზე, მისი თავი რომ არ გაეხსენებინათ.

ოცდარვა წლისა გამათხოვეს და სიძულვილის აკადემიის ცხრაწლიანი კურსი გავიარე იმ დონეზე, რომ დღემდე ვერ ამოვძირკვე, რადგან იმ სიძულვილის სამი ნაყოფი, ხშირად მახსენებს მის თავს.

სიძულვილი ისე მახრჩობს, როგორც ჭაობში ჩაძირულს ლაფზე მოურეველი სიმძიმის ძალა, თანდათან უფრო და უფრო რომ გძირავს. ამ დროს, როგორმე უნდა მოახერხო გვერდის ავლა და სხვა გზით გავლა, მაგრამ თავდაღწევა არ გინდა?

ოხერი მეხსიერება გახრჩობს და გაყურყუმალავებს.

გაწბილება მაშინ ვისწავლე და ვიწვნიე, როცა ყველამ თავისი წილი მიიღო ჩემგან, მე აღარ ვიყავი საჭირო და აუცილებელი მათთვის; და... აღარც შემიძლო.



ცოდნა გამოცდილებაა.

შენ იცნობ, გრძნობ მას.

გამოცდილება კი სიბრძნეა.

სიყვარული, შვილების შეძენამ მასწავლა.

სიყვარულიც უსაშველო ვიცი.

შეიძლება მცენარემ, ფრინველმა, ბუნების ბუნებრივმა შემოქმედებამ, აისმა ისე დამატყვევოს მომხიბვლელით, შევბარბაცდე სიყვარულით, შემძრას სულით ხორცამდე.

გვიან შემოდგომაზე, წითლად აელვარებული ნეკერჩხლის ნახვამ, სიყვარულის ისეთ აღში გამახვია?!

სიყვარულით ავიზიზივებულმა, სახლში მოსვლამდე, გზაშივე დავწერე ლექსი: „ერთი ნახვით შეყვარება“.

დიდხანს ვსაბრდოობ ამაღლებული განწყობით.

ერთგული სიყვარული,.. ნამდვილი და შეუფუთავი, ისე როგორც ყველას, მეც მეწვევა აუცილებლად და დედასავით ჩამიხუტებს გულში სამარადჟამოდ.

სულმოუთქმელად ველოდები მასთან შეხვედრას. იგი გადამავიწყებს და განმათავისუფლებს წუთისოფლის უკიდევანო სიყალბეთა ორომეტრიალისგან.

ერთგულ სიყვარულს გამოცდილება არ ახლავს.

ის სამუდამოა.

11.06.2021 წელი.
თბილისი.

შეკბების დიპლომატები

ოჯახის წევრს, სახლში დაბრუნებისას, შეგვება და მისიყვარულება სჭირდება. მისასალმებელია, თუ ეს წეს-ჩვეულება ოჯ-



ახში არსებობს; და თუ არა, ბავშვი რომ გაჩნდება ოჯახში, მისგან ისწავლით.

ჯერ კიდევ ფეხაუდგმელ ან ახალფეხადგმულ ბავშვში არის მიგებების ინსტიქტი, რომლითაც დიდ სიყვარულს გამოხატავს სახლში შემოსული დედ-მამის ან ბებია-ბაბუის მიმართ გაწვდილი ხელებით, გაბადრულ-გაცინებული სახით, ადგილზე ხტუნვით ან თუ სიარული იცის, გაქცევით და ფეხებზე ხელების შემოხვევით, ხელში აყვანისას კი – კისერზე ხელების შემოჭდობით, ლოყებზე კოცნით და თან ხელების მოტყაპუნებით, მხარზე თავის დადებით.

ამ მოქმედებით ბავშვი უზარმაზარ ენერჯიას გიწილადებით და როგორი დაღლილიც არ უნდა იყოს, ყველა მის მოთხოვნას წუწუნის გარეშე ასრულებთ.

ჩემი სამი შვილის აღზრდის პროცესში, ეს სიამოვნება არ მაკლდა უფროობით ხარისხში. ჩემი სახლში დაბრუნება ნამდვილი ზეიმი იყო მათთვის. თუ ტვირთი მქონდა, კიბეებზე ჩამომეგებებოდნენ. სამივე ცდილობდა რითიმე გავეხარებინე: ჭურჭლის გარეცხვით, ოთახის დასუფთავება-მოწესრიგებით,.. , სწავლით.

სწავლის პერიოდში კი რაიმე გაურკვეველი თუ ჰქონდათ, მხოლოდ იმას მეტყობდნენ, თორემ გაკვეთილებს არასდროს ვიბარებდი. ყვებოდნენ თავთავიანთ „თავგადასავლებს“. მე კი დაღლილს, დაღლა მავიწყდებოდა და დასვენების მაგივრად მეორე დღისთვის საქმის თადარიგს ვიჭერდი.

ასე სიხარულში გაიარა შვილების ბავშვობამ და სკოლის პერიოდმა.



შემდეგ ცოდნის სხვადასხვა მწვერვალებისკენ რომ აიღეს გეზი და დამოუკიდებლები გახდნენ, დავცალცაკვედით და ამ სიხარულების დეფიციტს განვიცდი.

•

ხშირად ოჯახის წევრებს შორის გაცივებულმა და ძალდატანებითა ურთიერთდამოკიდებულებამ გამოსავალი შინაურ ცხოველში – ძალში ჰპოვა. რადგან ძალში შეგვების ინსტინქტი უფროობით ხარისხშია; თანაც, ძალლი ერთგულია და წყენის ჩამახსოვრებაც არ იცის.

მახსოვს, ბავშვობაში, სოფელში გვყავდა პატარა, ხშირბეწვიანი თეთრი, ლამაზი ცუგა. იგი, ეზო-გარემოს ერთგულიც იყო, ოჯახის ყველა წევრიც უყვარდა და შეგვების სიამოვნებასაც არავის აკლებდა; მაგრამ, ამ მხრივ გამორჩეული დამოკიდებულება მამაჩემისადმი ჰქონდა, ალბათ გრძნობდა ოჯახის უფროსი და ავტორიტეტი რომ იყო.

ერთხელ მამა საქმეზე წავიდა ქალაქში სამი დღით. მთელი ამ ხნის განმავლობაში ცუგას, საჭმლისთვის პირი არ დაუკარებია; იწვა ჭიშკართან შემალლებულ ყორებზე, თავი წინა თათებზე ედო და გზისკენ ეჭირა თვალი. ჩვენს დაძახებაზე თავს ძლივს წამოწევდა ავადმყოფივით, შემოგვხედავდა უდიდლამო, სევდიათი თვალებით და ისევ მოლოდინის რეჟიმს აგრძელებდა.

მესამე დღეს, ნაშუადღევს, უცებ წამოხტა, ყორეს გადაევილო და ქუჩაში გავარდა. რამოდენიმე წუთში სირბილით აქოშინებული შემოიჭრა ეზოში, ყველას კუდის ქიცინით და ცქმუტვა-წკმუტუნით მოგველაქუცა და ისევ ქუჩაში გაიჭრა. ასე გააკეთა სამოთხვერ, სანამ მამაჩემმა ჭიშკარი არ შემოაღო. ეს იყო ძალის უზარმაზარი ბეიმი, სიხარული, პატრონის სახლში მოსვლით გა-



მოწვეული, რომელიც ჩვენც გადმოგვედო. პატრონის დაბრუნებით გულდამშვიდებულმა ცუგამ საჭმელიც მაღიანად მიირთვა და ლოდინით გადაღლილმა თავის „საწოლზე“ მალევე მიიძინა.

თუ სადმე წაყოლის ნებართვას მიიღებდა, იგი ერთგულად ჩვენს გვერდით მოცუნცულებდა; არც წინ გაგვისწრებდა, არც ჩამორჩებოდა. თუ შემხვედრთან შევჩერდებოდით გამოსალაპარაკებლად, ისიც სულგრძელად გველოდებოდა უკანა ფეხებზე დაყუნცული.

თუ შემთხვევით ეზოს გარეთ დარჩებოდა, ჭიმკართან წკმუტუნით აიკლებდა იქაურობას, შემოსვლის მოთხოვნით.

რაც შეეხება ქალაქის ე.წ. ოთახის ძაღლს, იგი კარჩაკეტილი ცხოვრების უღელშია შებმული, თავისუფლებაშებლუდულია და ძირითადად, მხოლოდ ადამიანთა გარემოცვაში ცხოვრობს. ეზოსა და ქუჩაში კისერზე ყულფშებმული დაჰყავს პატრონს, რადგან ეშინია არ გაექცეს. ასე თოკით ტარება, ძაღლის შესაძლო დაკარგვითაცაა გამოწვეული. ასეთი ძაღლი პატრონს კი არ დაჰყავს, პირიქით, პატრონი მიჰყვება და მისდევს ძაღლს, რომელიც მუდამ ხელიდან დასხლტომამე ფიქრობს. პატრონი იმასაც შიშობს, რომ გაიქცეს „თავისუფალმა“ ძაღლებმა არ დაკბინონ.

ოთახის ძაღლი მდიდრულ ოჯახში გაზრდილ, გაზულუქებულ, დედისერთა ბავშვს მოგაგონებს, რომელიც მუდამ ხელჩაკიდებული და მეთვალყურის ზედამხედველობით დაჰყავთ ყველგან იმის შიშით, რომ არ დაჩაგრონ, არ გალახონ, წაქცევისას ააყენონ. ასეთ ბავშვს მოზრდილ ასაკში უჭირს დამოუკიდებლად ცხოვრება, რაიმე გადაწყვეტილების მიღება, მეგობრული ხელის გაწვდა, გაჭირვებულზე ლუკმის გაყოფა, დამოუკიდებე-



ლი აზრის წამოყენება და წინააღმდეგობის შემთხვევაში მისი დაცვა ან გატანა.

მიუხედავად სივრცითი შეზღუდულობისა, პატივაცარილი თავისუფლებისა, ჩაკეტილი ძაღლებიც პატრონისადმი გამოირჩევიან მონატრებისას სევდით და ოჯახის წევრის სახლში დაბრუნებისას – სიყვარულით შეგებების დემონსტრირების ნაირგვარობით.

თუ სახლში წარუმატებელი ან რაღაცის გამო განაწყენებული დაბრუნდი და უთქმელობით, ან ხანგრძლივი დუმილით გამოხატავ განწყობას, ბავშვიც მოწყენით და მხარზე თავის ჩამოდებით თანავიგრძნობს, სულგრძელად ელოდება სიტუაციის განმუხტვას. ძაღლი კი ასეთ შემთხვევაში, შენს ფეხებთან განირთხმება და თავს ფეხებზე დაგადებს, ან შორიახლოს დაწვება და ჩათვლემილის პოზიციაში დაელოდება პატრონის ხასიათის, მდგომარეობის გამოკვთებას და გაიტრუნება.

სიყვარულით შეგებება კი ადამიანს სასიცოცხლო ენერჯით მუხტავს, ძალას მატებს.

ოჯახის წევრებზე გულწრფელი სიყვარულით შეგებებაში, პატარა ბავშვები და ნებისმიერ პირობებში მცხოვრები ძაღლები, მისაბაძნი არიან და შეიძლება, მათ ღირსეულადაც ვუწოდოთ – **შეგებების დიპლომატები.**

04.11.2021 წელი.
თბილისი.

სულით სეიბარი

ცოდვია ის ადამიანი, ვისაც სიყვარული არ განუცდია.



უკიდურესად სამწუხაროა, რომ მე ამ საცოდავ ადამიანთა რიცხვს მივეკუთვნები. არადა, ცხოვრების არც ერთ ეტაპზე საცოდავი არ ვყოფილვარ. დაუხმარებლად, საკუთარი ძალებით, პატარ-პატარა, თუმცა, სულ წარმატებულ საფეხურებზე მივაბიჯებდი ბედნიერი.

ერთადერთი ნაბიჯი, რომელიც სხვისი ძალისხმევით გადამადგმევინეს, უფრო სწორად ხელის კვრით გადამჩხეს, ოჯახის შექმნა იყო. რაც, როგორც მოსალოდნელი იყო, კრახით დამთავრდა.

ახლა მივხვდი, რატომაა ცივი და უსუსური ჩემი ჩანაწერები, რადგან სიყვარულით არ არის გაჯერებული. ყველა შეცივებულ, მშიერ, მობუზულ, უსუსურ ბედურას ჰგავს.

მთელი ცხოვრება ძლიერი, უშიშარი, დამოუკიდებელი, საკუთარი აზრის მატარებელი ვიყავი, მეგონა ბედნიერიც; თურმე ვცდებოდი, რადგან მთავარი არ მახლდა – სიყვარული.

პაულო კოელიომ ბრძანა: „სიყვარული უბრალოდ სიტყვაა, სანამ ვინმე გამოჩნდება და მნიშვნელობას მიანიჭებს.“

ჩემს შემთხვევაში ეს შვილის გამოჩენა იყო, რომლის სიყვარულმა შემძრა და შემაზანზარა.

სხვების გამკვირვებია, აღმოდებული გულით რომ აღმერთებენ და შეჰძღერიან სიყვარულს. მე კი გულგრილად ვკითხულობ და მიკვირს, თუ როგორ ღელავენ ამ სიტყვის გარშემო ან რისთვის. ზოგჯერ მგონია, ეს ხელოვნურად შეთხზული სცენარია, სცენაზე სათამაშოდ.

თუმცა ჩემთვის სიყვარულია შვილის, შვილიშვილის, დედამამის, ბებია-ბაბუს, მეგობრის, მსახიობის, კინოს... აჩახახებულ ნეკერჩხლის,.. და სიცოცხლის სიყვარული.



ადამიანი, არ შეიძლება საცოდავი იყოს სიღარიბის გამო, სოციალური სტატუსის გამო, თანამდებობის გამო, ბავშვთა სახლში აღზრდის გამო, სახლის არქონის გამო, არც ხეიბრობის გამო, არც სიმაღლის გამო, არც განათლების არქონის გამო. ადამიანი საცოდავია მხოლოდ მაშინ, თუ მან სიცოცხლე სიყვარულის გარეშე განწვლილ.

უკვე საკუთარი თავი არ მომწონს, მზარავს კიდევ ჩემი ფრთამოტეხილობა – ჩანაწერებში ასახული.

ალბათ, ასეც ხდება: შესაძლოა, მე იმ გზებზე ვიარე, სადაც არ ჩამოიარა ჩემმა მეორე ნახევარმა. დარწმუნებული ვარ, ისიც ჩემსავით მარტოა და მსხვერპლია უსიყვარულობის; უკმაყოფილოა ცხოვრებით და **სულით ხეიბარია** ჩემსავით.

ეს ყველაზე დიდი სასჯელი და განსაცდელია ცხოვრებაში არსებულ განსაცდელთა შორის.

სამწუხაროდ, „ჩვენ“ ალბათ, აცდენილ წრეებზე ვმოძრაობდით.

კარგი იყო დიდი სიყვარული გამომეცადა, დიდი, უკიდევანო სიყვარული და დამეწერა სიყვარულით გაჟღენთილი თუნდაც ერთი ჩანახატი ან ლექსი.

სიყვარული სასჯელი არაა, არც გაუსაძლისი სატანჯველია.

სიყვარული საგზალია, რომელიც მთელი სიცოცხლე გეყოფა.

სამწუხაროდ, გვიან შემეფეთა სიყვარული, აჩახახებული, წითელი ნეკერჩხლის სახით. შემეფეთა და გამაშეშა. ვიდექი მის წინაშე და ხელის შეხებას ვერ ვბედავდი, უფრო სწორად ვერ ვაკადრე, რადგან, ისეთი ნაზი, გაცრეცილი, ალისფრად შეფაკლუ-



ლი ფურცლებით იყო შემოსილი, შემეშინდა, არ შემეებღალა მისი სრულყოფილება.

მას შემდეგ... შემახსენდება და სულში სითბო ჩამელვრება, ნახვის ნდომა აღმეძვრება, მაგრამ მისი სახეცვლილების მეშინია.

ის შორსაა.

მეც შორს ვარ მისგან.

მისი ჩემს გვერდით გადმონერგვაზე არც მიფიქრია.

იყოს იქ, სადაც ხარობს, იქ იხეიროს. მთავარია, მან სიყვარულის განცდა მომანიჭა და მაჩუქა.

13.05.2021 წელი.

თბილისი.

უგანაჩენო განაჩენი

სიღარიბე და ხელმოკლეობა ყოფილა განაჩენი – უგანაჩენო განაჩენი.

საზოგადოება, რომელიც ასე აბროვნებს, საცოდავია.

დღიური ცხოვრებითა და წუთიერი სიამოვნებისთვის არ ვცხოვრობ.

სიმდიდრე ყველა ადამიანშია, არა პირდაპირი გაგებით – ფულის სახით, არამედ სხვადასხვანაირი ნიხრებითა და სხვადასხვანაირად აღსაქმელი. ამას მიხვედრა და შეცნობა სჭირდება. ვილაცამ თუ უფულობის გამო ჩამომკვეთა და იგნორირება გამიკვეთა, ეს მისი „მიხვედრილობის ბეჭედი“. ე.ი. მისი გონება თვალებშია.

მე ისეთი ბედნიერი ვარ!



გაჯიბრებას ვერც გაბედავს გაფუყული, კუჭამოყორილი „ლუარსაბები“, რომელთა აზროვნება იმდენად მწირ, დახშულ ნაჭუჭშია მოქცეული, სხვაგვარად არ ძალუძთ; თან, მუდამ წუწუნებენ, სახე მუდამ ჩამოსტირით. ასეთი ადამიანები მხედველობის არედანაც კი ამოვშალე.

მე კი,.. მე, მუდამ ბედნიერი სახით დავაბიჯებ. იმიტომ, რომ უსაშველოდ მდიდარი ვარ შიგნით. ჩემში მრავალმხრივი ინტელექტუალური ძალაა და ხელმოკლეობას ვერც ვგრძნობ.

გადაგვარებულ, სამწუხარო დღევანდებლობაში, სიღარიბე სოციუმიდან განკვეთის განაჩენია. რაც დაბალი ინტელექტის მაჩვენებელია.

თავის გადასარჩენი საშუალება მაქვს მხოლოდ, მაგრამ თავი ღარიბად არასოდეს მიგრძვნი, თუკი ვიღაცას ძვირადღირებულ საჩუქარს ვერ ვუკეთებ. ეს მე, არც მაგნიტებს და არც მახეჩავებს. პირიქით, ძალიან მდიდარიც კი ვარ.

მართოდმართოდ, ჩემი გონებრივი შესაძლებლობით, ცხოვრება ავაწყვე დამოუკიდებლად სამი უსუსური შვილის თანხლებით.

ახლა, თუ ჩემი ნააზრევები წიგნად ვაქციე, ეს ძვირადღირებული ფუფუნება იცით რისი ეკონომიის წყალობით მოვახერხე? ვიკვებები გადასარჩენად და არა, რაც მინდა და რაც მჭირდება. არავისთან არ დავდივარ საჩუქრით, თითქმის არ ვყიდულობ წამლებს, ვიცმევ მოკრძალებულად, ჩემი შემოქმედებითი უნარებისა და კერვის წყალობით.

მათხოვრებთან მუდამ ვალში ვარ და ბოდიშსაც ვუხდი ხშირად, თან თავდახრილი, მორიდებულად ჩავუვლი. ერთხელ, კატეგორიულ მათხოვარს, გზა რომ გადამიკეტა, დავუმტკიცე მშვი-



დი საუბრით, რომ მე უფრო მიჭირდა ეკონომიურად, ვიდრე მას. როგორ ახერხებ თავის გატანასო, მკითხა. შიგნით ისეთი მდიდარი ვარ, უფულობა მაგიწყდება და ძალიან ბედნიერიც კი ვარმეთქი ვუთხარი.

უფულობა, ზოგიერთისთვის განაჩენია.

მე ასე არ ვფიქრობ და ეს ვინც მაგრძნობინა, გულწრფელად მეცოდება, რადგან მისი ინტელექტუალური შეგნების არეალი იმდენად მჭირია და შეზღუდული, რომ სიტუაციებს რეალურად ვერ აღიქვამს, ან ვერ ერკვევა, ან არ უნდა დანახვა.

თუ ეს სასჯელია, ამას სულგრძელად ვუძლებ.

დაე, მე ყველას მეგობარი და ყველასთვის დაუზარელი, უმეგობროდ, მაგრამ ბედნიერი დავაბიჯებდე უფალთან ერთად წუთისოფელში.

ისინი კი, მუდამ მოწუწუნე, საცოდავი მარიონეტები არიან ჩემს თვალში.

კვლავ განვმეორდები: იმდენი მაქვს, რომ ვალი არ მაქვს და ეს ჩემთვის სიღარიბეს არ ნიშნავს.

დიახ,..

იმდენი მაქვს, რომ ვალი არ მაქვს!

ასე რომ,..

როგორც ძალმიძს, ვჩხრიალებ.

14.07.2021 წელი.
თბილისი.





უფალს არ კაეიწყდები

ზოგჯერ, კუთხეში ვდგავარ უიმედოდ.

უფალი წამომეპარება უკნიდან, ხელს მკრავს და სცენაზე შემეგდება გამოსაჩენად.

უხერხულად ვდგავარ:

– ვილაცისთვის – მხოლოდ თვალსაჩინო;

– ვილაცისთვის – საამაყო.

ეს წუთიერი სიხარული ძალას მმატებს.

ცხოვრების სტიმულს მაძლევს.

ჩამოვდივარ სცენიდან აფაკლული.

ამოვისუნთქავ.

ვისვენებ და...

ისევ კუთხეში ვდგები.

კვლავ ვაგრძელებ საქმიანობას.

არავის ვახსოვარ.

არავინ მნახულობს.

და... კვლავ მიბიძგებს უფალი.

კვლევ სცენაზე შემეგდება „გამოსაჩინარებლად“.

24.07.2021 წელი.

თბილისი.

ფარგალი

სკოლამდელი პერიოდის ბავშვობა.

ესაა აუცილებლად გასაველელი და გამოსაყენებელი სილაღე, გამოხატული თამაშებში: კლასობანა, ლახტით ხტუნვა, მასწავლებლობანა, დედობანა დედოფალასთან, დაჭერობანა, როცა მეზობლის ბავშვებიც იყვნენ.



შიგადაშიგ თვლისა და ანბანის სწავლა; წერის მცდელობები – ესეც თამაშით დიდ ინტერესს იწვევდა ჩემში.

ათამდე თვლა რომ ვისწავლე, გახარებული ვიყავი და ეზოში თამაშობებში ვიყენებდი: ლახტბე ხტუნვას ვითვლიდი, თვალხუჭობანას თამაშისას მინდოდა, მე დამეხუჭა და ცოდნა გამომეყენებინა.

ანბანის სწავლისას დედაჩემი ამიხსნიდა ასო-ბგერას და მარცვლებს ჯერ თვითონ მიწერდა და იქ ვკითხულობდი. დედაენა რომ შემეძინეს, გახარებულმა ჩავიხუტე გულში თვალგასახარი ფერადი წიგნი, სადაც ყველა ასო-ბგერას შესაბამისი სურათი ამშვენებდა.

დედაენის ორივე ნაწილს, როგორც შეუფასებელ განძს, ვინახავ და ვუფრთხილდები დღესაც.

უკვე სწავლის სურვილი უსწრებდა შესაძლებლობას. თუმცა, თანმიმდევრულობა აუცილებელი იყო.

სწავლაში დამჯერე ვიყავი, დაუბარელიც და დედას ვახარებდი; სალამოს კი – მამას, როცა ვუკითხავდი იმ დღეს ნასწავლი ბგერის შესაბამის ტექსტსა და მათემატიკის ელემენტებს ვურაკრავებდი. მახსოვს, სახე როგორ ებადრებოდა!

სკოლაში შესვლამდე დედაენის ორივე ნაწილი ბოლომდე ვისწავლე, შემდეგ თავიდან დავუბრუნდი და უკვე სხარტულად რომ ვკითხულობდი, მახარებდა. დიდი სიხარული განვიცადე, ჩემი ნასწავლი ასო-ბგერა პირველად გაბეთში რომ ამოვიცანი. გაბეთი ხელიდან არ გამიშვია, სხვა ასოებიც მინდოდა მეპოვნა.

ართიმეტიკაში (დაწყებითის მათემატიკის წიგნს ასე ერქვა მაშინ) ათის ფარგალში მიმატება-გამოკლება რომ ვისწავლე, თავი უკვე მათემატიკის მცოდნე მეგონა.



შემდეგ ოცის ფარგალში დათვლის პროცესიც მახსოვს. ეგ-ოში ხმამაღლა ვითვლიდი თამაშისას ან სახლიდან ჭიშკრამდე გავრბოდ-გამოვრბოდი ნაბიჯების თვლით. თუ სადმე „გავიჭედე-ბოდი“, შევირბენდი სახლში დედაჩემთან, იგი მაშველი რგოლი იყო, გახსნიდა გაუგებარ „კვანძს“ და თან საქმიანობდა. აბა, სად ეცალა, სწავლისას რომ დამჯდომოდა?! შემდეგ გადავდიოდი ანგარიშზე ოცის ფარგალში.

დედაჩემი სიამაყით ამბობდა: – თვლა და ანგარიში უკვე ოცის ფარგალში იცისო.

მათემატიკის სწავლის პროცესში რომ ვიყავი, ათისა და ოცის ფარგალში, ამ დროს ჩემი ძმა მეექვსე კლასში იყო და ფარგალი უყიდეს მათემატიკაში წრეების დასახაზად. სიტყვა „ფარგალი“ – ჩემთვის დათვლისას რომ გამოიყენებოდა, თურმე, რომ გავიზრდები, ამ სიტყვის შესაბამისი ხელსაწყოც მექნება მათემატიკისთვის.

ამ საკითხის გარკვევას შორს მივყავდი, გაუგებრობამდეც. ჩემთან მიმართებაში ეს სიტყვა ხშირად იხმარებოდა, რადგან ანგარიში ხომ იზრდებოდა თანდათან: ოცდაათის, ორმოცის, ორმოცდაათის,..., ასის ფარგალში,.. ა. შ.

გვიან მივხვდი, ფარგალი წრეს ხაზავს, მაგრამ სწავლაშიც ცოდნის წრე ხომ იკვრება ეტაპობრივად?! მაგ.: ასამდე, ათასამდე,.. მილიონამდე ფარგალი და ა, შ. დაუსრულებლად.

სიტყვა ფარგლის მრავალფუნქციურობაშიც გავერკვიე და ბედნიერი ვიყავი.

სწავლის პროცესი, ანუ ცოდნის შექენით აღმასვლა, სიამოვნებას მანიჭებდა და ნელ-ნელა მიუწყებოდი აღმართს მწვერვალისკენ.



ჩემთვის უმაღლესი განათლება გახდა ცოდნის მწვერვალის მაქსიმალური სიმაღლე და სვლაც შევაჩერე.

აქ დარჩა აფრიალებული, ჩემი განათლებულობის დამადასტურებელი, დრომაც. ეს იყო საინჟინრო ტექნიკური განათლება, ინჟინერ-კონსტრუქტორის კვალიფიკაციით.

თუმცა... როცა წვრილშვილიანმა ფინანსთა სამინისტროში დავიწყე მუშაობა, „ფინანსები და საბანკო საქმეც“ დავამთავრე, ვინმეს არაპროფესიონალიზმში რომ არ დაედო ბრალი შემცირებებისას.

08.11.2023 წელი.
თბილისი.

ფსიქოლოგიური გარდატეხა

მორჩილი შვილის სტერეოტიპი მაშინ დავარდვიე, როცა ბათუმის პედაგოგიური ინსტიტუტი, მესამე კურსის იანვარში, ოფიციალურად მივატოვე, რადგან სასკოლო პრაქტიკაზე ვერ გავიდოდი ზღვარგადასული სიმორცხვის გამო და ქუთაისის პოლიტექნიკური ინსტიტუტისკენ ავიღე გეზი.

თუმცა, იყო წინააღმდეგობები და დამაშინებელი დაქადნებები ოჯახიდან, მაგრამ მე უკვე აღარაფრის მეშინოდა, რადგან ბედნიერად ვგრძნობდი თავს – პედაგოგიურს თავი დავაღწიე.

გაუბედავმა და ზედმეტად მორცხვმა, მაგრამ მებრძოლი სულის პატრონმა გოგონამ, შევალე ქუთაისის პოლიტექნიკური ინსტიტუტის უმკაცრესი რექტორის, ნოდარ ვალიშვილის კარები და ავუსხენი მისვლის მიზეზი.

ღიალოგი შიშის ბარიერის მოხსნის ფონზე წარიმართა.



მიხვდა, გადაწყვეტილება ჩემგან მტკიცე და უცვლელი იყო, ფეხბე წამოდგა, ხელი ბეჭზე დამადო მამაშვილურად და მითხრა:

– რომ გადმოგიყვანო, გაგიჭირდება, რადგან მეორე კურსის მასალასთან ერთად პირველის განსხვავებული საგნების ჩაბარებაა საჭირო.

პრაქტიკაში არ გაამართლა ამ მეთოდმა და თავიდან ჩაბარებას გირჩევო. დამაჯერებლად ამიხსნა და დავეთანხმე. რადგან სამუშაო სტაჟი არ მქონდა, საბუთების მიღებაზე დახმარებაც აღმოთქვა.

ბედნიერი გამოვბრუნდი ახალი გადაწყვეტილებით.

ავიღე ისევ ჩემი სკოლის წიგნები, პროგრამა და განმეორებას შევუდექი დედულეთში.

საბუთები, მისაღები გამოცდების კომისიამ, მართლაც რექტორის რეკომენდაციით მიიღო.

ჩავაბარე.

სოფელში ვბრუნდებოდი მარტო, კიდევ ერთხელ გამარჯვებული.

შუადღე იყო.

სამეზობლოში, გზის ორივე მხრიდან, გამოეფინნენ მეზობლები, სახლებიდან ჭიშკრისკენ გამორბოდნენ მოსალოცად.

გზაც ამ სიტუაციამ დააგრძელა.

კიდევ უფრო ახლოს, დიდ „ბოგირს“ რომ გავცდი და მეზობლების „ალყას“ თავი რომ დავაღწიე, ღელისკენ შევუყევი გზას. ამ დროს მარცხენა მხარეს ვხედავ, ორღობიდან მოხუცი ბები (პოლისი მანტკავა), როგორც შეეძლო გამორბოდა და მუდარანარევი ხმით დაიძახა:

– ციცინო, არ გამასწრო! მომიცაი ნენა მაქანე!



მომიხლოვდა, გულში მაგრად ჩამიხუტა, გულწრფელად მომილოცა და მითხრა:

– ნენა, ამ კუთხეში შენნაირი ნიჭიერი ჯერ არ დაბადებულა!
ქებით ცამდე ამიყვანა, ფეხი მიწაზე არ დამადგმევინა.

გამიკვირდა.

ამპარტავანი არასდროს ვიყავი და ამ სიტყვების არსს მოგვიანებით ჩავწვდი.

მიხვდი, რამაც ათქმევინა ეს სიტყვები მოხუცებულს. მე ხომ არ მოვმზადებულვარ, ჩემს ოჯახს ფულიც არ ჰქონია და მხოლოდ ჩემი ძალებით ჩავაბარე 1972 წელს ბათუმის პედაგოგიურ ინსტიტუტში და ახლა... მეორედ – პოლიტექნიკურ ინსტიტუტში.

წახვიდე გოგონა მხოლოდ გზის ფულით და ჯერ ერთ, მერე მეორე ინსტიტუტში დაუბრკოლებლად მოეწყო, სხვისი გადასახედიდან, ასე მოსჩანდა, მაგრამ თქმით, მხოლოდ პოლისი ბებიამ თქვა. ორივე ინსტიტუტში მოწყობას ჩემს დამსახურებად თვლიდა.

ეს კი, მართლაც, ასე იყო.

და... ამ შეფასებას გაფრთხილება უნდოდა.

ვუფრთხილდებოდი.

ვუფრთხილდები დღესაც.

სახლშიც, რა თქმა უნდა მეორედ „ამაღლდა ჭერი“.

მას შემდეგ მამა აღარ მიმანიშნებდა, საით უნდა წავსულიყავი, მხოლოდ ამას მეტყვოდა:

– მამა, შენ უკეთ იცი, რა უნდა გააკეთო და სად წახვიდე!

როგორც იქნა, ჩემში მებრძოლისა და დაუმორჩილებლის, დამოუკიდებლის, შედეგიათი შრომისუნარიანისა და შრომის-მოყვარის თვისებები, თუ ხასიათი დაინახა.



მოგვიანებით დედაჩემმა ასე მითხრა, რაღაცაზე უკმაყოფილოს:

- ნუ ნერვიულობ! შენ, ისეთი ძლიერი და მიზანდასახული ხარ, შენზე აღარ ვდარდობ! ვიცი, ცუდს არ გააკეთებ, კარგ გადაწვეტილებასაც მიიღებ და საწადელსაც მიაღწევ ყოველთვის!

30.03.2021 წელი.

თბილისი.

ქაოსი თავში

ვირუსული პანდემია, „კოვიდი“, „მოდური“ რომ გახდა, უამრავი ადამიანი ჩაითრია და მოექცა მის კლანჭებში.

უამრავს კისერიც მოუგრინა.

მარტოსულ-მარტომავალსაც მესტუმრა.

მისმა კლანჭებმა თავისი კვალი დამიტოვა, თუმცა სულიერად ძლიერს ვერ მომერია, ანუ კისერი ვერ მომიგრინა.

•

ავადმყოფობის ქარიშხალმა გადაიარა.

რეაბილიტაციის პერიოდი დაიწყო:

ძაღვების აღდგენა...

ტემპერატურის რეგულაცია.

ღონემიხდილობა ხშირად წოლას მაიძულებს.

თავში ქაოსია.

თითქოს, კაბინეტში ორპირი ქარი შემოიჭრა და დალაგებული ფურცლები ააფრიალა. ფურცლები აქეთ-იქით უთავბოლოდ აწყდება კედლებს, ზოგი წიგნების თაროებზე შემოსკუპდა, ზოგი მაგიდის კიდეს შემორჩა, ზოგიც იატაკზე ვარდება, მაგრამ იქაც



მოუსვენრობა ეტყობათ: ხან გადააჩოჩებს, ხან კი გადააბრუნებს ქარის ტალღა.

მაგიდის „ლამპაც“ კი წააქცია და იატაკზე დახეთქების, ჩამოვარდნის საშიშროებაშია. ქარი მაგიდაზე სქელ წიგნებსაც არ უხდის ბოდიშს. როგორც მოუხერხდება, ცდილობს, ისე აიგდოს აბუჩად: ყდას აწევს, რამოდენიმე ფურცელსაც მიაყოლებს, მაგრამ ისევ დაიხურება სიმძიმის ძალით, ქარის ამოსუნთქვის პერიოდში.

პატარა ბროშურები ყველა იატაკზეა მიმოფანტული; ზოგი ტახტის ქვეშ შეაცურა ქარმა, ზოგი მაგიდის ქვეშაა მშვიდად.

აი, ასეთი ქაოსი მაქვს თავში.

წარმოშობილი ქაოსი როგორ აღელვებს და აშფოთებს სახლში დაბრუნებულ პატრონს?!

სწორედაც მაშფოთებს ეს ქაოსური სიტუაცია.

დალაგებას ვცდილობ, მაგრამ უშედეგოდ.

დალაგდებაო, მამშვიდებას ექიმი.

•

დალაგდა.

30.08.2021 წელი.
თბილისი.

ბედნიერების კეზოდეები

ბედნიერი ვარ.

ბედნიერება კეთილსინდისიერი და შედეგიანი შრომა ყოფილა.

მე ხომ ასე აღვიზარდე?!

ასე ვცხოვრობ დღესაც.



შემოქმედებითი შრომა, ფიზიკური თუ გონებრივი, ჩემი ცხოვრების წესია.

ჰოდა, ბედნიერი ვარ, ჩემს საყვარელ საქმიანობებს ვეწევი, ჩემს ფიქრებს ვემსახურები, რითაც, უარყოფითი ემოციებისგან თავის დაღწევასაც ვახერხებ.

•

ბედნიერი ვიყავი, როცა ვგრძნობდი, სახლში სულმოუთქმელად მელიოდებოდნენ, თუნდაც ხელცარიელს.

უსაზღვროდ ბედნიერი ვიყავი ხელში გაუსაძლისი მძიმე ტვირთითაც კი და გზა მიგრძელდებოდა მოსალოდნელი შეხვედრის სიხარულის გამო. ვიცოდი, რომ იმათ ძალიან, ძალიან გავახარებდი, მით უმეტეს მათთვის საინტერესო ტვირთით.

გზაში ვფიქრობდი, რომ მათ დიდხანს, ძალიან დიდხანს ჩავეხუტები და ყველანაირ უსაქციელობას ვაპატიებ-მეთქი, ოღონდაც ყველანი საღსალამათნი დამხვედროდნენ.

ბოლოს და ბოლოს გაუსაძლისი დროც ილეოდა.

კარზე ვაკაკუნებდი.

კარს სამივე ხმაურიანი ბარ-ბეიმიტ ალებდა და სამივეს უნდოდა ერთდროულად ჩამხუტებოდა, მაგრამ ჩემი ტვირთი აფერხებდათ და ძლივს სკამამდე მიღწეულს, სიყვარულით და გარკვეულწილად სიბრალეულითაც შემომყურებდნენ ძალზე დაღლილს.

ბედნიერი სიბრალეულით თანაგრძნობას გამოხატავდნენ და მთავაზობდნენ ოთახის ჩუსტებს, საჭმელს,.. რაღაცას.

მერე ჩანთების ამოლაგებას იწყებდნენ და ყველაფერს თავთავის ადგილს მიუჩინებდნენ გამოცდილი დიასახლისებევით. თან იმდღევანდელი სკოლის ამბებს მიყვებოდნენ. ერთმანეთს არ



აცლიდნენ, რადგან სამივეს ეჩქარებოდა თავიანთი სიბეჯითით გავეხარებინე.

•

დაღლილობას ვეღარ ვგრძნობდი.

ჭამაც აღარ მინდოდა.

მაღევე ვდგებოდი და სახვალთ თადარიგს ვიწყებდი.

ბედნიერი ვიყავი.

არც მშოიოდა და არც მწყუროდა.

ჩვეული რიტმი იწყებოდა.

პირობა, უსაქციელობების პატიებაზე, ირღვეოდა...

დედას მეშინოდა, „კალაპოტიდან“ არ ამოვარდნილიყვნენ.

ყველა შემთხვევაში მე მათთვის ძალიან ძვირფასი და მნიშვნელოვანი ვიყავი, ისინი კი – ჩემთვის.

ჩვენ, ოთხივენი, ძალზე ბედნიერნი ვიყავით.

•

ბედნიერი ადამიანი ვარ, მიუხედავად იმისა, რომ მოკლებული ვარ ფუფუნებას. სამაგიეროდ მაქვს შინაგანი რწმენა, ვარ თავდაჯერებული. ესენი განუყრელად ჩემშია და თან დამყვება, რაც მაძლევს საშუალებას ვიყო უბრალო, თავმდაბალი, გულისხმიერი. მაქვს მოსმენის კულტურა, არ ვბაძავ სხვას, ცივად და უხეშად არ ვექცევი შემხვედრთ არც გზაში, არც ტრანსპორტში, რითაც კიდევ უფრო ვმაღლდები ჩემში.

არ მშურს სხვისი, არ მრჩება თვალი სხვათა მატერიალურ კეთილდღეობაზე.

უსაზღვროდ ბედნიერი ვარ, რადგან ვარ მშრომელი, შემოქმედი, თუმცა ყველაფერს ვაღწევ დიდი ძალისხმევის ხარჯზე.

ეს უფრო მავსებს და მაბედნიერებს.



შეუძლებლის გადალახვისას როგორ არ ვიყო ბედნიერი?! როცა ამას მხოლოდ უფლის თანადგომით ვაღწევ.

როგორ არ ვიყო ბედნიერი, როცა ყველაფერ ამას ჩემი გონებრივი შესაძლებლობებით ვახერხებ. მაგრამ, გონებრივი შესაძლებლობა ხომ ღვთის საჩუქარია?!

მუდამ მარტოდმავალს, მარტოდმცხოვრებს, ხალხმრავლობაშიც კი მარტოდმარტოს თავი მხნედ მიჭირავს და არ მაწუხებს მარტობა, რადგან ჩემთან უფალია და გულშიც ჩემს ფიქრებს უფალი განაგებს.

ადამიანების მიმართ სიხარულის, სიყვარულის გამოხატულება შეხმიანებით მირჩევნია, რადგან, მათთან სიახლოვის ერთადერთი საუკეთესო საშუალება მათი ხმის გაგონებაა, ვიდრე სოციალურ ქსელში მოწონებებით გამოხატული სიყვარული.

•

ბედნიერებაა პატიოსანი შრომის პროცესი. შედეგი გიბიძგავს, კიდევ უფრო მეტი შრომისკენ გიბიძგებს, გავიწყებს თავს და მხოლოდ მასზე ფიქრობ, ვისთვისაც შრომობ და სტიმული ქანცს გაცლის.

კარგი ნაშრომი სიხარულს განიჭებს, კიდევ უფრო შეგიტყუებს, უფრო მეტი და მეტი შრომისკენ გიბიძგებს. მას კი ახარებ, ვისთვისაც შრომობ, მაგრამ მან არ იცის, ამ საქმეში დიდი შრომა რომაა ჩადებული, რომ შედეგი იოლი მისაღწევი არ იყო. ეს მხოლოდ შენ იცი, შენმა გონებამ და მარჯვენამ, შენმა ზურგმა და ხერხემალმა. ამიტომაც შრომა უფრო გამოცდილს გხდის, მაგრამ ბოლოს და ბოლოს მეტი რომ არ შეგიძლია, ჩერდები, დასვენებას ითხოვს სხეული.

ჩემი შრომითა და ნაშრომით, მე ჩემი სათქმელი ვთქვი.



მხოლოდ ვთქვი, ტაშ-ფანდური არ გამიმართავს. საჭიროებისამებრ ვშრომობდი, შესვენებისა და აჟიოტაჟის გარეშე.

სამწუხაროდ, ვისთვისაც ვიშრომე და ვასიამოვნე, ფეხადგმულეებმა და თავდადგმულეებმა, წუნისას თვალით შეხედეს ნაშრომს და გემოვნებაგახსნილებმა, უკეთესის მსურველებმა, ნაშრომს წუნი დასდეს და უკადრისობის მანტიამოსხმულეებმა, თითის წვერებზე შემდგარნმა გარეთ გადმოაბიჯეს და უკანმოუხედავად წავიდნენ.

წავიდნენ, სხვაგან კრეფენ „ვარსკვლავებს“. დამესაც სხვაგან ათევენ უკეთესი კომფორტის დანახვის გამო.

არადა, ხომ შეუძლიათ უკვე უძღურსა და გადალილს დაგანახონ, რომ მათაც აქვთ სურვილი, ნაშენს რაღაც შემატონ?! თუნდაც, ერთი ლურსმანი მიაჭედონ სადღაც; დაუსრულებელი დაასრულონ და სრულყონ ნაშრომი?!

და... იქ აანთონ ჭრაქი და მტვერი გადაწმინდონ მიტოვებულ წიგნებზე, რომლებითაც გზა გაიკაფეს ცოდნის მწვერვალებისკენ.

ამ ყველაფერს დუმილით ვხვდები, მაგრამ სისხლის ბოლო წვეთის გამოწურვამდე იჭყლიტება ნატკენი გული და ღრმად ამოსუნთქვის საშუალებას არ მძლევს.

ბედნიერი, თვითკმაყოფილი იერსახის უნარწართმეული ვდგავარ ჩემთვის.

ჩვენ უკვე ერთად კი არა, ცალ-ცალკე ვცხოვრობთ.

ყველას თავისი ცხოვრება და ინტერესები აქვს.

ჩვენ, ყველანი, უკვე ცალ-ცალკე, ბედნიერნი ვართ.

01.06.2021 წელი.

თბილისი.



ბუნების ამოუხსნელი ლოცვა

ზაფხულის თაკარა, ზედმეტად, გადაჭარბებულად ცხელმა დღემ, ზოგჯერ, საშინელი გაავდრება იცის.

ისედაც, სკოლის დამამთავრებელი გამოცდების გაწამაწიის, ციებ-ცხელების პერიოდი იდგა. მე და ჩემი მეგობარი გოგონა ერთად ვმეცადინეობდით საგნებს, გამოცდების რიგითობის შე-საბამისად, ხან – ჩემთან, ხან – მასთან სახლში.

ჩემს მეგობართან ვმეცადინეობდით იმ დღეს, როცა სულის შემხუთველი სიცხე იყო დასადგურებული, როცა სიცხისგან გულ-შეწუხებულ ფოთლებს რხევის თავიც არ ჰქონდათ.

უცებ, მაცნედ აჩქარებული ნიაგი მოვარდა, თურმე, უკან გა-ავებული ქარი მოსდევდა. შემოჰყვა ნიავს ოთახში და სამეცადი-ნო გარემო აგვიწეწა.

წამოვხტით ფეხზე.

ფანჯრები სასწრაფოდ ჩავკეტეთ, მიმოფანტული რვეულები და წიგნები თავთავიანთ ადგილებზე დავაბრუნეთ, აივანზე გავ-ვარდით ბუნების ალოგიკურობაზე სამეთვალყურეოდ.

ცაბე, საიდანდაც, უზარმაზარი თეთრი ღრუბლის ლოდები აგორებულნიყო, ქარი კვლავ და კვლავ მძლავრობდა, მზესაც კი შეშინებოდა და სადღაც შეეფარებინა თავი. მოვლენები ელვის სისწრაფით ვითარდებოდა. ქარმა ფოთლები, სილა, მტვერი, გა-დაყრილი ძველმანები ჰაერში აიტანა და უთავბოლოდ გაჰქონდ-გამოჰქონდა, მათთვის ადგილი ვერ მიეჩინა; თოკებზე გაფენი-ლი სარეცხი გადაგრიხა; ყველა ფაციფუცობდა. ქუჩაში მტვრის კორიანტელისგან შეწუხებული ადამიანები, ჩქარობდნენ მოსა-ლოდნელი ამინდის მკვეთრი ცვლილებისგან თავდასაღწევად.



ცაბე ქათქათა ღრუბლები გაერთიანდა და გადაშავდა; სად-ღაც შორს, მუქარის ნიშნად, გაიელვა; აგრილდა; ჩამოლამდა; ჭექა-ქუხილმაც არ დაახანა; კიდეც უფრო აირია ერთმანეთში ცაში ატყორცნილი ნავავი და მსუბუქი სხეულები, გაფენილი და ზოგი თოვსმოწყვეტილი სარეცხი, ვინც ვერ მოასწრო ჩამოხსნა, ყველაფერი აქეთ-იქით ეხეთქებოდა თავშესაფრის ძებნაში.

აჰა, აქა-იქ ხმაურით ეცემა მოსალოდნელი წვიმის ნაცვლად სეტყვის მარცვლები, სახურავებზე ატყდა რაკარუკი; თანდათან ეს ხმები რახარუხად გადაიქცა, რადგან უკვე ჩვეულებრივი სეტყვა მუშტისოდენა ყინვის ჩაგრეხილ გუნდებად იქცა. შეგვიანებული მგზავრები საფრთხის წინაშე აღმოჩნდნენ და თავზე ხელებდაფარებულნი, ან ხელჩანთადაფარებულნი გაურბოდნენ ბუნების სტიქიისგან მოსალოდნელი სხეულის ან თავის გარდაუვალ ტრამპებს.

უთავბოლოდ მოძრავი ნივთები სეტყვამ მიწაზე კიდეც დაანარცხა და კიდეც ჩატენა თავისი „მუშტებით“ ისე, რომ მათი ცნობადობა წაშალა.

ემოებში ყვავილნარი, ნათესები, ჩამოლეწილი ტოტები მიწაზე დაანარცხა. „ჯღაბე“ ზამბარასავით შემოხვეული ლობიო ხშირმა სეტყვის ძალამ ფოთლებიან-ყვავილებიან-ნაცოფიანედ ჩაკუმშა და მიწასთან გაასწორა უმოწყალოდ; დედამიწას ჩააკონა.

მსხმოიარე ხეებიდან ჩამოყარა უმწიფარი ხილი და ახალშემოსული ტყემალი.

ალაგ-ალაგ დააზიანა სახლის სახურავებიც.

ბუნების ამოუხსნელი ლოგიკურობა მალე დასრულდა.

გადაიდარა.



მგემაც გამოაჭყიტა და უღიმღამოდ დახედა განადგურებულ ადამიანთა ნაშრომ სარჩო-სამყოფელს.

უსიტყვოდ, გაოგნებული შევყურებდით გაოხრებულ ბაღ-ბოსტანს, ღობისა და ხის ძირებში მიყრილ ყინვის გუნდებს.

სიგრილე შენარჩუნდა.

ემოცია დაცხრა.

დავუბრუნდით სასწავლო რეჟიმს.

16.04.2021 წელი.
თბილისი.

შინაგანი ნგრევის ძალა

მყარად, მაგრად, უდრეკად, ბედნიერი ადამიანის იერით ვდგავარ საზოგადოების წინაშე.

მაგრამ...

როცა საკუთარ თავთან ვრჩები და მიწევს ჩემი შინაგანი სამყაროს გამოაშკარავება, გამომზეურება,.. როგორც კი წარმოვიდგენ და გავიაზრებ განვლილ კოლოსალურ შრომას, რომელთაგან ზოგიერთი თითქოს გადაირეცხა ან დაკნინდა, მანგრევს.

გარეგნულად ეს არ ჩანს, მაგრამ, რამდენადაც არ ჩანს, იმდენად ძლიერია შინაგანი ნგრევის ძალა, რის გამოც შინაგანი ძალები იფიტება, მცირდება და ვრჩები უუნარო, უშინაარსო, უძლური ნებისმიერი საქმიანობისადმი.

მოცვლილი ბალახივით ვარ – მოწყვეტილი ყოველგვარ სიცოცხლის უნარს. თითქოს ვიღაცები გადამივლ-გადმომივლიან



და მტკეპნიან მიწაზე; თან, ისეთ მწვავე ტკივილს ვგრძნობ, თითქოს ჭრილობაზე მარილს მაყრიან.

16.04.2021 წელი.
თბილისი.

შრაპიანი განაჩენი

ჩათავდალმართებული იყო ცხელი ზაფხულის მზე და საღამოს მოახლოებას გვამცნობდა. უკვე მამაჩემის სამსახურიდან მოსვლის დროც იყო.

რატომღაც შეაგვიანდა.

•

მამა სახლთან ახლოს, ღელის გაღმა, კირის ქარხანაში, მუშად მუშაობდა. ვფიქრობ, სიტყვა „მუშაობა“ მუშადან გამომდინარეა, რადგანაც მუშაობს მუშა. საკირის რამოდენიმე მუშის მუშაობის მაკონტროლებელ ერთადერთ ზედამხედველს უფროსი ერქვა.

კირის ქარხნის მუშაობის პრინციპი მარტივიც არის და ფიზიკურად შრომატევადიც. სწორედ, მუშის საქმეა იქ.

ქვის გამოსაწვავი, აგურით ნაშენი, ორი უბარმაზარი ცილინდრული ფორმის ღუმელი (დიამეტრით, დაახლოებით, სამი მეტრი) იყო. ქვევით ჰქონდა მრგვალოთაღიანი, ბუხრის ფორმისა და ფუნქციის რამოდენიმე ხვრელი, სადაც ბლომად შეშით ცეცხლს დაანთებდნენ. მოძლიერებულ ცეცხლზე კვლავ ამატებდნენ და ამატებდნენ შეშას და ზევიდან ქვანახშირს; კვლავ შეშას და ქვანახშირს. ბოლოს გაძლიერებულ, მოღონიერებულ ცეცხლზე ცილინდრის ზედა, ღია თავიდან, იქვე – ახლოს მდება-



რე კლდის აფეთქების ხარჯზე მიღებულ პატარა ლოდებს და ქვებს, რომელიც ცემენტს შეიცავდა, მანქანით დააყრიდნენ გალუმბუზებულ ცეცხლზე. ცილინდრის წრე დაიფარებოდა ქვით. ქვაზე კვლავ ქვანახშირს დააყრიდნენ, შემდეგ ქვას, ისევ ქვანახშირს, ისევ ქვას, მანამ, სანამ ეს უზარმაზარი ცილინდრი პირთამდე არ გაივსებოდა.

წვის პროცესი, ნელ-ნელა მიმდინარეობდა, ცეცხლიც ნელ-ნელა მიიწევდა ზევით ფენა-ფენად ჩაყრილი ქვანახშირის წყალობით ისე, რომ ცილინდრის ზედაპირზე დაყრილი ქვების ირგვლივ ცეცხლის ენები ამოდიოდა. ისევ მოაყრიდნენ ქვანახშირს და ზევიდან ქვებს. წვა არ უნდა შეჩერებულიყო.

ქვის გამოწვა ხანგრძლივი პროცესი იყო.

ბოლომდე გადავსებულ ქურას, ქვითა და აალებული ქვანახშირით, როგორც კი დონე ჩაიწევდა მასში, თანდათან, ზევიდან ჩაამატებდნენ ქვანახშირს და ქვას. ამასობაში, ქვევით – „საბუხრეში“ გროვდებოდა გამომწვარი ქვა, რომელსაც მუშები გარეთ გამოყრიდნენ ნიჩბებით; გარკვეულ სივრცესა და სისქეზე გაფენდნენ; შემდეგ ცივი წყლით კარგად მორწყავდნენ.

ამ ცხელ ქვებს ოხშივარი ასდიოდა ნისლივით. ცივი წყალი გამომწვარ ქვებს დაშლიდა და აფუვდებოდა, გაცრილი ფქვილივით გადაიქცეოდა. სწორედ, ეს იყო ცემენტნარევი კირი, საამშენებლოდ გამოსაყენებელი და ვარგისი.

მოდით და მოდიოდნენ მშენებლობებიდან სატვირთო მანქანები, კირის წასაღებად. ამ მანქანებსაც მუშები დატვირთავდნენ ნიჩბებით.

ბოლოს უზარმაზარ სასწორზე შეგორდებოდა მანქანა და იწონებოდა წასაღები კირი. სწორედ, ახლა იყო საჭირო უფრო-



სი, მძღოლს ქვითარს ამოუწერდა წასაღები კირის ოდენობის შე-
საბამისად და თანხასაც გადაახდევინებდა.

ამ თანხიდან ეძლეოდათ ხელფასი მუშებს ყოველდღიურად,
ალბათ უფროსსაც და ერთი სატვირთო მანქანის მძღოლსაც,
რომელიც საკუთრივ საკირეს ემსახურებოდა ქვანახშირისა და
შემის მოსატანად, აგრეთვე კარიერიდან ქვის ღუმელამდე გად-
მოსაზიდად.

მოკლედ, ეს იყო კირის მიღების ტექნოლოგიური პროცესი,
ბავშვური თვალთ დანახული და ჩამახსოვრებული.

კირის მტვერი „არ გვაკლდა“ ახლო მოსახლეობას.

თეთრად გადაიფიფქებოდა ხეები, სახურავები, კიბეები და
ალბათ, ბლომდაც ჩავისუნთქავდით.

რაც შეეხება კარიერზე კლდის მომტვრევის პროცესს, აფეთ-
ქებით ხდებოდა. აფეთქებამდე რამოდენიმე წუთით ადრე, ხმა-
მაღალი გამაფრთხილებელი ყიჟინისა თუ ყვირილის ხმა ახლაც
ჩამესმის ყურებში:

- „და-ი-მა-ლეთ“!!

- „მო-ე-ფა-რეთ“!!

ჩვენც სახლში შევდიოდით, რათა აფეთქებიდან გამოტყორ-
ცნილი წვრილი ქვით არ დავზიანებულიყავით. ხშირად, რომ იტ-
ყვიან, „ბეწვზე გადავრჩენილვართ“, როცა ვერ მოგვისწრია და-
მაღვა. სახლის სახურავებიც ზიანდებოდა ხოლმე.

•

სწორედ, ამ ქარხნის შრომითი პროცესის ზაფხულის ერთ-
ერთი დღე იყო ჩვენი ოჯახისთვის მწვავედ ჩასამახსოვრებელი.

სამუშაო საათების დამთავრებიდან, დაახლოებით, ერთი
საათი იქნებოდა გასული, მამაჩემმა თითქმის სირბილით ამოიქ-



ომინა სახლამდე გზა შეღმართზე, სასწრაფოდ ხელ–პირი დაიბანა, ტანსაცმელი გამოიცვალა და თქვა:

– მილიციას უნდა გავყვე, ჩხუბი მომივიდა!

თურმე, საკირის უფროსს, სამუშაოს დამთავრების შემდეგ, მუშებთან წაქეიფება მოუსურვებია. სახელდახელო სასმელ–საჭემელი მძღოლს აყიდვინა და ჩამომსხდარან უფროსის კაბინეტად წოდებულ „ფარდულში“.

შექეიფიანებულზე საკირის უფროსს უფროსობა თავში ავარდნია და უშვერ სიტყვებზე – ბილწსიტყვაობაზე გადასულა. მამაჩემს მიუთითებია:

– რა საჭიროა სუფრასთან „ბინძური“ სიტყვების ხმარება?!

ეს უფროსს შენიშვნად მიუღია და უფრო მწვავედ დაუწყია გინება. კიდევ ერთხელ შეუხსენებია მამაჩემს სუფრასთან სამეტყველო ლექსიკის დახვეწის საჭიროებაზე (მიუხედავად იმისა, რომ მამაჩემი ძალიან მკაცრი კაცი იყო, მისგან გინება არ მახსოვს).

რა თქმა უნდა, უფროსმა ითაკილა მუშისგან შენიშვნა და პირდაპირ გინებაზე გადასულა.

მამაჩემს ღვინიანი ჭიქა უსვრია სიტყვებით:

– ნუ წაბილწე სუფრა, აქ ხალხი ვზივართ!

უფროსს კი აუცდენია ჭიქის მოხვედრა, მაგრამ ჭიქა კედელზე მიმსხვრეულა და კედლიდან ასხლეტილი ნამსხვრევები სახეში მოხვედრია ადრესატს.

რა თქმა უნდა, სახე გაეჭრა და სისხლი გადმოუთქრიალდა.

გამოიძახეს სასწრაფო და მოჰყვა მილიციაც.

სხვათა შორის, უფროსი ჩვენი მოგვარე იყო.

მამაჩემის მილიციაში წაყვანას სასამართლოც მოჰყვა, უფროსის განცხადების საფუძველზე.



არც ოჯახის, არც თანამშრომელთა თხოვნამ არ გაჭრა უფროსზე და სამუდამო შრამისთვის განწირულმა, განცხადება არ გამოიტანა.

ერთი წლით თავისუფლების აღკვეთა მიუსაჯა სასამართლომ მამაჩემს.

მამაჩემი აღნაგობით მაღალი, სუსტი, ძვალმსხვილი, ჯანმანათლებლობით კაცი იყო. აღნაგობის საფერად მშრომელიცა და პატიოსანი ადამიანიც.

ათ თვეში გაანთავისუფლეს კარგი ყოფაქცევისა და ერთგული შრომისთვის.

და... მოულოდნელად, დილით ადრე, გათენებამდე დაგვადგა თავზე ოჯახს მამაჩემი.

ძველებურად გაგრძელდა ცხოვრება ჩვენს ოჯახში, სრულყოფილების შესაბამისად.

მამაჩემი დაუბრუნდა ძველ სამუშაოს.

იმ უფროსს საკირებზე აღარ უმუშავია.

მამაჩემის ავტორიტეტს, ამ შემთხვევის გამო, ჩირქი არ მოსცხებია. პირიქით, ყველას ერიდებოდა მისი და პატივით ეპყრობოდნენ. მუდამ ავტორიტეტი და ჭკუასაკითხავი იყო კუთხემეზობლობაში.

მართალი გზით, უფლის გზით იარა მამაჩემმა, თუმცა, უშეცდომო არაეინა.

18.12.2023 წელი.
თბილისი.





ჩემი უფალი სახლობდა

ჩემი გაჩენა უფალმა განსაზღვრა, აღასრულა კიდევ და იკისრა წუთისოფელში ჩემი წარმატება-წარუმატებლობის დროს გვერდში დგომაც.

ეს მოგვიანებით ვიგრძენი.

თავიდან კი, მეგონა წარმატების დროს მარტო ვიყავი ჩემს სიხარულთან ერთად, რადგან მეზობლები გურიაში და ახლობელ-ნათესავები ასე იტყოდნენ:

- მაგი კი მიაღწევდა, ჭკვიანი გოგო იყო, არ გვიკვირს!

თუ წავიქცეოდი, მაშინაც მარტო ვიყავი, მოტივაციით:

- გონიერი გოგოა, ძლიერი ნებისყოფის, წამოდგება, გაუმკლავდება, არ დაიკარგება!

ორივე შემთხვევაში მეგონა, მარტოს მიწევდა: ჩემი სიხარულის გულში ჩატევა, წაფორხილებულს ფეხზე დადგომაცა და უცრემლო ცრემლებით გულის გავსებაც.

გვერდში მდგომნი ვერაფრით „გავაკვირვე“: ვერც წარმატებით აღვაფრთოვანე და ვერც უფსკრულის პირას მდგომის შემყურეთ გავაფიქრებინე: ხელი წავაშველოთ, არ გადაიჩეხოსო...

მახსოვს: ჩემი პირველი შვილის ინსტიტუტში მოწყობის განცდებს ვყვებოდი ჩემს სოფელში მეზობლებთან და დასასრულს, როცა ვთქვი, უფასოზე მოეწყო-მეთქი და როცა ვიფიქრე, ახლა დამესევინ მოსალოცად-მეთქი, მეზობლის კაცმა ხელი აიქნია და თქვა გურული კილო-კავით:

- მაი აფერი! მე სხვა რამეს ყვებოდი მეგონა, თვარა, შენი შვილი რომ მეეწყობოდა არაა გასაკვირი! და „წყალში ჩამიყარა“ მოლოდინის ენთუზიამში.



დიდი სიხარულის და დიდი სასოწარკვეთის დროს, მარტო მდგომი, ყველას ვაოცებდი ერთგვაროვანი ჟესტით – სიმშვიდით.

პირველს ღირსებად ვღებულობდი, მეორეს–წრთობად.

სიმშვიდემ, უზომოდ თავშეკავებულობამ ცრემლი არ იცის. ამიტომაც უცრემლოდ მომიხდა სიხარულისა და ტკივილის განცდებთან განმკლავება.

გულში არც წრმატებულს მიკრავდნენ და არც წაფორხილებულს შემეშველებოდნენ წამოსაყენებლად, სამწუხაროდ, გასამხნევებლადაც ბეჭებზე არავინ შემომხვევდა ხელს.

ვიდექი ასე ერთფეროვანი, გულგახარებულიცა და გულგამეხებულიც.

ამიტომაც, გარეგნული თვალით გამოვიყურებოდი, როგორც უემოციო, უხასიათო, განდევილივით მარტომავალი „რობოტი“.

თურმე?!..

თურმე...

ჩემში, უფალი სახლობდა.

და... სახლობს დღესაც.

მე ვიყავი მათემატიკური ქანქარა, უხილავი ძაფით უფალთან დაკავშირებული, ამიტომაც იყო იგი, ჩემი ჭირისუფალიცა და „ლხინისუფალიც“. ლხინს გულის ზეიმად აქცევდა, გასაჭირს მიიოლებდა, მამხნევებდა, ძალას მმატებდა.

როგორც მათემატიკური ქანქარა საჭიროებს დამატებით ბიძგებს, რათა შენარჩუნდეს რხევის ამპლიტუდის სიდიდე, ადამიანსაც სჭირდება ბიძგი, სტიმული ფიზიკური თუ ფსიქოლოგიური



ძალების შემცირებისას, სასოწარკვეთილებაში რომ არ ჩავარდეს.

ქანქარას რხევის ამპლიტუდის სიდიდე კი, დამოკიდებულია მასზე წამბიძგებელი ძალის სიდიდეზე. ეს წამბიძგებელი ჩემთვის უხილავი ძალა იყო – უფალი.

ზენიტში ასული, როცა ყოვნდები, პაუზას აკეთებ და სიმძიმის ძალის მოქმედებით დედამიწისკენ ეშვები(ისწრაფვი), შემდეგ კი, სხვა ახალი საქმისკენ მიექანები. იქაც, გარკვეულ ზენიტში აღიხარ. გგონია ბოლოა, წერტილი დაესმება ყველაფერს, მაგრამ არა, უფალი, კვლავ გიბიძგებს ახალი საქმიანობისკენ.

იყო შემთხვევები, რხევის ამპლიტუდა, დიდ წინააღმდეგობათა გამო, შემცირებულა და უფლის იმედიც გადამწურვია (ალბათ რწმენის სიმცირის გამო); დასასრულისთვის მოვმზადებულვარ, მაგრამ მოულოდნელად კვლავ ჩემი ბედით შეწუხებული უფალი, ახალ ძალას შთამბერავდა, და... კვლავ და კვლავ, ყველას და ჩემდა გასაოცრად ცხოვრება გრძელდებოდა სიახლეებით.

გავა დრო, ქანქარას დამჭერი და უფალთან დამაკავშირებელი ძაფი, მთელი ცხოვრება ახალ-ახალ ტრექტორიებზე რომ დამაქროლებდა და დამაქროლებს უფლის ძალისხმევით, ნელ-ნელა გაიცვითება და გაწყდება.

ეს არ იქნება მარცხი.

ეს იქნება დასასრული ამქვეყნიური ყოფისა, ანუ გარდაცვალება, ანუ დასტური იმისა, რომ ყველაფერი განიცდის სახეცვლილებას გარდაცვალებების სახით.

დიახ, ეს იქნება გარდაცვალება, ანუ ახალი მდგომარეობის მიღება.



მოძრაობა შეიცვლება უძრაობით.

დედამიწის მიზიდულობის ძალით, აქტიური ემოციუცვლელი ქანქარა შეერწყმება დედამიწას – დედათა დედას.

ბევრი გულშემატკივარი და წამშველებელი რომ მყოლოდა, მათი შემყურე ქანქარა უთავბოლოდ და ინერტულად დაიწყებდა მოძრაობას აქეთ-იქით, მიხეთქების გამოხატულებით, განსხვავებული ამპლიტუდებით.

მხოლოდ უფლის მეოხი კი, მაქსიმალური ამპლიტუდით მოძრავი, მკაცრის, გაუტეხლის, შეუჩერებლის და დაუმარცხებლის სახელით, გავეცლები ამა სოფლის ორომტრიალს, ფიქრებით:

ჩემში უფალი სახლობდა.

08.04.2022 წელი.
თბილისი.

ჩქენი ოჯახის გაძაქრთიანებელი

ჩვენ მაშინ ბათუმში ვცხოვრობდით.

შვილები ჯერ კიდევ პატარები, სკოლის მოსწავლეები, იყვნენ. უმცროსი ვაჟი – მეორეში, ხოლო გოგონები მეოთხე და მეექვსე კლასებში სწავლობდნენ; საუკეთესონი იყვნენ.

ადრეული გაზაფხული იდგა.

არ თბილოდა.

ჯერ კიდევ თბილი ტანსაცმლით დავდიოდით.

დასვენების დღე იყო.

ყველანი სახლში ვიყავით.



უმცროსები ცოტა მოშორებით, მაღაზიაში გავგზავნე.

მალე დაბრუნდნენ.

შემოსასვლელში ტახტი გვედგა. ბიჭმა შემოსვლისთანავე გახარებულმა ხმამაღლა დაიძახა:

- დედიკო! დედიკო! ნახე, რა მაჩუქეს! - და ტახტზე პატარა, შავი ქუჩულაბეწვიანი, „პუდელის“ ჯიშის ლეკვი დასვა.

- ჩამოსვი! ჩამოსვი! არ დასვაროს! - ვიყვირე მე.

- არა, დედა, სუფთაა! - შემეპასუხა პატარა და შევატყვე, ლეკვის შეურაცხყოფა მის შეურაცხყოფად მიიღო.

ამის მოსავლელად ჩვენთან ვის სცალია-მეთქი, ვთქვი და ვიგრძენი, უკვე ძაღლის მოვლის პრობლემებზე გადავიდა საუბარი.

- ჩვენ მოვუვლით! შენ არ შეგაწუხებთ! - ალაპარაკდა სამივე ერთად.

იმდენი ქნეს, დროებით მოვლაზე დამითანხმეს.

ძაღლის პირობაზე მართლაც ლამაზი იყო. თეთრი ჰქონდა მხოლოდ თათები და გულზე ბეწვი, ჯვრის ფორმით. თვალები არ უჩანდა, თმები უფარავდა. როცა გვიყურებდა, თავს გვერდზე გადაწევდა ხოლმე, ალბათ კარგად რომ დავენახეთ.

მოკლედ, ჩვენს პატარა ბინაში (თუმცა, უკვე ანტრესოლი გქონდა გაკეთებული საძინებლად, მაღალი ჭერის ხარჯზე და არც ისე პატარა იყო) ადგილი გამოვუნახეთ; ყუთი დავუდგით, რომელსაც მოძრავი, თაღის ფორმის კარები გამოვუჭერი. შესვლისას კარი შიგნით იღებოდა და თათებით თვითონ გამოკეტავდა კარებს და დაიძინებდა; ან გამოაღებდა და წინა თათებს გამოყოფდა გარეთ, თავსაც ზედ დაადებდა. ყუთს ზემოდან წრის ფორმის საპაეროც ამოვუჭერით, საიდანაც ზოგჯერ ამოხტებო-



და, ალბათ თავსაც გვაწონებდა და თავისი შესაძლებლობის მრავალფეროვნებასაც გვიჩვენებდა.

ბშირად გაგვეყავდა გარეთ, აივანზე, სადაც მოვუწყვეთ „ტუ-ალეტი“, სახლში რომ არ დაესვარა. მალე მიეჩვია ამ კულტურას.

სახელიც გამოვუძებნეთ – „მიკი“. მეზობლებსაც შეაყვარა თავი ხილამაზით.

გარედან რომ შემოგვეყავდა, თათებს ვბანდით ან სველი პირსახოცით, რომელიც მისთვის გვექონდა გამოყოფილი, ვუწმენდით. ხანდახან, კარებთან დაგებულ ხალიჩაზე ფეხებს ისე დავაწმენდინებდით, როგორც ამას ჩვენ ვაკეთებდით. ამას მალე მიეჩვია და მისითაც აკეთებდა ძალზე მოხერხებულად, ჭკვიანურად და გონივრულად.

ასე რომ, ჩავერთეთ მიკის საბრუნავში მთელი ოჯახი.

იგი ჩვენი ოჯახის მეხუთე წევრი გახდა და სხვათა შორის არც ბოლოში იდგა მისი მოვლა-პატრონობის პრობლემები. ზოგჯერ, სპეციალურ საკვებსაც კი ვყიდულობდით, ავეუცერთ, ვბანდით, ვვარცხნიდით, ვასეირნებდით.

მოგვიანებით ჯაჭვიც შეუუძინეთ სატარებლად.

თავისდაუნებურად, იგი ჩვენს მოკრძალებულ ბიუჯეტშიც ჩაჯდა, მოვლა-პატრონობის განრიგსა და ყურადღების ცენტრშიც.

ასე ვთქვავთ „წილში“ ჩაგვიჯდა.

დილით ჩვენ – ყველანი გავდიოდით სახლიდან. მიკი მარტო რჩებოდა სახლში. სკოლიდან დაბრუნებულ ბავშვებს იგი ანტრესოლზე ასული ხვდებოდა, საიდანაც თავისით ველარ ჩამოდოდა.



თანდათან ისე წავიდა საქმე, პირველ რიგში მის ამბავს მოვიკითხავდით.

მივიჩვენე გაგვაცერთიანა.

ნაკლებად ვჩხუბობდით.

ჩვენი კამათის დროს იგი ან თავის სახლს მიაკითხავდა, ან ცალკე დაწვებოდა და გაიტრუნებოდა. გრძნობდა, რომ ამ შემთხვევაში იგი ზედმეტი იყო. მისი საქციელი ჩვენი განმმუხტავი იყო.

ჩვენ ეკლესიურად ვცხოვრობდით და ერთხელაც, კვირას, წავედით საზიარებლად.

მივი თან წავიყვანეთ, მაგრამ ეკლესიაში ხომ არ შევიყვანდით და ვფიქრობდით, რიგრიგობით ქუჩაში გვყოლოდა. გაგვახსენდა, იქვე ახლოს ნაცნობი რომ ცხოვრობდა. მივედით, აუუსხენით სიტუაცია და სიამოვნებით დაიტოვა.

დამთავრდა წირვა.

მივაკითხეთ მიკის.

დაღონებულები დაგვხვდნენ ჩვენი ნაცნობები. გვითხრეს, გარეთ გამოგვექცა და ვერსად ვიპოვეთო.

ჩვენც შეწუხებულნი წამოვედით სახლისკენ.

ბავშვები ტიროდნენ.

დასაკარგად ყველას დაგვენანა.

წაშლილები შევედით ეზოში.

ვხედავთ, მეზობლის გარაჟზეა მიბმული ჩვენი მიკი. მეზობლები დარაჯობდნენ, თან ეფერებოდნენ.

გავვოცდით, რადგან ეკლესია არც ისე ახლოს იყო, ბევრი სამანქანო გზაც უნდა გამოეფლო, თან მიკი პირველად წავიყვანეთ ასე შორს და გვიკვირდა, როგორ მოახერხა მოსვლა.



გავიხარენით.

მიკი თან გველაქუცებოდა და გვეფერებოდა, თან შეწუხებული წკმუტუნებდა. ალბათ, მის განცდებს თუ გვიყვებოდა.

საჭმელიც არ უჭამია.

ღამით არ დამაძინა მისმა კვნესამ. გალახული ბავშვივით სლუკუნებდა გულამომჯდარი და ცახცახებდა.

ავდექი და ჩავიხუტე.

ცოტა ხანში ჩაწყნარდა. ველარ მივატოვე და ლოგინშიც შემოვიწვინე.

მეორე დღეს უმცროსი ვაჟი მიკის ერთგულებაზე ლაპარაკობდა და ფერებ-ფერებით მიკის ესაუბრებოდა:

- მიკი, ის თუ იფიქრე, რომ მიმატოვესო, თავგანწირვით კიდევ ჩვენსკენ რატომ და როგორ გამოიბოლი?!
ამ მომენტმა კიდევ უფრო შეგვაყვარა მიკი. უმისოდ აღარ შეგვეძლო, მაგრამ ჩვენი ცხოვრების რიტმიდან ხომ არ ამოვვარდებოდით?!

მიკიც მოერგო ჩვენი ოჯახის წესებს.

როცა ბავშვები მეცადინეობდნენ, თვითონ იწვა გატრუნული. მაგრამ, როგორც კი განტვირთვის სიტუაციას იგრძნობდა, ანუ ბავშვების სხვა თემამზე გადალაპარაკებას გაიგონებდა, წამოხტებოდა, მაგიდის ქვეშ შეძვრებოდა (ბავშვები ერთ მაგიდასთან მეცადინეობდნენ) და ბავშვებს ფეხებზე ახტებოდა - სათამაშოდ იწვევდა მათ. განსაკუთრებით ბიჭის ჩათრევას ლამობდა და შარვლის ტოტზე ექაჩებოდა. ხანდახან, ბიჭი იღებდა ამ გამოწვევას და დარბოდნენ მაგიდის ირგვლივ. როცა მიკი ვერ ეწეოდა, შემობრუნდებოდა და წინიდან დაუხვდებოდა, ხან მაგიდის ქვეშიდან გზას მოუჭრიდა. მომენტალურად გვახალისებდა მისი საზ-



რიანობა. გასავათებამდე არბენინებდა ბიჭს, სანამ ტახტზე არ გაგორდებოდა დაღლილი. ჩემი ბიჭის სირბილით გადაღლა კი თითზე ჩამოსათვლელად თუ გაგვახსენდება.

მიკი გრძნობდა და მიხვდა, რომ მე ოჯახის უფროსი ვიყავი, რომ ჩემი სიტყვა კანონია.

როცა, ბავშვები ანტრესოლზე ასასვლელად ეპატიჟებოდნენ, მიკი კიბეზე წინა ფეხებით შედგებოდა და მე შემომხედავდა, ჩემგან ელოდა ნებართვას. როცა ვიზას ვერ იღებდა, განაწყენებული მის კარავთან დაწვებოდა.

ან კიდევ, საღმე წასვლას თუ ვაპირებდით და ბავშვები ეუბნებოდნენ წავიდეთო, არ გაინძრეოდა; მე რომ ავდგებოდი და ვიტყოდი, წავიდეთ-მეთქი, მაშინ წამოხტებოდა და კარებთან პირველი მიირბენდა.

როცა ბავშვებს მკაცრად და ხმამაღლა ვუწყებოდი, იგი გარბოდა მის კარავში, შიგნით დაწვებოდა და სიტუაცია რომ ჩაცხრებოდა, მაშინ გამოყოფდა თავს გარეთ და მე მიყურებდა. თუკი გაველაპარაკებოდი, გახარებული გამოვარდებოდა კარავიდან და ფეხებზე ლაქუსს დამიწყებდა; ხასიათს გამომიკეთებდა მისი საქციელი.

დიდ სასიკეთო საქმეს აკეთებდა მიკი.

ბავშვები ერთმანეთს მწვავედ აღარ უპირისპირდებოდნენ.

ოჯახში სიმშვიდე დამყარდა.

ერთმანეთთან დიდხანს გაბუტვის საშუალება და უფლება აღარ გვქონდა; ის გვაკავშირებდა და გვაერთიანებდა.

დიდხანს არ გაგრძელდა ჩვენი თანაცხოვრება.

დაბანის შემდეგ მე მას გავამშრალედი, ჩავფუთნიდი, ჩავათბუნებდი. ეს მასაც სიამოვნებდა და კარგადაც გამოიძინებდა.

ერთხელაც, ჩემი სახლში არყოფნის დროს, ბავშვებს დაუბანიათ და მალევე ებოშიც ჩაუყვანიათ.



გაცივდა.

დაინფიცირდა.

ინფექცია გაურთულდა თანდათან და დამბლა განუვითარდა. ექიმი უძლური დარჩა, მკურნალობამ ვერ უშველა. ვეღარ გამოკეთდა.

ბოლოს აღარც ჭამდა, იწვა და თრთოდა. ჩვენდა გასაოცრად, მას ფისო მიუწვა და არ სცილდებოდა.

ექიმის რჩევით, რადგან აღარ გამოკეთდებოდა, დავეთანხმეთ და „დააძინა“.

ბავშვებმა, ჩვენს სახლთან ახლოს, პორტის კედელთან „დაკრძალეს“.

გამოვიტირეთ.

დიდხანს გამოგვეყვა მონატრების გრძნობა და სინანულის ტკივილი.

12.11.2018 წელი.

თბილისი.

ცხოვრება ჭირღება

ჩემი სამი შვილისთვის ისეთი თავგადაკარგული საყრდენი ვიყავი, პიროვნულად გავისრისე.

თითქოს, მტვრად ვიქეცი.

უვარგისი და უმაქნისი გავხდი.

სამყაროს წევრი, აზროვნებაში სამყაროსგან ძალიან შორს ვიდექი.

თითქოს, სამყაროში სამყარო ამოვჭერი და გამოვეყვი ჩემთვის.

ჩემი სამყარო, მხოლოდ ჩემი შვილები იყვნენ. მათთვის ფუნქციონირებდა, ჩემი სხეულის სასიცოცხლო ორგანოები. ისი-



ნი მათკენ იყო მიმართული, მათთვის იმართებოდა ჩემი ტვინის უჯრედები, სისხლიც მათთვის მოძრაობდა ძარღვებში, ჩემი გულიც მათთვის ფეთქავდა, ფილტვებიც მათთვის ასრულებდა სუნთქვით ფუნქციას.

ახლა, როცა შემომეცალნენ, თითქოს მართვის პულტი გაითიშა და ვიგრძენი ამ ორგანოთა არსებობა და საჭიროებაც ჩემთვისაც.

როგორ შეანელეს მუშაობა?!

თურმე, მაშინ ჩემთვის კი არ მუშაობდნენ; ჩემში მუშაობდნენ მათთვის.

ახლა კი, მხოლოდ ჩემთვის, თითქოს ეზარებათ ან გადაღლილთ, აღარ შეუძლიათ ძველებურად შემართებით მუშაობა, ჩემი შევულისებება, ან გამხნევება.

პირიქითაც ვფიქრობ: მხოლოდ ჩემთვის მეზედმეტებიან კიდევ ისინი, რადგან ჩემი ფიქრით, მხოლოდ სიცოცხლე რა ბედენაა.

ცხოვრება მინდა!

აქტიური ცხოვრება მჭირდება!

09.04. 2021 წელი.
თბილისი.

წამოყოლილი

გაბაფხულ-ზაფხულობით, დილაადრიანად, მთაწმინდის პარკში ვვარჯიშობდი და იქედან, „მამა დავითის“ გავლით, ფეხით ჩამოვდიოდი რუსთაველის მეტრომდე – სახლამდე.

პარკიდან მომავალს იშვიათად შეგხვდება ვინმე, ისიც მხოლოდ ჩემნაირი, სუფთა ჰაერის მაძიებარი.



როცა ტყის ყვავილებიცაა, ვიცი ხოლმე გზადაგზა მოკრეფა და სახლში წამოღება. ლარნაკში ვდებ და ოთახს სიახლეს ვძენ.

ერთხელაც, ფეხითმავალთათვის ჩვეული გზით ჩამოვდივარ, სპეციალურად გაკეთებულ ბილიკზე და მოაჯირებიან ქვაფენილზე.

უკვე ბაფხულია.

ყვავილების ჭაჭანება არ არის.

ძირითადად ბილიკს ვუყურებ, რადგან შიგადაშიგ კიბეებია და რომ არ წავფორხილდე, ან უარეს შემთხვევაში, არ ჩავენარცხო თავდაღმართში.

უცებ, უკან მივიხედე, თითქოს ვიღაცის თვალთამშერას რომ გრძნობ, აი ისე.

არაფინაა.

მოაჯირთან კი, მკაფიოდ ჩანდა, ქვაფენილზე „თავგადმოყოფილი“, ერთ ფსიორა ღეროზე დასკუპული, გრამაფონის მაგვარი ორი ყვავილი; თეთრად მომეჩვენა, თორემ... ახლოდან ოდნავ მოვარდისფროც ერეოდა.

ეს იყო ძახილი თუ თვალთამშერა მომუდარე ყვავილისა, რომელიც წამოყოლას მთხოვდა.

დაუფიქრებლად ძირამდე მოვწყვიტე და სახლში, სხვადასხვაგვარ მინდვრის ყვავილებიან ლარნაკში, ეს ერთი ღეროც ჩავამატე.

სალამოპირას, ეს უცნაურად წამოყოლილი ყვავილის „გრამაფონი“, ქოლგასავით დაიკეცა.

შეიძლება ის მძინარა ყვავილთა ოჯახის კატეგორიას მიეკუთვნებოდა, მაგრამ მე მომეჩვენა, რომ მას მისთვის სასურველ და ყურადღებიან გარემოში, მშვიდად ჩაეძინა.

28.06.2021 წელი.

თბილისი.



სიმშვიდის და ბედნიერების გარანტი

ვწერ არა სხვისი მიმბაძველობით, არამედ, როცა ფიქრები მამათრახებს, არ მინდობს და თავს არ მანებებს.

წერა ამოსუნთქვის საშუალებაა; გამანადგურებელი ფიქრების ჩამოშორებაში მეხმარება.

მერე, სხვა ფიქრები წამოყოფს თავს და ის მთრგუნავს, სამამ არ ამოვირეცხავ გულს წერით და ა.შ.

თუკი პერსონაჟი თავს აღწევს დაბრკოლებებს პატიოსნებით, ალალ-მართალი შრომით და ცხოვრება გადაჰყავს ბედნიერებისკენ მიმავალ რელსებზე, სადად მოაზროვნე მკითხველს არ შეიძლება, არ მოეწონოს. თანაც, ჩემი ნაწერები, ჩემი სისხლი და ხორცია, ჩემი ჯგუფის სისხლითაა ნასაზრდოები.

წერა არის ჩემი სიამოვნებაცა და თერაპიაც.

წერა მახედნიერებს.

ჩემი ჩანაწერები სიყვარულით გაჟღენთილი არაა.

ერთადერთი, ნეკერჩხლის სიყვარულს ვერ „გავექეცი“ და სიყვარულის ალში გახვეულმა, განცდა და განწყობა, იმჩამსვე, გზაშივე დავწერე.

ალბათ, ნამდვილი სიყვარული რომ განმეცადა, სიყვარულის ნაკადულს ავარაკრაკებდი ჩემს შემოქმედებაში.

გავმართავდი სასიყვარულო ნადიმს. სადაც გაცოცხლდებოდნენ სიყვარულით გაჟღენთილი „ანბანური ინტეგრალების“ პერსონაჟები.

•

მართალია, დღეს წერაა ჩემი სულის თერაპია და გადამრჩენი. იგი, ჩემი მეგობარიცაა, მსმენელიც და ერთგული მესაიდუმ-



ლევ. მაგრამ... სხვაზე დახმარებაც იყო და დღესაც არის ჩემი სულის თერაპია, ოღონდ ვიგრძნო, რომ ვილაყას ძალიან ვჭირდები. ეს ზარმაცზე, წამოგორებულ მცონარაზე დახმარებას არ გულისხმობს.

ასეთი ვიყავი ბავშვობიდან. მეგობარს, ახლობელს ან უცნობსაც თუკი ვჭირდებოდი, თუნდაც ჩემი საქმის გადადების, დროებითი დაბრკოლების ფასად დავეხმარებოდი.

მიყვარდა მოხუცებთან, უფროს ადამიანებთან ყოფნა, მათგან გაქცევაზე არ ვფიქრობდი. მათთვის დამხმარეც ვიყავი და კარგი მსმენელიც.

ყველა ასაკოვანი, თავისებურად ბრძენია, გამოცდილების ხარჯზე მაინც. მათთან ყოფნა ჩემი სულის საზრდო იყო და არის.

•

ბედნიერი ვიყავი ამ ჩემი თვისების გამო და ახლაც ისეთი ბედნიერი ვარ?!..

ბედნიერებაა, როცა რაიმეს აკეთებ და მასში შეჯიბრის სუნ-თქვა არ იგრძნობა.

შეჯიბრის გარეშე: შრომაც, სწავლაც, მოღვაწეობაც ბევრად უფრო ნაყოფიერია და ბედნიერს გხდის.

სწორედ, ამ თვალსაზრისითაც მასულდგმულებს ჩემი წერა.

შეჯიბრი ადამიანს ბოღმავს, თუ წააგო, ხოლო ამპარტავნება ეუფლება, თუ მოიგო.

შრომისმოყვარეობით მუდამ ჩემს თავს ვეჯიბრებოდი და არსებულზე უკეთესი მსურდა ვყოფილიყავი. ეს თვისება სიმშვიდეს მანიჭებდა, გაწონასწორებულად ვიყავი და მიღწეულით კმაყოფილიც.

ვმუშაობდი და ვსწავლობდი, რაც შემეძლო და როგორც შემეძლო. მათემატიკის სწავლა სიამოვნებას მგვრიდა და გაკვე-



თიღბეც თავს ბედნიერად ვგრძნობდი. ისტორია არ მეხერხებოდა, ამდენად, წარმატების ზენიტს ვერ ვაღწევდი და არც ვიბრძოდი ამისთვის. უმაღლესი შეფასების მეზობლობაც მაკმაყოფილებდა.

ის, რომ სხვაზე შეჯიბრი არ მიყვარდა, ცხოვრების სხვა სფეროებზეც გავრცელდა. ჩემი თანაკლასელები, თანაკურსელები, თანამშრომლები გაცილებით უკეთ ცხოვრობენ ეკონომიურად. მე კი – ძალიან უბრალოდ, მაგრამ ეს არ მანერვიულებს, რატომღაც.

შემოქმედებითი უნარები მავსებს თვითკმაყოფილებით.

ყველა უკიდურესობაზე ვერც წავალ და ვერც ვიბრძოლებ მატერიალური კეთილდღეობისთვის. მხოლოდ აუცილებელს შევიძენ, დანარჩენი ფუფუნებისთვის არ ვიხარჯები.

სულის საზრდოსთვის კი ფულს არ ვიშურებ, საკვების ხარჯზეც კი.

მოკლედ, მე ბავშვობიდანვე მივაგენი სიმშვიდის და ბედნიერების წამალს.

უტყუარი და შედეგიანი თერაპიაა მხოლოდ შენს თავთან და კეთილდღეობასთან შეჯიბრი.

ანუ...

სხვას თუ არ შეეჯიბრები, იცხოვრებ მშვიდად და ბედნიერად.

24.01.2022 წელი.
თბილისი.





ჩემი წარსული სხვისთვის წასულია



კლვას ქეხი მოჰყვება

რა დამავიწყებს: იმ ავბედითმოსილ 1977 წლის 11 სექტემბერს, შავი ღრუბლით დაიფარა ზეცა ჩვენი სახლის სახურავზე. მეხმაც არ დაახანა, რაც ელვას(დეპეშას) მოჰყვა და სახურავიც ჩამოანგრია.

ყველა სულიერს წალეკვით დაგვემუქრა.

აქეთ-იქით ვვკახებოდით უმწეო უსუსურნი საშველად.

საშველი კი არ ჩანდა.

ელვა-დეპეშის შინაარსი: „ბერინგის სრუტეში, შტორმის დროს, სატვირთო ბარჟა, გემის ძირითად ნაწილს მოწყდა და სხვათა შორის, ბადრი ჩხაიძეც დაიღუპა (50%)“, არ იცვლებოდა. სასწრაფო დახმარების ბრიგადა მობილიზებული იყო ჭირისუფალთა მოსასულიერებლად.

მე, სტუდენტ გოგონას, ჩვენი ოჯახის ორმა მეგობარმა, მეზობელმა მამაკაცმა მანქანით ჩამომაკითხა ქუთაისში, სახლში წასაყვანად. მოტივაცია ასე მომაწოდეს: მამაშენი სახურავს აკეთებდა, გადმოვარდა, ფეხი მოიტეხა და შენ განტრულობსო. ცოტა უცნაურად მეჩვენა, რადგან მამაჩემი ის ადამიანი არ იყო, მისი ავადმყოფობის გამო სწავლას მოვეწყვიტე; ამიტომ თვალე-



ბიდან გადმომსკდა ცრემლი, მამაჩემი ალბათ აღარ არის-მეთქი. გზადაგზა, სულს რომ მოვითქვამდი, კითხვებს ვაყრიდი მეზობლებს მამაჩემის შესახებ - დეტალების დაზუსტებას ვცდილობდი. პასუხს მწირს ვღებულობდი.

ჩემი მეგობარი გოგონა, რომელიც თან მომყვებოდა, ხმას არ იღებდა. მისი ღუმილიც მაკვირვებდა. თურმე ის ინფორმირებული იყო სინამდვილით და აღარ მსახიობობდა.

მივაღწიეთ გურიას, ლანჩხუთის რაიონს.

სოფელ შუხუთის ცენტრიდან ჩემი სახლისკენ გადავუხვიეთ. მღელვარებამ იმატა, მამაჩემი ძძიმედ თუა დაშავებული, საავადმყოფოში რატომ არ მივდივართ-მეთქი?! ამასობაში სახლს მივუახლოვდით.

ვხედავ ჭიშკარი ბოლომდე ღიაა.

ეზო გადავსებულია ხალხით.

აჰა, მამაჩემი მკვდარი ყოფილა-მეთქი, გავიფიქრე და... ტირილ-სირბილით გავექანე სახლისკენ. სახლთან მისულმა დავინახე, მამაჩემი სახლის გვერდიდან, ჩემს შესახვედრად გამობოდა; მისი ძლიერი მკლავები შემომხვია და გულში ჩამიკრა.

გაურკვევლობაში აღმოვჩნდი.

წამიერად დავმშვიდდი.

მამაჩემი ცოცხალი ყოფილა-მეთქი, გავიფიქრე და ცრემლიც შეშრა. ამ წამმა, სტრესსა და ცრემლს სჩქარე და მიმართულება შეუცვალა.

აზრები აირია.

ალბათ დედაჩემი?!...

აბა სახლში ვისზეა ვაი-ვიში? ჭირისუფალთა დიდი ოთახის კარებთან შევჩერდი. დედა აქ არის და რომ დამინახა მომაკვილა:



– დიდუუ... ციცილოც ჩამოვიდა შვილოო! დეიქვა ჩენი ოჯახი!.. ახლა ჩემს დაზე გადავიტანე ფიქრი; გავიხედე და ისიც აქ ბის განადგურებული.

ბადრი არა და არ მოდიოდა ფიქრში.

გაოგნებული ვიდექი ღია კარებში.

დასვენებული არავინაა.

კედელთან მსხდომ ჭირისუფალთ კიდევ მოვაველე ირგვლივ თვალი.

ყველანი სახეზეა.

არავის არ წამოსცდა დასატირებლის სახელი; თითქოს ვერ მამჩნევენ; საგანგაშო გლოვის ზარი არ ცხრება.

– გაოგნებული ვიდექი ღია კარებში და დაბნულმა ვიყვირე: კი, მაგრამ... რა ხდება? ვის დასტირით? – პასუხი არ ჩანდა.

სამჯერ მაინც ვიკითხე უშედეგოდ.

ბოლოს, დაბნულმა, უფრო ხმამაღლა ვიყვირე:

– აღარ იტყვიო, რა ხდებააა?

– ვის დას-ტი-რით?..

ახლა კი დედაჩემმა მოიკრიბა ძალა, უთავბოლო წივილ-კივილი შეაჩერა და როგორც იქნა შემომკვივლა:

– ბადრის!

ეს მოულოდნელობა ყოველგვარი მოსალოდნელობების ზღვარს გადასცდა და... გავშეშდი.

ტრაგედიის შესაბამისად მინდოდა მეყვირა, მაგრამ ხმა ჩამივარდა, ყელში რაღაც გამეჩხირა, თითქოს ენაც გამისივდა და პირში ვეღარ ვაბრუნებდი. სკამზე, როგორღაც, დამსვეს. მინდა ვიყვირო, მაგრამ ხმას ვერ ვიღებ. ისე დამემართა, სიზმარში რომ გვემართება-ხოლმე ადამიანებს, ემოციის გამოხატვა რომ



არ შეგვიძლია. ხელის თითები გამიშეშდა. მგონი ამოვიხრიალე რაღაც, გაურკვეველად.

ამ ჩემს ამოხრიალებაზე და შეკავებულ რეაქციაზე მამაჩემმა სახეში სილა ძლიერად გამაწნა ყურადღების მისაქცევად, სხვა-ნაირად რომ ვერ გამაგონა და ძლიერად ჩამძახა:

– მამა! ჯერ არ ვიცით, დაუბუსტებელი ინფორმაციაა მოსული!

– პასუხს ველოდებით.

და... ცოტა ხმასაც დაუწია.

ეს ღმერთის ჩამოძახილის ტოლფასი იყო.

გამოვერკვიე წამიერად.

ცნობიერად შევხედე მამაჩემს.

იგი, აგრძელებდა ჩემს დამშვიდებას.

თურმე, ჩემს ჩამოსვლამდე, შიშმა შეიპყრო, ციციხო სუსტია და ამ ამბავს არ შეეწიროსო. ამიტომაც, გონებრივად მობილიზებული და მხნედ შემხვდა. ისე შთამბერა იმედი ბადრის დაბრუნებისა თვითონ იმედგადაწურულმა, რომ მე იმედით გავყურებდი შარას და გავყურებ დღესაც, როგორ სისულელედაც არ უნდა ითვლებოდეს სხვისთვის.

ვიღაცამ, მსგავს საქმეში ჩახედულმა, ელვა-დეპემის შინა-არსი უშიშროებას გააშიფრინა და აღმოჩნდა, რომ მართლაც, სავარაუდო ცნობა ყოფილა. რადგან, სხვა მეზღვაურების მსგავსად, ბადრი ვერ იპოვეს ახლომახლო კუნძულებზე გარიყული. ივარაუდეს, რომ იქნებ ამერიკის კუნძულზე გაირიყა და იქ დარჩესო.

ასე რომ, იმედიანობა და იმედგაცრუება ისე ენაცვლებოდა ერთმანეთს?! პინებიან სასწორზე მყოფთ, ხან ერთ მხარეს გადაგწონიდა, ხან მეორე მხარეს.



•
დედაჩემი, გამუდმებულ მოლოდინის რეჟიმში ცხოვრობდა. ჭიშკრის ხმაზე, გვეტყოდა:

– გაიხედე, ბადრი ხომ არ მოვიდა?!

აივანზე მჯდარი, ჭიშკრისკენ მომავალ კაცს თუ შენიშნავდა, სათვალეს მოიმარჯვებდა, ნეტა ბადრი ხომ არ არისო?!

მან იმედგადაუწურავად გალია წუთისოფელი და 2 000 წელს ბადრიზე მომლოდინე თვალებით უფალს მიაბარა სული.

მამაჩემი, ჩემი იმედის სულის შთამბერავი, პიკის საათის გარეშე მუშაობდა. რომ დავჯექი და დავისვენე, ფიქრმა შემაქანაო, გამომიტყდა ერთხელ, ამიტომაც, გასავათებამდე ვმუშაობო.

ოჯახში მოსაგვარებელ დიდ საქმეებს გადადებდა, ბადრი რომ ჩამოვა, ერთად გავაკეთებთო. ამით ჩემი იმედის ხეს წყალს უსხამდა და თვითონაც, იმედგაცრუებას სილას გაულაწუნებდა.

სახლის წინ მდგარ ვაშლის ხეზე გასულ, მუდამ კარგადმსხმოიარე ადესა ყურძენს არ ჩამოკრეფდა, ბადრი თუ ჩამოუსწრებს, მან მოკრიფოს და თუკი ვერა – ჩამოიაროსო, ანუ განიავდესო.

•
ავადსახსენებელი თერთმეტი სექტემბრის შემდეგ დაიწყო მომხდარი კატასტროფის მიზეზების გამოკვლევები, სიტუაციაში გარკვევის პერიოდი. მიმდინარეობდა გადარეკვები ვლადივასტოკის სანაოსნოში მომხდართან დაკავშირებით.

ამასობაში ერთი თვეც გავიდა.

ინსტიტუტი ვილას ახსოვდა?!

ბოლოს მამაჩემი და კიდევ ორი ახლობელი ადამიანი გადაფრინდნენ ვლადივასტოკში, საზღვაო სანაოსნოს სამმართვე-



ლოში, წარმომადგენლობასთან და გემის ეკიპაჟთან შესახვედრად, სიტუაციაში უკეთ გასარკვევად.

მე ქუთაისში დაბრუნდი დამძიმებული, ბურუსშემოსილი სულით, ინსტიტუტში სწავლის გასაგრძელებლად. იყო უამრავი პასუხდაუბუსტებელი შეკითხვა.

ცივი ნოემბერიც დადგა.

ვლადივასტოკიდან ჯერ დაბრუნებულები არ იყვნენ.

მოულოდნელად ბრმა ნაწლავის ტკივილმა შემომიტია. მდგომარეობა ისე გართულდა, რომ მარჯვენა ფეხის ზიდვა-ტარება მიჭირდა. ჭამის მდაც დავკარგე და ხანდახან გულისრევის შეგრძნებაც მომეძალებოდა. ჩემს ავადმყოფობაზე ხაზგასმა და ყურადღების გამახვილება გადაჭარბებულად მეჩვენებოდა ჩვენი ოჯახის უზარმაზარი ტრაგედიის ფონზე და სულგრძელად ვიტანდი გაუსაძლის, უწყვეტ ტკივილებს.

შაბათი დღე იყო. დილიდანვე გულისრევის შეგრძნებით გამეღვიძა, რომელიც ინსტიტუტში, ლექციაზე გამომძაფრდა, თუმცა მშვიერი ვიყავი. ორჯერ გავედი გარეთ გულის „ამოსასუფთავებლად“, მაგრამ უშედეგოდ. მესამედაც რომ ვითხოვე ლექციიდან გასვლა, ლექტორი დაინტერესებულა, რა სჭირსო და თანაკურსელ გოგონას, რომელმაც იცოდა ჩემი წუხილის მიზეზი, აუხსნია სიტუაცია და ოჯახის ტრაგედიის გამო ექიმთანაც არ მიდისო.

ლექტორს გონიერება გამოუჩენია, ჩემდა სასარგებლოდ და სასწრაფოს გამოუძახა თურმე. ლექცია მთავრდებოდა, როცა სასწრაფო დახმარების ექიმები შემოვიდნენ აუდიტორიაში. მე ვავიხედ-გამოვიხედე, ვეძებდი ადრესატს, თუ ვინ იყო ავად.

გაოცებული დავრჩი, როცა ლექტორმა ექიმებს ჩემზე მიანიშნა:



- ეს გოგონაა ცუდად!. მზრუნველობით სიურპრიზებს მხოლოდ ბადრისგან ვიყავი ჩვეული.

ექიმებმა, აუდიტორია დაცალეს, მაგიდაზე დამაწვინეს, გამსინჯეს და დაასკვნეს:

მწვავე აპენდიციტია, სასწრაფოდ საოპერაცია და სასწრაფოდაც გადამიყვანეს, ქუთაისის რკინიგზის საავადმყოფოში.

თანაკურსელთა ნაწილიც წამომყვა. დეკანატიდანაც დაუვალეზიათ, თუ რაიმე გართულება წარმოიშვება, საქმის კურსში ჩაგვაყენეთო.

•

სავადმყოფოში, შაბათი დღის, მხოლოდ მორიგე ექიმი დაგვხვდა.

ოპერაცია გადაუდებლად სასწრაფო იყო, ამიტომ საოპერაციო, სისხლის ანალიზის აულებლად, შემიყვანეს.

რადგან აპენდიციტი იყო პრობლემა და რადგანაც სუსტი გოგონა ვიყავი, თავდაპირველად, იოლ პროცესად ჩათვალეს და ოპერაციის პასუხისმგებლობა მორიგე ექიმმა თავის თავზე აიღო.

ადგილობრივი ანესთეზია გამიკეთეს.

შუა ოპერაციის დროს, რაღაც მითქმა-მოთქმა დაიწყო. დამხმარე ექიმი და ექთანი, გარეთ გადი-შემოდოდნენ. ჩემს გასაგონად არა, მაგრამ დერეფანში ამბობდნენ თურმე, რომ საქმე ცუდადაა, ბრმა ნაწლავს ექიმი ვერ პოულობს, გოგონას რა სჭირს გაურკვეველიაო. საცოდავი 22 წლის გოგონას გადარჩენა სასწორზე დევსო.

შეწუხდნენ თურმე თანაკურსელები. მთავარ ექიმთან შესულან, მოუყოლიათ ოჯახის ტრაგედია და სიტუაცია. ახლა ამ-



ასაც რამე რომ დაემართოს, ხომ მთლად დაიქცევა ოჯახიო. ჩვენგან თუ რაიმეა საჭირო, გვითხარით და გავაჩენთო, თანხა-ზეც მიანიშნეს თურმე.

დროც არ ითმენდა. ღია ჭრილობით სადამდე ვიქნებოდი სა-თპერაციოში?!

მოვიდა გამოძახებული საუკეთესო პროფესიონალი ექიმი – მარსელი.

დამაძინეს ეთერის ხუფით.

თურმე, გაჭირვებული და დაჩირქებული ბრმა ნაწლავი, სამ-ველად ღვიძლს შეჭფარებია და მასთან დაუდვია ბინა, მას შე-სისხლხორცებია.

თუმცა, ექიმი მარსელი სიტუაციაში მალე გაერკვა, მიაგნო „გადამალულ“ ბრმანაწლავს, ოღონდ ამოკვეთისას გაუსკდა და ჩირქი მუცლის ღრუში ჩაეღვარა, რისთვისაც ჭრილობაში ჩატა-ნებული იყო „დრენაჟი“.

დასასრულს, მახსოვს ახალგაზრდა ბიჭი ექიმი, შემდგომში ჩემი მკურნალი, უკვე პალატაში, სახეში ხელს მილაწუნებდა და თან სახელს ჩამძახოდა გამოსაფხიზლებლად. როგორღაც გავა-ხილე თვალები ცნობიერად, ექიმმა ირგვლივ მყოფთ უთხრა:

– ყველაფერი კარგადაა! და... პალატა დატოვა.

•

ჩემთან დაკავშირებით, ყველაზე მთავარი, თურმე აწი იწყე-ბოდა, რაც, სულთა კავშირმა, სიზმრით გვაუწყა ერთსა და იმავე ღამეს: მამაჩემს ვლადივასტოკიდან ჩემებთან დაურეკია, ციცილო ცუდად მესიზმრა და რა ხდებო?! თუმცა, ჩემებმა ჯერ არაფერი იცოდნენ.



მე კი იმავე ღამეს, აი რა ვიხილე სიზმრად: სოფელში ხმა და-
ირხა, ბადრი მოდისო. ყველანი ქუჩაში გამოფენილიყვნენ ბად-
რის მოლოდინში. მე ქუჩის მეორე მხარეს ცალკე ვიდექი. კარგა
ხნის ლოდინის შემდეგ ბადრიც გამოჩნდა. მეზობლებმა სიხარუ-
ლის ემოცია ხმამაღლა გამოხატეს, უნდა ჩახუტებოდნენ, მაგრამ
ბადრი ჩემსკენ გამოემართა, გადამეხვია და მათ მიმართა:

- მე კარგად ვარ, ციცინოს სჭირდება თანადგომა და თა-
ნავრძნობაო.

ასე რომ, სულიერი კავშირებისთვის მანძილის ბარიერი არ
არსებობს.

მოვლენები ასე განვითარდა: რამოდენიმე დღეში მაღალი
სიცხეები დამეწყო, ჭრილობა გაშავდა - გაფუჭებულ ხორცს და-
ემსგავსა და ექიმა ძაფები აჭრა. ჭრილობა ნებაყოფლობით გა-
იხსნა და ბლანტმა ჩირქმა იწყო გადმოღვრა. ისევ ატყდა ჩემს
გარშემო საგანგაშო პანიკა და ფაციფუცი. მოწამვლის პროცესის
წინააღმდეგ (ჩასახშობად) იბრძოდნენ ექიმები. მუცლის ღრუს
მარილიანი ტამპონებით ასუფთავებდნენ, პენიცილინით ამუშავ-
ებდნენ, ტამპონებს ტენიდნენ ჭრილობაში, ანტიბიოტიკებს მიკე-
თებდნენ კუნთში; წვეთოვანი გადასხმით კვებავდნენ და თან
ფილტრავდნენ ორგანიზმს.

როგორც კი დაბრუნდნენ ვლადივასტოკიდან ბადრის ინფორ-
მაციით გაწბილებული მამაჩემი და ჩემი დეიდაშვილი, მაშინვე ქუ-
თაისში გაჩნდნენ ჩემთან, საავადმყოფოში. ქალაქის საუკეთესო
ექიმები ჩართეს, ჩემი ჯანმრთელობის გადასაკონტოლებლად.

მამაჩემი ძალიან ღელავდა. ბადრიზე წუხილი ჩემმა მდგომა-
რეობამ ჩაანაცვლა.



ერთის მწუხარებაზე მეორის დამატება მეტისმეტი იქნებოდა. ჩემი სიცოცხლის კრიტიკულ ზღვარზე დგომა საფუძველი გახდა, ბადრის დაკარგვით გამოწვეული უკიდევანო სტრესი ჩარჩოებში მოქცეულიყო და გადანაწილდა ჩემი დაკარგვის მოსალოდნელობის შიშზე.

მშობლები ლოცულობდნენ: – უფალო, ციცინოს ნუ გამოგვაცლი ხელიდანო.

მდგომარეობა ნელ-ნელა უმჯობესდებოდა.

18 დღე გაუნძრევლად ვიწეეი საწოლში. ფეხის ქუსლები ძალიან მტკიოდა. თავმდგმური სადღელამისოდ მჭირდებოდა. ეს ტვირთი თანაკურსელებმა იტვირთეს.

ჩვენი ინსტიტუტი, საქართველოში არსებული სასწავლებლებიდან, გამოირჩეოდა მკაცრი დისციპლინით. გაცდენებისთვის, აკადემიურ მოსწრებაში ჩამორჩენისთვის და სიგარეტის მოწევისთვის ინსტიტუტის ტერიტორიაზე, რიცხავდნენ ინსტიტუტიდან (სიგარეტისთვის – თანამშრომლებსაც). ასეთი მკაცრი გარემოს მიუხედავად, ჩემს სიტუაციასთან დაკავშირებით, დეკანატი საოცრად ღმობიერი, გულისხმიერი და ყურადღებიანი აღმოჩნდა. დღის განმავლობაში თანაკურსელები ჩემთან რამდენჯერმე მოდიოდნენ, ჯგუფურადაც, საჭიროების შემთხვევაში რომ დამხმარებოდნენ, ან მოეტანათ რაიმე; მესაუბრებოდნენ, თითქოს, მიხალისებდნენ ყოფას მრავალმხრივი ტკივილებისგან, მიმსუბუქებდნენ სულიერ განცდებს.

საავადმყოფოშიც იყო შეშვებაზე შეზღუდვა, მაგრამ ჩემს სახელსა და გვარს რომ ეტყოდნენ, ეს იყო ვიბირებისთვის უტყუარი საბუთი, იმიტომ კი არა, რომ მე საპატიო, ავტორიტეტული პიროვნება ვიყავი, ან ცნობადი „პროტექე“ მყავდა, არა,... მე ვიყავი



ავადმყოფი სტუდენტი გოგონა, ამ შემთხვევაში ოჯახურ ახლობლებს მოკლებული.

ჩემი ჭირისუფალი თანაკურსელები იყვნენ.

გოგონები თავმდგმურის ფუნქციას ასრულებდნენ, დღე-ღამის განმავლობაში ერთმანეთს ენაცვლებოდნენ. ბიჭები კი მკურნალ და მთავარ ექიმთან ჩემი ჯანმრთელობის მდგომარეობას აზუსტებდნენ ცუდად ყოფნის პერიოდში, თანხის საჭიროებასაც არ გამორიცხავდნენ, ოღონდაც გადარჩესო.

როგორც იქნა გამოჯანმრთელებაში წინსვლა იგრძნობოდა, სიცხემაც დაიწია, ღია ჭრილობამაც ამოხორცება დაიწყო მუცლის ღრუდან. უკვე სახლში გამოწერაც შეიძლებოდა და მკურნალობის გაგრძელება პოლიკლინიკაში ექიმის კონტროლის ქვეშ.

მამაჩემმა, თუმცა ბადრის შესახებ საიმედო და ხელმოსაჭიდი ამბავი ვერაფერი ჩამოიტანა, ეკიპაჟსაც კი ვერ შეხვდა, რადგან გემი უკვე რეისში გასულიყო და 2-3 თვე პორტში არ დაბრუნდებოდა.

ჩემი გადარჩენა, რა თქმა უნდა გაუხარდა. სიხარულის ცრემლებმა თქვეს სათქმელი. ქალაქის საუკეთესო ექიმებმა დაადასტურეს, რომ საშიშროება აღარ მემუქრებოდა, რომ ყველაფერი გამოსწორებულია, კრიტიკული მდგომარეობა ორგანიზმმა გადალახა.

მთელი ჩემი გარემოცვა უზომოდ გახარებული იყო. ყველა სახეგაბადრული შემოდის და ჩემთან. მედპერსონალმაც აღიარა, რომ რაღაც პერიოდში ჩვენც უიმედობას ვყავდით შეპყრობილიო, რომ შენი ორგანიზმი ძალიან დაგვეხმარაო.

მამაჩემმა საავადმყოფოდან გამოწერის დღისთვის, სოფლიდან ჩამოიტანა პურმარილი: შემწვარი გოჭი და ქათამი, მოხარ-



შული ინდაური, ხაჭაპურები, ღვინო, არაყი, ჭადები, ყველი, მჟავე, მწვანელი, ... ხილი, ჩურჩხელები (ამ ყველაფერში დედაჩემის უზარმაზარი შრომა, რწმენა, ლოცვა და სიყვარული იღო). ექიმებთანაც არ დარჩენილან ფულად ვალში. ეს პროდუქტიც ექიმისთვის უნდოდა მიერთმია, მაგრამ მე გადავამისამართებინე თანაკურსელებისკენ, რადგან მათი უანგარო თავდადება იმსახურებდა ღირსეულად ჩაქეიფებას.

სიარულის უფლება რომ მომცეს, პირველად ადგომაც გამიჭირდა. დადგომა რომ ვისწავლე, მერე ნაბიჯის გადადგმაზე მომიხდა მუშაობა, რადგან ფეხებს მიზანმიმართულად ვერ ვდგამდი. ნელ-ნელა ესეც დავხვეწე.

ვფიქრობდი, საავადმყოფოდან გამოსვლის მომენტისთვის მთელი ჯგუფი მოვიდოდა და ერთსულოვნების პატივით საბოლოოდ დამამშვენებდნენ, მაგრამ, ჩემდა გასაკვირად, მხოლოდ ერთი გოგონა მოვიდა და ტანსაცმელი მომიტანა. ჩემს შეკითხვაზე, თუ სად იყვნენ დანარჩენები, მიპასუხა, არ ვიცი, რადგან კარგად იყავი, თავთავიანთ საქმეზე წავიდ-წამოვიდნენო. გამიკვირდა, თუმცა მაშინვე ვიფიქრე: სამი კვირაა თავიდან არ მომცილებიან და ახლა კარგად რომ ვარ, არ ჩათვალეს აუცილებლობად და საჭიროდ ჩემთან ისევ მოსვლა-მეთქი.

მივედით, ჩემს ნაქირავებ, პატარა ოთახში პურმარილით მე, მამაჩემი, ბიძაჩემი (დედაჩემის ძმა, რომელიც ქუთაისში ცხოვრობდა) და თანაკურსელი გოგონა, რომელსაც ვუთხარი, რომ მამაჩემმა პურმარილი ჩამოიტანა და დიასახლისთან ჩემი გადარჩენა ერთად აღვნიშნოთ-მეთქი. კარგი, სხვებსაც ვეტყვიო, თქვა და წავიდა.



ცოტა ხანში, სხვები მოვიდნენ ტაქსით, ჩვენს წასაყვანად გათხოვილი თანაკურსელის ოჯახში.

თურმე, მათი არგამოჩენის მიზეზი იმაში მდგომარეობდა, რომ ჩემი გადარჩენის აღსანიშნავად, ყველას თავთავიანთი სახლებიდან მოუტანია პროდუქტი, ვისაც რა მოეპოვებოდა.

ეს არა მარტო სიურპრიზი, არამედ გვირგვინი იყო მათი მზრუნველობისა, ანუ გულდია, გულკეთილი, უანგარო, ხალისიანი, კეთილი დამოკიდებულების მწვერვალი.

მოკლედ, ყველაფერი გადაუწყვეტიათ. მამაჩემის ჩამოტანილი პურ-მარილიც შევუერთეთ სტუდენტურს, საუცხოო სუფრა გაიშალა და საუკეთესო საღამოც გამოვიდა. თანაკურსელებიცა და მამაჩემიც კმაყოფილნი დარჩნენ და ბედნიერნიც. ბიძაჩემმა ხმამაღლა აღნიშნა:

- ეს ჩემი დისშვილი წყნარი, უთქმელი, მორცხვი გოგონაა და ყოჩად, როგორი ავტორიტეტი ჰქონია მეგობრებში!

•

ასე ლამაზად, მშვიდობიანად და მეგობრულ ატმოსფეროში შემოვრჩი წუთისოფელს სტუდენტობაში, ჩემი ძმის ტრაგედიით დამძიმებული და სიცილდავიწყებული.

ისე ვცხოვრობ, ყოველდღე მზად ვარ გასამგზავრებლად. არც ვალი წამყვება ვინმესი და არც მე მაქვს იმდენი, ვინმეს ჩემი ვალი ჰქონდეს.

ე.ი. ჩიტივით თავისუფალი ვცხოვრობ, ოღონდ, ჩიტივით ლაღი არ ვარ.

ერთადერთი, რის გამოც გული მწყდება წუთისოფელში ცხოვრებაზე, ის არის, რომ უსიყვარულოდ უნდა დავტოვო იგი.



სავარაუდოდ, ეს ჩემი მრავალმხრივ ძლიერი ხასიათითა და პრეტენზიული თვისებებითაა გამოწვეული.

•

ჩემი ძმის დაკარგვის ცნობამ ჩვენს ეზო-კარში ჩაახშო ყოველგვარი სიხარული, სიცილი, სიმღერა, წამღერება, გაღიმებაც კი. მზის ამოსვლამაც დაკარგა ხიბლი, თითქოს ჩიტებიც ძველებურად აღარ ჟღურტულებდნენ, იქნებ კი,.. და ჩვენ ვერ შევიგრძნობდით?!

ხილმაც გემო დაკარგა, თითქოს ყვავილებიც ძველებურად აღარ ხარობდნენ და კეკლუცობდნენ.

ყველაფერ კარგს, ლამაზს, სამხიარულოს ჩადრი ჩამოეთრა. თითქოს სასიცოცხლო არტერია გადაეკეტათ და სასუნთქი გზები ამოუქოლეს.

ეს არ იყო მითქმა-მოთქმით გამოხატული ტკივილი.

ეს იყო გულის ფუფქვა.

ჩაკვდა და ჩაჭკნა ყოველგვარი სიხარულის გამოხატვის ფორმა. გარედან კი არა, ჩვენში არსებობდა შინაგანი ძამოსილება, რომელიც ანშობდა სიხარულის ექოს.

რადგან არ იყო საფლავი და მისი მოვლით გამოხატული თვითკმაყოფილება მიცვალებულის მიმართ; რადგან არ იყო შავებით შემოსვა და ცრემლებით გამოხატული გლოვა; ჩვენსავე გულში იბექსნებოდა უზარმაზარი გამოუხატავი ტკივილი.

ეს იყო, გაურკვეველი დროით, მოთმინებით გაჯერებული ლოდინი.

მოთმინების დაკარგვის უფლება კი,.. არ გვექონდა.



- მშობლები დიდი ხანია მიიცვალნენ.
ლოდინის შეწყვეტა განაჩენია.
ლოდინი ჩემში გრძელდება.

09.06.2018 – 06.05. 2021 წწ.
თბილისი.

ვაძითხოვება დედაშვილ ლამარასთან

1970 წლის 6 სექტემბერი.

არც კი მინდა ამ წლის გახსენება.

იგი ხომ შენი უბედურების მომტანი იყო, ლამარა?!

რა სასოწარკვეთილებაში ჩაგვაგდო შენმა მოულოდნელმა ტრაგიკულმა ინფორმაციამ ყველა... მაშინ მე მეცხრე კლასში ვიყავი, სულ რაღაც თხუთმეტიოდე წლის. მას შემდეგ უკვე რამდენი ათეული წელი გავიდა და არ განელებულა ის სინანულის გრძნობა რაც შენმა დაკარგვამ გამოიწვია.

აი, ის ჩანაწერი, რომელიც შენი დაკრძალვის შემდეგ დავწერე ლამით, სახლში დაბრუნებულმა. (ტექსტი უცვლელია):

30 წელი.

რა პატარაა ეს რიცხვი მაშინ, როცა ადამიანის წლოვანებასთან და სიცოცხლესთან ვვაქვს საქმე!

30 წელი ადამიანს მხოლოდ იმისთვის გინდა, რომ მიზანს მიაღწიო, რომელიც ჯერ კიდევ ბავშვობიდან გაქვს დასახული. და როცა გახარებული და მიზანსმიღწეული ფიქრობ შემდგომ



წინსვლაზე, ფიქრობ მომავალ ცხოვრებასა და ოჯახის შექმნაზე, რა ძნელი და აუტანელი უბედურებაა ის, რომ სწორედ ამ დროს ინთქევი შავბნელ უფსკრულში.

შენც ხომ 30 წლის იყავი?! შენც ხომ იყავი მიზანმიღწეული?! მაშინ გინდოდა შენ სიცოცხლე, მაშინ ფიქრობდი მრავალ სიხარულზე, ბედნიერებაზე – ოჯახის შექმნაზე. არ დაგჭირვებია შენ ამაზე ბევრი ფიქრი, რადგან ბევრს უნდოდა ეტარებინა ცხოვრების უღელი შენთან ერთად.

თავს ბედნიერად გრძნობდი შენი მეუღლის, ანზორი დევიძის, გვერდით. რა იცოდი, შენ მართლაც საბრალოვ, ცხოვრებაში უმამოდ, ობლობაში აღზრდილო, მხოლოდ დედის ნუგეშით დაიმედებულო, რომ ამ უსაზღვრო ბედნიერებას უსაზღვრო უბედურება მოჰყვებოდა?! რატომ აღმოჩნდა ასე ხანმოკლე შენი ბედნიერება, როცა საკუთარი ძალებით გაფავდი ეკალბარდიან ცხოვრების გზებს?!

ნეტა, სულაც არ გაბედნიერებულებიყავი, თუკი ასე ხანმოკლე იქნებოდა იგი. სამი თვის ბედნიერება არაფერია ადამიანისათვის, მით უმეტეს შენთვის, როცა ძლივს ეღირსე ოცდაათი წლისამ. რად იყავი ასე ბედუკუდმართი, ჩემო სანუკვარო, ცხოვრებაში ერთადერთო, გამორჩეულად საყვარელო ადამიანო?!

1970 წელი რად შეიქნა შენთვის უბედურების მომტანი?! თუმცა, ეს წელი იყო შენთვის ბედნიერებისაც, რომელიც ამავე წელსვე წაგმწარდა.

ამ წლის მაისში გახდა ბედნიერი შენით საწყალი, შრომაში წელგაწყვეტილი დედა, ერთადერთი საამაყო ძმა და ჩვენ ყველა ახლობლები. ასევე უბედურები გავხდით ყველანი ა/წ ნ სექტემ-



ბერს, როცა დაღამდა, მზე მოეფარა მთებს და უკუნი ბნელი ჩამოწვა.

თურმე, შენტვის სამუდამოდ ჩაესვენა მზე, სამუდამოდ დაღამდა, სამუდამოდ ჩამოწვა ბნელეთი.

შენ ველარასოდეს შეეგებები მზის ამოსვლას, რომელსაც ყოველთვის აღტაცებული ხვდებოდი; ველარასოდეს იხილავ მზის ჩასვლას, როცა დღე-ღამე იყრება და ცა ვარსკვლავებით იჭედება. მერედა, როგორ გიყვარდა შენ ზაფხულის მშვიდ, ვარსკვლავებიან ღამეს თქვენს მოლიან ეზოში ძვირფას დედიკოსთან, ძმასთან და ხანდაზმულ ბებიასთან საუბარი, მაშინ ძილი მთლად გავიწყდებოდა.

ნეტავი, ხშირად გქონოდა შესაძლებლობა, დამტკბარიყავი ახლობლებთან საუბრებით, თუკი 30 წლის გული ველარ შეძლებდა ფეთქვას შენს მკერდში.

სამგლოვიარო ელვა-დებეშები გაჩნდა ყველა საახლობლოსთან. ვინ იფიქრებდა, რომ შენ გვიხმობდი არა ბედნიერების მისალოცად, არამედ სამუდამოდ გამოსამშვიდობებლად.

შენმა თანაკურსელებმა გასვენების დღეს მოგიტანეს უმაღლესი განათლების დამთავრების დამადასტურებელი დიპლომი, რამაც კიდევ უფრო დაამძიმა სამგლოვიარო სიტუაცია, რადგან შენ მის ხილვასაც ვერ მოესწარი.

არ შეიძლება კალამმა აღწეროს უსაზღვრო მწუხარების ის გრძნობა, რომელიც გამოწვეულია შენი ნაადრევად დაკარგვის გამო.

სამაგიეროდ სამუდამოდ დაგვიტოვე განუსაზღვრელი სიკეთე, სითბო და სიყვარული შენს ახლობლებს. იმდენი დაგვიტო-



ვე, რამდენის დატოვებასაც ვერ შეძლებდა და ვერ შეძლებს ბევრი ხანგრძლივი სიცოცხლის მანძილზე.

რა წაშლის, შენს ლამაზ, კეთილშობილ სახეს და სახელს ჩემს გულში.

ციცინო ჩხაიძე (15 წლის).
13 .09.1970 წელი.
გურია. შუხუთი.
კვირა. შუალამე.
ჩემი სამეცადინო მაგიდა.

შენი თბილი ბუნება და გულისხმიერება ახლობელთა მიმართ ამ წერილიდანაც ჩანს, რომელიც პატრიკეთში მომწერე სოხუმიდან, როცა სტუდენტი იყავი; მე კი თქვენთან ვცხოვრობდი და ვსწავლობდი მერვე კლასში.

ეს, მწვანე კალმით ნაწერი წერილი, ჩემთვის უძვირფასესი იყო შენს სიცოცხლეშიც.

ახლა კი, იგი ჩემთვის ძვირფასი რელიქვიაა. სანიმუშო გაკვეთილია, ახლობელთა მიმართ სიყვარულისა და გულთბილი ურთიერთობის გამომხატველი.

12.01. 2012 წელი.
ბათუმი.



მინიატურული ჩანაწერები



ანბანური კრიალოსანი

ჩემი პირველი წიგნი: „ანბანური ინტეგრალები“, რომელიც შედგება, ქართული ანბანის 33-ვე ასო-ბგერაზე აგებულ, პატარა-პატარა მინიატურა-მოთხრობებისგან, ჩემთვის, 33 ბურთულიანი სალოცავი ფსკვნილის ტოლფასია.

იგი, მართლაც კრიალოსანია: ოღონდ, სხვადასხვა ზომის, სხვადასხვა ფერის, სხვადასხვა ხარისხის, სხვადასხვანაირი ხიბლის, სხვადასხვანაირი შინაარსის, სხვადასხვაწახნაგოვანი „ქვებისგან“ აკინძული.

თითოეული მინიატურა-მოთხრობა, თავისებურად საინტერესოა თავისი შინაარსითა და ფერადოვნებით, შინაარსში წვდომის სურვილით, კამულობით, ენის გასატეხის “სინდრომით“ ხასიათდება თითოეული.

მიყვარს.

უსაშველოდ მიყვარს.

შვილივით მიყვარს თითოეული მათგანი, რადგან თითოეულზე, სხვადასხვანაირი შრომაა ჩადებული.

ჩემი ჩამოშალაშინებულია, ყოველგვარი ზედმეტობებისგან განთავისუფლებული და ჩამოხვეწილი.

16.06.2022 წელი.

თბილისი.



სისუსტე, უცოდინრობა თუ შიში?

შვილების აღზრდის პროცესში სიმკაცრე, მოთხოვნილება სწავლისა და წესრიგისადმი ვერ შევახამე მოფერებასთან.

ეს ჩემი სისუსტე იყო?

თუ შიში, სადავეები არ გამქცეოდა წარმატებისკენ სწრაფვისას?!

თუ უცოდინრობა ამ მხრივ, რადგან მეც ხომ მკაცრ ოჯახში გავიზარდე, მოფერების გარეშე?!

16.08.2020 წელი.
თბილისი.

მ გ ე

მზეს ვერ ვუყურებთ, ვერ ვათვალიერებთ; იგი ბრჭყვიალაა, ოქროსფერი, ამიტომაც ბრწყინავს და კაშკაშებს.

როგორც დედა, მზეც მისი კეთილი თვისებების გამო გვიყვარს და გველამაზება, რადგან ერთნაირად თბილია ყველასა და ყველაფრის მიმართ. უანგაროდ გვათბობს, გვკურნავს, ძალას გვმატებს, გვახალისებს, შთაგვაგონებს, გვკვებავს, გვაიმედებს.

მზეს ვადარებთ არსით კეთილ ადამიანსაც, კეთილშობილს, როცა იგი უანგაროდ დახმარების ხელს გამოგვიწოდებს, წაქცეულს წამოგვაყენებს, უძლურთ გადასასვლელზე გადასვლაში დაგვეხმარება,.. ლუკმას გაგვიყოფს.

02.09.2021 წელი.
თბილისი.



სიკეთე

სიკეთე რაიმეს ჩუქებას არ გამოხატავს, რადგან, შეიძლება ვინმეს იმ მოტივაციით აჩუქო, ძალიან ბევრი რომ გაქვს და მანაც არ დაგაკლდება.

უფრო დიდი სიკეთეა, როცა მშვიერი ერთი ნაჭერი პურიდან ნახევარს გიწილადებს.

02.09.2021 წელი.
თბილისი.

იმედი გადამრჩენია

როცა უიმედობით მოცულ სიბნელეში ხარ, რომ იცოდეთ, რაოდენ დიდი ძალა აქვს, თუნდაც ერთი პატარა სანთლის შუქ-საც კი...

ეს შუქი იმედია, რომელიც არ წაგაქცევს.

იმედი სალ კლდესავით გაგამაგრებს, ძალას შეგმატებს, შეუძლებელს შეგაძლებინებს.

იმედი გადამრჩენია.

26.10.2019 წელი.
თბილისი.

ბოლო ფიქრები

მეცნიერება როდის ავა იმ მწვერვალზე, გარდაცვლილი ადამიანის სიცოცხლის ბოლო ერთი საათის ფიქრები წაიკითხოს?!

ამით ბევრ კითხვას გაეცემა პასუხი: თუნდაც მეტყველება-წართმეული ადამიანის მიერ დანაბარები ანდერძის სახით;

აღსარებით პატიების თხოვნა ვინმესადმი;



ან რჩევა-დარიგება შთამომავლობისადმი.

ყურადსაღები იქნება ფიქრები, მკვლევლობისას ან თვითმკვლევლობისას.

09.09.2020 წელი.
თბილისი.

საუკეთესო ღირსება

ადამიანში საუკეთესო ღირსება ზომიერებაა: საუბარში, ჩაცმულობაში, ჭამა-სმაში; სიხარულის და მწუხარების გამოხატულებაში, სტუმრად ყოფნასა და სტუმრის მოწვევაში.

16.09.2020 წელი.
თბილისი.

თამამი მოსაუბრე

ზედმეტად თამამი მოსაუბრე „მიზგრავს“, „მთრგუნავს“, თან მაკვირვებს, რადგან მის საუბარში ხშირად სიბრძნე არ იკვეთება და წარმატების მიღწევას სითამამით ცდილობს.

ასეთთან ვჩერდები, რაიმეს დამტკიცების სურვილიც კი არ მიჩნდება.

ვგრძნობ, ერთმანეთისთვის ზედმეტნი ვართ. იგი ჩემში ვერასოდეს შემოვა და მე მასში შესვლას არც ვეცდები.

საბედნიეროდ ჩვენ აცდენილ წრფეებზე ვდგავართ და ვმოძრაობთ.

08.04.2022 წელი.
თბილისი.



„მაჰაჯვილს“ აზრი

ადამიანთან ურთიერთობისას, შეურაცხყოფის მიყენების შემდეგ, სიტყვა მაჰაჯვილს ან ბოდიშს მაშინ აქვს აზრი, თუკი მსგავსი საქციელი აღარ განმეორდება. წინააღმდეგ შემთხვევაში აბუჩად აგდების სინდრომი ყალიბდება და ზრდილობიანმა შეურაცხყოფილმა, წერტილი უნდა დაუსვას ამ ურთიერთობას სამუდამოდ.

14.06.2022 წელი.
თბილისი.

ღუმილი

ღუმილი გაცილებით მრავლისმთქმელია.

07.04.2022 წელი.
თბილისი.

წუთისოფლის კანონზომიერება

წუთისოფლის კანონზომიერებას ვინმემ თავი დააღწია?
ან შეცვალა?

ან ფულით, ან პროტეჟეთი დარჩა უკვდავი?

მადლიერნი უნდა ვიყოთ იმით, რომ წუთისოფელში დროებითი ცხოვრების უფლებით დაგვასაჩუქრა უფალმა.

10.09.2022 წელი.
თბილისი.

ადამიანური ურთიერთობები

ადამიანური ურთიერთობები უმთავრესია, ვიდრე მატერიალური ფასეულობები ან გასართობი ღონისძიებები.

19.05.2023 წელი.
თბილისი.



ბრბოს მმართველი

მაგნიტი მხოლოდ რკინას იზიდავს, გაპრიალებულსაც, და-
ქანგულსაც, ჯართსაც, მაგრამ არასოდეს – ძვირფას ლითონებს.

სწორედ მაგნიტია თავხედობაში გადასული, ზედმეტად თა-
მამი ადამიანიც, რომელიც ბრბოს იზიდავს, იკრებს და ისინიც
ეტმასნებიან.

ჭკვიანი ინტელიგენტი, „მაგნიტს“ ვერ შეეკვრება და ცალკე
დგას.

მაგნიტი ბრბოს იზიდავს და მისი მმართველია.

31.10.2021 წელი.
თბილისი.

მეგობრობას წლები ძერწავს

მეგობრობას უცებ ვერ შეიგრძნობ.

მეგობრობას წლები ძერწავს, აფორმირებს, აყალიბებს და
ბოლოს, გამოქანდაკებული, დახვეწილი არსებობს სიცოცხლის
ბოლომდე, თუ რომელიმე მათგანი ბინძურ რელსებზე არ გადა-
ვიდა ან არ გადაიყვანეს ურცხვმა ძალებმა.

თუკი მეგობარს მეგობრის წარმატების დანახვა უფროობით
ხარისხში სურს, ეს მის კეთილშობილებაზე მეტყველებს.

და...

თუკი ვინმეს ვარდზე მხოლოდ ეკლის დანახვა სურს, ე.ი. მის
სულში პრობლემაა.

11.10.2022 წელი.
თბილისი.



სჯომს

ყველა ქუჩის ძაღლის ყეფას ყურადღებას ნუ მიაქცევ, თორემ შენი საქმე გაუკეთებელი დაგრჩება და დარჩები ქუჩის ძაღლთა შორის მდგარი.

შენც, ყველა გამგლელ ძაღლზე შემყფარე, გაუფასურდები და თავსაც დაკარგავ, შენც ქუჩის ძაღლად „გადაიქცევი“.

შინაურ ძაღლს რა სჯობს?! ოჯახის ღირსებას იცავს და მხოლოდ უცხო მომხედურს უყეფს.

შენი საქმე აკეთე, ის სჯობს, ვიდრე სხვის ქილიკში დაიხარჯო ან სხვის გაქილიკებაში დაიწერო ქულები.

26.07.2023 წელი.
თბილისი.

პოლიციკა

პატრიოტი გონიერისთვის, პოლიტიკა მჩაგვრელია და მტერი;

უგულოდ მომხვეჭელისთვის – მსუყე სალაფავი სარბიელი.

07.10.2023 წელი.
თბილისი.

შეგმა

იყო დრო, სულის ტკივილი სისხლს მიშრობდა ძარღვებში და შეგებას ცრემლები მაძლეოდა...

მას შემდეგ, რაც ტკივილი დამიმეგობრდა და მეგზურიც კი გახდა ჩემი, ცრემლი აღარაა საჭირო. რომც მინდოდეს, არ გად-



მომდის. მაგრამ, რადგან ცრემლიც დასახარჯია, ახლა იგი მხოლოდ სიხარულის დროს ჩამომედვრება, საუკეთესო მომენტისას ან თუნდაც, ტელეფონით ყურადღებით მოკითხვისას, ახლობლის ან ოჯახის წევრის წარმატებისას.

07.04.2022 წელი.
თბილისი.

აფცლორიცვცი

გარკვეულ წლამდე, მოზარდობის პერიოდში, როცა შვილს შეეკითხებიან:

— ვისი შვილი ხარ?

იგი მშობელს ასახელებს.

თუკი მშობელი გამორჩეულია ან ცნობილია რაიმეთი, საზოგადოებას დიდხანს გაჰყვება მშობლის ავტორიტეტული დამოკიდებულება შვილისადმი.

ბედნიერია მშობელი, თუკი შემდგომში, იგი გახდება შვილის მშობელი, მისი ცნობადობის, წარმატების ან ავტორიტეტული მდგომარეობის გამო.

ვაი იმ შვილს, ხანდაზმულობისასაც მხოლოდ მშობლის ავტორიტეტით რომ საზრდოობს და ცხოვრობს.

14.04.2021 წელი.
თბილისი.



მეგობარი

მეგობარი კარდაკარ არ უნდა ეძებო.

იგი თავისთავად გამოჩნდება ან აღმოჩნდება შენს გვერდით. თავდაპირველად შენთან, შეიძლება, საჭიროება აკავშირებდეს. თუკი შემდეგაც გრძელდება მეგობრული ურთიერთობა, ე.ი. შენში მეგობარი, საყრდენი, აზრის გამზიარებელი და მრჩეველი იპოვა.

თუ ეს ურთიერთობა წლებს უძლებს, ე.ი. მყარია და სამუდამო გეჩვენება.

ისედაც ხდება, შენ რომ მეგობარი გგონია, ხედავ, ისეთთან მეგობრობს, რომლისნაირთანაც შენ არასოდეს ჩამოჯდები სასუბროდ და მისი თანამოაზრე არასდროს გახდები.

დასკვნას თავისთავად აკეთებ.

ის, ვინც მეგობრად მიგაჩნდა, მთლად ისეთი არ ყოფილა, როგორიც გეგონა.

ე.ი. შენი „მეგობარი“ ან ორმაგ თამაშს თამაშობდა, ან ახლა დაიწყო თამაში.

23.04.2021 წელი.

თბილისი.

მთაწმინდის პარკი.

მილაგებული სახლი

სახლში ყველაფერი ძველებურად მილაგებული და ყველა წვრილმანი ძველებურად თვალს მიფარებული აღარც მომწონს.

ვფიქრობ, „იქეთაც“ მეყოფა აურეველი ყოფა, თანაც სხვის დალაგებულში!!



რაც მიყვარს და რაც მჭირდება, ყველაფერმა უნდა შემახსენოს თავი: ჩემმა წიგნებმა, ჩანაწერების რვეულებმა მაგიდაზეც და მაგიდის უჯრაშიც, თავთანაც.

იქვეა ხელის, სახისა და ტუჩის საცხები, ხელის მასაჟორები, სათვალეები, მაგიდის ნათურა; საწრუბავი საწყლე, ჩაი, კაკაო ან ყავა; კალმები, სხვადასხვა ფერის, უამრავი, უმეტესად შავი; ფანქრები, სახაზავები, კორექტორი, სუნამო, სანტიმეტრიც კი,...

01.07.2021 წელი.
თბილისი.





ფრაზები



ადამიანური ურთიერთობა უმთავრესია, ვიდრე სხვა მატერიალური ფასეულობები ან გასართობი ღონისძიებები.

19.05.2023 წელი.

თბილისი.

•

შვილების დაფრთიანება სასიხარულოა, თუმცა სევდაც ახლავს.

04.07.2023 წელი.

თბილისი.

•

წუთისოფელი ადამიანურ ურთიერთობებზეა აგებული.
ეს ურთიერთობები ხან ჰარმონიულია, ხან წინააღმდეგობრივი.

29.07.2023 წელი.

თბილისი.

•

კრიტიკოსები ხშირად ქილიკოსები, ანუ ცინიკოსები არიან.

07.04.2022 წელი.

თბილისი.



•

ულირსი ვერ ჩასწვდება სხვის ღირსებას.

11.04.2023 წელი.
თბილისი.

•

ნაშრომი ღირსეულია, თუ მასში საღი აზრი და გულიანი შრომაა ჩადებული.

28.10.2023 წელი.
თბილისი.

•

ხმადაბალი, წყნარი მელოდია ჩაგაფიქრებს, დარდს შეგიმსუბუქებს და სასიცოცხლო ძალებს შეგმატებს, განწყობას გაგიუმჯობესებს.

22.10.2023 წელი.
თბილისი.

•

ცოდნის გადაცემის უნარებით ვყიდი არა ჩემს ცოდნას, არამედ მხოლოდ შრომას, რადგან ცოდნა კვლავ ჩემთან რჩება და,.. იგი უფრო და უფრო მყარდება სხვაზე გადაცემისას.

20.03.2023 წელი.
თბილისი.



- უფრო დიდი სიმდიდრე, ვიდრე შვილია, არ მესიმდიდრება. თუმცა, დიდი ტკივილია და ჯანმრთელობის დაუძინებელი მტერი.

13.04.2021 წელი.
თბილისი.

- თუ ოჯახი სიყვარულზე არ არის დაფუძნებული, მაშინ ის მართლაც ჯახი და ჯოჯოხეთია.

21.03.2023 წელი.
თბილისი.

- ქარის „მუსიკაზე“ აცეკვებული ტოტები, ფოთოლთა რუმის-გან შეკერილ კაბებს აფრიალ-აშრიალებენ.

30.05.2021 წელი.
4 სთ. 45 წთ.
თბილისი.

- წუთისოფელი საშრომ-საცხოვრებლად გვათხოვა უფალმა. გავუფრთხილდეთ და უვნებელი დაუტოვოთ ჩვენს შემ-დგომთ.

09.06.2021 წელი.
თბილისი



- კუთხეში, მარტოდმარტო მდგარი, შევყურებ სამყაროს კანონზომიერებებს.

ვაკვირდები მის სახეცვლილებებს და ვიხიბლები ამ ცვლილებათა სინქრონულობით.

27.06.2021 წელი.
თბილისი

- სიცოცხლე დროებით გვაჩუქა უფალმა არა სამყაროს სახრავ-დასარბევად, არამედ კარგად შესაგრძნობ-შესათვისებლად და მოყვრულად გამოსაყენებლად.

16.02.2022 წელი.
თბილისი.

- ქალს დედობა ბევრ სიახლეს აღმოგაჩენინებს, ჯერ თავისთავში და შემდეგ სამყაროში.

19.03.2022 წელი.
თბილისი.

- უშედეგო შრომა განადგურება და წაშლაა წუთისოფლიდან.

09.06.2021 წელი.
თბილისი

•
წერა მარტოობისგან თვითგადარჩენის ერთ-ერთი ხერხია,
თერაპიაა ერთგვარი.

27.06.2021 წელი.
თბილისი.





სარჩევი

მარტოსულობის წიბო.....	3
მადლიერი ავტორისგან	9
ლ ე ე ს ე მ ი	
ნაბუხრალო.....	11
გულწრთელი მიზის ნაჩურჩულატი	13
მზის სხივად მოგვევლინები	13
ჩემთვის, ესაა სამშობლო	14
ვინც ვიყავი, დღესაც ის ვარ	20
მუბა წყალობაა.....	21
უფალს გულს ვუშლი	22
დედის ამაგი.....	23
მზის მადლი შემოდგომაზე	24
სამშობლოს ჩემეული ინტერპრეტაცია	25
მე რომ აღარ ვიქნები	26
შემასმენელი.....	27
წუთისოფელი ქველია	28
ზამთრის არია	29
თავის უფალი	30
საუკეთესო მოსაგონარი.....	31
გაუხუნარი	31
მადლიერება ლოცვად გულში	32
ნაბუხრალი	33
გარდაცვალებათა სერია.....	34
მონანული სული	35
შუხუთი ჩემი ძიძა	36



ღარები ბორცვზე	37
ფიქრებმა გამამათრახა	38
სიცოცხლე მომხიბლველია	39
თვითონ გავალ ფონს	40
მზეს ვნატრულობ	41
დროა, გამოიღვიძონ!	42
ზამთრის პირი	43
ის დრო მენატრება	44
უცნობ გოგონას	45
თვით - ირონია	45
არც ჩანავლდება კერია	46
სიცოცხლე ერთადერთია	47
დავდევი ზავი	47
ქვა ვარ	49
ოცნება	50
ნაფქვავი	50
ჩემი წარსული ხელკავით დამყავს	51
სევდიანი თვე	52
გვიხსნის ტრადიციულობა	53
ვის უნდა ცოდნა?!	53
ცოტა მაცალე ღმერთო	54
რეალობა	54
კონფისკაცია	55
„მასხარას“ სცენარი	57
ჩემი მეგზური უფალია	58
ვაი სირცხვილო?	60
ბოდიში ბატონო!	61
ჩარაზული	61
მარტოკას ყოფა	62
არ გადავჩეხავ	62



სანატრელი ალცაიმერი	63
ღმერთო ჩემო	64
უფალმა მომხედა	64
ცრემლის არსი	65
ვაი იმას	65
ჯანგაცვეთილი	66
დრო	66
გულის ჩურჩული.....	67
სამყარო	67
ჩემი გული	68
ბუქის გარეშე.....	69
მარტოღმარტო.....	69
პატალელები	70
საგულისხმო პარალელები ანუ უფლის გზა	70
სამწუხარო პარალელები.....	83
მსურს და... მძულს.....	85
სხვადასხვა დროის განწყობები	93
საბავშვო.....	96
პირველი თოვლი.....	96
ზარმაცი ნია.....	97
სამი წლის კორექტორი.....	97
ყოჩივარდა	97
ნაუბრები.....	98



პ რ ი ზ ა

წერტილი დასასრულია 111

გზადაგზა ნაფიქრალეები 113

ბაუჭობაში გასაკუთებული 113

აღაძანთა დამაკვირებელი 114

ანრიონების სპექტრი 115

გარდაცვალება და სიკვდილი 116

გაუფრთხილდი და ასახელები 118

გზის დასასრულს 118

დამბრკოლებელი და გამაძნეებელი 121

დაუცველობის სინდრომი 123

დედა დედანაშობილთა 125

თვალთვალი 127

მარადიული სიყვარულის სიმბოლო 128

მზე შეკლა 132

მისაბაბი პატრიოტები 133

კეთილმოგინებათა სკივრში 138

შმიშრას შეკლდითები 140

თმის ანარეკლი 142

ბირიონება ერთონებაში 144



როგორც შაკრატელი145

სეკდაშებურული ქალის ბორტრეტი149

სიკოცხლის სეზონები და პერიოდები.....150

სიკოცხლის უქმარისობა154

უსიყვარულობა სასჯელად.....156

წერტილი დასასრულად157

წარმატების საწინდარი.....159

წრეწირის ცენტრი და რადიუსები.....161

შიში და საშიში164

ღრუბლის დატყობილება ცრემლებით.....166

გულში ჩანაგუბარი.....168

 აბსურდულობა – გმირობის საწინდარია?168

 ამოუცნობი ღუდაბი170

 აღ თქმა.....173

 გამონატკეპის მოულოდნელობანი175

 გაუთვლელი სიკეთე.....179

 გაუხუნარი ქესსიერება.....183

 გზა გოლგოთისკენ.....187

 დაბადება.....191

 თვითგადარჩენის გზა.....196

 მაგრობა200



ცხოვრება შვირღება262

წამოყოფილი263

სიშვიდის და ბედნიერების გარანტი265

ჩემი წარსული სხვისთვის წასულია 268

კლკას ქენი მოპყება268

გამოთხოვება დედაშვილ ლამაზსთან282

მინიატურული ჩანაწერები 287

ანბანური კრიალოსანი 287

სისუსტე, უცოდინრობა თუ შიში? 288

მ გ ე 288

სიკეთე 289

იმედი გადამრჩენია 289

ბოლო ფიქრები 289

საუკეთესო ღირსება 290

თამამი მოსაუბრე 290

„მაპატიეს“ აზრი 291

დუმილი 291

წუთისოფლის კანონზომიერება 291

ადამიანური ურთიერთობები 291

ბრბოს მმართველი 292

მეგობრობას წლები ძერწავს 292

სჯობს 293

პოლიტიკა 293

შეება 293

ავტორიტეტი 294

ნაკვძის ნათლოთები 

მეგობარი 295

მილაგებული სახლი..... 295

ფრაზები..... 297



კომპიუტერული უზრუნველყოფა
ციცინო ჩხაიძე
ნანა ღუმბაძე

ყდის იდეა და დიზაინი ავტორის
ნახატი ბესიკ კუბატაძის
კომპიუტერული ამწყობი
ირაკლი უშვერიძე



დაიბეჭდა

გამომცემლობა „უნივერსალი“

თბილისი, 0186, ა. ჯორჯიაძის ქ. №4.

☎: 5(99) 17 22 30; 5(99) 33 52 02

E-mail: gamomcemlobauniversali@gmail.com

universal505@ymail.com



დაიბადა ლანჩხუთის რაონის სოფელ შუხუთში, 1955 წლის 16 იანვარს. 1972 წელს დაამთავრა შუხუთის საშუალო სკოლა. პროფესიით ეკონომისტია. წლების მანძილზე მუშაობდა ინჟინერ-კონსტრუქტორად.

პყაეს ხამი შვილი და ხამი შვილიშვილი.

„ნაკვში ნაფლეთები“, ციცი-ნო წახიძის მეოთხე, პოეზიისა და პროზის გაერთიანებული კრებულია.

15 მანუ

